




625 | 610 | 1.1.2

ne następny egz.

1

Be



Ex-Libris  
PODHORCE

AGAT. 627

291


16.1.10



10.1.10.













De  
POLITICA HOMINUM SOCIETATE  
LIBRI TRES  
Auctore  
AARONE ALEXANDRO OLIZAROVIO  
*Iurium Doctore, et eorundem in Alma Universitate Vilnensi  
Professore ordinario Serenissimi Principis Neoburgensis  
Confiliiario.*



*Severin* DANTISCI, *Kiewsk*  
Sumptibus GEORGII FORSTERI S.R.M. Bibliopolæ  
Anno 1651.



391212

—  
11  
—




Godh. 795

Bibl Jag



*Illustrissimo ac Celsissimo Domino,*  
DOMINO  
CASIMIRO LEONI  
SAPIENHA,  
Procancellario Magni Ducatus  
Lituaniae, Slonimensi, Volpensi,  
Luboszanensi. &c. &c.  
GUBERNATORI,

*Domino & Patrono sibi æternum colendo.*

ÆPE multumque mecum  
soleo, Heroum optime, cogi-  
tare, quid sit, quod homines  
quævis alia potius, quàm li-  
teras, ingenuasque discipli-  
nas expetant: Idque non solum vulgus,  
aliique è plebe promiscui, qui cum *Epi-  
curo* & pecore ventre maximum bonum,  
cæterisque corporis gaudiis definiunt, sed  
etiam dynastæ, majorumque gentium



## E P I S T O L A

principes. Quis enim non videt, plurimos de apice nobilitatis, ortuque illustri heroes, adeo infensos esse infestosque literis, ut in earum perniciem Catilinariam conjurationem iniisse videantur, hominesque illis deditos, tanquam telluris inutile pondus contemnant, ac viliores habeant aulicis turmis, & mensariis adulatoribus, quod genus hominum, decoquendis opulentarum familiarum patrimoniis, superba stulti infelicisque sæculi ambitio destinavit. Vix est aliqua aula, præsertim potentum, in qua non sexcenti, pro maximis stipendiis, somno dies, noctes *Baccho* ducant vigili. Nam singularis cujusdam magnificentiae esse creditur, totas opes in otiosam turbam nulliusque frugis homines profundere. At verò pauci nimis sunt, qui foveant eruditos, & his pauciores, qui eos præmio aliquo dignos esse censeant. Atque inde est, quod his seculis honestissimæ disciplinæ jaceant, vitia verò ac malæ



læ artes triumphent. Nec mirum, quia sublato rerum optimarum præmio, omne certamen ad turpia, multo honore quæstuque vigentia transferri necesse est.

Causam hujus rei non aliam invenio, quam quod literas, alii nobilitatis labem, alii hominum otiosorum nugas, alii etiam cum *Licinio Imperatore*, pestes esse reipub. existiment. Quorum opinio non modo temeraria, sed etiam stulta semper habita est, eamque & prisca vetustas, & doctissimorum hominum volumina, & maximorum heroum exempla, redarguunt. Nam (ut alia taceam) apud Romanos teste *Paulo Nîavi*, nemo satis in re militari præstans videbatur, qui non simul in literis quoque esset excellens, à quibus majori honore afficiebantur, qui rem literariam; quàm qui imperium propagabant. Etenim viros militares, & gladio defendentes patriam, homines regios, eos verò, qui literas exornabant, divinos appellabant.



## E P I S T O L A

bant. Nec fortassis injuriâ, quia semper plus sapientiâ, quam lanceâ, partum est in omni repub: nec lancea sine sapientia. Nam *Architas Tarentinus* sexies dux exercitus, & *Melissus* multis navalibus victoriis insignis, *Socrates*, *Plato*, *Xenophon*, *Pericles*, *Epaminondas*, *Themistocles*, cæteraque Græciæ propugnacula; *Scipio*, *Lucullus*, *Fabius*, *Marcellus*, *Julius*, *Augustus*, Romani imperii columnina, non tantum armorum, sed etiam literarum laude floruerunt. *Alexander* verò ille, cujus bellicæ laudes iisdem finibus, quibus mundus terminatur, non illa sua doctrina, quâ eum *Aristoteles* decem annis instituit, nec uno aliquo, aut paucis eruditissimis fociis fuit contentus, sed quasi cohortes doctissimorum hominum semper secum duxit. *Alexandri* exemplum secutus *Alphonsus senior*, *Calabriæ dux*, *Alphonsi regis* avus, nunquam sine doctis & sine libris in expeditionem proficiscebatur. Existimabat enim bellum, in quo (ut bene qui-



D E D I C A T O R I A.

quispiam dixit ) nemo bis peccat , magis consilio quam vi procedere. In qua etiam sententia ( ut omittam plurimos ) fuit *Calistus III. Pontifex Maximus*, qui, cum multi timerent , ne à *Jacobo Picinino* bellum moveretur , timidos bono animo esse jubebat , dicebatque , habere ecclesiam Christi tria millia , & amplius , literatorum hominum , quorum consiliis sapientiâque omnes omnium simul *Europæ* ducum conatus facile reprimi atque contundi possent.

Quòd si literæ tantum præstent adjumenti sago , quantum eas togæ præstare credendum est certè sine adminiculo illarum nec publicè quidquam nec privatim satis feliciter cedit: imo ut visum est melioribus atque ad sapientiam natis animis , ne vivere quidem sine illis more humano hominibus licet. Sublatâ enim ( ut *Tullius* loquitur ) cognitione & scientia , tollitur omnis ratio , & vitæ degendæ , & rerum gerendarum. Multi quidem in ea  
sunt



## E P I S T O L A

sunt sententia, ut humanitatem, & prudentiam, non solis eruditis, sed etiam literarum imperitis tribuant: verum hoc iudicium maxime est illorum, qui bonas literas ne à limine quidem salutarunt, quod quanti faciendum est, orbis iudicio relinquo, quamvis juxta luculentum comici testimonium: *Illiterati quod vident, id non vident, literati duplo acutius vident.* Quod cum persuasum haberent viri illi, quorum nomina literæ immortalitati consecrarunt, nihil literatis carius habuerunt. *Homero Ptolomæus Philopater* templum dedicavit: *Platoni Dionysius* in *Siciliam* venienti vittatam navem obviam misit, & in littore quadrigis albis excepit. Eundem *Platonem Aniceris Cyrenæus* ab *AEginetis* captum redemit, pecuniamque à *Platone* remissam repudiavit, dolens se non eâ summa in *Platonem* liberalem fuisse, quam reddere *Plato* non posset. *Philippus Macedo* magis lætebatur, quod ei *Alexander* filius tempore *Aristotelis*,  
magni



D E D I C A T O R I A.

magni illius Philosophi natus esset, quam quod natus esset. Apud *Alexandrum Magnum* quo loco eruditi fuerint, vel inde licet con-  
jicere, quod cum quidam insignem ei nun-  
ciaturus victoriam dixisset, optatissimum  
tibi rex affero nuntium, ille interrompens,  
num *Homerus* à mortuis revixit, interroga-  
verit. Idem quam in doctos liberalis fue-  
rit, testis est *Aristoteles*, *Anaxarchus*, aliique infi-  
niti Philosophi, munificentia illius suble-  
vati. *Marcus Antoninus Imperator*, *Frontoni* Phi-  
losopho, quem dicendi præceptorem ha-  
buerat, statuam erexit. *Scipio Africanus Ennii*  
statuam sepulchro suo imponi jussit. *Tra-  
janus* Romam ingrediens, *Dionem Prusum*  
curru suo honoravit. *Alphonsus Arragonum &  
Siciliæ* rex, non tantum doctos in omni sci-  
entiarum genere viros amavit, sed ipse et-  
iam impensè bonorum auctorum lectioni  
operam dedit. *Hispanos* quingentis atq; eo  
amplius annis à studiis humanitatis usque  
adeò abhorrentes, ut qui literis operam



## E P I S T O L A

impenderent, ignominia propemodum notarentur, ad literarum cultum sic revocavit, ut rudes propèq; efferatos homines, doctrinâ & eruditione mansuefecerit. Sæpenumero dicere solebat, se malle regno, quam eruditione carere. *Cæsar* Commentarios in omnibus expeditionibus secum habebat. *Capuæ* dum ægrotus decumberet, lectione *Q. Curtii* securatum fuisse asseruit. Febricitans cum *Aurispæ* viro doctissimo, multa de literarum studiis disseruit. In urbium direptionibus libri ex præda omnes ad eum magni muneris instar deferabantur. Librum denique apertum pro suo insigni gerebat. *Clotarius* *Sadragosillum* ludimagistrum, quod *Dagoberti* filii sui adolescentiam instituisset, *Ducatu Aquitanico* donavit. Atque hanc inter præcipuas causas docti viri numerant, cur prisca illa virtuti-que amica sæcula, plures literatos, quam hæc nostra tulerunt, quod nimirum major eruditorum fuerit æstimatio, & secundum  
 illam



## D E D I C A T O R I A.

illam majores etiam facultates. Nam ut disertè *Paulus Manutius* in sua epistola ad *Decentianum* dicit: Opes & fortuna ad literas pertinent vel maximè: cursum enim ingeniorum retardat, vires debilitat ac frangit inopia. Certè non *Aristoteles* aut *Plato*, illa Græciæ lumina, nec *Cicero* aut *Plinius*, tam multa literis mandare potuissent, nisi summum illis otium, rerum omnium affluentia peperisset. Domi alebant servos eruditos: contubernales habebant eximiis præmiis accersitos ex ultimis terris, rhetores, historicos, præstantis ingenii, singularis doctrinæ philosophos, cum his se quotidie exercebant, commentabantur, disputabant: horum omnium operâ quatenus liberet, utebantur. Longiùs non nihil processi disputando, deque temporum in literas iniquitate querendo. Sed apud illum, cui curæ est fama temporum, qui-que meritò inter literalia sæculi bona numeratur. Nam ut patriæ & religionis, ita

b 2

etiam



## E P I S T O L A

etiam literarum tutela divinitus Tuæ Illustrissimę domui Mœcenas Amplissime videtur esse commissa. Ut enim taceam alios, Illustrissimus Celsitudinis Tuæ Parens, immortalis ille memorię heros, summus Palatinus, idemq; summus imperator, cujus heroicas virtutes ac facta, & præsens ætas admiratur, & omnis, quæ futura est, loquetur posteritas, ille, inquam, publico bono natus dynastes, quid non causa religionis, cujus acerrimus semper fuit propugnator, fecit? in Senatu potentissimis ejus adversariis fortissimè restitit: templa magnifica multis in locis excitavit, in plurimis restauravit, auxit redditibus, sacris vestibus ornavit, pretiosa supellectile ditavit. Idem quantum patriam tam consiliis quam armis tutatus est, quis, præsertim hoc loco, dignè commemoraverit? Arma illius cum omnes patrię hostes sensere, tum præcipuè *Moscus*, qui ingenuè fatebatur, solum *Leonem Sapieba* sibi esse terribilem: at verò

con-



D E D I C A T O R I A.

consilia prædicat patria, quibus etiam-  
num in acceptis refert, quicquid justī ha-  
bet, quicquid legitimi respublica. Nam  
cum sapientissimus imperator intellige-  
ret, imperatoriam dignitatem, non solum  
armis decoratam, sed etiam legibus debere  
esse armatam, ut utrumq; tempus, & bel-  
lorum & pacis, recte possit gubernari, ma-  
ximo studio in leges patriæ incubuit, mul-  
tisque illarum correctis, reliquas in lucu-  
lentam erexit consonantiam, ac in opti-  
mum ordinem digessit, quod opus ma-  
gnū profecto est eximiæ ejus eruditio-  
nis argumentum. Ut autem ipse singulari-  
ter fuit eruditus, ita quoque ad eos hone-  
standos, qui se optimis artibus dedide-  
rant, singulare suum studium conferebat.  
Atque is imperator Te, Illustrissime Do-  
mine, felicissimum fidus, & reipublicæ sa-  
lutare, progeniuit, qui tanto patre geni-  
tus, non solum rerum, sed virtutum quo-  
que illius, & gloriæ verus hæres existis.



## E P I S T O L A

Quam rem plurimis confirmare possem  
 exemplis, si mihi per verecundiam tuam  
 liceret, aut proluxa laudatio epistolæ con-  
 veniret: id solum dico, nulli tantum his  
 temporibus patria, nulli religio, nulli lite-  
 ræ, quantum Tibi debent. Te unicum  
 tutamen, Te habent præsidium, qui non  
 minus in fago, quam in toga, pro illarum  
 incolumitate excubas, parum ratus ero-  
 gare opes, nisi quoque laterum, corporis-  
 que sui oppositu defendas. Ex quo veri-  
 us, nunc patria Tibi, quàm olim Roma  
 suo *Julio Cæsari* tribuit elogium. Ex utro-  
 que, cum à Te, & ornamenta pacis, &  
 præsidia belli habeat. Inter pacis decora;  
 lucet inprimis Tua singularis eruditio, o-  
 ptimarumque artium scientia, quorum  
 studio certas cum *Alexandris, Trajanis, Alphon-*  
*sis*, & si qui alii fuerunt in literas literatos-  
 que propensi. Clamat id vel ipse nullis  
 tacendus sæculis *Tacitus*, manibus Tuis in  
 tanta publicarum mole curarum detritus:  
 cla-



D E D I C A T O R I A

clamant infiniti libri à Te diligentissimè  
 evoluti : clamant inclytæ aulæ Tuæ fa-  
 muli , viri non minùs virtute , probitate ,  
 morumque elegantia , quàm omnis gene-  
 ris scientiis conspicui , inter quos Tu alter  
*Apollo & Phæbus* , alter ut matutinum coru-  
 scas astrum. Ad eadem ornamenta ( ut  
 plurima taceam ) illa quoque sæculis o-  
 mnibus prædicanda pertinet munificen-  
 tia Tua , quâ pulcherrimum donum ge-  
 neri mortalium dedisti , quaque *Astræam* ,  
 novasque Musas Vîlnensi civitate donasti.  
 Erunt erunt illæ perennia liberalitatis , ma-  
 gnificentia , gloriæque Tuæ monumen-  
 ta , pyramidum situ altiora , fortunæ impe-  
 rio majora. Nam quamdiu urbs hæc sta-  
 bit , quamdiu patria , quamdiu genus hu-  
 manum & literæ durabunt.

*Semper honos nomenque Tuum , laudesque  
 manebunt*

Ut *Leo Decimus* , pulcherrimâ famâ dicitur  
 Pontifex reparandis natus literis in *Italia* ,  
 ita



## E P I S T O L A

ita Tu *Leo Secundus*, iisdem natus propagandis, diceris Princeps in tua Patria, quam nunquam rudium & idiotarum ignobile nomen infamabit, si Academia nostra Vilnensis, sub Tuo clypeo & tutela, si inquam, hoc Musarum domicilium, tot Principum, tot Præfulum, tot clericorum, tot religiosorum, aliorumque præstantissimorum in repub. virorum ac luminum mater, protegatur, conserveatur, augeatur. Cujus exigua ego infimaque particula, hunc qualemqualem laborem meum, quem publicæ lucis jurisque facio, Illustrissimæ Celsitudini Vestræ, Cui me omniaque mea debeo, dicatum sacratumque esse volo. Exiguum est munus, sed ab exiguo, cuius gratitudinem, quæ Celsitudinis Tuæ humanitas est, animo potius quam re æstima-bis, librumque hunc sub Illustrissima tua tutelâ diem videre permittes. Ego interim Deum Optimum Maximum intimis



D E D I C A T O R I A

mis venerabor precibus, ut Illustrissimam Celsitudinem Vestram diu servet semper incolumem & felicem. Dabam Vilnæ Kalend. August: Anno Domini 1650.

*Illustrissimæ Celsitudini Vestræ*

Devotus Cliens

AARON ALEXANDER OLIZA-  
ROVIUS.

CAN-



## CANDIDO LECTORI.

**V**T ingenium, ita & stylus non est omnibus scriptoribus idem, Lector Benevole. Quibus facilius est ingenium, araneas plerumque imitantur, quæ opera sua ex se ipsis conficiunt: qui verò minus eodem valent, similes sunt apibus, confectum jam mel de floribus colligentibus. Inter hos posteriores me quoque postremum esse facile agnosco, qui in tres istos de Politica hominum societate libros omnia fèrmè ex aliis auctoribus transtuli, phrasi etiam illorum quoad licuit servatâ, tum quia magnorum virorum etiam verba magnum habent pondus apud eruditos, tum quia usitatum est Iureconsultis, eorum scriptorum loqui verbis, quorum auctoritate nituntur.



C A R M E N

*Clarissimi Iuriconsulti, Domini*

SIMONIS DILGER

Morenweisensis Bavari, in Academia

Vilnensi Jurium Antecessoris, in libros de Politica

Hominum Societate, à suo COLLEGA

conscriptos.



N iterum dubita cernens florere nocentes  
Vexarique pios, stimulari in praelia gentes  
Impunè, antiquas unà cum civibus urbes  
Everti, vendi leges, fraudesque clienti  
Innecti passim, transiri foedera, ad aras  
Ense sacerdotum celebrantia colla recidi,

Ipsas exuri, coelum parere magiè,  
Foedarique toros, num nulla vel inscia nostri  
Numina sint, casuque ingens aut arte regatur  
Orbis, & an vitium poenas, sua praemia virtus  
Sint habitura, aliquid nostri post fata supersit.  
Nox erat, & coelo radiabant astra sereno,  
Curarum requies homines sopor altus habebat,  
Solutus ego vigili spectavi sidera vultu,  
Tam vasti quo sit miratus machina mundi  
Incorrupta modo, tot jam servata per annos,  
Nec confusa semel, quamvis tot corpora volvat,  
Quamvis diversis rapiantur motibus orbes  
Stelliferi, oppositis sint praedita viribus astra,  
Haud tamen exitium sibimet sedive beate  
Haecenus attulerint, mundi inferioris & ipsa  
Supposita ambigue vastarint corpora lunæ:



Porro mole sua stellas excedere terram,  
Hanc lunam, quamvis illæ sint iudice visu  
Ut gemmæ clypeos aptæ distinguere lunam:  
Quæque latent majora putans post sidera, quæ dum  
Solicita indago semper fugientia mente,  
Ecce tibi subitâ vi retro impellitur Arctos,  
Diffugiunt stellæ ardentes, cælumque patescit.  
Obstupeo visum, ceu circumventus ab hoste  
Sævo, atque aspiciens, medio super æquore ventis  
Concussæ navis lacerari vela magister.  
Incidio, an forsân cecisissent sidera, vindex  
Fortius ut possit cordi intorquere sagittam  
Jupiter, ætheriam tunc cùm propendimus intus  
Arcem, iudicium quod non responderit illi:  
An verò, cum jam tristetur dira Megæra  
Se vitiis hominum vinci, sua fulmina totum  
Effet an illæso cœlo sparsurus in orbem.  
Atque hæc dum frustra volvo, trepidusque revolve,  
Ecce Jovem subito solito sedisse recessu  
Cœlicolûm magna circumcingente coronâ  
Aspicio. Mora nulla fuit, cùm terque quaterque  
Concutiens illustre caput sic fatus ab alto est.  
Ergo Aquila ætheriæ pridem gratissimus aulæ  
Austriaca ad tempus supra vineta residat,  
Magnanimusque Leo, nostræ custodia Romæ  
Adversus Boream, generosos contrahat ungues,  
Nec strepat invicta funesta è buccina Turri,  
Alba nec inficiant se Lilia sanguine, ferrum  
Condat & Heroum genitrix Aquilonius orbis.  
Tu tamen interea Mavors ne pone furorem,  
Turba Asiam, & duro bello confunde Britannos.  
Vix ea dicta dedit, cùm se Cyllenius ales  
Infert concilio medium, cui Jupiter, anne  
Concilio hoc dignum fili quid ab orbe tulisti?

Anne



Anne exacturum dotem dominator Averni  
Ut quondam viduus nostram te misit ad arcem ?  
Ille refert, dotem non poscit rector Averni,  
Ne timeas blandè tractatur filia, doti  
Imputat ille viros Arctoo Marte peremptos,  
Diverſoque aliàs bello cum Turribus altis  
Quos Aquila attrivit concuſſis fortiter alis,  
Discerpsitque Leo, fudit Lithuana juvenus  
Nuper & Adriaca. Huic doti modò, supplicat, addas,  
Ut per te strictus fiat spatiosior Orcus.  
Finierat Natus. Fiet, Pater inquit, Averno  
Ne gener, ut quondam viduus, confundere Olympum,  
Et veteres patris tentet laxare catenas.  
Quippe hoc si fiat, nunquam trepidarit Olympus  
Tantum. Nam gentes modò sunt quæ lumine sicco  
Aspiciunt cædi Reges simulachra Deorum,  
Hæ promptè Diti conjungant arma feroci,  
Ut quoque me cæſo regeretur pluribus axis.  
Subjicit his Natus, cùmque hæc mandata dedisset  
Dux Erebi, velox superas evado sub auras,  
Sarmatiam versus, tellus ubi terminat æquor.  
Teutonicum, innumeræ stant ordine littore puppes,  
Huc quibus occiduus, quidquid parit, advehit orbis,  
Quod rursus fidis manibus dispensat in Ortum  
Urbs juxta insignis Latialisque æmula Romæ  
Non armis ulli Cræſo cessura nec auro,  
Magna tui cultrix & servantissima Justi  
Nomine Dantis cum. Nos hanc intramus, & illa,  
Sub qua centoculum quondam excæcavimus Argum,  
Forma directè Fortunæ recta subimus,  
Hic ubi magnorum generosè gesta virorum,  
Sarmatiæ feros quondam accensura nepotes,  
Perpetuat pariter Forsterus Apolline natus :  
Hic ubi doctorum magna arte cerebra virorum



Distillata jacent famam paritura parenti,  
Et cum præsenti mundum doctura sequentem,  
E quibus, Europæ causam quòd tractet & axis,  
Arripui hoc unum, cum dicto promit & offert  
Submisso vultu patri, pater accipit illo  
Et lustrat vultu, quo terram axemque serenat.  
Nec mora longa fuit, cum sceptro innixus eburno,  
Et diadematus solio sic infit ab alto.  
Cœlicolæ magni, dum vos mundumque gubernò,  
Multę animos curæ vestros anxere meumque,  
Prima erat Enceladus, viduus Dis altera, Mundi  
Tertia luxuries, proles Climenciã quarta:  
His mea successit Roma, huic Europa furore  
Concita nuper, at has facili superavimus arte.  
Fulmen opus nostrum est, generosaque pectora, & unde,  
Illo sideream scitis servavimus aulam  
Enceladum audacem adversus Phœboque creatum,  
Legiferæ Cereris Natâ pacavimus Orcum,  
Mersimus impurumque genus mortale sub undis,  
Marte sato Romam facile olim ereximus urbem,  
Auximus Augusto, Fabio servavimus, & nunc  
His genitis iterum Europam sedavimus, omnes  
Nam nostra mecum spectastis nuper ab arce  
Sarmatiæ Regem, Divûm genus, obvius hosti  
Innumero cùm se ferret comitante Leone  
Lithuano, intrepidusque suum accensurus obiret  
Agmen fulmineo vibrato fortiter ense,  
Illo alibi interea Scythicas sternente catervas:  
Spectastis dico nuper factumque probastis,  
Cùm rem Polonam magno turbante tumultu  
Sistebat, regni cùm primò assumpsit habenas.  
At nunc quid faciam? Bello durante remisso  
Excidit armorum strepitu suus urbis ordo,  
Disciplina, Deûm cultus, respectus honesti,



Cura juventutis, communis cura salutis,  
Succedere loco, discordia, furta, libido,  
Contemptus nostri, cum fraude superbia, luxus,  
Venditio legum, privati cura peculî,  
Scilicet à castris ut non insignibus urbes  
Differrent. Huic unde malo medicina petetur  
Consultum non est nobis hac sede relicta  
Visere mortales posita gravitate Deorum.  
Notus Echionides Baccho est, nobisque Lycaon,  
Tantalex Venus horret adhuc convivia mensæ,  
Odit adhuc Paridem cum Pallade Juno sub Ida,  
Latona à Lyciis passa est, Actæona Phœbe.  
Se vidisse dolet, noctem sibi Atlanta negasse  
Perseus, à Batto sibi propria prodita furta  
Mercurius, terras contempto Astræa reliquit,  
Nec sine nunc lepra est mundus, manet illa propago,  
Sunt Batti, Parides, Lycii, injustique Sifamnes,  
Rufini, Eutropii, Atlantes, vivitque Lycaon.  
Numinis hi mallent cædem, quàm Cæsaris iram.  
Hinc quis non timeat terras. Sed ponite curas  
Cœlicolæ, cœlo tuti remanebimus, isto  
(Cum dicto titulum libri nomenque parentis  
Prælegit) isto inquam communis cura salutis,  
Disciplina domo, pulcher suus urbibus ordo,  
Judiciisque vigor, veterum custodia legum,  
Debita virtuti merces, sua pœna scelestis,  
Hactenus egressi mentes distinctio cultûs,  
Cura juventutis, miserorum cura clientum,  
Ornatus templis, nostri reverentia, honesti  
Respectus populis, majestas pristina regnis,  
Ut postliminio cœlo gaudente redibit,  
Florebitque iterum felix, ut floruit ante  
Sex lustra abjectis armis Europa magistro.  
Dixit, & extemplo Junoni porrigit, illa

Accipit



Accipit & lustrat vultu quo nupserat illi.  
Mox bene laudatum reliquis Dīs porrigit, illi  
Certatim lustrant, laudant, placet usque morari,  
Et dignum, tellus, dignum, cui serviat æther,  
Afferere autorem, decernere præmia, Mavors  
Dat clypeum, formamque Venus, vinumque Lyæus,  
Triptolemus currum, jungit Sol aureus aurum,  
Arva Ceres, addit Pallas sua munera Musas,  
Et quo quisque Deūm meruit sibi thuris honorem.  
Ergo, subjungit Pater, immortale putatis  
Vos compensari terreno munere posse?  
Et tu cum clypeo quid Mars? Non indiget ille  
Numinibus nostris tutus, Cythereaque formam  
Formoso Paridi promittis, pignora mentis  
Excelsæ num non hoc indicet, aspice, vultu,  
Tu quoque littoribus siccis mea Pallas arenas  
Adjicis & nostro stellato sidera cœlo,  
Ille Deos didicit, Naturam, Jura, quid ergo  
Artis opus dono? Nil jam conferre valebis.  
Ergo quid his majus decerne Themistia proles  
Astræa auctori nostro, te judice sceptrā  
Transfero, distribuo cœlum, castigo nocentes,  
Tu cum sola Themī nosti quid jura, quid æquum.  
Nam Venus in lecto, Mavors ad tympana, currum  
Triptolemus, falcemque Ceres, Pan magnus ovile,  
Ad telam Pallas, liquidas Neptunus ad undas,  
Phœbus ad incurvos arcus, ad pocula Bacchus,  
Et stratura feras inter venabula Phœbe,  
Non didicit leges nostras, nec discet, & inde  
Præmia quī merito statuet pœnamve nocenti.  
Hæc ubi dicta dedit, sic ora Astræa resolvit.  
Rex hominum, Divūmque pater, qui numine torques  
Astra tuo, & terras, & crebro fulmine terres,  
Ut rata magnorum maneant oblata Deorum,

Cum



Cum cœlo terra Europæa reserviat illi,  
Ductaque jam vitæ Lachesis sua fila retexat,  
Quô felix annis annosum Nestora vincat,  
Tum cœtus nostri pars intret sidera, mundi,  
Quas alios docuit, tecum redurus habenas;  
Interea pretii famâ super æthera ferri  
Illi pars sit, ea est animi sententia nostri.  
Assensere Deæ cuncti, pater annuit ipse,  
Et placido nutu totum recreavit Olympum.  
Tum surgunt intraque Jovem sua limina ducunt  
Coelicolæ, pulcher post quos incessit Apollo,  
Increpuitque lyra firmans promissa Deorum.



# NOMINA AUCTORUM, qui in his libris bona omnes fide citantur.

A.

**A** Ckursus.  
Acron.  
Aëcius Capito.  
Ægidius Corrozetus.  
Ælianus.

Æneas Sylvius.  
Aimon.  
Alciatus.  
Alexander ab Ale-  
xandro.

S. Ambrosius.  
Ambrosius Marlianus.  
Ammianus Marcellin.  
Andreas Fricius.  
Andreas Gaill.  
Andreas Rivetus.  
Andreas Tiraquellus.  
Angelus.

Antonius Mirandula.  
Appianus.  
Aristoteles.  
Arrian. Nicomed.  
Athenaus.

Auctor de exped. Reg.  
Dan.  
Auctor Epist. ad Pri-  
mer.  
Auctor Convival.  
sermo.

Aventinus.  
S. Augustinus.  
Aulus Gellius.

B.

Balduinus Brechæus.  
Baldus.  
Baptista Platina.  
Baptista Fulgosus.  
Bartholomæus Kec-  
kermannus.

Bartholdus.  
Belloforestus.  
Benedictus.  
S. Bernardus.  
Bernardus Bauhusius.  
Berosus.  
Biblia Sacra.

Boterus.  
Brusonius.  
Budeus.  
Busbequius.

C.

Cælius Rodiginus.  
C. Cæsar.  
C. Sallustius.  
C. Suetonius.  
Carolus Scribanus.

Cassiodorus.  
Catullus.  
Cedrenus.  
Cepola.  
S. Chrysostomus.  
Claudianus Poëta.  
Clemens Alexandri-  
nus.  
Codrus Vrceolus.  
Columella.  
Contarenus.  
Cornelius Agrippa.  
Cornelius Tacitus.  
Crantzius.  
Cuspinianus.  
S. Cyprianus.

D.

Dantes Florent.  
Demosthenes.  
Didacus Covarruvias.  
Diod. Sicul.  
Diod. Tuldén.  
Diogen. Laërt.  
Dio Cassius.  
Dionys. Halycarn.  
Duarennus.

E. Egna-



# NOMINA AUCTORUM.

E.	H.	
<i>Egnatius.</i>	<i>Henn. Arniseus.</i>	<i>Ioseph. Iudæus.</i>
<i>Ennius.</i>	<i>Heraclydes.</i>	<i>Iovius.</i>
<i>S. Ephrem.</i>	<i>Heresbachius.</i>	<i>Isidorus.</i>
<i>Erasm. Roter.</i>	<i>Herman. Vulteius.</i>	<i>Isocrates.</i>
<i>Eryc. Putean.</i>	<i>Herocles.</i>	<i>Iul. Casar.</i>
<i>Euripides.</i>	<i>Herodianus.</i>	<i>Iul. Firmicus.</i>
<i>Eusebius.</i>	<i>Herodotus.</i>	<i>Iul. Capitolin.</i>
<i>Eustathius.</i>	<i>S. Hieronymus.</i>	<i>Iul. Pollux.</i>
<i>Eutropius.</i>	<i>Hieronym. Cardan.</i>	<i>Iunius Rusticus.</i>
	<i>Hippocrates.</i>	<i>Iustinianus Imp.</i>
	<i>Homerus.</i>	<i>Iustus Lipsius.</i>
		<i>Iuvenalis.</i>
		L.
<i>Fabius Quintilian.</i>	<i>Horatius.</i>	<i>Lactantius.</i>
<i>Felinus.</i>	<i>Hostiensis.</i>	<i>Lampridius.</i>
<i>Festus Pompeius.</i>	<i>Hubert. Leodius.</i>	<i>Lancellotus.</i>
<i>Flavius Blondus.</i>	<i>Hugo.</i>	<i>Laurent. Beyerlinck.</i>
<i>Franciscus Aretinus.</i>		<i>Lemnius.</i>
<i>Franciscus Barbarus.</i>	I.	<i>Leo Papa.</i>
<i>Franciscus Conanus.</i>	<i>Iacobus Crucius.</i>	<i>Leo Imperat.</i>
<i>Franciscus Patricius.</i>	<i>Ianotus.</i>	<i>Lucanus.</i>
<i>Franciscus Petrarcha.</i>	<i>Innocentius.</i>	<i>Lucas Penna.</i>
	<i>Ioach. Mynsinger.</i>	<i>Lucianus.</i>
	<i>Ioan. Moseus.</i>	<i>L. An. Seneca Philos.</i>
	<i>Ioan. Nevisan.</i>	<i>L. Apuleius.</i>
<i>Galenus.</i>	<i>Ioan. Ravisius.</i>	<i>Ludovicus Molina.</i>
<i>Gemistius.</i>	<i>Ioan. Oldendorp.</i>	<i>Ludovicus Vives.</i>
<i>Georg. Schönborn.</i>	<i>Ioan. Bodin.</i>	
<i>Gesnerus.</i>	<i>Ioan. Cassianus.</i>	
<i>Gratianus.</i>	<i>Ioan. Casus.</i>	M.
<i>S. Gregorius.</i>	<i>Ioan. Stigelius.</i>	<i>Macrobius.</i>
<i>Gregorius Nazian.</i>	<i>Ioan. Heroldus.</i>	<i>Majoragius.</i>
<i>Gregorius Turonen.</i>	<i>Ioan. Lenecius.</i>	<i>M. T. Cicero.</i>
<i>Guido Papa.</i>	<i>Ioan. Fab.</i>	<i>M. A. Muretus.</i>
<i>Guil. à Mont.</i>		



# N O M I N A

<i>M. A. Petilius.</i>	<i>Philo Iudæus.</i>	<i>Sidonius Apollin.</i>
<i>M. An. Seneca</i>	<i>Philostratus.</i>	<i>Sigonius.</i>
<i>Rhet.</i>	<i>Phurnutus.</i>	<i>Simon Maiolus.</i>
<i>Marsilius Patavin.</i>	<i>Piccolomin.</i>	<i>Simon Schar dius.</i>
<i>Marsilius Ficinus.</i>	<i>Pindarus.</i>	<i>Simonides.</i>
<i>Martialis.</i>	<i>Plato.</i>	<i>Simplicius.</i>
<i>Mascardus.</i>	<i>Plautus.</i>	<i>Sophocles.</i>
<i>Matth. Afflictus.</i>	<i>Plinius.</i>	<i>Sozomenus.</i>
<i>Melechior Iunius.</i>	<i>Plutarchus.</i>	<i>Spartianus.</i>
<i>Menander.</i>	<i>Polybius.</i>	<i>Speusippus.</i>
<i>Merenis.</i>	<i>Possidius.</i>	<i>Stadius.</i>
<i>Mercurialis-</i>	<i>Probus.</i>	<i>Stephanus Guassus.</i>
	<i>Prudentius.</i>	<i>Stobæus.</i>
	<i>P. Ovidius.</i>	<i>Strabo.</i>
	<i>P. Terentius.</i>	<i>Suidas.</i>
	<i>P. Virgilius.</i>	<i>Sylveſter.</i>
	<i>Purpuratus.</i>	
		T.
	Q.	<i>Tertullianus.</i>
	<i>Q. Curtius.</i>	<i>D. Thomas Aquinas.</i>
		<i>Thom. Lanſius.</i>
	R.	<i>Thom. Morus.</i>
	<i>Rafis.</i>	<i>Thomas Stapletoni-</i>
	<i>Reuſnerus.</i>	<i>us.</i>
	<i>Robertus Bellarmi-</i>	<i>Thucydides.</i>
	<i>mus.</i>	<i>T. Livius.</i>
	<i>Robert. Maranta.</i>	<i>Trebell. Pollio.</i>
	S.	V.
	<i>Sabellicus.</i>	<i>Valerius Maximus.</i>
	<i>Salicetus.</i>	<i>Vdalricus. I. C.</i>
	<i>Saxo Grammat.</i>	<i>Vegetius.</i>
	<i>Sextus Empyricus.</i>	<i>Vegius.</i>
	<i>Servius.</i>	<i>Velleius Paterculus.</i>
		<i>Vitru-</i>



# AUCTORUM.

*Vitruvius.*

*Vivius.*

*Volaterranus.*

*Vopiscus.*

X.

*Xenophon.*

*Xiphilinus.*

Z.

*Zasius.*

*Zonaras.*

*Zosimus.*

d 3

INDEX



# INDEX CAPITVM.

## Quæstiones Procœmiales.

- Quæstio* I. **N**atura finis describitur.  
*Quæstio* II. De varia Finis Divisione.  
*Quæstio* III. De Fine hominis, tam in naturali statu, quam  
supernaturali, considerati.  
*Quæstio* IV. De Fine hominis monasticè seu solitariè  
considerati.  
§. I. De Monacho Theologicè sumpto.  
§. II. De Monacho Politico seu Philosophico.  
*Quæstio* V. De Fine hominis Oeconomicè sumpti.  
*Quæstio* VI. De Fine hominis Politicè sumpti.

## LIBER PRIMUS

### De Domo.

- Caput* I. **D**E Conjugio. I.  
§. I. Referuntur calumnię status matrimonialis. I.  
§. II. Societatis conjugalis explicatio. 4.  
§. III. Refelluntur ea, quæ conjugali societate sunt  
objecta. 6.  
*Caput* II. De iis, quæ ad justas nuptias requiruntur. 15.  
§. I. De Statu personarum matrimonium contra-  
hentium. 15.  
§. II. De Ætate ad nuptias idonea. 16.  
§. III. De Consensu ad contractum matrimonii ne-  
cessario. 17.  
§. IV. De Impedimentis matrimonii. 18.

*Caput*



# INDEX CAPITUM.

<i>Caput</i> III.	De Poenis illegitimarum nuptiarum, & premiis legitimarum.	21.
<i>Caput</i> IV.	De iis, quæ in marito considerata sunt.	23.
<i>Caput</i> V.	De iis, quæ in ducenda uxore spectanda sunt.	25.
§. I.	De Uxoris ducendæ Conditione.	26.
§. II.	De Uxoris ducendæ Moribus.	29.
§. III.	De Uxoris ducendæ Nobilitate.	32.
§. IV.	De Uxoris ducendæ Forma.	33.
§. V.	De Uxoris ducendæ Dote ac divitiis.	37.
<i>Caput</i> VI.	Quomodo ea, quæ in Uxore delingenda commemoravimus, servanda sint.	42.
<i>Caput</i> VII.	De Senum & doctorum hominum conjugio.	45.
§. I.	Utrum Senibus ducendæ sunt uxores.	45.
§. II.	Sintne doctis hominibus ducendæ uxores.	48.
<i>Caput</i> VIII.	De Officio mariti.	52.
<i>Caput</i> IX.	De Officio uxoris.	64.
<i>Caput</i> X.	De Educatione liberorum.	68.
§. I.	Quid sit Educatio, & quantum momenti positum sit in illa?	68.
§. II.	De Educatione & institutione infantia.	72.
§. III.	De Institutione pueritia.	78.
§. IV.	De Institutione Adolescentia.	81.
§. V.	De Literis.	83.
§. VI.	De Gymnastica.	88.
§. VII.	De Musica.	90.
§. VIII.	De Figurandi peritia.	94.
§. IX.	De Linguarum Scientia.	94.
§. X.	De Peregrinatione.	96.
§. XI.	De Aula.	100.
§. XII.	De Artificiis.	106.
§. XIII.	Qui mores relucere debeant in adolescentibus.	110.
	§. XIV.	



# I N D E X

§. XIV.	Quid faciendum illis, qui in studiis non citò proficiunt?	112.
§. XV.	Quid faciendum cum adolescentibus duris ab initio ad mores, & petulantibus.	113.
§. XVI.	De Castigatione Adolescentum.	114.
§. XVII.	De Recreationibus Adolescentū.	119.
§. XVIII.	De Educatione filiarum.	121.
§. XIX.	De Patria in liberos potestate.	127.
§. XX.	De Liberorum erga parentes Officio.	137.
Caput XI.	De Domino & Servo.	143.
§. I.	Quid sit Libertas?	143.
§. II.	Quotuplex sit Libertas?	145.
§. III.	Quid sit, & quotuplex Servitus?	146.
§. IV.	De prima servitutis Origine.	147.
§. V.	De proximis causis servitutis & servorum Differentia.	148.
§. VI.	De Rusticis regni Polonię, vulgo Kmetonibus, utrum servi illi sint, an verò liberi homines.	152.
§. VII.	De Potestate dominorum in servos.	159.
§. VIII.	Quam dura sit conditio Servitutis?	165.
§. IX.	Utrum Servitus justa sit & Christianis licita?	166.
§. X.	An Servitia rebus publicis sint utilia?	175.
§. XI.	Qualis debeat esse dominorum in servos Potestas?	177.
Caput XII.	De Re familiari.	180.



C A P I T U M.

LIBER SECUNDUS.

De Civitate.

Caput I.

§. I.

§. II.

Caput II.

§. I.

§. II.

§. III.

§. IV.

Sectio I.

Sectio II.

Sectio III.

Sectio IV.

Sectio V.

Sectio VI.

Sectio VII.

Sectio VIII.

Sectio IX.

DE Civitatis & metropolis definitione. 185.

Quid sit Civitas? 185.

De Metropoli. 188.

De Causis Civitatis. 193.

De Origine Civitatum, & Causa efficiente earundem. 194.

De Causa materiali Civitatum. 195.

De varia civitatum inter se Distinctione. 200.

De Nobilitate. 201.

De Etymologia Nobilis, seu de Nobilitate Grammatica. 201.

De Nobilitate Philosophica. 202.

De Christianâ & Theologicâ Nobilitate. 205.

De Nobilitate Politicâ, quid videlicet illa sit, & quotuplex? 209.

Referuntur argumēta contra Nobilitatē, maxime verò Politicam. 213.

Defenditur Nobilitas adversus ea, quę ipsi objiciuntur. 223.

Nobilitatem reipublicę esse utilem, ejusque præcipuam rationem habendam. 230.

Utrum Nobilitas infamiâ, aut vitę turpitudine amittatur? 232.

Utrum Nobilitas paupertate amittatur? 233.



# I N D E X

<i>Sectio</i> X.	Utrum Nobilitas usu vilium artium amittatur?	234.
<i>Sectio</i> XI.	Utrum Nobilitas per mercaturam amittatur?	235.
<i>Sectio</i> XII.	Utrum Nobilitas per causidicinam amittatur?	239.
§. V.	De Magistratu & subditis.	243.
§. VI.	De bonorum civium Officio.	245.
§. VII.	Referuntur quædam exempla fortium virorum, & patriam amantium.	247.
§. VIII.	De Causa civitatum finali.	249.
<i>Caput</i> III.	De optima ac beata Civitate.	250.
<i>Caput</i> IV.	De Religione.	254.
<i>Caput</i> V.	De Justitia.	255.
<i>Caput</i> VI.	De Judiciis.	258.
§. I.	Quid sit iudicium & quotuplex?	258.
§. II.	De Iudice.	259.
§. III.	De Actore & Reo.	262.
<i>Caput</i> VII.	De Legibus.	266.
<i>Caput</i> VIII.	De Urbe.	267.

## L I B E R T E R T I U S

### De Republica.


<i>Caput</i> I.	Quid sit Respublica?	271.
<i>Caput</i> II.	De rerump. Origine & necessitate.	273.
<i>Caput</i> III.	De reipublicæ Divisione.	276.
<i>Caput</i> IV.	De Democratia, seu statu reipublicæ populari.	278.
§. I.	Referuntur rationes, quæ gubernationem Democraticam commendant.	278.
§. II.	Adducuntur argumenta, quæ impugnant statum popularem.	280.
	<i>Caput</i>	



# C A P I T U M.

<i>Caput V.</i>	De Aristocratica, seu paucorum dominatione.	286.
	§. I. Utilitates status Aristocratici referuntur.	286.
	§. II. De Aristocratia incommodis.	289.
<i>Caput VI.</i>	De Monarchia, seu unius imperio.	294.
	§. I. De Laudibus & Commodis monarchici imperii.	294.
	§. II. De Monarchia Incommodis.	300.
<i>Caput VII.</i>	De Rerumpublicarum inter se comparatione.	301.
<i>Caput VIII.</i>	De Tyrannide.	306.
	§. I. Quid sit Tyrannis.	306.
	§. II. Utrum Tyrannum licet occidere.	308.
	§. III. Quod sit Remedium contra Tyrannidem.	310.
<i>Caput IX.</i>	Utrum Reges nasci an verò creari sit melius.	313.
	§. I. Rationes quibus suadetur Principis electio.	314.
	§. II. Adducuntur argumenta, quæ suadent Principem natum.	319.
	§. III. Qualis Princeps debeat eligi.	323.
<i>Caput X.</i>	De Rerumpublicarum mutatione & everfione.	329.
<i>Caput XI.</i>	De Rerumpublicarum Conservatione.	330.







# P R O O E M I V M.

**Q**uemadmodum inter ceteras artes, atq; disciplinas pri-  
mum potissimumq; locum obtinet Philosophia, ita inter  
eiusdem Philosophiae partes princeps est illa, quam Graeci Po-  
liticam appellarunt. Etenim ceterae Philosophiae partes, aut  
in nuda sistunt rerum contemplatione, aut si hanc prae-  
gressae ad opus se extendunt, privatum in eo magis cuiusque  
bonum, quam publicum respiciunt. At vero haec nun-  
quam otiosa est, nunquam non in opere, nunquam non de u-  
niversae reipub. salute atque incolumitate sollicita est. Haec  
docet Monarchas, instruit optimates, populis praecpta tra-  
dit gubernandi: Haec pacis custodit ornamenta, haec submi-  
nistrat belli praesidia, haec foederalia iura temperat: Nullus si-  
ne hac legatus, nullus princeps, nullus magistratus, nullus le-  
gislator recte atq; exoptimo publico munus suum exequitur:  
Per hanc & cum hac, scire licet, quid unicuique in repub.  
deligendum, quid fugiendum sit, quid Magistratibus, quid  
privatis, quid parentibus, quid patriae, quid religioni debe-  
amus: Haec quomodo se quisque erga cives, quomodo erga  
peregrinos, quomodo erga amicos vel hostes, quomodo erga  
liberos vel servos gerere debeat, praescribit. Vt proinde ve-  
rissimum sit Plutarchi: Virtute Politica praestantior  
nullam homo assequitur <sup>1</sup> Recte itaque Iustinianus im-  
perator, Iurisprudentiam, esse divinarum atque humana-  
rum rerum iustitiam <sup>2</sup> definiit, quatenus videlicet illa ius  
publicum, quod (ut idem imperator explicat) ad statum rei-  
publicae spectat, & quod fontes negotiorum civilium, veluti  
commerciorum & contractuum, aperit. Unde qui vult verè  
Iurisconsultus vocari, non debet quiescere in studio solius ju-  
ris privati, quod versatur in usu quotidiano, & ad singulos  
pertinet, quo quisque id acquirit efficitque, quod in suam est  
rem sed necesse est, ut pari diligentia det operam iuri pu-  
blico, quod potissimum publicam spectat utilitatem. Nam

<sup>1</sup> In Catone  
Majore.

<sup>2</sup> § Jurispru-  
dencia, Instit.  
de Just &  
Iure.

**N**



P R O O E M I U M

3 Rodin, de  
rep. lib. 1.  
cap. 2.  
4 Lib. 1. de  
Orat.  
5 Ibidem.

6 Lib. 1. de  
Legibus.

7 Ibidem.

*hi soli verè sunt prudentes, soli veluti duces in disputationibus de republica, 3 & in ejusdem negotiis audiuntur: Soli à Cicerone amplissimi, clarissimi, ac ejus artis antistites 4 esse dicuntur: soli merentur, ut eorum domus sint civitatum atque rerum publicarum oracula. 5 Contra leguleji, seu dimidiati illi juris periti, qui nimirum de privato tantum jure, & Stillicidiis, & cæteris obularibus commodis curiose disputant, causidici, proclamatores, ac rabula ab eodem oratore vocantur, & irridentur. Ego (inquit ille) memini, summos (summos intellige propria opinione, nam & nunc is morbus multis est, ut se primarios dicere non erubescant, qui vix in ultimis consistunt,) fuisse in civitate nostra viros, qui id (jus nimirum privatum) interpretari populo, & responsitare soliti sunt, sed eos magna profectos in parvis esse versatos. Quid enim est tantum, quantum jus civitatis? Quid autem tam exiguum, quam est munus hoc eorum, qui consuluntur? quàm est populo necessarium? 6 Et paulo post. Quamobrem (inquit) quo me vocas? aut quid hortaris, ut libellos conficiam de stillicidiorum ac parietum jure? An ut stipulationum & judiciorum formulas componam, quæ & scripta à multis sunt diligenter, & sunt humiliora, quàm illa quæ à vobis expectari puto. 7*

*N* Atque ista non idèo hic retuli, quod parum probem juris privati scientiam, sed ut ostenderem, Iuriconsulto præter privati etiam publici juris studium esse per necessarium. Et Cicero licet plus publico, quàm privato juri dignitatis tribuat, non tamen carere sua dignitate etiam jus privatum existimavit. Senectuti, inquit, celebranda & ornanda quod honestius potest esse perfugium, quàm juris interpretatio? Equidem mihi hoc subsidium jam inde ab adolescentia comparavi, non solum ad causarum usum forensem, sed etiam ad decus atque ornamentum senectutis, ut cum me vires (quod ferè jam tempus adventat) deficere cõpissent, ista ab solitudine domum meam vindicarem. Quid est enim præclariùs,



PROOEMIUM.

clarior, quam honoribus & reipublica muneribus perfun-  
ctum senem posse suo jure dicere id, quod apud Ennium di-  
cit ille Pythius Apollo, se esse eum, unde sibi, si non populi &  
reges, at omnes sui civis consilium expetant suarum rerum  
incerti, quos ego mea ope ex incertis certos compotesque con-  
silii dimitto, ut ne res temerè tractent turbidas. 8

8 Lib. I. de  
Orat.

Hoc tam praeclarum sapientissimi viri exemplum obver-  
sari ante oculos deberet nostra juventuti, quae nobilissimum  
Iuris atque Politices studium negligit; quod & utilius, &  
magis necessarium est, quam omnes aliae scientiae, iis praefer-  
tim, qui volunt bene in consiliis ac administratione reipubli-  
cae versari. Quod si quis dicat dictam in studio Iurium ne-  
gligentiam satis superque compensari ceteris scientiis, cum  
plurimi non Philosophiae tantum, sed Theologiae quoque di-  
ligenter dent operam. Huic ego ita respondeo. Quantum  
ad Theologiam attinet, illam magni facio & veneror, sed in  
sacerdotibus & religiosis, quibus propria est ista sacra scien-  
tia. Ab hominibus vero extra sacrum statum degentibus mi-  
nimè existimo esse necessariam. Nihil enim illa, aut certè  
non multum confert ad munia reipublicae obeunda, utpote  
tota circa Deum & divina occupata. Porro Philosophia, ut  
eam nostri Philosophi discunt, nimis manca est, siquidem  
solis Logicae Physicae ac Metaphysicae speculationibus ita im-  
moriuntur, ut nunquam, quid patriae, quid amicis, quid pro-  
priae denique felicitati debeat, recogitent, nec iis tangan-  
tur rebus, quae inde dictae sunt publicae, quod earum cura ad  
omnes pertineat.

Qua in re quantum errent, facile quisque perspicere  
potest. Diogenes ille Cynicus eos, qui ceteris artibus inge-  
nuis eruditi, Philosophia tamen instructi non erant, similes  
esse dicebat Tenetopes prociis, qui circa ancillas occupati ipsa  
domina potiri nequiverunt. Hoc ipsum dici potest, & de  
illis Philosophis, qui solius ancillantae Philosophiae partibus  
contenti, reliquas nobilissimas non discunt. Quos proinde  
rectè



# P R O O E M I U M

rectè monet Romanus sapiens, qui sic suum Lucilium, & sub  
ejus nomine, omnes alios alloquitur: Relinque istum ludum  
literarium Philosophorum, qui rem magnificentissimam ad  
syllabas vocant, qui animum minuta docendo demittunt &  
conterunt, & id agunt, ut Philosophia potius difficilis, quàm  
magna videatur: Socrates, qui totam Philosophiam revoca-  
vit ad mores, hanc summam dixit esse sapientiam, bona ma-  
laque distinguere. 9

9 Epist. 72.

10 In Prom-  
ptuario Ca-  
thol.

Quamvis autem jurium atq; Politices studium sursum è u-  
tile, summèq; necessarium esse existimem, eos tamen Politicos  
vehementer execror, qui religionis dictaturam sibi temerè  
sumunt, & his magis illos, qui teste Thoma Stapletonio 10  
dicunt multa esse temporì concedenda, multa esse pro tempore  
diffimulanda, publica pacis causam ante oculos semper ha-  
bendam, non esse irritandos crabrones, hereses istas vel de-  
bellari non posse, quia potentes, vel ex animis hominum e-  
velli non posse, quia pertinaces heretici sunt; vel tantis co-  
natibus impugnari non esse necesse, quia de rebus leviculis  
contenditur, vel postremo tanti illas non esse, nec tantam in  
universum religionis curam nobis incumbere, ut pacem pu-  
blicam, communesque fortunas, vel ad illas reprimendas, vel  
ad hanc conservandam periclitari sinamus: Quin imò pru-  
dentes & Politici viri esse, patriæ & civium suorum commo-  
dis ante omnia prospicere, suis rebus consulere: Principum  
placitis se accommodare, invidias aut simultates superfluas  
religionis causa non subire, illam curam vel solis clericis ac  
monachis, vel etiam ipsi Deo relinquere, qui suas injurias, si  
quas per nova hæc dogmata acceperit, ipsemet ulcisci ac vin-  
dicare valeat: In summa id agendum, ne quid respublica vel  
privata detrimenti capiant: sibi cujusque conscientiam, abs-  
que istis certaminibus sanam ac salvam esse posse. Hæ sunt  
plurimorum hodie Politicorum voces, hæc principia & axio-  
mata, quibus illi nixi religionis causam negligenter tractant,  
laborantis ecclesiæ patrociniū turpiter deserunt, fidem Ca-  
tholi-



PROOEMIUM.

~~tholicam hostibus nefarie produnt, & peritus profligan-~~  
~~dam relinquunt.~~ Sic olim Ethnici & Pagani suam falsam  
 religionem colebant, ut testatur S. Augustinus, qui hæc e-  
 orum verba profert. Tantum stet (inquirunt) tantum flo-  
 reat, copiis referta, victoriis gloriosa, vel quod est felicius,  
 pace secunda sit respub. Et quid ad nos? Imo ad nos magis  
 pertinet, si divitias quisque semper augeat, qua quotidianis  
 effusionibus suppetant, per quas sibi etiam infirmiores sub-  
 dat quisque potentior: Obsequantur divitibus pauperes can-  
 sa saturitatis, atque ut eorum patrociniis quæta inertia per-  
 fruantur, divites pauperibus ad clientelas, & ad ministeri-  
 um sui fastus, abutantur: Populi plaudant, non consulti ori-  
 bus utilitatum suarum, sed largitoribus voluptatum: Non  
 jubeantur dura, non prohibeantur impura: Reges non cu-  
rent quàm bonis, sed quàm subditis regnent: Provincia re-  
gibus suis, non tanquam rectoribus morum, sed tanquam  
rerum dominatoribus & deliciarum suarum provisoribus  
serviant, eosque non synceriter honorent, sed nequiter ac ser-  
viliter timeant: Quod alienæ vitæ potius, quàm quod suæ  
 vitæ quisque noceat, legibus advertatur: Nullus ducatur  
 ad iudices, nisi qui alienæ rei, domui, salutis, vel cuiquam in-  
 vito fuerit importunus, aut noxius, ceterum de suis, vel  
 cum suis, vel cum quibuscunque volentibus, faciat quisque  
 quod libet: Abundent publica scorta, vel propter omnes  
 quibus frui placuerit, vel propter eos maxime, qui habere  
 privata non possunt: Extruantur amplissima atque orna-  
 tissima domus, ubi opipara convivicia frequententur, ubi cu-  
 ique libnerit & potuerit die noctuque ludatur, bibatur, vo-  
 matur, diffusetur: Saltationes undique concrepent, thea-  
 tra inhonesta latitiæ vocibus, atque omni genere sive cru-  
 delissima, sive turpissima voluptatis exascent, & ille sit pu-  
 blicus inimicus, cui hæc felicitas displicet: Quisquis eam  
 mutare vel auferre tentaverit, cum libera multitudo aver-  
 tat ab auribus, evertat è sedibus: Illi habeantur Dii veri,



P R O O E M I U M.

(illa sit vera religio) qui hanc adipiscendam populis procuraverunt, adeptamque servaverunt. Colantur ut voluerint, ludos exposcant quales voluerint, quos cum suis vel de suis possent habere cultoribus: tantum efficiatur, ut huic felicitati, nihil ab hoste, nihil à peste, nihil ab ulla clade timeatur. 11 Hæc illi olim Ethnici, hæc hodie nostri Politici (paucis exceptis) omnia dicunt, probant, faciunt. 12

Atqui ejusmodi Politicus, qui religionis causam atque defensionem suis fortunis atque commodis, vel etiam reipublicæ & incolumitati postponit, imò qui eam omnibus rebus non antepōnit, Christiani hominis loco nequaquam est habendus. Quid enim quæso hominem Christianum ab Ethnico discernit, nisi nominis Christi fides, cultus, religio? In quo enim nulla est Christiani nominis religio, cultus, reverentia, amor, hunc religionis Christianæ nomine ab aliis non Christianis discerni quisquam existimabit? At quæ est tandem in illo homine Christiani nominis religio, quis cultus, qui amor, quæ reverentia, qui adeo illud non colit, non amat, non revereatur, ut res quaslibet illi anteponat, vel ad ejus defensionem, nec pedem movere, nec aliquod discrimen subire, nec vel cultum vel verbum asperum sustinere velit, ut eam denique nullo loco ducat, totamque ejus curam vel in Dei providentiam, vel in solos togatos homines, si tamen & in illos, rejiciendum judicet. 13

Sunt certè hujusmodi Politici hæreticis ipsis deteriores, quia illi aliquam saltem, etsi falsam ac contaminatam religionem profitentur, ac tenent fortiter, isti nullam tenent, nec tenendam putant, nisi à monachis, totamque hominis felicitatem in terrena pace constituunt. Tota istorum felicitas, tota sapientia, totus cultus est bonis terrenis affluere. Sed quid dico hæreticis esse deteriores? Ipsis melioribus Ethnicis pejores hi sunt, qui nunquam utile honesto præferre (quod hi in omnibus faciunt) voluerunt. De quo multa disputat Tullius in Officiis. Surgent profecto isti Ethnici in judicio,

11 Lib. 2. De Civit. Dei cap. 20.  
12 Laur. Bey-erl. in Mag. Theatr.

13 Idem ibidem.



P R O O E M I U M.

*& hos pseudopoliticos, certissimas rerumpublicarum pestes  
condemnabunt.*

*Quamobrem illam Catholicopoliticus solam ac veram  
Politiam judicet necesse est, quæ ita publicum bonum curare  
docet, ut tamen potiori loco Deum habeat, & causam religi-  
onis omnibus profanis utilitatibus anteponat.*



of the globe, and the  
condensation of the  
vapours of the sea, and the  
formation of the clouds, and the  
fall of the rain, and the  
growth of the plants, and the  
life of the animals, and the  
progress of the human race, and  
the history of the world, and  
the future of the universe.

and the history of the world, and  
the future of the universe, and  
the progress of the human race, and  
the life of the animals, and the  
growth of the plants, and the  
fall of the rain, and the formation  
of the clouds, and the vapours of  
the sea, and the condensation of  
the vapours of the sea, and the  
formation of the clouds, and the  
fall of the rain, and the growth of  
the plants, and the life of the  
animals, and the progress of the  
human race, and the history of the  
world, and the future of the  
universe.

and the history of the world, and  
the future of the universe, and  
the progress of the human race, and  
the life of the animals, and the  
growth of the plants, and the  
fall of the rain, and the formation  
of the clouds, and the vapours of  
the sea, and the condensation of  
the vapours of the sea, and the  
formation of the clouds, and the  
fall of the rain, and the growth of  
the plants, and the life of the  
animals, and the progress of the  
human race, and the history of the  
world, and the future of the  
universe.


and the history of the world, and  
the future of the universe, and  
the progress of the human race, and  
the life of the animals, and the  
growth of the plants, and the  
fall of the rain, and the formation  
of the clouds, and the vapours of  
the sea, and the condensation of  
the vapours of the sea, and the  
formation of the clouds, and the  
fall of the rain, and the growth of  
the plants, and the life of the  
animals, and the progress of the  
human race, and the history of the  
world, and the future of the  
universe.

and the history of the world, and  
the future of the universe, and  
the progress of the human race, and  
the life of the animals, and the  
growth of the plants, and the  
fall of the rain, and the formation  
of the clouds, and the vapours of  
the sea, and the condensation of  
the vapours of the sea, and the  
formation of the clouds, and the  
fall of the rain, and the growth of  
the plants, and the life of the  
animals, and the progress of the  
human race, and the history of the  
world, and the future of the  
universe.



DE POLITICA  
H O M I N U M  
S O C I E T A T E ,

Quæstiones Prooemiales.

uia, sicut in omnibus aliis scientiis, ita in Politicis quoque, initium à fine fieri naturæ rei exposcit, operæ pretium est, in primo operis nostri vestibulo considerare, in quonam finis humanus, id est, Beatitudo & bonitas, quam quilibet mortalium expetit, consistat, siquidem ante cognitum finem & terminum, nec ipsius ulla cupido haberi, nec via ductrix ad ipsum inquiri potest. cognito autem illo facilius accingimur ad illa, quorum ope, votorum nostrorum compotes efficimur. Quoniam autem non unus idemque est omnium hominum status, ac proinde, quod consequens est, nec finis, ideo divisio hominum juxta varios illorum status necessario est prætermittenda, eo potissimum consilio, ut finis uniuscujusque hominis, maxime autem in civili societate viventis, clarius cognoscatur, quæ cognitio id profecto præstabit, ut unusquisque amplectatur ea, quæ fini obtinendo sunt utilia, fugiat verò illa, quæ felicitatem & possunt & solent impedire.



Q U Æ S T I O I.

*Natura Finis describitur.*



Mnium rerum, quæcunque in hac im-  
menſa univerſitate reperiuntur, finem  
aliquem eſſe neceſſe eſt, propter quem  
ſunt, & ad quem tanquam ſcopum ſuum  
ordinatur. Is vero finis quoddam eſt, in  
quod quævis res deſiderio naturæ ſuæ  
conſentaneo fertur, nec quieſcit appeti-  
tu, donec illo potiatur.

Porro ſicut rerum non una eſt natura, nec eadem omnino  
conditio, ita & iſtis bonis, in quæ eadem res feruntur, multi-  
plex ineſt varietas, quæ diverſitatem appetituum exſaturet.  
Sed & in modo reſpiciendi bonum, ſeu tendendi in finem, cer-  
tum diſcrimen eſt. Aliud enim eſt agere propter finem, ſeu in  
finem, & aliud eſt, agi, duci, ac moveri in finem, aut propter  
finem. Nam priùs tantummodo competit naturis intellectu  
prædiſtis, & ex conditione ſua deliberatè operabundis, poſteriùs  
verò convenit naturis intellectu & libertate deſtitutis, cujuſ-  
modi ſunt bruta animantia, & reliqua inanimata, quorum pro-  
prium eſt, ex inclinatione naturali, hoc eſt, quatenus moyen-  
tur ab auctore naturæ, tendere in ſuum finem, eo modo, quo  
ſagittæ proprium eſt, dirigi in metam à manu jaculantis.

Sed nos ſepoſitis in præſentiarum rebus aliis hominem hic  
ſolum cum ſuo fine conſideremus: Qui quidem ~~homo variè~~  
~~potest venire in noſtram conſiderationem~~, ſcilicet ſecundum  
ſuum ſtatum naturalem, ſeu (ut vocant) Phyſicum, & item ſecun-  
dum ſuum ſtatum Ethicū, ſeu moralem. In ſtatu Phyſico ha-  
bet quidem libertatem, quæ tamen non omninò perfectæ eſt, &  
circa ea præcipuè occupata, quæ ſenſibus placere, & huius ge-  
neris libertas reperitur in pueris, ebriis, & amantibus: At in ſta-  
tu Ethico, longè nobiliori gaudet libertate, illa nimirum, quæ  
reſpicit honeſtatem & turpitudinem, ſeu id, quod decet aut  
dedecet naturam intellectualem, tam ſecundum ſe & abſolutè  
ſpectatam, quam in certis circumſtantiis conſtitutam. Aliud  
quip-



## P R O O E M I A L E S.

quippe est, quod decet aut dedecet principem, aliud quod plebeium, aliud quod virum, aliud quod foeminam, aliud quod senem, aliud quod adolefcentem, aliud quod profanum, aliud quod DEo dicatum.

Ultra hæc homo, quatenus ( ut proximè diximus ) turpe ac honestum intuetur, bifariam iterum consideratur, primò secundum id, quod ipsi foris advenit, & gratuito Conditoris DEi favore, nempe quatenus ordinatus est ad beatitudinem sempiternam: Et in hac consideratione acceptus, alius est secundum Theologos fidelis, alius non fidelis, & fidelium alius Christianus, alius non Christianus, Christianorum rursus, alius Catholicus, alius acatholicus, & Catholicorum alius spiritualis, alius non spiritualis, tandem non spiritualium, alius secularis, alius Religiosus. [Sed de his Theologi.] Secundo idem homo consideratur secundum id, quod ei competit ex insita natura sua conditione, ratione cujus conditus est ad beatitudinem naturalem, sic à Philosophis appellatam, quod sit terminus votorum humanorum in statu puræ naturæ ( ut cum Theologis loquar ) collocatorum.

Denique homo secundum istam ultimam considerationem sumptus, alius est Ethicus Monasticæ seu solitariæ, alius Ethicus Oeconomice, alius denique Ethicus Politicæ. Primus sectatur bonum privatum, & felicitatem proprio metitur commodo, alter refert ad convictum domesticum, tertius ad communitatem, de quibus sigillatim paulo post. Nunc sit

## Q U Æ S T I O II.

### *De varia Finis Divisione.*

**P**ostquam naturam finis explicavimus, ordine ipso monemur, ut & quotuplex sit inspiciamus. Philosophi, quibus solenne est, omnia exactissime sub calculum vocare, disputant pluribus, plures ne sint statuendi fines actionum humanarum, an vero sufficiat unus, & si unus, utrum sit idem cum sine ratione carentium? Sed hæc subtilior tractatio Philosophis est propria, nos qui populari servimus intelligentiæ, pin-



## Q U Æ S T I O N E S

guiori Minervâ ea tantum, quæ ad propositum nostrum conducunt, subjiciemus.

Inprimis ergo duplicis generis finis potest esse, unus ultimus, alter non ultimus: hic ulteriorem adhuc respicit, ad quem comparatus, medii potius naturam habet, sed est finis tantum per respectum ad media, per quæ acquiritur: at verò ultimus finis ejus est prærogativæ, ut supra se non agnoscat ulteriorem.

Deinde alius est finis, qui ex natura rei, cujus est finis, ducit originem, ut ex medicina sanitas, & alius, qui præter naturam ex mero alicujus beneplacito proficiscitur, veluti ex eadem medicina divitiæ.

Tandem alius est finis universalis, ad quem fiunt omnia negotia totius vitæ humanæ, & alius tantum secundum partem, hoc est, certorum negotiorum & occupationum certa series, & hic valde est differens, alius quippe est regis, alius pauperis, alius juvenis, alius valde senis, & alius sani, alius morboſi sic & in infinitum.

## Q U Æ S T I O    I I I.

### *De Fine hominis, tam in statu naturali, quàm supernaturali, considerati.*

- 1 Isaia 44.  
2 Apoca. 1.  
et 21.  
3 1 Roy. 16.  
verſ. 4.  
4 Rom. 1.

**E** Inem ultimum omnium humanorum operum, atque adeo ipſorum hominum, is ſolum non agnoſcit, qui ſacrorum dogmatum ignarus eſt. Eleganter de eo divina literę loquuntur. *Hæc* (inquit Propheta) *dicu Dominus, Rex Iſrael, & redemptor ejus, Dominus exercituum: Ego primus, & ego noviffimus.* 1 Et Sanctus Joannes: *Ego ſum, A & Ω, principium & finis.* 2 Ejusdem euphonię eſt tam illud, *Univerſa propter ſemetipſum operatus eſt Dominus.* 3 quam etiam iſtud: *Quoniam ex ipſo, & per ipſum, & in ipſo ſunt omnia, ipſi gloria in ſæcula.* 4 Imo ne gentiles quidem Philoſophi id ignoravere, qui ſenſerunt providentiã regi mundum, & in eodem, hominem non caſu, ſed conſilio poſitum eſſe. Verum & ultimus finis non eſt expertus varietatis. Alius ſiquidem eſt à DEo præſtitutus, alius à naturæ inclinatione præfixus, alius denique à privato cujuſque libitu propoſitus. Acutè hic



hic Philosophi inspiciunt, qui iterum omnes istos fines dividunt in rem, quæ appetitur, & in ipsam rei adeptionem. Præclare quidem illi adeptionem seu fruitionem, quæ non potest contingere sine ipsa re, quæ appetitur, collocant in humana beatitudine & finibus desideriorum, at verò res, quæ tantum appetitui proponuntur, & sunt quasi metæ quædam votorum mortalium, præsertim citra spem illis potiundi, non nisi scholastico modo loquendi, ob commodiorem videlicet rerum explicationem, possunt finis appellari. Quæ enim beatitudo est, torqueri desiderio alicujus boni, quantumvis maximi, quod nec assecutus es, nec spem assequendi habes: imò pœna est acerbissima, juxta vulgare illud: Videre & non gustare mors est. Certè nemo avarorum beatum se reputat, etiam si videat ingentes auri acervos, aut numero carentem desideret pecuniam, si dominium ipsius non adipiscatur, sicut nec Tantalus censet se beatum esse ob flumina præter labra sua fluentia, quibus non licet ipsi diuturna faucium incendia restinguere. Sed his omis- sis, finis hominis ultimus, tam ex ordinatione divina, quam ex propensione naturalis conditionis, est felicitas & beatitudo. Quicquid enim agunt homines, præsertim libera atque deliberata voluntate, agunt propterea ultimò, ut sint felices, & non miseri, juxta illud, quod apud Sanctum Augustinum legimus dictum contra illum Philosophum, qui convocato in nundinis populo dixerat, omnium esse desiderium magni vendere, & parvi emere, dictum inquam à Sancto Augustino, longè melius dicturum fuisse Philosophum, si dixisset, neminem velle esse miserum, & omnes desiderare esse felices.

Jam verò beatitudo, pro fine ultimo hominibus assignata, est collectio omnium bonorum saturativorum omnium desideriorum humanorum. A Boethio his verbis describitur: *Est status omnium bonorum aggregatione perfectus*: à Sancto autem Thoma his: *Perfectum ac sufficiens bonum, omne malum excludens, & omne desiderium repletens.* Tandem Sanctus Augustinus, cum dicit esse beatum, qui habet omnia, quæ desiderat.

Cæterum beatitudo humana, alia est naturalis, quæ nimirum competit homini secundum ea, quæ ipsi insunt à natura, & consistit in naturali contemplatione & amore DEI, ut docent Theologi; alia vero beatitudo supernaturalis, quæ competit ho-

5 Tract. de  
Gravia.



## Q U Æ S T I O N E S

mini secundum ea, ad quæ ille gratuito auctoris naturæ favore ordinatus est. Et hæc tota sita est in æternâ cœlestique gloria, in qua beati DEo fruuntur modo ineffabili. Atque hæc locum obtinet in fine ultimo à DEo vel natura præfixo. Alio enim modo philosophandum est de finibus illis, in quos fertur privatum uniuscujusque desiderium, ut sunt voluptas Epicureorum, divitiæ avarorum, honores superborum. Nam privata electionis finis ultimus non est omnium hominum unus, sed multiplex, pro multitudine opinionum, & quæ ex his nascuntur desideriorum.

## Q U Æ S T I O IV.

### *De Fine hominis monasticè, seu solitariè considerati.*

**D**Ixi superiùs hominem alium esse Ethicum monasticè, & alium Ethicum Oeconomicè, & denique alium talem Politicè: de duobus posterioribus inferiùs, de primo hic agendum est. Ut autem meliori ordine procedamus, separandus est homo monachus Theologicè & Christianè, à monacho philosophico ac politico, seu potius antipolitico.

### §. I.

#### *De Monacho Theologicè sumpto.*

**M**onachus venit à nomine Græco *μοναχὸς*, id est, solitarius. *Μόνος* enim idem est Græcis, quod Latinis solus, & *μονὰς* quod unitas.

r. In re n.  
Monach.

Tria autem hominum hujusmodi genera fuisse olim in Ægypto testis est Divus Hieronymus: 1. Unum Cœnobitarum, seu communiter viventium, aliud Anachoritarum, ab hominibus longè in desertum secedentium, tertium eorum, quos Ægyptii suo idiomatè *Remebeth* vocarunt, quorum bini, terni, nec multo plures habitabant, arbitrio suo suæque conditione viventes.

Anti-



Antiquiores sunt Institutione Eremitæ, qui soli vivunt, eorumque liberior est vita, & verè solitaria ac singularis, 2 nec legibus cœnobarum tenentur, & proprium possidere possunt, si qui tamen ex cœnobitis regularibus, regulam aliquam professis, in eremum secedant, sunt ordinis & vitæ arctioris, retinendo propriam professionem, eique eremiticam insuper addendo.

Dignitas & præstantia Monachi Theologicè sumpti facile summi potest, tum ex prima origine status monastici, qui inchoatus est ab Apostolis, & primis Christianis, quibus omnia erant communia, ut docent Possidius & Eusebius, tum ex ipsa status illius ( ut Theologi loquuntur ) essentia, quæ consistit in tribus virtutibus maximis, Paupertate videlicet voluntaria, Castitate angelica, Obedientia prompta. Ob quas Sancti Patres, magnificè semper de hoc statu & sentiunt, & loquuntur, quorum unum atque alterum testimonium hic referendum est.

„Gregorius Nazianzenus ita loquitur. Nihil mihi fortunatius eo homine videbatur, qui clausis comprehensisque corporis sensibus, atque extra carnem mentemque positus, in seque collectus, nec nisi summa necessitate impellente quicquam rerum humanarum attingens, atque & secum ipse & cum DEo colloquens, superiorem rebus in aspectum cadentibus vitam agit, divinasque species & imagines puras semper, nec ullis terrenis & errabundis formis permixtas, in se ipso circumfert, ac DEI rerumque divinarum purum omnino speculum est, in dieque efficitur, lucique lucem, obscuriori videlicet clariorem adjungit, ac jam futuri ævi bono fruitur, & cum angelis versatur, & licet adhuc in terris agens, terram deserit, atque à Spiritu in cœlo collocatur. 3 Et alibi, ubi monachos vocat selectiorem partem ecclesiæ. Ergo inquit, adversus eum (loquitur de S. Basilio) concitatur ecclesiæ pars selectior & sapientior: si modo sapientiores ii habendū sunt, quàm reliquum mortalium vulgus, qui se ipsos à mundi congregatione segregarunt, ac vitam suam DEo consecrarunt. Nazaræos nostrates dico. 4 Ac infra. Eximia res est virginitas & cœlibatus, atque in angelorum naturæque singularis ordine debet censerī. Vereor enim dicere Christi, qui cum propter nos procreatos procreandus esset, ex virgi-

2 Cap. qui verè 16. quæst. 1.

3 In primo Apolog.

4 Oratioe in laudem Basilii.



# Q U Æ S T I O N E S

„ ne procreatur, virginitatem lege præscribens, ut hinc abdu-  
 „ centem, ac mundum contrahentem, vel potius mundum ad  
 „ mundum transmittentem, præsentem nimirum ad futurum.  
 „ Quis igitur vel virginitatem majori honore profectus est,  
 „ vel carnem legibus frenavit, idque non suo tantum exemplo,  
 „ sed etiam studiis, quibus incubuit? Cujus sunt virginum cœ-  
 „ nobia, cujus præcepta illa literis consignata, quibus omnes  
 „ sensus coercebat. Tandem: Hinc inquit ille ( S. Athanasi-  
 „ um intelligit ) solum vertit, ac de exilio quàm præclarissimè  
 „ statuit. Nam ad sacra illa & divina Ægypti monasteria se  
 „ confert, in quibus homines à mundi consortio distracti, ac so-  
 „ litudinem amplectentes, DEo vivunt magis, quàm cæteri o-  
 „ mnes, qui in corpore versantur, quorum alii vitam prorsus  
 „ solitariam, sui ipsorum tantum, & DEi colloquio fruantes,  
 „ atque hanc duntaxat partem pro mundo habentes, quam in  
 „ solitudine cognoscunt, alii autem charitatis legem in com-  
 „ municatione ac societate colunt, solitarii sunt, ac promiscui,  
 „ & cæteris quidem hominibus negotiisque mortui, quæcun-  
 „ que in civili atque in medio posita vitavolvuntur, versant-  
 „ que simul & versantur, ac mutua comparatione virtutem a-  
 „ cuunt, & extimulant. 7

7 In laudem  
S. Athanasii.

Similia scripsit & S. Ephrem: Vita monachorum (ait) ange-  
 lis similis, eorumque institutum divino ministerio plenum est.  
 „ Continet enim vitam, quæ in præsentem DEo inseruit, & ante  
 „ hanc scænorum dat, ut pro usura vitam æternam recipiat. Mu-  
 „ tuò dat terrena, & accipit cœlestia. Soli monachi super terram  
 „ divini certaminis conditionem atque constitutionem no-  
 „ runt. 8 His addi potest S. Hieronymus, secundum quem flos  
 „ quidam & pretiosissimus lapis inter ecclesiastica ornamenta  
 „ monachorum & virginum chorus est. 9

8 De perfec-  
tione Mona-  
chi.

9 Epist. 17. ad  
Marcellam.

Eremitis vel maximè convenit latere, & ab omni humano  
 consortio segregari, adeò ut ad eos solos respexisse videatur  
 Antonius, magnus ille Ægypti monachus, cum dixit: *Quod pi-*  
*fecis in arido, hoc monachus in oppido.* 10 Existimabat enim sanctissi-  
 mus Pater, ita & monachis exitio esse mundanam conversatio-  
 nem, sicut piscibus siccam regionem.

10 Niceph.  
Callist. lib. 8.  
Capite 4. Ec-  
cles. hist.

Et Hugo: *Si monachus inquit es, quid facis in turba, si amas si-*  
*lentium, cur declamationibus assidue interesse delectaris? Tu semper*  
*jejunas.*



*jejunis & fleribus insistere debes, & tu philosophari quærere. Simplicitas monachi Philosophia est. Sed docere inquis alios volo. Non est tuum docere, sed plangere. Si tamen doctor esse desideras, audi quid facies, vilitas habitus tui, & simplicitas vultus, innocentia vita, & sanctitas conversationis tue, docere debent homines.* 11 Et Sanctus quidem Antonius, ut dixi, solos Eremitas videtur monere de custodia solitudinis, at vero S. Hieronymus omnibus Monachis idem fere euangelizat. cujus ista sunt verba ad Paulinum. *Si cupis esse quod diceris monachus, id est, solus, quid facies in urbibus, quæ utique non sunt solum habitacula, sed multorum:* alii tribuunt hoc dictum S. Augustino. Doctrinam hanc Sanctorum Patrum factò atque vita confirmavit Sanctissimus ille monachus, qui, ut refert Theodoretus, 12 totos sexaginta annos, neque a quoquam visus est, neque cum quoquam collocutus. Similis solitudo ab eodem Theodoreto prædicatur Simonis de Columna dicti, qui in columnis minoribus septem annis, in majoribus quadraginta cubitorum, vitam egit triginta annis, atque cum septem circum circa fieri mandasset, ferream catenam viginti cubitorum comparavit, cujus initium quidem cuidam petreæ maximæ appendit, alterum verò dextro pedi adaptavit, ut nec si vellet extra hos limites abiret. Tanta fuit priscorum monachorum observantia, nostra verò ætas quantum abest à sanctitate illorum temporum, solus ille novit, qui omnia novit. Certè Helias Abbas disertè sui sæculi monachos reprehendit: *Diebus, inquit, patrum nostrorum, tres istæ virtutes, in amore & studio apud monachos erant, nuditas rerum omnium, mansuetudo, & continentia, nunc autem avaritia, gula, & intemperantia.*

Et S. Bernardus his verbis deflet mores suorum monachorum: *Habitus noster, quod & flens dico, qui humilitatis solet esse insigne, à monachis nostri temporis gestatur superbe? Vix jam in nostris provinciis invenimus, quo vestiri dignemur. Adiles & monachus, ex eodem panno, partiuntur sibi cucullam & chlamidem. Et alibi, legumina inquis ventosa sunt, caseus stomachum gravat: porrum aqua non sustinet pectus: caules nutriunt melancholiam: choleram porri accendunt: pisces de stagno, aut de luto aqua, mea penitus complexione non congruunt: quale est hoc, ut in omnibus fluviiis, agris, hortis, cellulis, reperire vix possis, quod comedas. Puta te quaso monachum esse, non medicum, nec de complexione judicandum, se de professione,*

11 De claustr. anim.

12 Eccles. hist. lib. 4. Cap. 28.



# Q U Æ S T I O N E S

feſſione. Parce obſecro primum quieti, parce deinde labori miniſtrantium, parce gravamini domus, parce conſcientia, non dico tua, ſed aliterius, ſcilicet qui propè te ſedens & cedens, de tua ſingularitate murmurat, & tua ſuperſtitione ſcandalizatur. 14

12 Sup. Cant.  
Serm. 30.

His affine eſt, quod Abbas apud Joannem Moſcum dixit: Patres noſtri continentiam & paupertatem ac nuditatem rerum omnium uſque ad mortem ſervaverunt, nos autem ventres noſtros & crumenas noſtras dilatavimus. 15 His item adjungi poteſt Sanctus Bernardus, qui in epiſtola quadam ſic habet. Labor, & latebræ, & voluntaria paupertas, hæc ſunt monachorum inſignia, hæc vitam ſolent nobilitare monaſticam, noſtri autem oculi omne ſublime vident, noſtri pedes omne forum circumeunt, noſtræ lingua in omnibus audiuntur conſilii, noſtræ manus omne diripiunt patrimonium.

13 In parr.  
Spirit. Cap.  
130.

Ex his facile conjicere poſſumus, quiſnam ſit finis hominis Theologicam ſolitudinem amplectentis. Si enim non vacuum nomen monachi gerit, totus erit in eo, ut à ſtrepitu vulgi remotus, & curis prophanis expeditus, eo uſque animum virtutibus exornet, donec concupiſcat rex decorem ejus, qui eſt Dominus DEus ſuus. Si vero quis nomen tantum habeat, quod ſit monachus, re autem ipſa & deſideriis prophanus fuerit, illius tot erunt fines, quot cupiditates, ac inquieti pectoris agitationes, quæ nullum finem admittunt.

## §. I I.

### De Monacho Politico ſeu Philoſophico.

ET ſi natura ipſa monachus homo à politico diſſideat, attamen nihil impedit explicationis gratia ſaltem vocetenus illos conjungere: quanquam non eo ſenſu hic monachum politicum dico, quod exiſtimem poſſe unum eundemq; ſimul & politice & ſolitariè ſeu monaſticè vivere, hoc enim natura rei non ſuffert, ſed quod conſiderem hic monachum, quatenus ille politico opponitur homini, videlicet politicè viventi, à quo & ſine & tota vivendique ratione diſcrepat. Unde comparatus ad eum politicus, magis eluſcit.

Eſt autem monachus antipoliticus totus ſibiipſi deditus, non de patria, non de familia, ſed de ipſo ſollicitus, ſibi bonus,  
in



PROOEMIALES.

in commune nequam, curarum publicarum experts, de privatis anxius commodis.

Plurimum porro interest inter monachum, quo de nunc agimus, & monachum, de quo superius proximè. Etenim Theologicæ considerationis monachus homo est, Dei & salutis causa religiosam solitudinem professus, quamvis sit procul negotiis, quæ interturbant quietem mentis circa DEum sese occupantis, optimè tamen cupit patriæ, pro qua superos exorat, & cui sanctimonia vitæ exhibet exempla: At monachus antipoliticus jam bonus habetur, qui sicut non prodest, ita nec noceat patriæ, quæ in beneficia refert hominis in nocendo negligentiam.

Duplicis autem classis est monachorum istiusmodi genus, alterum reipub. inutile, alterum perniciosum, illud oblivione patriæ contentum est, hoc verò in damna ejusdem natum, impia adversus communem matrem suscipit consilia.

Ad primam classem referri potest Ezechias rex, alioqui optimus, qui cum intellexisset ex propheta, Dominum DEum gravia mala super regnum ipsius immissurum, sic (de se ipso tantum sollicitus) propheta respondit: *Bonus sermo Domini, quem locutus es, sit tantum pax & veritas in diebus meis.* <sup>1</sup> Si enim illâ salutem vice non fuisset monachus rex ille cætera (ut dixi) optimus, deprecatus utique fuisset Dominum, exemplo Moysis & Davidis, quorum alter his verbis pro populo suo orabat Dominum DEum suum: *Cur Domine irascitur furor tuus contra populum tuum, quem eduxisti de terrâ Egypti in fortitudine & manu robusta? Ne quæso dicant Egyptii, callide eduxit eos, ut interficeret in montibus, & deleret e terrâ: quiescat ira tua, & esto placabilis super nequitia populi tui. Recordare Abraham, Isaac, & Israel, servorum tuorum, quibus jurasti per teipsum, dicens, multiplicabo semen vestrum sicut stellas cæli, & universam terram hanc, de qua locutus sum, dabo semini vestro, & possidebitis eam semper. Placatusque est Dominus ne faceret malum, quod locutus fuerat adversus populum suum.*

<sup>2</sup> Alter verò, cum vidisset Angelum cædentem populum, dixit ad Dominum: *Ego sum, qui peccavi, & ego inique egi, isti quia oves sunt, quid fecerunt? vertatur obsecro manus tua contra me, & contra domum patris mei.* <sup>3</sup>

Et quidem Ezechix regi semel tantum majori curæ erant propria

<sup>1</sup> 4. Regum.  
<sup>10.</sup>

<sup>2</sup> Exodi, 32.

<sup>3</sup> 2 Reg. 24.



# Q U Æ S T I O N E S

propria tempora, quam regni sui incolumitas, DEus immortalis, quot fuerunt, quotque sunt, tam reges, quam regnorum senatores, quibus res privatæ publicis commodis sunt cariores. Possem hic ex annalium vetustate infinita hac super re eruere exempla, sed quia ut sunt nimis crebra ita & obvia, unicum tantummodò, quod non ita pridem contigit, referam, nomina tamen tacebo, ne familiæ notentur. Bellum erat inter duas respublicas gravissimum, in quo uti fit, alteri fuit æqua, alteri fortuna iniqua. Et quia pars victa non judicabat sibi expediens esse, simul & adversus hostem, cui continuatæ victoriæ vires animosque faciebant, & adversus ipsam fortunam pugnare, pacem cum hoste æquis conditionibus inire constituit, atque ad id negotium expedit oratores, viros primæ auctoritatis, & nominis illustris: erat in eorum numero Prælat, aulicis famulitiis commendatissimus Principi, à quo sub id tempus ditissimum beneficium ecclesiasticum accepit. Is fuit caput legatorum, & princeps, ac respublica tum prudentiæ ipsius, tum fidei, se salutemque suam credendo, omnem ei constituendæ pacis potestatem concessere. Spes erat pacis nequaquam ignominiosæ. Nam & pars victa nondum fuit ad ultima consilia redacta, & victrix partim inconstantiam fortunæ pertimescebat, partim à novo hoste alio vocabatur. Interea ad Neo-episcopum legatum mittit literas alter Episcopus, per omnia sacra obsecrans, ut omnino & quantocyus pacem, quantumvis iniquissimis conditionibus, nomine reipublicæ cum hoste concludat. Res hosti innotescit, qui inde fit in conditionibus proponendis durior, episcopus orator in illis acceptandis faciliior, tum suâ causâ, quia ad Episcopatum, quem (ut dixi) noviter adeptus erat, properabat, tum propter magnas preces alterius Episcopi, qui ut suum Episcopatum illæsum servaret à militibus, pacem cum Reipublicæ detrimento poscebat. Ita duo Episcopi facti antipolitici monachi, publicis detrimentis propria commoda promoventes, & ut tantum esset pax in diebus suis solliciti, miseram rempublicam non modo turpem, sed etiam damnosam pacem pati cocgerunt, per cessionem videlicet hosti provinciæ opulentissimæ. Quamquam hoc exemplum etiam ad alterius classis monachos pertinet. In duas enim classes paulo superius monachos istos distribui, ad alteram spectabant, qui sunt reipublicæ



publicæ inutiles, ad alteram (de quibus hoc loco) perniciosi. Sunt autem ii omnes, qui aut oppressione aut tyrannide, aut proditione, aut quoquomodo nocent patriæ. De tyrannide alio loco commodius, hic aliquid dicendum est de proditione, cujus exempla & sacri libri continent non pauca, & prophana historia plurima: tritissimum est, ac ipsis etiam Grammaticis notum, Aeneæ atque Antenoris, qui Troiam patriam suam Græcis, cum illos per portam, quæ equinam habuit effigiem, introduxissent noctu, prodidisse dicuntur. 2 Dies certè deficeret, si sigillatim vellem recensere, cum nihil frequentius spectare liceat in hoc mundi theatro, nefariis proditionibus, regum regnorumque pestibus. Sive enim nostram sive patrum memoriam viderimus, occurrent oculis tot principes à sceptro ad ferulam dejecti, tot regna vastata, tot provinciæ captivæ, tot civitates deletæ, fraude & avaritiâ solitariorum. Nihil autem isto hominum genere scelestius, nihil est apud omnes mortales abominabilius. Quod sunt inter sanctos ac religiosos monachos proprietarii, id sunt inter homines politicè viventes isti monachi antipolitici. Religiosa servorum DEi Societas tanto odio eoque sanctissimo suos proprietarios detestatur, ut & vivorum umbras horreat, & mortuorum cadavera in sterquilinum abjiciat. 3 At boni politici suos monachos inter feras bestias reponunt. 4 Sceleri istorum hominum adjuncta est insignis stultitia: quid enim stultius est, quàm in ruina patriæ, quærere suam exaltationem, & ex communi universorum clade privatam sperare salutem? Quis non summè dementem judicaret illum piratam, qui navem multis mercibus atque hominibus onustam ingressus vellet eam in medio mari submergere, ut ex naufragio posset aliquid rapere? Jam quid piratæ terrestres de quibus nunc agimus, quid inquam aliud faciunt, quam ut naufragia rerum publicarum in quibus & ipsi degunt, proprii commodi causa, quantum est in ipsis procurent? ignari mortalium amentissimi, iisdem fluctibus, sibi ipsis simul cum patria esse pereundum. Profecto vix est quenquam reperire, cui publica calamitas fuit privata felicitas. nam seriùs aut citiùs culpam pœna pressit comes; aut mors, aut odium cum æterna infamia. invisa enim talium hominum & quibus nocuit, & quibus profuit perfidia.

Philippus Macedo interrogatus, quos amaret præcipuè &

h

quos

2 Sabel. lib. 7.  
En. 1.

3 Cap. cum  
ad monast.  
4 Arist. 1. Po-  
lit., cap. 2.



3 Stob. Serm. 52. quos maxime odisset, respondit: Prodituros quidem inprimis amo, eos verò qui jam prodiderunt, odi maximè. 5 Eidem Philippo prodiderat Olynthum quidam Lathenes, quo nomine quia passim ab amicis Philippi infamabatur, questus est apud Philippum, cui Philippus Macedones inquit natura rusticiores sunt, ac rudes, & scapham, dicunt scapham. 6 Mahometes proditionem magna vi auri & unius filiarum nuptiis pactus erat, post acceptam tamen proditione Constantinopolim, proditori qui Christianus erat, ut idoneus thoro filix esset, loco circumcissionis, pellem detrabi illudens præcepit. 7 Agilulpho Longobardorum regi Romilda Ducis Gisulphi vidua, quæ eum deperibat Foro Julium prodit, Agilulphus, data libidini promissæ nocte, prostitutam militibus palo transfixit. 8

7 Phil. Com. naus lib. 10. hist.

8 Amon. lib. 4. cap. 1.

9 Sozom. lib. 6. cap. 8.

Valens, Agelonem & Gomanum proditores, quorum opera Nacoliæ urbem Phrygiæ ceperat, ferrâ medios dissecuit. 9 Infinita sunt poenarum quas isti antipolitici monachi luunt exempla, quæ brevitatis gratia prudens prætereo, ac ad finem festino, ad quem istius generis monachi collimant, & qui nihil aliud est, quam sola, & ad solos ipsos pertinens utilitas, si utilitas dicenda est, quam meritum sequitur exitium.

## Q U Æ S T I O V.

### *De Fine hominis Oeconomice sumpti.*

**O**conomia quæ est domestica quædam respublica, ac Monarchia privata, accipitur à politicis aliquando latius, & sic alia est Oeconomia Regia, alia Satrapia, alia Politica, alia Privata: aliquando verò pressius sumitur, & tunc significat solam privati hominis domus administrationem, de qua & nobis hic sermo est. Est autem *Oeconomia* Græcum vocabulum: quod Latinis dispensationem ac gubernationem domesticam significat, unde qui ejusmodi gubernationi attendit oconomus appellatur. Porro prima istius hominis cura ac diligentia est conjugium. Nam societas maris ac feminae ab ipsa natura conciliatur, & necessitate constituitur, non inter homi-  
nes



PROOEMIALES.

nestantum, sed etiam bestias; idque non naturæ solùm, sed utilitatis causa. Siquidem imbecillitas prolis habet præsidium in validis viribus parentum, qui vicissim viribus ac ætate defecti, ab iis quos genuere plerumque sustentantur. Huc etiam spectat quod quando numero prohibemur à natura, saltem specie perpetuos esse affectamus. Diversa tamen juxta Philosophum <sup>1 In Oeconomicis.</sup> conditione procreati simul junguntur ad stabiliorem vitæ usum. Nam fœminis timiditas major ob res domi custodiendas, viris audacia ob fortitudinem, & res foris parandas. Fœminis item caritas major ac patientia ad filios nutriendos: viris sapientia ad eosdem erudiendos. Secunda post conjugium hominis Oeconomici cura est possessionum atque proventuum. Proventus porro ille maximus Aristoteli probatur, qui de terra colligitur, huic proximus, qui ab aliis in orbem redeuntibus rebus, tertius qui ex argento. <sup>2 Lib. 2 de re famil.</sup> Præter hæc autem quod omni domestica curæ tanquam fastigium imponi debet, ejus ratio monente Philosopho <sup>3 Ibidem.</sup> in cæteris quidem generibus, est habenda non negligenter, in hoc autem ipso præcipua, ut proventibus ipsis majores sumptus non fiant. Atque hæc ostendunt, quod finis hominis œconomi non alius sit, quam bonum, administrationi familiæ utile, & beatitudo quædam domestica, conferens plurimum ad publicam felicitatem, tum quod ea constet ex singulorum Civium felicitate, tum quod teste Platone, <sup>4 3. De re-pub.</sup> publica ferè quisque curemus propter privata, ut hæc salva habere liceat; privata, exaudi œconomicè non verò monasticè.

QUÆSTIO VI.

*De Fine hominis Politicè sumpti.*

**H**omo politicè acceptus est pars totius cujusdam nobilissimi, rei publicæ nimirum, cujus membrum est: longe autem & à monacho & ab œconomo diversus est; ille enim omnia ad seipsum tantum, hic ad seipsum, & ad propriam familiam refert, at verò politicus bonus, non propria solummodo personæ aut domus privatæ commoda cogitat, sed parem imò majorem curam habet de illo quod est publicè utile.



# Q U Æ S T I O N E S

1 Philippic.  
13.

Omnibus quippe bonis expedit salvam esse rempublicam, teste Romano Oratore. 1 Et omnibus non aliud in primis votis debet esse quam patrię salus atque incolumitas, tanquam unica civilium desideriorum meta.

Explicato triplici fine hominis, in triplici statu considerati, posset jam fortasse non incommode de quovis prædictorum statu, sigillatim longior fieri disputatio. Verum quia homo monasticę acceptus nullam potest sustinere in republica personam, & nostrum præsens institutum non aliud est, quàm de iis differere, quę spectant ad politicam hominum societatem: ideo monacho homine prætermisso, sequentibus libris de homine æconomicę & politicę sumpto, differemus.

## V. L. O. I. T. S. U. P. O. L. L.

De Fine hominis Politicę sumpti.

Omnis politicę acceptus est pars totius civitatis nobis. Illius, respicientis minimum cuius membra constituitur. Invenitur & in monacho & ab æconomico divinus est. Cum omnia ad seipsum referant, ut ad seipsum & ad propriam familiam referant, ac vero politicus bonus, non solum in seipso in seipso, sed in tota civitate considerat. In hoc per seipsum privatus considerat, sed in seipso in seipso, sed in tota civitate considerat. In hoc per seipsum privatus considerat, sed in seipso in seipso, sed in tota civitate considerat.



# DE POLITICA HOMINUM SOCIETATE,

## LIBER I.

### DE DOMO.

**H**OC libro præcipuè agemus de Oeconomia tanquam præcipua reipublica parte: qua quid esset, questione quinta præcæmiali explicui, ubi etiam breviter insinuavi officium hominis æconomi maximè consistere in domo, uxore, liberis ac servis gubernandis, de quibus nunc pluribus est disputandum, ac imprimis de marito & uxore. Sic igitur.

#### CAPUT I.

### DE CONJUGIO.

In quo referuntur Calumniæ adversus Conjugium: explicatur status conjugalıs, & adversus calumnias defenditur.

#### §. I.

*Referuntur calumnie status matrimonialis.*

**N**IL est tam sanctum, quod non pateat calumniis malevolorum. Si cælum ipsum imo & Deus stultis ac malis hominibus non placent, quid miramur legitimam viri ac mulieris carpi à multis societatem. Qui primo conjugium gravissimam appellant servitutem, utpote eam quam ubi quis semel subivit, manumissionem non sperat. Et cum omnis omnino servitus sit misera adverseturque naturæ, quæ hominem libertatis avidum produxit, tum verò (inquiunt ipsi,) illa est miserrima, qua coguntur viri inservire mulierculis, affectione non ratione viventibus. Accedit & id malum, quod eas ipsas miseri mariti sustinere cogun-



guntur & alere, quibus inserviunt, contra morem aliorum servorum, qui pendent ex suis dominis.

Deinde perpetuam mentis inquietudinem dicunt nasci ex matrimonio, idque ista suadent ratione: aut enim uxor, quam quis sibi accipit, eleganti scitaque forma est prædita, aut parum propitiâ Venere, in communem hanc lucem edita, damna sentit venustatis: tum si hoc posterius contingit, pœna cruciatur maritus perpetua, si verò illud prius, tunc aut timet ne communem illam habeat, nam

*Lis est cum formâ magna pudicitia,*

1 Eustachius  
de Ismenia &  
Ismenes a.  
moribus lib.

aut certè crudeli tyrannide vitam exigit. Herile namque imperium amoris imperio obnoxium est. 1. cujus rei testes sunt reges & dynastæ ad infinitatem muliebrum obsequiorum adacti. Itaq; & pudica & impudica mulier, semper est viri tormentum. Si enim impudica fuerit, quomodo marito jucunda poterit esse vita, si vero pudica (quod raro amat fieri) semper in metu est, ne non satis se amet, ne corrumpatur, ne mutet animum. Rursum si vir amet uxorem siue non, infelix est. Si non amat, miserè cum ea quam non amat vivit; si amat, in amore etiam non est sine dolore. multa enim incommoda secum affert amor, suspiciones, injurias, jurgia, rixas.

*Et quæ præterea longa referre mora est.*

Et deniq; non odio tantum sed & amore suo nocet uxor marito. cujus generis exemplis scatent omnes ferè historiæ, unum hic subjicio Herculis monstrorum domitoris, quem amans Deianira conjunx, dirum in modum perdidit. Metuens namque illa, ne Hercules, quem summè diligebat, in Eubœa, amore Ioles Euryti filia caperetur, misit ipsi vestem, cui credebatur inesse vim singularem ad castitatem conjugalem sanctè integrèque servandam quæ cum revera tincta fuisset pestilentissimo Nessi Centauri sanguine, Herculem, dum ea indueretur ad furorem & mortem adegit, 2. antequam quas ille voces edidit audiamus.

2 Cicer. Tuscul. quaest. lib. 2.

*O multa (inquit) dictu gravia perpesu aspera  
Quæ corpore exantlato atque animo pertuli  
Nec mihi Iunonis terror implacabilis  
Nec tantum invexit tristis Eurystheus mali  
Quantum una vecors Oenei partu edita.  
Hæc me irritavit veste furiali inscium*

*Quæ*



*Qua lateri inharens morsu lacerat viscera,  
Vrgensque graviter, pulmonem haurit spiritus.  
Iam decolorem sanguinem omnem exforbuit,  
Sic corpus cladē horribili absumtum extabuit,  
Ipse illigatus peste interimor textili.*

*Hos non hostilis dextra, non terrā edita  
Moles gigantum, non bisformato impetu  
Centaurus ictus corpori infixit meo.  
Non Graia vis, non Barbara ulla immanitas,  
Non sava terris gens, relegata ultimis*

*Quas peragrans undique omnem hinc feritatem expuli,  
Sed fœminēā vir, fœminēā interimor manu. 3*

3 Sophocles  
in Trachiniis.

Augent præterea hoc vituperium matrimonii ex calumniis in fœminas factis, quibus istas tribuunt proprietates; quod illæ in domo sint dæmones, bubones in fenestra, picæ in porta, capræ in horto, fœtor in lecto. 4. Multa etiam ex philosophorum responsis, ex sacrorum Canonum rescriptis, & ipsis divinis literis, contra matrimonium proferunt: ex quibus pauca attingo. Primo jactant responsum Simonidis, qui interrogatus, quid sit uxor? respondit, viri esse naufragium, domus tempestatem, quietis impedimentum, vitæ captivitatem, pœnam quotidianam, pugnam sumptuosam, bestiam contubernalem, canem ornatam, malum necessarium. 5. Deinde ex Iuribus Ecclesiasticis producunt Divi Augustini Epistolam, qui ad Bonifacium Comitem in hæc verba scripsit. *Nos novimus, nos testes sumus, quod omnes actus publicos, quibus occupatus eras relinquere cupiebas, & te in otium sanctum conferre, atque in ea vita vivere, in qua servi Dei monachi vivunt; cum ergo te esse in hoc proposito gauderemus, navigasti, uxoremque duxisti. 6. Quibus verbis Sanctissimus Pater, onera matrimonii periculis navigantium æquiparat. Etenim quem admodum navigantes subjiciunt se variis maris periculis, nec proprio motu reguntur, ita qui habent uxores, non amplius suo vivunt arbitrio, sed sub fœminino dominatu tristem patiuntur servitutem, & potentissima mulierum impotentiâ sævius agitantur, quam navigia furentis pelagi tempestatibus.*

4 Iohan. Ne.  
viz. in Sylv.  
nup.

5 Ravif. Ep.  
70.

6 Cap. Nos  
novimus  
caus. 17.  
quæst. 2.

Tandem in divinis scripturis, malè ajunt fœminas ipsarumque societatem audire. Afferunt illa Ecclesiastę verba, ubi dicit.

*Inveni amariorem morte mulierem, quæ laqueus venatorum est & sa-*



9 Ecclef. 7. *gena cor ejus vincula sunt manus illius, qui placet Deo effugiet illam, qui autem peccator est, capietur ab illa. 7.*

Sunt & alia plurima, quæ huic sacrosanctæ necessitudini passim conjugii offores objectant, quæ omnia si vellem referre merito essem molestus: nonnulla tamen ex illis sparsim inferius attingam atque diluam. Antequam autem ad ea quæ obijciuntur respondeam, necesse est statum conjugalem definire, natura enim illius perspecta, difficilius fidem impetrant ea, quæ adversus illum dicuntur, quamvis nullius patrociniò defendatur.

## §. II.

*Societatis conjugalis explicatio.*

1 Tertul. lib.  
2. de Virg.  
Velan.

**V**OX conjugii deducta est à jugo, quo par hominum ad mutuam fidem castitatem & auxilium devincitur. Nomen vero connubii & nuptiarum à prisco ritu manavit, quo sponsa caput nubebat, id est velabat, in pudoris & subjectionis symbolum. 1. Divino enim pariter & humano jure, uxor maritali imperio subjicitur. Matrimonium denique dicitur, quia illo voto mulier nubit, ut mater efficiatur. Atque hæc est nominis explicatio.

2 §. 2. Instit.  
de Nuptiis.  
3 Lege 1. D.  
de ritu Nupt.

Quantum ad rem pertinet. Nuptiæ non aliud quidpiam sunt, quam viri & mulieris conjunctio, ad individuum vitæ consuetudinem 2. id est ad consortium prosperæ & adversæ fortunæ. 3 & ad convictum perpetuum. Vera hæc societas Romanis olim incognita fuit, tantumque obtinuit, mutua ad promiscuum usus communicatio.

4 l. 1. D. de  
concubinatus.

5 Leg. 31. D.  
de regul. jur.

Neque obstat huic definitioni, quod conjugia divortiis aliquando dissolvantur, jure civili potissimum: ex inopinato enim id & quasi fortuito accidit, ideoque non erat habenda ejus ratio in definitione, cum nuptiæ hoc animo contrahantur, ut perpetuæ sint. adeo ut hac destinatione animi, tanquam propria nota, à concubinato distinguantur. 4. Conjunctio autem intelligi debet, animorum magis quam corporum, juxta regulam juris, *Nuptias non concubitus sed consensus facit.* 5.

Nec vitiat hanc interpretationem, quod finis nuptiarum sit procreatio liberorum: considerandum enim est, quod consensus sit causa efficiens, cujus utique major est vis & potestas: etenim



nim absque consensione neque intelligi quidem matrimonium potest: ante concubitum vero, imo sine eo consistit aliquando, si videlicet conjuges postea mutuo consensu se contineant; non vero ex conventionem ab initio apposita matrimonio, per eam quippe impedirentur nuptiæ, tanquam earum fini repugnantem.

6. Adeo autem consensus perficit nuptias, ut nec hodiè verba requirantur, sed sufficiant signa, nutus, etiam in fandi potentibus. 7. Adeoque si parentibus verba pactionis conjugalis exprimentibus nomine liberorum, ii tacuerint, valebit matrimonium etiam non aliis per eos signis editis, quamvis diversum erit, si extraneus verba consensus expresse. 8. Ex adverso, si quis solenniter matrimonii fidem asserat, sed simulatè alioque proposito, puta potiendi concubitu, ne quidem eo secuto matrimonium erit. 9. Sed difficultas erit in probatione talis propositi. Nam licet alias, ea quæ animi motu finiuntur, probentur juramento, 10. id tamen in præsentī negotio non patitur matrimonii favor. 11. & suam ultro imposturam confitentis nequitia.

Duplex autem est finis perpetuæ hujus virum inter ac mulierem societatis. Primus præcipuusque liberorum procreatio: secundus post illum illicitæ concupiscentiæ remedium. Quod facile attenditur ex sancto Augustino. 12. juxta quem triplex est bonum conjugii, proles videlicet, fides, & sacramentum.

Hostes conjugii negant in conjugio finem illum secundum, dicuntque quemadmodum adversus ebrietatem ex furtivo vino contractam, non est remedium potatio vini proprii, quia utrumque æqualem vim inebriandi continet: ita & usus conjugii non est efficax medicina ad extinguendam concupiscentiam, quia quis ad vetitum amorem accenditur, quia idem omnino est ignis in utroque.

Verum longe alia est ratio ebrietatis & usus conjugalis: nam cum lex divina omnem omnino prohibeat ebrietatem, merito non tantum furtivo sed etiam nostro vino fugimus inebriari: at vero quia eadem lex, non quamlibet viri cum fœmina consuetudinem improbat, sed aliquam etiam probat ac mandat, ea vero est conjugalis, sanctissimè utique quivis illâ fruitur, ut satius non esuriat id quod est prohibitum. Addo majorem culpam esse furtivo potu, quam suo inebriari, hoc enim solius intempe-

6 Couvar. de

Spons. part.

2. cap. 3. § 1.

7 Mascard.

de Prob.

concl. 1023.

8 Couvar. ib.

Num. 4.

9 Couvar. ib.

sup. c. 2.

10 Vivius dee.

478.

11 C. in lite-

ris de testi-

bus.

12 de Nupt.

& concupi-

scnt. lib. 1.

cap. 2.

C. omne. ita-

que 27 quart.

2.



rantiæ malum continet ; illud verò & intemperantiæ & simul injustitiæ.

## §. III.

*Refelluntur ea quæ conjugali Societati sunt objecta.*

1. Instit. de  
jur. Ser.

**H**IC ad ea, quæ paragrapho primo adversus conjugium dicta sunt, respondendum est. Et in primis injuste Matrimonium servitus ab illis esse dicitur. Servitus, si Iustiniano credimus, est constitutio juris gentium, quâ quis dominio alieno contra naturam subicitur. 1. at matrimonium, eodem imperatore teste, non est mera juris gentium aut juris civilis constitutio, sed naturæ rerum parentis sanctio. Ius naturale (inquit Imperator) est illud, quod natura omnia animalia docuit. Nam jus istud non humani generis proprium est, sed omnium animalium, quæ in cælo quæ in terra quæ in mari nascuntur. Hinc descendit maris atque scæminæ conjunctio, quam nos matrimonium appellamus. Hinc liberorum procreatio, hinc educatio. Videmus etenim cætera quoque animalia istius juris peritia censer. 2. Hæc Imperator, quo etiam tacente quis non videt, naturæ generi animantium esse insitum, ut procreandi causâ conjuctionis sit appetens, & salutem suam putet in his quæ procreata sunt contineri.

2 Instit. de  
Jur. Natur.  
gent. & civil.

Nam sensus generandi in bestiis quoque perspicuus est; siquidem volatiliū (ne si de cæteris dixerō longior sim) nidificandi studium omnes videmus, in quibus in promptu est, quædam conjugiorum similitudo, ad similes procreandos atque enutriendos. Hoc modo veluti corpus cibo, sic hominum & belluarum genus perpetuum fit. Vnde nulla unquam gens tam barbara fuit, adeoque extra leges mores projecta, tam ab omni humanitate aliena, apud quam non sanctum ac non venerabile sit nomen conjugii. Hoc Thrax, hoc Sarmata, hoc Tartarus, hoc Indus & quicquid usquam est agrestium populorum; hoc Græcus, hoc Latinus, hoc vel toto divisus orbe Britannus habet religiosum. Quare nescio qua audacia mortalium improbissimi damnant in servitutem illum statum, quem Deus instituit, natura sanxit, ratio suadet, divinæ pariter & humanæ leges jubent, sacra & profana pagina laudat, omnium gentium consensus approbat, optimi cujusque exemplum commendat? Nescio qua fronte hanc  
dul-



dulcissimam societatem, omnium servitutum miserrimam contendunt, cui (ut verus ob suam facundiam Mercurius Batavus <sup>3</sup> loquitur) inest acris & penetrans voluptas, & omni naturæ necessitudine potentior, animorum corporumque conjunctio, quæ duos sic devincit, ut recte æstimantibus neutiquam plures esse videantur.

<sup>3</sup> Jacobus  
Crucius E-  
pist. lib. 2.

*Sic nutrit amorem*

*Alterius vicinus amor, sic ignis ab igni*

*Pabula lata capit.*

Quo nihil dulcius, nihil optatius, homini accidere potest. Quid enim suavius, quid dulcius? quam cum ea vivere, cum qua sis non tantum animorum conjunctione, & interiore affectu, sed & corporum mutua communione arctissime copulatus, quæ cum animi tui secreta communices; omnes curas omnes cogitationes misceas: quæ cum perinde ut tecum loquaris, cujus conscientiam minus quam tuam timeas, & quæ ea quæ tibi contingunt, sibi quoque evenire deputet. Cum cæteris amicis amoris tantum & benevolentia vinculo jungimur, cum uxore & summa caritate, & mutua corporum fruitione, inviolato sacramenti fœdere, & fortunarum omnium societate. Ad hæc in aliis amicitiiis, quot quantisque simulationum involucris fucata omnia? Frons oculi vultus quoties mentiuntur? quoties latentem in animo perfidiam celant? Quanta in his vel levi de causa mutabilitas & inconstantia? At in uxoria caritate, quanta firmitas, quanta constantia? in constantia quanta integritas? in integritate quantus ardor? qui nulla rerum vicissitudine minui, imo, ne ipsa quidem morte divelli potest, aut extingui. Vxor parentum pietatem præ mariti amore contemnit, lares patrios deserit & consanguineos, unum maritum respicit, illum spirat, ardet, cogitat, ex illo uno & solo pendet, cum illo vivere, cum illo mori desiderat. Fortunæ marito splendida & lautæ? habet quæ cura tueatur, quæ parcimonia sua augeat. Rerum premitur angustia? habet quæ ampliet, & dilatat. Si res illi ex voto fluant, erit quæ felicitati ejus gratuletur, sin minus? quæ afflicto condoleat, tristitiæ solamen adferat, quæ assideat, inferviat, & illius malum suum esse cupiat. Ita si quid acciderit læti, gemina sit voluptas, si quid mali, societas adimit dimidium ægritudinis. ita

*Aeneas*

*Lavinia curas*

*Diluit,*



*Diluit, & Phrygius tepidis amplexibus heros  
Hæsit, & adversos æquarunt basia casus.*

Si domi agat adest quæ præsentia sua, quæ hilaritate vultus, quæ alloquio, quæ verbis amoris & obsequii plenis, quæ argutiis, ad jocum & risum natis, graviores animo curas, gratâ diversione eximat, & solitudinis tedium dispellat. Quis istiusmodi festivitæte non capitur? Si foris, est quæ abeunti osculum figat, egressum oculo comitetur, absentem desideret, redeuntem læta excipiat. Paucis dulcissima viri juventæ socia, & gratum venturæ aliquando senectutis solatium.

Hæc omnia felicitatis ac voluptatis potius quam servitutis sunt argumenta apud viros civiles, civiles, inquam. nam si loqui velimus subtilitate Stoicorum (secundum quos, etiam illa cura, quam de corporis vitæque nostræ conservatione habemus, servitus est gravissima) servitutem quandam esse dicemus, sed honestam, utilem, jucundam, & necessariam, libertati-que politicè minimè repugnantem. Quemadmodum enim servitus illa, qua quis obedit legibus, aut rectæ rationi obtemperat; nullatenus convellit illius libertatem; ita & hæc, cui ex ipsius naturæ conditione sumus obnoxii, salvam atque incolumem nobis relinquit civilem atque humanam libertatem. Quia liberi, libertatem illam Stoicorum, ut & illos ipsos non curamus, qui ineptè conantur, quod diis convenit, hominibus tribuere; Quia in parte, dum admirabiles se videri putant, & falsi quod ipsi alio more vivant, quam doceant; & inanes, quod facta verbis non respondeant; & impii, quod ea quæ Deorum sunt mortalibus ascribunt, deprehenduntur. 4.

4 Hieron.  
Cardan. de  
arcan. prud.  
civil. cap. 1.

Ex dictis ergo perspicuum sit, viros nequaquam per conjugium effici servos mulierum, neque eos dominas suas (quod esset durissimum) alere, sed conjuges, rerum omnium confortes, individas lætorum omnium atque tristium socias.

Illis qui dicunt deformes uxores maritis esse pœnam, venustas autem, communes; jam pridem eleganter à quodam est responsum, qui hac argutia conjugium sibi dissuadentibus respondit: Si duxero deformem, nequaquam erit communis, si vero formosam, non habebo tormentum: Adde ego nec tyrannidem. tyrannis enim gravis est, & invisa, at elegantis fœminæ conjugium, suave est & amabile.

Qui



Qui dicunt, æque pudicitiam atque libidinem uxoris exhibere marito molestiam, æque impudentes atque imprudentes sunt. Existimant enim æque infelicem fuisse Vlysssem ex sua Penelope, quæ in fide semel data, post rerum acerba discrimina, & spes lautissimorum matrimoniorum objectas, constanter perseveravit, atque Menelaum ex Helenâ, quæ lascivum amorem fide conjugali potiore habens, cum peregrino adultero, adultera ipsa fugiens, conjugem, regnum, & patriam reliquit. Certe ut non est dolor major illo, quo corpus suum quis videt aliena libidine pollui, cum uxor sit os ex ossibus, & caro de carne mariti. 5. Ita non est major voluptas & beatitudo quam habere conjugem incorruptæ fidei, inviolatique pudoris. Nam teste scriptura, *Qui invenit mulierem bonam, invenit bonum, & haurit benedictionem à Domino.* 6. item *Mulieris bona beatus vir, numerus annorum illorum duplex.* 7. & paulo inferius. *Gratia super gratiam mulier sancta & pudorata: omnis autem ponderatio non est digna continentis anima.* 8. Denique Salomon in Proverbiis mulierem vocat coronam viri. 9. Et Paulus gloriam viri. 10. Definatur autem gloria, consummatio & perfectio rei quiescentis & delectantis in suo fine: quando videlicet rei nihil addi potest, ut crescat ejus perfectio. Mulier itaque consummatio perfectio felicitas benedictio & gloria viri existit, atque ut ait Sanctus Augustinus, prima humani generis in hac mortalitate societas. Habuit enim prius vir uxorem, uxorque virum, quam patrem, quam matrem, quam fratrem, quam liberos. Verum ut unde digressus sum redeam, maximam optimis mulieribus faciunt injuriam, qui in eadem mariti infelicitate ponunt castam atque incestam mulierem: sicut & in matrimonium sunt iniqui, illud ob quorundam conjugum culpam improbant, & hominum vitium in divinum institutum derivantes.

Commemorant præterea tragædias nescio quas, quibus odia adversus foeminas, illarumque societatem concitent: at non commemorant historias, quibus laudes illustrium optimarumque mulierum continentur. Et licet ego quoque, ne sim longus & in re clara nimis multus, nolim sollicitè illas hic referre; quia tamen multos video, & verbis & factis impurum suum coelibatum castissimis atque sanctissimis nuptiis præferre, uxoresque tanquam funestam virorum pestem fugere, ideo aliquas mulierum laudes, in brevissimum compendium, ab

5 Cap. Ad-  
monere. cauf.  
33. quest. 2.

6 Prov. 18.  
7 Eccl. 26.

8 Eccl. 26.  
9 Prov. 12.  
10 1 Cor. 13.



11 de Nobil.  
lit. & pract.  
Fœm. lex.

Henrico Cornelio Agrippa 11 conclusas subjiciam.

Ac per singula virtutum genera eundo, ubique amplissimum locum fœminæ tenuisse inveniuntur. \* Mulier fuit, quæ primo virginitatem Deo devovit, ipsa Virgo M A R I A, quæ ex hinc meruit esse mater Dei. Mulieres in prophetia divinissimæ extiterunt: quod testibus Lactantio, Eusebio, & Augustino, de Sybillis notum est. Maria Moysis soror erat prophetissa, & captivo Heremia uxor avunculi ejus nomine Holda perituro populo Israel prophetis suscitatur. Scrutemur Sacras Scripturas, & videbimus, mulierum in fide cæterisque virtutibus constantiam supra sexum commendatam. Testis Judith, Rhut, Hester, quæ tanta gloria celebratæ sunt, ut sacris quoque voluminibus nomina indiderint. Abraham ille, quem ob fidei firmitatem scriptura justum vocat, quoniam credidit Deo, voce Domini jubetur, ut recta monenti uxori suæ Saræ obediat. Omnia (inquit Dominus) quæ dixerit tibi Sara audi vocem ejus. Rebecca firmiter credens, pergit ad interrogandum Deum, & ex ejus responsione audit miraculum: Duæ gentes sunt in utero tuo, & duo populi ex ventre tuo dividuntur. Vidua Sareptana credidit Heliæ, licet rem difficilem sibi dixerit, Zacharias ab Angelo de incredulitate redargutus obmutuit, at Elizabeth uxor sua, utero & voce prophetat, ac commendatur. quia fideliter credidit, quæ deinceps commendat Beatissimam Virginem dicens, Beata quæ credidisti, quæ dicta sunt à Domino. Anna prophetis post Simeonis revelationem confitebatur Deum, & loquebatur de omnibus volentibus audire, qui expectabat redemptionem Israel. Erant & Philippo quatuor filiæ Virgines prophetantes. Quid dicam de Samaritana illa, cum qua Christus loquebatur ad puteum, & saturatus fide credentis, cibos respuit Apostolorum. Accedit ad hæc fides Chananeæ, ac mulieris illius, quæ fluxum sanguinis patiebatur. Nonne etiam fides & confessio Marthæ fuit admirabilis. Et in Maria Magdalena quanta fuerit fidei constantia ex Euangelis nobis notum est. Ipsa namque dum sacerdotes & Iudæi Christum crucifigunt, plorat ad crucem, unguenta portat, quærit in tumulo, hortulanum interrogat, Deum recognoscit, pergit ad Apostolos, resurrexisse nunciat, illi dubitant, ista confidit.

Adde insuper illas etiam, quæ martyrii patientia & mortis con-



contemptu fidei suæ constantiam testatæ sunt, esse plurimas: una pro cunctis non est hic silentio prætereunda mater illa mirabilis & bonorum memoria digna, quæ in conspectu suo pereuntes crudeli martyrio septem filios non solum bono animo ferebat, sed fortiter etiam hortabatur ad mortem; atque ipsa per omnia in Deo confidens post filios, pro patriis legibus consumpta est.

Præter hæc claruerunt etiam mulieres olim apud gentes in sacerdotio, Melissa, Cybeles, à cuius nomine cæteræ Deæ sacerdotes Melissa postea dictæ sunt. Item Hypocautria Sacerdos Minervæ, Mera Veneris, Iphigenia Dianæ. Fuerunt & foeminae Bacchi sacerdotes multis nominibus claræ, ut Thyades. Mænades, Bacchæ, Eliades, Mimallonides, Ædonides, Eubya-des, Bassarides, Triaterides. Apud Iudæos quoque Maria Moysis ac Aaronis soror, quasi sacerdos habita est. In nostra vero religione licet mulieribus sacerdotii functione interdictum sit, sacerdotum tamen reverentiam habent, Sanctissimæ Abbatissæ & Moniales, quas antiquitas non dedignatur vocare Sacerdotes.

In Philosophia præclaræ extiterunt, Theana Vxor Pythagoræ, ejusque filia Damani exponendis paternis sententiarum involucris celeberrima. Item Aspasia & Ditima Socratis discipulæ, & Mantinea, & Philesia, Axiochia Platonis discipulæ. Extollit denique Plotinus Geminam atque Amphicleam; laudat Lactantius Themisten; exultat Christiana Ecclesia in Diva Catharina, quæ sola puella omnem illius evi sapientum doctrinam longe superavit. Nec nobis hoc loci Zenobia regina Longini Philosophi discipula memoria excidat, quæ ob effusam & candidam literarum peritiam, Ephinissæ accepit appellationem, cujus sacro sancta opera Nicomachus Græca reddidit.

In oratoria & Poësi offerunt se nobis insignes Armesia, cognomento Androgenia, Hortensia, Lucretia, Valeria, Copiola, Sapho, Corinna, Cornificia Romana, & Erimna, Telia seu Tesbia, quæ Epagrammista fuit cognominata. Et apud Sallustium Sempronia, apud Iurisconsultos Calphurnia. Gracchorum eloquentissimam linguam mater Cornelia formavit, & Sydem Aripithi Scythiæ regis filium, Istrinei mater Græcam linguam docuit.

Quod si & prudentiam in foemineo sexu requirimus, abunde



est exemplorum. Opis inter Deas relata, Plotina Trajani uxor, Amalasuntha Ostrogothorum regina. Æmilia Scipionis uxor, quibus accedit Debbora mulier prudentissima, uxor Labidoth, quæ ipsa, ut legitur in Libris Iudicum, aliquamdiu super populum Israël iudicavit, ascendeabantque ad eam filii Israël in omne iudicium, illaque iudice Israeliticus exercitus, hostibus cæsis fugatisque victoriam reportavit. Semiramis post mortem Nini regis iudicabat populos quadraginta annis. Et omnes reginæ Candaces Æthiopiæ prudentissimæ potentissimæque regnarunt, de quibus mentio fit in Actis Apostolorum. Mira autem de illis narrat fides ille antiquitatis scriptor Iosephus. Huc etiam accedit Nicaula regina Sabæ, quæ veniens à finibus terræ audire sapientiam Salomonis. Fuit & Thecuitis quædam sapientissima mulier, quæ David regem interrogatione concludit ænigmate, exemplo Dei mitigavit. Nec hic prætereunda sunt Abigail & Bethsabea, quarum illa virum suum liberavit ab ira David, & post mortem viri sui facta est regina & uxor David: altera autem Salomonis mater, filio suo regnum prudenter impetravit.

Porro in rerum inventionibus exemplo sunt Isis, Minerva, Nycostrata: In condendo imperio & urbibus, Semiramis universi orbis Monarchiam tenens, Dido, Amazones: In bellorum certaminibus Thomiris Massagetarum regina, quæ Cyrum Persarum Monarcham devicit. Item Camilla de gente Volscorum, Valisca Bohemiæ, ambæ potentes reginæ. Item Indorum Pande, Amazones, Candaces, Lemnenses Phocensium, Chiarum, Persidæque mulieres. Legimus de aliis multis illustrissimis mulieribus, quæ mira virtute universæ nationi suæ, in summa rerum desperatione salutem restituerunt, inter quas & Iudith, quam Beatus Hieronymus his verbis extollit inquires: *Accipite Iudith viduam castitatis exemplum, triumphali laude perpetuis eam præconis declarate.* Hanc enim non solum sæminis, sed & viri mirabilem dedit, quia castitatis remunerator virtutem talem tribuit, ut invictum omnibus vinceret, & insuperabilem superaret. Legimus adhuc, quia mulier quædam sapiens vocavit Ioab, & dedit in manus suas caput Sibæ inimici David. Et mulier alia jaciens fragmentum molæ allisit capiti Abimelech, & confregit cerebrum ejus, executrix vindictæ Dei, quia fecerat malum coram



ram Domino, contra patrem suum, interfectis septuaginta fratribus super uno lapide. Sic Hester Assueri regis uxor, non solum liberavit populum suum à morte turpissima, sed insuper summo honore decoravit: obfessaque à Volscis urbe Roma Martio Coriolano duce, quam armis viri urbem defendere non poterant, Veturia magno conatu mulier, ac Coriolani mater, filii objurgatione servavit. Arthemisia irruentes sibi Rhodios & classe exuit, & insulam domuit erecta in urbe Rhodia statua quæ perpetuum illi stigma inureret.

Possẽm innumeras hic ex Græcorum, Latinorum, Barbarorumque, tam veteribus quam recentioribus historiis præstantissimas mulieres recensere. Sed instituti mei ratio vix & hæc quæ retuli patitur.

Venio ad fœdas illas detestandasque proprietates, quas impudentissimi calumniatores in odium sanctissimæ societatis, quæ virum inter ac mulierem intercedit, scæminis attribuunt, dæmones illas esse, bubones, capras, fœtores, & si quid est magis fœdum magisque abominandum, asserendo.

Quæ controversia cum nimis sit clara, longis disputationis ambagibus non eget. Oculorum sensuumque testimonium sufficit. Quis enim in hoc mirabili Dei opificio (mulierem intelligo) non videt, divinum quendam splendorem relucere, omnemque munditiam & pulchritudinem locum ac sedem suam habere. Etenim mulieris corpusculum omni aspectu, tactuque delicatissimum, caro tenerrima, color clarus & candidus, cutis nitida, caput decorum, cæsaries venustissima, capilli molles, lucidi, & portensi, vultus augustior prospectusque hilarior, facies omnium formosissima: cervix lactea, frons expedita, spatiosa, & splendida, oculi vibrantiores, micantioresque, amabili hilaritate & gratia temperati, supra hos supercilia in tenuem gyrum composita, eademque cum decora planitie decenti distantia divisa, è quorum medio descendit nasus, æqualis & intra rectum modum cohibitus, sub quo os rutilum & tenellis labris conformi compositione venustum, intra quæ tenui risu dentes emicant minutuli, & æquo ordine locati, eburneo candore nitentes, illorumque quam viro paucior numerus, quod neque edax neque mordax sit mulier. Circumsurgunt maxillæ, genæquæ tenera mollitie, roseo fulgore rubentes, verecundiæ-

Henr. Contr.  
Agrip. de nobil. scæm. scæ.



que plenæ, ac mentum orbiculare decenti concavitate jucundum. Sub hoc collum gracile, & longiusculum, rotundis ex humeris erectum, gulaque delicata & albicans, mediocri crassitie fulta, vox & oratio suavissima, pectus amplum & eminens, æquali carne vestitum, cum mamillarum duritie, illarumque simul ac ventris orbiculari rotunditate. Latera mollia, dorsum planum & erectum, brachia extensa, manus teretes, digitique concinnis juncturis protensi. Adhæc incessus illius gressusque modestus est, motus decens, gestus amabilis. Et ut semel dicam, mulier totius corporis ordine atque symmetria, figura ac habitudine, longe lateque in omnibus speciosissima est, nulumque in tota creaturarum serie aut spectaculum adeo mirandum, aut miraculum adeo spectandum esse videtur, ut nemo nisi cæcus, omnino non videat DEum Optimum Maximum, quicquid pulchritudinis sparsim in universo mundo reperitur, in mulierem simul congefisse; ut ob id illam omnis creatura stupefcat, & multis nominibus amet ac veneretur. Quod si qui sint, qui illam non amaverint, quique odio habuerint, illos ab omnibus virtutibus & gratiis, nedum ab humanitate esse alienos necesse est.

12 Plut. in  
Amoror.

Ac ut Plato Xenocratem alias generosum & magnanimum sed interim moribus austerissimis hortatus est, ut Gratiis rem sacram faceret: 12 ita & ego non inepte pronubæ illos Iunoni, atque Amori, immolare jubeo, ut propitii iis sint, jucundumque matrimonium efficiant.

Simonidis responsum nullam habet auctoritatem, utpote morbo non iudicio datum. Sacri Canones nequaquam nuptias improbant, sed eas favoribus præcipuis & benedictionibus prosequuntur. Nec Sanctus Augustinus conjugalem vitam facit periculosa navigationi similem, sed recti sanctique propositi desertorem per verbum *Navigasti* docet periculosum esse, fidem semel Deo datam violare; qui enim in spem pœnitentiæ atque veniæ peccat similis est illi qui ventis & mari fragilem credit ratem, sicut enim ille non potest ferentes sibi ventos certo polliceri, ita neque hic pœnitentiam. Quod autem ista sit illius loci interpretatio inde constat, quod ille Bonifacius supradictus Comes, castitatem suam Domino Deo promiserat, per simplex (ut loquuntur) continentia votum, quod violavit uxoremque



que duxit. Vnde Sanctus Augustinus primo dixit, *Navigasti*, & postea addidit, *uxoremque duxisti*, quasi dixisset *Navigasti*, in periculumque te conjecisti, mutando propositum integritatis, & postea uxorem duxisti.

Scriptura quæ dicit inventam esse mulierem morte amariorem, ut malas vituperat, sic bonas mulieres commendat, quod nemini nam constat. Nec mirum est quod mala mulier morte sit amarior, non bona vita est dulcior. Philosophorum est doctrina, earum rerum corruptionem esse pessimam, quarum integritas est optima. Prudens in omnibus meliora eligit, deteriora fugit.

In fine hujus capituli velim illos qui conjugio sunt infensi, meminisse, matrimonii reprehensores, hærescos ab Ecclesia damnari, tamque honorificum esse matrimonium, quam est infame vocabulum Hæretici.

## CAPUT II.

*De iis, quæ ad justas nuptias contrahendas requiruntur.*

**A**D legitimum matrimonium, seu justas nuptias quatuor potissimum sunt necessaria: primo status sive conditio personarum contrahentium; secundo ætas habilis ad contrahendum; tertio consensus; quarto ut absit impedimentum quominus licita sit conjunctio. Hæc quam brevissimè sequentibus paragraphis expediemus.

## §. I.

*De Statu seu Conditione personarum, matrimonium contrahentium.*

**L**egibus Romanorum statutum erat, ut Cives Romani (id est liberi) sint, qui nuptias inter se contrahunt & secundum præcepta legum coeant. Vnde apud eos cum servis nuptiæ non contrahebantur sed tantum contubernium <sup>1</sup> & servorum conjuges, non uxores, sed contubernaes dicebantur. <sup>2</sup>

Hodie etiam inter servos, quos lavit unda baptismatis, jure Canonum constat matrimonium, quia Ecclesia non habet personarum delectum; quamvis id jus civile non admittat, quo servi

<sup>1</sup> l. cum ancillis <sup>3</sup> C de incest. Nupt.  
<sup>2</sup> l. Uxorē <sup>4</sup> § Codicillis  
<sup>2</sup> D. de legib.



servi pro nullis habentur. Error nihilominus conditionis servilis, quando liber contrahit cum ancilla, vel libera cum servo, irritum reddit matrimonium. <sup>3</sup> Quia hujusmodi personæ non possunt fungi officio conjugali, nec ad libitum suum, individuum secum habere cohabitationem, neque prolem habere, aut eandem religiosè educare,

<sup>1</sup> C. 2. & 3. & fin. de conjug. serv.

## §. II.

*De atate ad nuptias idonea.*

**A**liam ad matrimonium ætatem jura, aliam politici requirunt, & tam illa, quàm hi aliam marito, aliam uxori definiunt. Secundum ergo jura ætas ad matrimonium habilis in maribus est quatuordecim annorum <sup>1</sup> in fœminis duodecim annorum <sup>2</sup> illa etenim ætate mares ut plurimum fiunt puberes, & facultas genituræ in illis incipit: fœminæ vero viri potentes seu nobiles efficiuntur.

<sup>1</sup> Instit. quib. mod. tut. fin.  
<sup>2</sup> Proculejorum hæc sent. est.

Verum quia non solius tantum genituræ ratio haberi debet, sed insuper prudentiæ, quæ sufficiat regendæ familiæ, uxori & liberis, in quos nimis exiguo ætatis intervallo discretos non satis auctoritatis habent parentes; & etiam quia præmatura libido vires exhaurit, incrementa impedit, & sobolem quoque debilem gignit, <sup>3</sup> ideo philosophi & legumlatores, aliter suaserunt. Hesiodus Poëta Vetustissimus & Xenophon suavissimus philosophus, viro trigesimum, mulieri quartum decimum annum addixerunt, Lycurgus autem septimum & trigesimum maribus, decimum octavum fœminis constituit. Idem præscripsit & Aristoteles <sup>4</sup> Puellas (inquit) circa ætatem decem & octo annorum nuptui tradere congruit, masculos autem, circiter annorum septem & triginta. in hoc enim tempore, & vigentibus corporibus conjunguntur, ac procedente tempore simul apte desinet procreare posse, & filiorum susceptio partim erit ab initio ætate vigentibus adhuc, si recte procedat statim generatio, partim jam vergentibus ad annum septuagesimum. Hæc Aristoteles. Attamen (ut rectè monet Diodorus Tuldenus <sup>5</sup>) hæc rationum momenta prudentiæ & libertati relinquenda fuerunt, non verò trahenda ad necessitatem juris, quod tam præcoces nuptias non quidem probat, sed permittit nature instinctui, ne alioqui in vagas libidines effundantur. Quæ ratio.

<sup>3</sup> Arist. 7. Politic. cap. 15.

<sup>4</sup> Ibidem

Comment. ad Instit. tit. 10. cap. 3.



ratione jus Canonicum, etiam ante hunc terminum nuptias permittit, si vigor genituræ cum prævertit, 6 Atque ita Cassianus hac in parte sequitur, qui ex habitu corporis æstimabant pubertatem. Denique inter reges principesque, quoties matrimonium est pacis stabilimentum, validè contrahitur, & à prorsus impuberibus. Sed cur citius fœminæ ad nuptias admittantur quam viri, cum tamen major sit naturæ vis in sexu virili, à multis quæri video? Et responderi potest, naturam per constitutum procedere, ideoque quia fœminis breviorē quàm maribus vitæ facultatem indulgit 7. etiam citiorem pubertatis terminum posuit. Acutè & Macrobius, 8 quod fœminæ cito generationi admoventur, naturæ fœminæ imbecillitati adscribit, ut exilia poma celerius maturescunt, robusta serius.

6 C. de illis  
& C. fin. ext.  
de sponsa im-  
pub.

7 Arses de  
diuturnit.  
& brevit.  
vitæ c. 1.

8 Lib. 7. Sa-  
turn. cap. 7.

## §. III.

*De consensu ad contractum matrimonii necessario.*

**D**Vplex in nuptiis invenitur consensus, alter ipsarum personarum matrimonium contrahentium, alter verò eorum, in quorum potestate sponsus & sponsa existunt. Prior ergo consensus ita est necessarius, ut in eo tota vis matrimonii consistat: quia inter invitos non ineuntur nuptiæ, cum coactæ difficiles soleant habere exitus. Debet autem hic consensus esse certus, & sine errore circa personam cum qua contrahitur; Liber præterea à quovis metu, qui si justus sit, vinculum matrimonii impedit, nisi spontanea cohabitatione purgetur.

Iam verò consensum illorum, quorum potestati sponsi subjacent, exigit matrimonium & naturali ratione, quæ parentibus deferendum honorem dicat, qui potissimum in obtemperando ipsis cernitur: & civili ratione, quia iniquum est invitis parentibus suum hæredem obtrudere, & inconsulto amore, atque impari matrimonio, imminuere familiæ dignitatem.

Sed non minus valida ratio in contrarium etiam est; quod matrimonia liberrima esse debeant, ne si alieno arbitrio dirigantur conjuges, non satiatis votis foras spectent, cum damno concordix, fidei, & castitatis. *Quod si licet aliquando inquit Fabius etiam contra parentis voluntatem, ea quæ alioqui reprehensio-*

1 Declam.  
257.



1 C. penult.  
ext. de rap-  
torib. C. sus-  
ficiat 27. q. 2.

3 arg. Gene-  
feos 36. Gro-  
tius de jur.  
libel. 5 Num.  
10.

*in matrimonio est.* Quæ ratio Pontifices movit, ut in hac parte jus civile abrogaverint 2 Accedit quod cum patris voluntati non adstringatur filius familias in iis, quæ juris publici sunt, idem dicendum sit de matrimonio, quod juris divini est. Et jus divinum parentum auctoritatem exigens, liberos quidem, qui contra eam sine causa ineunt nuptias obstringit peccato, sed non & nuptias suo vitio irritas declarat, aut dissolvit. 3

## S. IV.

*De impedimentis matrimonii.*

**V**aria matrimonii impedimenta à Theologis & Canonistis late referuntur, nos paucis attingimus.

Primo impedit matrimonium *sanguis*; personæ enim junctæ sibi sanguine, nequeunt vinculo conjugali copulari, idque vel jure naturali, vel civili, vel Pontificio. Nam in primis naturalis verecundia damnat inter parentes liberosque quantocunque gradu etiam disjunctos conjunctionem, quæ nefaria dicitur, quia contra fas naturæ est, cujus ordo turbatur confusis pietatis nominibus, & violata reverentia sanguinis. Deinde jura civilia detestantur, & incestam judicant in certis sanguinis gradibus conjunctionem, qualis reperitur inter eos, qui sunt ex fratre vel sorore geniti, aliasque similes personas. nam cum patruus & amita loco parentum sint, propemodum contra fas naturæ est illa conjunctio, & merito incesta dicitur. Adeo ut cum Claudius Imperator ducta in uxorem Agrippina, cujus avunculus erat, id genus nuptias omnibus lege lata permisisset, unus tantum extiterit, qui tam impiæ legis indulgentiâ uteretur, & ne is quidem sponte, sed in Agrippinæ gratiam, vel ab ea subornatus, tanquam dedecore ejus minuendo, si plures fœdasset. 1 Denique Sacri Canones prohibent nuptias inter eos, qui per transversam (ut vocant) lineam sanguine se contingunt, adeo ut non aliter quam in quinto usque gradu licita sit conjunctio. 2

Secundum matrimonii impedimentum est *Affinitas*. Pari namque modo, eundemque in gradum prohibentur nuptiæ ratione affinitatis, quæ nihil aliud est, quam necessitudo intercedens cum conjugis cognatis, matrimonii societate eos invicem communicante 3 Adeo ut quo gradu & genere quisque uxore

4 Tacit. lib.  
Annal.  
Liv. 20.

2 C. non de-  
bet. ext. de  
consang. &  
affin.

3 L. 1 §. affi-  
nes D. de gra-  
dib.



ri alicujus cognatus est, eodem & marito affinis existat. Vnde liquet, quod cognati uxoris, & vir affines quidem sint, & vicissim; quia huc optimè referri potest illud vetus: *Si amicorum res communes, etiam amicorum amici communes.* At vero inter cognatos hinc uxoris, inde mariti, nulla affinitas existit. Cui consequens est, quod duo fratres unius familiæ, cum duabus alterius familiæ, sororibus ritè conjungantur. Item filia Novercæ, quam illa non ex privigni parente habet, rectè privigno copulatur. Iure Canonum non tantum ex nuptiarum societate, sed ex confusione sanguinis per illicitam corporum commixtionem oritur affinitas 4 propter quam, quemadmodum quis defunctæ uxoris suæ, ita & à se vitiatæ sororem, ducere uxorem non potest.

\* C. 2. extra  
de consang.

Tertium impedimentum confurgit ex *cognitione legali*, quæ per adoptionem contrahitur. Atque ita filius naturalis impeditur ducere sororem adoptivam, propter potestatem, cui simul subjiuntur, & ex qua oritur propinquitas. Frater quoque fratris filiam adoptivam non ducit, cum sit loco patrui, nec soror filio adoptivo fratris rectè nubit, quia amitæ instar est.

Quartum impedimentum nuptiis ponit *Publica honestas* ratione cujus, non potest quis eam in matrimonium accipere, quam uxor sua, post justum divortium, ex alio procreavit, licet talis mulier, nequaquam sit privigna viri, à quo sua mater per divortium separata est. Ex eodem impedimento sponsa patris non nubit filio, nec sponsa filii parenti. Neque enim conveniens est, ut quis eam uxorem habeat, quam loco matris, aut filię fere habuit.

Quinto impediuntur nuptiæ *cognitione mystica* inter baptizatum ejusque parentes, & baptizantem, vel eos qui de sacro fonte susceperunt. Idem contingit per sacram Confirmationem, quæ de re accurate Theologi.

Idcirco autem jure hæ prohibitiones sancitæ sunt, ut plura necessitudinum genera charitatem generis humani continuarent, diversis familiis, per nuptias conjunctis, quæ si permixtæ inter cognatos essent, intra naturę limites, benevolentię fœdera arctarentur, cum illæ sæpissime familiam non egrederentur, conciliante illecebra & propinquitatis, & ab ineunte ætate familiaritatis. §

§ D. Aug. de  
Civit. Dei  
lib 15. cap. 16.



Sexto impedit matrimonia *Perpetua impotentia exequendi officium conjugale*, sive illa à natura, sive à casu contingat, modo ante matrimonium eveniat. nam si post contractum matrimonium superveniat, nihil prorsus officit vinculo conjugali.

Septimum impedimentum ad matrimonium ineundum est *Sacerdotium*, ob quod clerici consecrati, seu in sacris ordinibus constituti, nequeunt uxoribus conjungi, non quod eam conjunctionem naturæ sensus damnet, aut jus divinum prohibeat, sed quod vetet Ecclesia, mota maximâ convenientia, cum eos qui rerum sacrarum functioni manciantur, omnis mundiciæ condeceat. Quanquam & conjugium clericorum nihil in se habet turpitudinis aut dedecoris, ubi non urget Ecclesiæ de continentia præceptum, uti non urget in Græco ritu, in quo sacerdotium cum conjugio consistit. Quod etiam in ritu Romano multi optabant, & Pius Pontifex dicebat, Sacerdotibus magna ratione sublatis nuptias, majore restituendas. 6 Si id Pontifex sensit, credo ad id respexerat, quod nunc is rerum ac temporum sit status, ut nusquam reperiatur minùs inquinata morum integritas, quam apud conjugatos. Ecclesia verò cælibatum sacerdotibus præscribens illa tempora potissimum videtur considerasse, quibus oportebat ecclesiasten ab omnibus mundi negotiis quam maximè expeditum esse. Cursum enim erat per omnes mundi regiones, doctrina salutis omnibus gentibus erat prædicanda, imminabat undique persecutor, nullibi fixum aut securum domicilium habere licebat.

6 Auctorem  
citatur Joan.  
Nevizian.  
in Sylva Nu-  
ptiali.

Præter dicta impedimenta fuerunt & alia, quæ jam in usu esse desierunt. Ut propter dignitatis inæqualitatem, Senatores, & ex iis geniti, libertinas, aliasve viles scæminas non rectè ducebant. Propter ætatem quoque viri sexagenarii scæminas sexagenarias prohibiti fuere ducere. Propter metum concussio- nis & fraudis, Præsidibus provinciæ uxorem ducere provincialem non licebat; neque tutori, ejusve filio eam, quæ in ipsius cura erat, non redditis rationibus. Quæ impedimenta hodie non obstant. Denique propter flagitii enormitatem. Ut raptor raptam ducat, jus civile non permittit. Secus Canonicum, si rapta loco tuto & libero extra potestatem raptoris constituta, in nuptias cum eo consenserit.



## CAPUT III.

*De penis illegitimarum nuptiarum & premiis legitimarum.*

**S**acratissimus princeps Iustinianus imperator præscripto nuptiis ritu, & numeratis iis, quæ obstant matrimonio, tandem subjicit: *Si adversus ea quæ diximus aliqui coierint nec vir nec uxor nec nuptiæ nec matrimonium nec dos intelligitur.*

1 Quæ omnia civiliter intelligenda sunt. Vir & uxor nomina sunt dignitatis, & nomina personarum, quæ nuptiis conveniunt. Nuptiæ & matrimonium civilia quoque sunt nomina. Dos verò sine matrimonio iusto constitui non potest. Nati proinde ex tali conjunctione nec in patriâ sunt potestate, ut quæ solum ex iustis descendat nuptiis: nec patri suo hæredes esse possunt; nec de patris familia intelliguntur, sed sunt tales, quales ii, quos mater vulgo concepit. Nam nec hi patrem habere intelliguntur, cum & his pater incertus sit. Vnde solent spurii appellari, quasi sine patre filii. Et pænæ quidem sunt istæ.

Præmia autem iustis nuptiis (præterquam quod Imperatores annum ad immunitatem concesserunt, & præmium è publico statuerunt ei, qui de novo uxorem duxisset) plurima fuerunt antiquitus constituta. Vt qui liberos procreassent, in sententiis dicendis essent primi, & in petitione magistratus, aut officii alicujus, liberorum numerus prævaleret. 2 In theatris ac spectaculis honoratiorem iidem locum occuparent. 3 Singulis annis acciperent munera. 4 Liberi essent ab excubiis apud Spartanos maxime, si tres haberent filios, immunes ab omnibus publicis officiis, si quinque. 5 Liberarentur à tutela & cura, qui tres liberos superstites haberent Romæ, vel in Italia quatuor, vel quinque in provincia. 6 Causa præmiorum illa est. Quia usu comperit, nuptiis legitimis aptiores ad honestatem filios nasci, gravius educari, meliores denique cives effici, ex quibus constans civitas, amicis, iustitia charior est, hostibus, virtute terribilior; sicut etiam exploratissimum magistra fecit experientia, illos qui illegitime ac intemperanter procreati sunt, ut plurimum flagitiosos ac improbos, & ad turpitudinem propensiores esse. Honestò loco natos paternæ gloriæ lumen obscuros esse non patitur, qui parentum imagines sibi plus oneris quam

1 Si adversus Inst. de Nuptiis.

2 Appian. lib. 2. de Bello Civil.

3 Sueton in Aug.

4 Herodot. lib. 1.

5 Arist. 7. Polit. c. 7.

6 Inst. de Excultura vel Curatorum.



7 Franc Bat-  
bar. De re  
uxor. lib. 1.  
cap. 1.

8 Lib. de  
Sacr. Matr.

honoris asferre intelligant, nisi sua virtute majorum dignitati, ac amplitudini respondeat. 7

His pœnis unusquisque ad justas nuptias adigitur, his præmiis invitatur: quanquam ipsæ nuptiæ amplissimum sunt sibi ipsis præmium, sicut & cœlibatus pœna. Nam ut recte disserit Henricus Cornelius Agrippa 8 qui uxore caret, domum non habet, quia domum non figit: & si habet, moratur in ea, tanquam peregrinus in diversorio. Qui uxorem non habet (etiam si ditissimus sit) nihil fere habet quod suum est, quia nihil habet tutum ab insidiis, nec habet cui posset relinquere, nec cui confidere. Qui uxorem non habet caret familia, caret propinquis, & sine posteritatis spe, semper desertus & destitutus est: Furantur eum servi, defraudant focii, contemnunt vicini, negligunt amici, propinqui insidiantur. Filios si quos habet naturales, sunt sibi ignominie, ac testes iniquitatis suæ, nec potest illis opes suas, nec nomen familiæ relinquere, sed ut manet in vita sine nuptiis, ita mortuus perit sine nomine & sine memoria. Quis jam non videt, calibatam sibi ipsi pœnam esse gravissimam. Iam verò, quemadmodum nuptiæ suum in se ipsis contineant præmium, supra ostendi, ubi bona conjugii recensui, hic tantum addo, nuptias vel eo solo nomine esse expetendas, quod per illas homines modesti pacatisque moribus reddantur, quam rem præter multa alia quæ hic non commemoro, certam efficit etiam vulgare proverbium, quo dicitur; *si lupus uxorem haberet castigaretur, & si mare duceret uxorem non esset ita procellosum.* Quamobrem cuicumque prædicta matrimonii bona cordi sunt, & quicumque homo esse, quicumque officio humanitatis fungi, quicumque pius in patriam, in familiam, in rempublicam esse vult, legitimum matrimonii vinculum non fugiat, necesse est, indissolubilem vitæ consortem diligat, genus hominum adaugeat, filiosque sibi similes procreet, prudenter educet, & gubernet, ad gloriam Dei & reipublicæ stabilimentum. Nisi illum aliquid minus homine natura impedita produxerit, vel aliquid majus homine, humanas vires transcendendo, angelicam castitatem perpetuo servare delegerit.



## CAPUT IV.

*De iis que in marito considerata sunt.*

**T**Ractare de his multis fortassis superfluum videbitur, cum hæc viris, non fœminis, quæ latinè non legunt scribamus. Quia tamen non solæ fœminæ viros sibi eligunt, sed sæpe eas patrum auctoritatem & amicorum consilium in hoc negotio sequi necesse est, ideo nihil extra rem erit adscribere ea, ex quibus patres filiabus & amici puellis sanguine junctis, idoneos maritos poterunt judicare. In hoc enim plurimum est momenti, & res etiam parentum agitur, qui elocando filias, aut filios acquirunt, aut filias perdunt: filias acquirunt bonos, filias perdunt malos nacti generos.

Existimo autem quinque potissimum in viris esse spectanda, patriam videlicet, genus, ætatem, prudentiam, & industriam. Et inprimis patria non parum facit ad virtutes probosque mores, quos tantâ diligentia uxor in marito, & focer in genere debet requirere, ut omnia his inferiora ducat. Vnicæ filiæ pater Themistoclem consulebat, utrum eam pauperi, sed ornato, an locupleti, sed parùm probato collocaret? Cui præclare Themistocles; Malo inquit virum pecuniâ, quam pecuniam viro indigentem: 1 Et Themistocles quidem id dixit. Marcus vero Imperator fecit, qui filias cum adolevisent optimis ex ordine senatorio viris collocavit. Neque enim qui longam generis seriem præferrent, aut qui opes nimias ostentarent, sed qui morum probitate atque modestiâ vitæque innocentia præcellerent, eos sibi generos deligendos putabat. Hæc enim sola animi bona certa esse, stabiliaque ducebat. 2 Quod verò ex patria non levis fiat conjectura ad cujusquam mores, testis est Sacra scriptura, in qua ut legimus Abraham senex dierum multorum, noluit nisi ex optima gente uxorem filio suo Isaac accipere. Dixitque (ait sacer scriptor) *Abraham ad servum seniore domus suæ qui præerat omnibus quæ habebat: pone manum tuam subter femur meum, ut adjurem te per Dominum Deum celi & terræ, ut non accipias uxorem filio meo, de filiabus Chananæorum inter quos habito, sed ad terram & cognationem meam proficiascaris, & inde accipias uxorem Filio meo Isaac.* 3 Filii quoque Iacob noluerunt dare in uxorem

1 Valer. Max.  
lib. 7.

2 Herodian.  
lib. 1.

3 Gen. 24.

Di-



4 Gen. 34.

Dinam sororem suam Sichem filio Hemor Hevæi principis Sichimorum, licet propter eam princeps cum toto suo populo circumcisionem solis Hebræis usitatam libenter subierit. 4 Apud Germanos quoque ex patria homines æstimari observatum est, apud quos etiam nunc in quibusdam civitatibus moris est, ut literis quas fide publicâ dant peregre abeuntibus ista verba inferant: *Testamur prædictum Dominum N. N. non esse Bohemum aut Carniolum (sunt enim isti homines Germanis invisi) sed verum & genuinum Germanum.* Quod de patria idem & de genere mariti sentiendum est. Nam illud & æque ac patria spondet pro virtutibus illius, & insuper pertinet aut ad decus & honorem nubentis, si fuerit nobile vel illustre; aut ad dedecus ejusdem; si humile & obscurum.

Ad decus inquam aut dedecus nubentis, non autem mariti, quia non sicut nobilitate mariti illustratur nomen uxoris, ita viliori sanguine uxoris contaminatur sanguis mariti, cum non vir in familiam uxoris (si antiquos Persas excipimus) sed hæc in illius per nuptias transeat.

Ætatis quoque non exigua ratio habenda est in marito, quæ neque minima neque maxima debet esse, sed recte commensurata ad ætatem uxoris, quæ recto euntibus ordine rebus, annis viginti circiter viro debet esse junior, ob causas quas insinuavi, quando egi de ætate ad nuptias idonea. Iuniori viro foemina natu grandior nec reverentiam, nec obedientiam debitam facile præstat: nimis autem senem ac decrepitum maritum adolescens uxor fastidit, & si non machinatur ipsi mortem, saltem expectat; tormentum sibi cum tali esse non conjugium judicans. Quare parentes decrepitis atque edentulis senibus immaturas filias desponsando, crudeles sunt in suum sanguinem, & Mezentium illum imitantur, qui

*Mortua (ut inquit Maro) jungebat corpora vivis.*

*Componens manibusque manus atque oribus ora.*

Cæterum hæc intelligenda sunt de illo tantum conjugio, in quo alter est decrepitus, altera primi floris; non autem de illo, in quo ambo sunt putridi; aut in quo foemine feliciores quidem sunt anni, sed & viro cruda viridisque senectus. Sed de his paulo post non nihil dicemus, ubi quæremus, utrum seni ducenda sit uxor.



Prudentia in marito est id quod caput in corpore, cum ille sit caput mulieris, cui & præest imperio, & consilio adest: præterea domus tota, quam gubernare, & filii, quos instituere lege naturæ jubetur, summam ab illo prudentiam exigunt.

Tandem industria, sub qua etiam opes intelliguntur, necessaria est marito ad uxorem alendam, prolem educandam, & familiam sustentandam. In his enim tribus omnis stat domus & sine his ruit. Prudentes ergo patres auribus potius sibi quam oculis generos quærant: nam frons, vultus, oculi, persæpe mentiuntur: & (si Erasmo credimus) nulla candidorum virorum utilitas est. 5 quia forma intensis studiis, aut continuis laboribus perditur. Hinc laudanda est illa consuetudo, quam in Mazovia regni Poloniæ provinciâ, tenuior servat nobilitas. Nam cum primum proci veniunt puellas illius provinciæ in matrimonium petitori, patres puellarum, hospites generosque futuros salutando, dextris suis dextras illorumprehendunt, ac siquidem duras ipsorum manus deprehendunt, non gravate dant illis filias: persuasum enim habent eas manus labore opum genitore esse induratas. Si verò in molles incidunt, eis nequam suum credunt sanguinem, otiosos illos atque inertes ex mollietate judicantes. Et merito. Nam ut recte non nemo 6 dixit.

5 In Proverbis.

6 Bahusius in Epig.

*Pulchra quidem est virtus, sed sole & pulvere fusca*

*Diva sudatrix, oriaque alba fugit.*

*Ipsi callicola vendunt sua cuncta labore,*

*Nec nisi callosis præmia dant manibus.*

## CAPUT V.

*De iis quæ in ducenda uxore spectanda sunt.*

**Q**Uæ maximè in viro conjugium petente requirantur, proximo capite mediocriter mihi dixisse videor, jam quæ in muliere matrimonio idonea attendenda sunt, videamus. Sunt autem potissimum ista, conditio, mores, nobilitas, forma, dos, & divitiæ.



## S. I.

*De Vxoris ducenda conditione.*

**C**ONditio de qua hic agimus, non est status hominum secundum quem in hac civili societate quisque regitur, qui-  
 que in tribus maximè consistere dicitur, libertate nimirum, ci-  
 vitate, & familia: nam de istiusmodi conditione egimus supe-  
 rius. <sup>1</sup> Sed conditione mulieris virginitatem illius aut viduita-  
 tem intelligimus. Atque ita quærimus, utrum sola virgo du-  
 cenda est, an verò etiam vidua?

<sup>1</sup> cap. 2 §. 1.

Virginum conjugium omnes laudant, viduarum plurimi im-  
 probant, pauci defendunt. Quia puellæ, non grandiores natu,  
 & ea quæ necessaria atque commoda sunt facilius addiscunt, &  
 si quæ vitia semel infederint, celerius dedocentur. Quemadmo-  
 dum enim mollibus cæris imagines facile imprimuntur, duris  
 verò ac solidis impressæ vix possunt deleri: Sic teneræ Virginum  
 mentes, nullo negotio bonorum morum doctrinam à viris  
 recipiunt, at viduæ, tum suis tum alienis moribus assuetæ, non  
 minori difficultate ad novorum maritorum vivunt consuetu-  
 dinem, quam annosæ arbores transplantantur.

Afferunt huc auctores & illam rationem, quæ usu probatur,  
 & ex media natura petitur. Docent enim hi qui reconditas re-  
 rum causas rimantur, naturam ipsam quod optimum sit semper  
 intendere, quod in generatione hominis mas est, eandemque  
 cum marem efficere nequeat, fœminam gignere, quæ maris ap-  
 plicatione & nobilitatur & perficitur. Ideo mulieres eos om-  
 nium maximè diligere quibus primo congressu conjunctæ  
 sunt. <sup>2</sup> Quorsum hæc? Quia virgo probos primi mariti mores  
 facilius induet, suos depravatos exuet, & illum vehementius a-  
 mabit. Postremum istud docent illa Didonis apud Maronem  
 verba, quibus Sichæo primo suo marito, totum suum amorem  
 devovet. dum dicit.

<sup>2</sup> Franc.  
 Barb. de re  
 Uxor. lib. 1.  
 Cap. 3.

*Ille meos primus qui me sibi vinxit amores  
 Abstulit, ille habeat secum, servetque sepulchro.*

Præterea viduarum matrimonium apud Romanos infame  
 fuerat, & levitatis ac impudentiæ damnatum: apud quos è con-  
 tra coronâ pudicitæ donabantur illæ, quæ unico viro fuerunt

con-



contentę. Nolebant enim prudentissimi homines sua laude matronas defraudare, quę animum superiori viro dedicatum, etiam mortuo, sincera fide, in corruptęque servarent. 3

3 Idem ibid.

Leges quoque civiles secundas nuptias in mulieribus certis pœnis coërcent, cum ob multa alia, tum quod credant ex secundis nuptiis contristari animam defuncti mariti, & primam sobolem 4 Sunt qui existimant, Deo insuper repetita viduarum matrimonia displicere: idque inde confirmant, quod mater Beati Simonis Tridentini antequam ad secunda vota transisset, plurima à Deo beneficia, sibi ac suis amicis ad dicti filii preces, obtinisset: at postquam secundo nupsit, cœlestem illum favorem perdidit. 5 Hęc contra viduas.

4 S. Nos igitur. Volentes in Auth. de Nupt.

Pro viduis ista patroni illarum adducunt, quod illę magis didicerint parere imperiis maritorum, regere familiam, domumque gubernare, quàm virgines, quarum tota vita in comptu formęque cultu occupata est. Adhęc viduarum mores facilius est cognoscere ex præteritis matrimoniis, & libertate, quam post funera primorum maritorum habent; virginum vitia occultant parentes, vel timor eorum sub quorum sunt potestate. Sed & ad divitias expeditissima via est, pecuniosarum viduarum matrimonium, multique ab extrema egestate ad summas opes dotibus viduarum pervenerunt.

5 Ioan. Ne-viz Sylv. Nupt. lib. 2. fol. 144.

Ego nec omnium viduarum conjugium probo, nec omnium damno, sunt etenim quędam peiores, quędam meliores virginibus, sola virginitate superbientibus, de quibus illud est memorabile Augustini: *Melius est humile conjugium, quam superba virginitas.* 6 Et in primis nemini suaserim eam capere viduam, quę sæculo ferme superat annos mariti, & matris potius honorem ætate meretur, quam conjugis amorem. Ingrati quoque sunt juveni viro aniles complexus, & corpori nocivi. Hinc Philosophus quidam dixit. Vetulam non cognovi, cur debeo mori? 7 Et juxta proverbium capra juvenis sal comedit, antiqua & sal & saccum devorat.

6 in Psal. 17.

7 Ioan. Ne-viz in Sylv. Nupt.

Post annosam, cavendum etiam est ab illa vidua, quę post fata mariti diu à nuptiis abstinuit, & jucundę suaviterque vixit. Quia hujusmodi scēminę & suspectam habent pudicitiam, & imperare potius quam subesse maritis, aptę sunt. Cum his vitanda est grandiori viro vidua, quę adolescentem priorem ma-



ritum habuit; deformi, quæ specioso nupta fuit; severo, quæ blanditiis prioris conjugis assuevit.

Reliquarum viduarum conjugium omnino est expetendum, maxime divitum, juvenum, formosarum, liberos prioris matrimonii non habentium, nec non earum, quæ ignavos, ignobiles, senes, duos, aut morosos priores maritos habuerunt. Nam odium præteritorum faciet, ut huiusmodi uxores ardentius amore præsentis viros complectantur, & concors ac tranquillum habeant matrimonium. Cæterum negare secundas mulieribus nuptias nimis durum est, cum viris non sit turpe plura experiri matrimonia, non tantum ad procreationem sobilis, sed etiam ad incontinentiæ medicinam: in quibus tamen major est, quam in mulieribus virtus ad voluptatibus resistendum; id quod nemo dubitat; & fatetur apud Nasonem Hero venustissima illa ex Sesto puella, dum ad Leandrum Abydenum adolescentem scribens dicit:

*Vrimur igne pari, sed sum tibi viribus impar,  
Fortius ingenium suspicor esse viris.*

8 Epist. 19.

*Ut corpus teneris sic mens infirma puellis.* 8

Omnes libri una voce clamant, nihil ardore amoris esse vehementius, quem certè intra debitos limites coercere philosophicum est non muliebre. Nam.

*Igneus ille furor nescit habere modum.*

Barbaræ imperatrici (erat illa Sigismundi Cæsaris uxor) suggeriebant amici, ut turturis exemplo cælibatum, post primum è vivis sublatum maritum amplecteretur: Quibus illa, quid mihi turturis exemplum proponitis? si volucres libeat imitari, cur non potius passeris, aut columbos elegero. 9

9 Aneas  
Sylv. de Sigism.  
& Frieder. imp.

Pœnæ quarum superius fuit mentio, à legislatoribus, non tam secundis, quam festinatis fœminarum nuptiis constitutæ sunt, ne videlicet dubium sit utrius parentis sit proles. Nam dum nimis cito convolant ad secunda vota mulieres, incertum fit, cui patri tribuenda sit proles, nono aut decimo mense, post prioris mariti obitum edita. Quod si quis omnino contendat, pœnas legibus politicis, in ipsas secundas mulierum nuptias, & non in earum celeritatem esse statutas, ei respondendum est, leges civiles, libertatem matrimoniorum constringentes, sublatas esse per sacros canones, quibus standum est in rerum sacrarum negotiis.

Igi-



Igitur nec lex, nec ratio, nec utilitas prohibet quarundam viduarum conjugia. Virginum tamen nuptiæ, si cætera paria habuerint, viduarum meritò præferendæ sunt.

## §. II.

*De Vxoris ducenda moribus.*

**Q**uantum in virtute, & bonis moribus mulieris situm sit, sacri libri nos docent. *Mulieris* (inquit Ecclesiasticus) *bona beatus vir. Numerus enim annorum illorum duplex. Mulier fortis oblectat virum suum, & annos vitæ illius in pace implebit. Pars bona mulier bona timentium DEUM, dabitur viro pro factis bonis. Et Paulo post. Gratia mulieris sedula delectabit virum suum, & ossa illius impinguabit. Disciplina illius datum Dei est. Mulier sensata & tacita non est immutatio erudita animæ. Gratia super gratiam mulier sancta & pudorata. Omnis autem ponderatio, non est digna continentis animæ.* I Vir ergo bonus ante omnia cum uxore virtutem quæret, 1 Eccl. 26. cuius ea vis atque dignitas est, ut si cætera desint, nuptiæ tamen gratæ sint, sin adsint, jucundissimæ certo fiant. Mali hominis & pessimi moris est, nihil de moribus, deque optimis fœminæ dotibus, de prudentia, fide, verecundiâ, castitate, modestia cogitare, & solum nuptiis dotem & formam, quæ sunt avaritiæ & libidinis nutrimenta, quærere. Profecto, (ut cætera fileam) res domestica optimè se habet, quæ mulieris principis prudentiâ, cura, industria instituitur & gubernatur. Qua in re non referam exempla Penelopes, Lucretiæ, & sexcentarum aliarum, quæ & laude pudicitæ floruerunt, & imperio in familiam memorabiles fuerunt. Sufficit testimonium sacrarum literarum, ubi bonitas mulieris, & propter illam felicitas domus describitur. *Confidit* (ait sacer textus) *in bona muliere cor viri sui, & spoliis non indigebit. Reddet ei bonum & non malum omnibus diebus vitæ suæ. Quæsiuit lanam & linum, & operata est consilio manuum suarum. Facta est quasi navis institoris de longe portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum de fructu manuum suarum, plantavit vineam. Accinxit fortitudine lumbos suos, & roboravit brachium suum. Gustavit & vidit, quia bona est negotiatio ejus, non extinguetur in nocte lucerna ejus. Manum suam misit ad fortia, & digiti*



*ejus apprehenderunt fufum. Manum fuam aperuit inopi & palmas fuas extendit ad pauperem. Non timebit domui fuæ à frigoribus nivis, omnes enim domesticæ ejus veftiti funt duplicibus. Stragulatam veftem fecit fibi, byffus & purpura indumentum ejus. Nobilis in portis vir ejus, quando fedebit cum fenatoribus terra. Sindonem fecit & vendidit & cingulum tradidit Chamanao. Fortitudo & decor indumentum ejus, & ridebit in die noviffimo. Os fuum aperuit fapientia & lex clementia in lingua ejus. Consideravit femitas domus fuæ, & panem otiofa non comedit. Surrexerunt filii ejus, & beatiffimam predicaverunt: vir ejus & laudavit eam. 2*

2 PROV. 31.

Ex his conftat, & quantopere quis follicitus effe debeat, ut optimis moribus uxorem accipiat, & quæ virtutes matribus familias maxime convenient. Sed magnæ artis & felicitatis eft, in electione non decipi. Nam funt plurimæ virgines, quæ composito vultu fimulant virtutes quas non habent, ut non immerito quifpiam miratus fuerit, tot malas uxores reperiri, cum tamen virgines nupturientes malæ non inveniantur.

Itaque conducit plurimum, famam mulieris in conjugium petita in confilio habere. Non audio Thucydidem, graviffimum alioqui auctorem, qui primam laudem tribuit ei foeminæ, de qua foris minimus eft, vel in bonam vel in malam partem fermo. Cenfens nimirum, ut corpus ita famam quoque, (quafi quod dicit Tacitus non minus periculum ex magna fama quam ex mala) bonæ mulieris domi includam effe, neque in publicum exire debere. Melior enim eft in hac cauta opinio Gorgiæ, qui ut cujufvis hominis, ita & mulieris famam, vitæ ipfius atque morum incorruptum exiftimat effe testimonium.

Iuvat & fcire quibufcum fponfa quæfita vixerit, & familiaritatem habuerit. Quibus enim convivimus, eorundem & mores combibimus, ut recte Menander: *Corrumpunt inquit mores bonos confuetudines mala.* Et Juvenalis

*grex totus in agris  
Vnius scabie cadit & prurigne porci.*

*Vvæque contacta livorem ducit ab una. 3*

3 SATYRA 1.

Filiæ Loth patrem habuerunt facrarum fcripturarum testimonio commendatum, à quo fuerunt timorem DEI edoctæ, & ad omnem pietatem institutæ, virgines alioqui pulcherrimi floris, & fervati pudoris, quia inter Sodomitas homines in omne genus



genus libidinis projectos vixerunt, ipsæ postea scelere suo vicerunt omne scæmineum genus, imo & ferarum, in quibus non raro generis leges infcius servat pudor, Venerisque nefas prohibet.

Iuvat item genus virginis & parentes nosse. Multum enim quasi quodam hæreditario jure tam virtutum quam vitiorum à parentibus transit ad liberos.

*Si genitrix castè, castè quoque filia vivet:*

*Si mater meretrix, filia talis erit.*

Diversos mores Cassandra & Polyxena, Priami & Hecubæ filiæ, ab honestissimis parentibus traxerunt; diversos Clytemnestra & Helena, à Leda matre adultera, adulteræ & ipsæ didicerunt. Diversos casta Penelope, diversos incesta Phædra Hippolyti noverca, quæ dum privignum deperit, amorem, quem naturæ sensus damnat, confitetur, culpamque suam in genus transfert dicens:

*me tacitam conscius urit amor.*

*Forſitan hunc fato generis reddamus amorem*

*Et Venus ex tota gente tributa petit.*

*Iuppiter Europam (prima est ea gentis origo)*

*Dilexit, tauro diſſimulante Deum.*

*Pasiphae mater decepto ſubdita tauro,*

*Enixa est utero crimen onusque ſuum.*

*Perfidus Aegides ducentia ſila ſecutus*

*Curva mea fugit tecta ſororis ope.*

*En ego nunc, ne ſorte parum Minoia credar*

*In ſocias leges ultima gentis eo.*

*Hoc quoque ſatale eſt: placuit domus una duobus,*

*Me tua forma capit: capta parente ſoror*

*Theſides Theſeusque duas rapuere ſorores*

*Ponite de noſtra bina trophæa domo.*

Iuvat ad extremum & anteaetæ vitæ habere notitiam, quia juxta proverbium,

*Rumor de veteri, faciet ventura timeri.*

Quandoquidem

*Cras poterunt fieri turpia ſicut heri.*



## §. III.

*De Vxoris ducenda nobilitate.*

1 Horat. lib.  
4. Carm. Ode  
24.

2 Plutarch.  
in Catone.

**I**N matrimonio contrahendo non exigua nobilitatis atque familiarum debet esse cura. *Dos* (inquit Poëta) *magna est parentum virtus.* 1 Et pertinet ad mariti, liberorum, & totius domus bonum, genus atque claritas uxoris. Ad mariti quidem, quia vir ante nobilis, fit nobilior uxoris nobilitate, cui non parum splendoris, magnificentiae, ac voluptatis splendidum adfert matrimonium: ignobilis verò & obscurus uxoria luce ex tenebris emergit. Solet quoque generosa uxor graviores habere mores, & honesti tenacior esse. Hinc Marcus Cato censorius uxorem nobiliorem, quam opulentiozem duxit, existimans æquè utraq; elatas esse, & superciliosas: verum turpitudinis rubore obsequentiores viris ad honesta generosas. 2

Quod autem ad liberorum bonum materna spectet nobilitas, inde concluditur; quia cum ad generationem liberorum (ut nobiliores Philosophi ac Medici volunt) etiam mulieres suo semine concurrant, semen autem sit ipsissimus sanguis, sequitur, ut quo præstantius est alicujus mulieris semen, ejusdem & partus sit præstantior, quia secundum Senecam, ad semen nata respondent. At nobiliores matronas dubium non est meliorem habere sanguinem, quia (ut cum Medicis loquar) continet in se generosiores spiritus, utpote à generosiori anima productos, & elaboratos. Nec dum generant tantum, sed & dum nutriunt, & dum præbent lac, quod etiam (si Medicis credimus) sanguis est, proli suum matres impertiunt sanguinem, quem proles in sui corporis substantiam convertit. De quo eodem modo licet philosophari, quo proximè de semine sumus philosophati. Ultra sanguinem, mores à matribus per educationem atque institutionem filiarum accipiunt, quod nemo, nisi qui non considerat, non videt.

Iam vero tota domus ex nobilis sceminae conjugio istud habet emolumentum, quod splendor familiarum accedat, & domus ipsa, accessione nobilissime affinitatis, potentiâ quadam adversus vim externam muniatur.

Et



Et quamvis ita se hæc ut plurimum habeant, diligenter tamen cavendum est, ne genus uxoris obsit marito. Recte Plutarchus 3 monet parentes ut filiis suis conjuges quærant, quæ non multum eos claritate generis superant: ducta enim ex potentioribus, quàm maritus sit, uxore, dominos non affines maritus acquirit, qui non desinunt illum exugere, donec in nihilum redigatur. Ergo non tam est quærenda nobilitas parentum, quàm ipsa uxor: quia sunt plurimæ optimis parentibus natæ, quæ improbæ atque impudicæ inventæ. Quin & elatæ tales uxores, ad turbas & bella perniciofa maritos suos excitant. Testis est (ut de aliis multis fileam) Tullia, quæ Tarquinium muliebribus suis furiis eo impulit, ut regem ac socerum suum Servium interfecerit, per cujus postea corpus ipsa carpentum egit. Pro conclusione horum sint elegantissimi Satyrographi isti versiculi

3 Lib. de  
Educ. Libe-  
rorum.

*Malo Venusinam, quam te Cornelia, mater  
Græchorum, si cum magnis virtutibus affers  
Grande supercilium, & numeras in dote triumphos.  
Hujus enim rari summiq; voluptas  
Nulla boni.*

Et illud Nasonis — Nobilitas sub amore jacet. 4

4 Ovid,  
Epist. 4.

## §. IV.

*De Vxoris ducendæ formâ.*

Gravis est de forma mulieris inter doctos homines controversia. Alii non magnopere censent in uxore expetendam pulchritudinem; alii contra plurimum ei tribuunt. Priores cum Poëta dicunt:

*Fastus inest pulchris sequiturque superbia formam. 1  
Lis est cum forma magna pudicitia. 2*

1 Ovid, 1.  
Fast.

Addunt, & minore miseria deformem haberi, quam formosam servari, quia deformes uxores similes sunt macellariorum tabulis, quæ die noctuque sine amissionis periculo remanent in plateis. At

2 Idem Epist.  
15.

— Pulchræ formam vendere curæ est  
Et precium plena grande referre manu.

Ducunt argumentum ex proverbio quoque rusticorum, qui

E

di-



dicunt, pulchram mulierem destinatam esse ad prostibulum, pulchrum virum ad patibulum. Habent & considerationem, quod rarò Dominus DEus ita det gratias imaginibus pomposè pictis, sicut veteribus, & negligenter factis.

Sed sit quantumcunque (quod certe non rarò fit) proba & honesta, simulque formosa mulier, adhuc non sunt omnia salva: suspiciones oriuntur & Zelotypiæ, quæ acriter pungunt ac mordent, liberum atque tranquillum animum ducere non sinunt. Carolus Crassus Imperator uxorem Richardem, Scotiæ Regis filiam, zelotypus innocentem ac castam à se dimisit: quæ acceptis bonis suis in Alsatiâ monasterium extruxit Sacrarum Virginum, quod hodie Andalauu nominatur. 3 Henricus quoque secundus Imperator conjugem suam Conegundam, quam tum virtutum, tum formæ causâ unicè ante dilexerat, suspectam habuit, quæ tamen pudicitiam conjugalem ferro ignito comprobavit. 4

3 Cuspinianus.

4 Crantzius lib 4. Cap. 5. Metropol.

5 Joan Niviz in Syl. Nupt.

Denique nonnulli à pulchra uxore deterrentur, quod formosa mulier nomen viro suo auferat & dominium. Nomen quidem, quia passim dicitur, eamus ad domum ejus dominæ, & non ad dominum. 5 Dominium verò, quia teste Erasmo forma mulieris etiam in tyrannos tyrannidem exercet, & Venus Martem domat. Exempla hujus rei plurima notare potuit, qui vitas Romanorum Imperatorum legit.

6 Moer. in Helena.

Rationes quæ pro pulchritudine foeminarum militant, istas apud scriptores invenio. In primis eam maximum quid & divinum esse homines existimant, dimidiumque dotis ac rerum omnium pretiosissimam judicant. 6 Et si ad fabulas, quæ partem veri semper habent licet descendere, Dii ipsi atque Deæ magni pulchritudinem aestimabant. Quid Iuppiter, quid Gradivus, quid Liber pater pulchritudine capti fecere, pleni sunt libri Poëtarum. Paridi Priamidæ Iuno divitias, Pallas sapientiam, Venus formosissimam uxorem, si illius judicio reliquis Deabus palmam pulchritudinis præiperet, promiserat. Vt mirum nemini esse debeat, Paridem ipsum, Asiæ imperium bellorumque victoriam contempsisse, ut Helenam, quam formosissimam acceperat, assequeretur.

Confert & illud ad pulchritudinis aestimationem, quod divinum sit illa donum, & hominibus pro meritis concedatur. Patet



tet id ex Poëta, apud quem sic Iuno loquitur ad Æolum.

*Sunt mihi bis septem præstanti corpore nympha  
Quarum, quæ forma pulcherrima, Deiopeiam  
Connubio jungam stabili, propriamque dicabo,  
Omnes ut tecum meritis pro talibus annos  
Exigat, & pulchra faciat te prole beatum.* 7

7 Æneid.

Patet ex sacro volumine, in quo legimus, Iobo viro illi sanctissimo, pro innocentia, fortitudine, ac patientia illius (ut ita dicam) prodigiosa, ex benedictione DEi natas esse tres filias, quibus pulchritudine pares mulieres non sunt inventæ in universa terra. 8 Patet denique ex Sancto Augustino, qui disertè dicit, Pulchritudo, corporis bonum, Dei donum est. 9

8 Job. 42.  
9 De Civitate Dei lib. 15.

Iam si vis est aliqua in exemplis, Cœlestis ille sponsus mirificis encomiis effert suæ sponsæ pulchritudinem, sicut & ipsa sponsa admirabilem sponsi sui formam toto ferè libro, qui Cantica Canticorum vocatur, decantat. Abraham Patriarcha Saram uxorem habuit pulcherrimam; similiter Isaac filius ejus Rebecca, ac nepos Iacob Rachelem, viri omnes sanctissimi & sapientissimi. Artaxerxes regum potentissimus Estheram Hebræam, ob formæ præstantiam, conjugio suo dignam judicavit. Cyrus minor Aspasiam, Alexander Magnus Rhoxanam, Augustus Cæsar Liviam, & sexcenti alii, alias celebratæ pulchritudinis uxores habuerunt.

Ad procreationem quoque liberorum, quod pulchritudo matrum plurimum conducit, innuit Poëta, dum inducit Iunonem, Æolo pulcherrimam Deiopeiam eo fine promittentem, ut pulchra faciat eum prole parentem. Et Ephori Lacedæmone Archidamum regem gravi pecunia mulctaverunt, cum exigui corporis uxorem accepisset, quod liberos non reges relictum iri cogitasset. 10

10 Plutarch. de liberorum educatione.

Denique vitæ jucunditas & domus ornamentum est mulieris bonæ pulchritudo. *Species mulieris* (ait Ecclesiasticus) *exhibet faciem viri sui, & super omnem concupiscentiam hominis superinducit desiderium.* 11 Nam quod pulchrum, idem charum, ac jucundum habetur, 12 adeo ut ipsæ etiam virtutes, quarum summa pulchritudo est, corporis pulchritudine gratiores reddantur, quandoquidem secundum Poëtam.

11 Eccl. 36.  
12 Plato in Lyfide.

*Gratior est pulchro veniens à corpore virtus.*



Domum verò quantopere ornet speciosa matrona indicat scriptura, in quâ hæc lego: *sicut sol oriens mundo in altissimis DEi, sic mulieris bona species in ornamentum domus ejus. Lucerna splendoris super candelabrum sanctum, & species faciei super atatem stabilem.* 13

13 Eccl. 26.

Inter hæc auctorum dissidia, quodnam bellum sit magis justum, non facile quis pronuntiaverit. Ego sum in partibus eorum, qui pro pulchritudine dimicant, naturamque ducem optimam sequor, qua imperante deformitatem omnes oderunt, aded ut deformi obvium fieri infausti esse ominis credatur. Unde adagium: Augurium capiet, qui te aspexerit. 14 Est porro deformitas eousque mala, ut virtutibus quoque non parum auferat majestatis. Fortes, sapientes, ac justos, si deformes sint, magis multitudo veretur, quam colit & diligit. Hinc Plato Xenocratem, in quo singularis corporis deformitas erat, mone-re solitus est, ut gratiis sæpe sacra faceret. Ejus enim sapientia membrorum turpitudini conjuncta, plurimis ingrata, non multis admodum per se cara fuit.

14 Tiraquel.  
lege Cor-  
nub. 2. Nu.  
60.

Non raro & deformitatem animi deforme corpus indicat. Nam cujus facies est deformis vix bonos habere mores potest, 15 quia natura membra componit prout animæ moribus convenit. 16 Inde Therfites monstrosus corpore, etiam mente degener & ignavus fuit, cujus pessimum ingenium in deformi domicilio habitavit: Inde deformis Corithus simul bardus ac stupidus fuit, ut in proverbium quoque abierit: inde infiniti alii scædâ tetrâque formâ præditi erant, ut à furiis orti viderentur. Quamobrem Lycurgus inter alias leges etiam istam Spartæ tulit, ut infantes forma venusta & liberali præditi educarentur, manci verò ac debiles tanquam dira portenta in vasta loca exportarentur. 17 Dicant nunc deformium larvarum progenetæ

15 Rasis. ad  
Almando-  
rem.  
16 Galen.  
Lib. 2. de  
Tempera-  
mentis.

17 Plutarch.  
in Lycurgo.

— *Sequitur superbia formam, &*

*Formosis levitas semper amica fuit,*

cum tanta vitiorum monstra in deformibus corporibus alantur. Dicant, & formosas facies lucro prostituere suas, cum deformes mœchis substantiam maritorum largiantur. Ego qui scio etiam cœcum quendam, cum voluisset sibi puellam desponsare, sollicitè quæsisse, an pulchra esset, omnibus uxores ducturis suadeo, ut pul-



pulchritudinis non postremam rationem habeant, tum ut constantius amorem conjugibus fervent, tum ut prolem pulchram suscipiant. Interea non vanam sibi pulchritudinem obtendant, quæ pudicitia perpetua hostis est, sed venustatem potius illam, quæ individua est pudoris comes, ea verò est, quam virtus ac modestia simul commendat. Nec summam querant, quia forma corporis, ut multa alia, solet paritate gaudere, imparitatem ac dissimilitudinem aspernari. Et nimia omnia nimium exhibent negotium. Nihilque est tutum, in quo totius populi vota suspirant: alius formâ, alius ingenio, alius facetiis, alius liberalitate sollicitat, & semper aliquomodo expugnatur, quod undique oppugnatur. Itaque recte quicumque tandem ille fuit dixit:

*Cum media semper gaudebam ludere forma:*

*Major enim mediis gratia rebus inest.*

Cæterum ista eatenus sunt servanda, quatenus datur facultas eligendi, alioqui possunt fieri sagittæ de tali nemore, quale habemus, & domus est construenda de lapidibus, qui se offerunt.

Ponunt hic nonnulli quæstionem, quid sit, & in quo consistat corporis pulchritudo! sed quia cæcorum est ista quæstio, scribere responsum nolui, quod ipsi legere non possunt.

S. V.

*De uxoris ducenda dote ac divitiis.*

**V**ix est aliquis, qui faveat doti, quia forma cum dote duo stimuli superbix conjugalis esse creduntur. Multum dotata uxore nihil esse importunius, nihil intractabilius, omnes dicunt: nihil sibi non licitum arbitratur, quæ suas opes mariti comparat egestati, quæ virum pascit, dominam se putat esse non sociam. Expertus aliquis dixit:

*Argentum accepi, dote imperium vendidi. 1*

Omnes enim divites uxores servitutem exigunt, & volunt in suis regnare divitiis. Insolens malum est beata uxor (ait Arelilius Fuscus) cum immensum pondus auri attulerit, cum pecuniis arcas nostras oneraverit, quid aliud quam beatè serviemus. 2  
Hinc Martialis

*Uxorem (inquit) quare locupletem ducere nolim*

E 3

*Qua-*

1 Plaut.  
Afin.

2 Controv.  
Sen. Lib. 1.  
Contr. 6.



*Quaritis, uxori nubere nolo mea.*

*Inferior matrona suo sit Prisce marito,*

*Non aliter sunt fœmina virque pares*

Apud Plutarchum in Amatorio multis disputatur, diciturque cavendum esse viris ab uxorum divitiis, ne in magnum factum molemque se admiscerent, tanquam in ære stannum aboleantur: magnum autem esse, si viro cum tenuiori atque humiliori muliere conjuncto, masculus sexus (ut vinum aqua dilutum) antecellat. Alioqui præstare, ut quis aureis compedibus ligatus maneat (quod fit in Æthiopia) quam divitiis uxoriis constringatur.

Itaque Lycurgus legem tulerat Lacedæmoniis, quâ cautum fuit, ut indotata nubarent, eam potissimum ob rationem, ut uxores eligerentur non pecuniæ, severiusque matrimonia sua viri coacerent, cum nullis frenis dotis tenerentur. Apud eosdem Lacedæmonios puniti etiam erant, qui dotis & rei quærendæ causa locupletum affinitatem quærebant. Lysander pulchras habebat filias, quarum nuptias quidam vivente adhuc Lyfandro petebant, eo vero defuncto, recusabant, iis Ephori dixere, multatam, eo quod quem divitem esse credentes coluerant, eundem justum ac probum, ex paupertate agnitum, contemnerent. 3

3 Plut. in  
Lacon.

Similis Lycurgo Solon, qui Atheniensibus leges præscripsit, nihil adferre secum uxorem voluit, nisi tria vestimenta, & cibum ac potum, non pluris quam obolo constantem. 4

4 Plutar. in  
Solonc.

Monet præterea Plato, ut in deligenda uxore, si cætera paria extiterint, tenuior semper diviti anteponatur, eò quod & ad Rerumpublicarum, & familiarum, utilitatem illud faciat, cum id, quod est æquabile ac moderatum, immoderato ad virtutem præstet. 5

5 Plato 6. de  
legib.

Comicus quoque Megadorum quendam introducit, qui laudat consilium suum, quod pauperis hominis indotatam filiam duxerit: idem si faciant cæteri

*Opulentiores pauperiorum filias*

*Vt indotatas ducant uxores domum,*

*Fore ostendit,*

*Et multo fiat civitas concordior,*

*Et invidia nos minore utamur, quam utimur.*

*Et*



*Et illa malam rem metuant, quam metuunt magis,  
Et nos minore sumptu simus, quam sumus.*

Hæc atque his similia, ut omnium ferè verbis laudantur, ita factis refutantur. Quotus enim quisque est, qui velit carnes sine condimento. Equidem non eos laudo, qui, (ut Olympias Philippi Macedonum regis uxor loqui solebat) digitis tantum uxores ducunt, id est, qui tantummodo dotem sponsæ supputant, & non explorant, qualis in convictu futura illa sit, horum enim matrimonium pronubam habet avaritiam, & illiberalem aviditatem. Sed nec eos reprehendo, qui prius de virtute postea de dote sponsæ quærunt, quia uxorem pauperem alere difficilius est, quam divitem sustinere. Proverbium quidem est, qui ducit uxorem divitem, ponit in domo suâ tempestatem; sed & aliud proverbium est, qui ducit pauperem, ponit paupertatem, facilius autem (ut credo) est serenare tempestatem, quam fugare paupertatem, quæ est contempta divitibus, invisa pauperibus, & quam homines per mare fugiunt, per saxa, per ignes. Dicunt quidam, pecunia est, quæ auget discordiam, urbes, & terrarum orbem in bellum agitat, humanum genus cognatum natura in fraudes & scelera mutua instigat. 6 Sed facilius est hæc ex Stoicorum paradoxis in pecuniam dicere, quam illa carere. Videmus illos ipsos, qui paupertatem laudant, ac profitentur, necessitate compellente, sollicitè pecuniam quærere, & januas opulentorum, quorum divitias convitiis infectantur, quotidie ferè pulsare. Olim fortassis non erat dos, sicut & pecunia necessaria, quia

*Quando regna senex cæli Saturnus habebat,  
Omne lucrum tenebris alta premebat humus,  
Æraque & argentum, cumque auro pondera ferri  
Manibus admorat: nullaque massa fuit:  
At meliora dabat, curvo sine vomere fruges,  
Pomaque, & in quercu mella reperta cava,  
Nec valido quisquam terram scindebat aratro,  
Signabat nullo limite fossor humum:  
Nec freta demisso verrebant eruta remo,  
Ultima mortali tum via littus erat. 7*

Olim inquam poterat inutilis videri dos atque pecunia, non  
Atris autem sæculis ubique tantus est pecuniæ ex necessitate e-  
jus

6 Fabianus  
in controuv.  
Senec. Contr.  
14.

7 Ovidius  
Amor. lib. 3.  
Elegia 8.



jus natus honor, ut inter aliquos deliberetur, de ara illi ponenda. Illa enim conservat honorem, rusticitatem & alios defectus cooperit, fide jubet pro futuris necessitatibus, est denique vita, secundus sanguis, & viscera hominis.

8 Franc.  
Barb. de re  
Uxor. Lib. 1.  
Cap. 6.

Ad multas profecto res opes nunc sunt peritiles, Nam & cuique pro dignitate tribuere nobis licet, & in proximos ac benevolentia conjunctissimos plurimum conferre poterimus, unde opibus ope gratia eorum, in quos liberales fuerimus, liberos nostros munemus. Parentes enim in filiis observantur, ac diliguntur. 8 Quod si quem minus movet decus magnificentia ac liberalitatis, quarum virtutum materia sunt facultates, eum commoda vita ac necessitas movere debent. Vile enim est rebus abundare, & consultum est ventura necessitati prospicere. Multi è re lauta, ad tenuem redacti fortunam, serò damnabant consilium, quo divitias viles habuerunt. Multis domus indiget, multis uxor, multis liberi, sive masculini, sive fœminini generis fuerint. Illi enim egregiis studiis & artibus ingenuis erudiri debent, quibus rebus præditi spectatissimis hominibus parentibus suis digni liberi sint: hæ verò mundum muliebrem & magnas dotes exigunt quæ omnia ad opes referuntur. Dos ergo & divitiæ uxoris nequaquam sunt contemnendæ, quæ per se non faciunt imperiosas mulieres, ut exempla ostendunt. Alioqui (ut recte infert Plutarchus. 9) optimum esset è foro nuptum ducere Abrotonum aliquam Thraciam, aut Bacchidem MileSIam, quæ eo ipso, quod emantur, spondent se obediētes fore viris. Sed tamen & harum multis novimus viros turpissimè servivisse, quando etiam tibicinæ Samiæ, & saltatrices, Aristonica, & tympanum gerens Oenante, atque Agatocleia, regiis diadematibus insultaverunt. Semiramis Syra ancilla fuit famuli regii, regisque pellex, quam cum Ninus, rex ille magnus, congressus dilexisset, adeo subegit eum, atque contempsit mulier, ut postulaverit etiam ab eo concedi sibi, uti per unum diem ipsa in solio regio federet, daretque mandata. Quod ubi rex dedit, imperavitque universis, ut Semiramidi, perinde atque sibi obtemperarent, & jussa capefferent, principio ea stipatorum pertentans animos moderatè quædam jussit: at postquam vidit eos nihil refragari, alacriterque obire mandata, capere eos Ninum, mox vincire, tandem necare jussit: quibus factis ipsa regnum Asiæ splendide per multos annos administravit.

Iam

9 in Amato-  
rio. Pag. 324.



Iam Belestia an non barbara & empta mulier fuit ? cujus templa & fana Alexandrini habent Veneris Belestiæ nomine ob amorem rege id permittente. Quæ verò Delphis communi cum Cupidine templo & sacris fruitur, aureaque stat juxta reges & reginas Phryne, quam dote suos subegit amatores. Verum sicut isti ob suam imbecillitatem & mollitiem imprudentes, mulierum præda sunt facti, ita rursum alii ignobiles & pauperes, ductis divitibus splendidisque uxoribus corrupti non sunt, neque de animi magnitudine quicquam dimiserunt, sed honorati, & imperantes ipsi amicè cum iis vivere. 10

Sed de his forte jam nimius sum, præsertim cum ea sit temporum iniquitas, ut docenda non dedocenda juvenus nostra sit, pecunias in re uxoria non magni æstimare. A pueris plurimi ad inanem spem quæstus, sic imbuti sic instituti sunt, ut quantum labore & periculis eniti atque efficere possunt, nihil prætermittant, quod ad hanc insatiabilem pecuniæ famem pertinere credunt. Quia tamen passim est & in libris & in ore omnium illud Satyrographi :

*Veniunt à dote sagitta. 11*

opinio minus vera merito fuit refellenda. Alioqui ego inprimis semper suspicio eos, maximisque effero laudibus, qui heroas, heroes & ipsi, in despicientia uxoriæ pecuniæ imitantur; maxime si propriæ ipsorum opes in excelsis sint, & securo. Deinde eos, qui paupertate sponsæ, à probitate ejus non deterrentur, virginitate & forma commendatâ. Virgo formosa (ait Lucius Apulejus. 12) & si sit oppido pauper, tamen abunde dotata, affert quippe ad maritum novam animi indolem, pulchritudinis gratiam, floris rudimentum : ipsa virginitatis commendatio, jure merito omnibus acceptissima est maritis. Nam quodcumque aliud in dotem acceperit, potest, cum libuerit, ne sit beneficio obstrictus, omne ut acceperat, retribuere : pecuniam renumere, mancipia restituere, domo demigrare ; prædiis cedere : sola virginitas accepta reddi nequit, sola apud maritum ex rebus dotalibus remanet. Vidua autem qualis nuptiis venit, talis divortio digreditur, nihil affert impossibile, sed venit jam aliò perflorata.

Videat igitur juvenus. Vtrum Helenæ an Penelopes nuptias expetere expediat. Infirmus est amor quem stultus impe-

F

tus

10 Plut. in  
Amatorio  
Pag. 3. 5.

11 Juvenal.  
Satyr. 6.

12 De Magia  
Lib. 2.



tus decore concitus parit, vel improbus ardor pecuniæ: felices nuptiæ quas pronuba virtus conciliat. Temerarius ille Paris ditissimam habuit Helenam, prudentissimus Vlysses pudicam Penelopem cepit, quâ sui temporis nulla castior fuit, nulla modestior. Hujus nuptias miratur antiquitas, diligit & in cœlum effert laudibus. contra illius conjugium gravissimis ignominiis ad memoriam posteritatis notavit, utpote quæ Asiæ flamma, vastitas, pestis, ac perniciës fuisset. 13.

13 Franc.  
Barb. de re  
Uxor. lib. 1.  
Cap. 6.

## C A P U T. VI.

*Quomodo ea quæ de Uxore diligenda commemoravimus observanda sunt?*

**D**icent fortassis aliqui, & merito, ea quæ in uxore ducenda spectanda diximus omnes quidem desiderare, sed nonnisi paucissimis contingere. Omnes quærunt probam uxorem, nobilem, & formosam, multi autem & dotatam insuper ac divitem, sed qui omnia simul inveniat.

*Felix ille tamen, cor vo quoque rarior albo est.*

Aliæ enim sunt laudatissimâ forma, omniumque amorum ac gratiarum lubentiis cinctæ, sed famam habent variis inquinatam fabulis; aliis prospera quidem est fama, sed rerum inopia premuntur; aliæ nativo decore sunt illustres, sed forma parum felici. aliæ florentissimis abundant opibus, sed asperis horrent moribus. In summa, vix potest aliqua esse ab omni parte beata.

Haud equidem diffiteor id ita natura esse comparatum. Verum nostra doctrina non cogit quenquam ad anxiam sui observationem, sed suadet quod melius, maximè illis quibus suppetit eligendi facultas. Qui autem non possunt, omnia prædicta in sponsa reperire, illi sapienter facient, si eam capient, quæ superat cæteras rebus ad felicitatem nuptiarum expetitis. In reliquarum electione ordo & præstantia rerum, quæ quibus præferendæ sunt ostendunt. Virtus enim formæ, forma divitiis (si res suo pondere pendamus) debet anteponi.

Sunt qui existiment, etiam sine illis omnibus, quæ in uxore ducendâ requiri ostendimus, felix posse esse conjugium. juxta quos, ne læsa quidem pudicitia, aut molesti foeminae mores obstare debent matrimonio. Idque suadent istis rationibus.

In



In primis non ignobilitate, nec paupertate sponsæ redduntur infelices nuptiæ. Quia si nobilis atque dives est sponsus, & nobilitatem, & divitias ab illo, sponsa quoque acquirit. Verissimè enim illud est inter conjuges dictum. *Si tu es Cæjns, & ego Cæja*: si verò obscurus est genere, atque pauper, non turbat ejus beatitudinem, paris sibi per omnia sponsæ, societas.

Ad formam quantum attinet, possunt alia quædam esse, quæ penuriam illius sarciant, ut verum sit illud, quod decima illa Musa Sappho, ad suum Phaonem

*Si mihi difficilis formam natura negavit*

*Ingenio formæ damna rependo mea*

*Sum brevis, at nomen, quod terras impleat omnes*

*Est mihi, mensuram nominis ipsa fero.*

*Candida si non sum: placuit Cephæia Perseo*

*Andromede patriæ fusca colore sua.*

*Et variis alba junguntur saepe columba,*

*Et niger à viridi turtur amatur ave. 1*

Huc spectat, quod (ut multis placet) unumquodquè pulchrum, non natura tale est, sed hominum opinione, qua persuasi, Æthiopes atram faciem candidæ, & è contra Europæi albam nigræ præferunt. Hoc verò admissio. nulla tam turpis est, quæ non formosa alicui videri possit. Vir quidam illustis ab amico, quod deformem duxerit reprehensus, festivè respondit: Vxor quidem inquit mea pulcherrima est, sed talis, nonnisi mihi, & illis solis, qui tales sicut ego habent oculos, apparet. Ali- ter paulo Anacharsis, qui cum quidam ei objecisset, quod uxorem admodum deformem duxisset: idem & sibi videri affirmavit, sed puerum porrigere meracius poculum jussit, ut illam formosam faceret. 2

1 Ovid.  
Epist. 15.

Mores in scæmina non esse quærendos suo docuit exemplo sapientissimus Socrates, qui percontanti cur Xantippen moribus adeo incompotis scæminam haberet domi, dicebat sic habendam consuetudinem cum morosis uxoribus, quemadmodum qui se ad studium equestre exercent, parant equos, ingenii ferocioris, quos si subegerint, ac perpeti possint, cæteris utuntur commodius. Ita qui morosæ conjugis mores ferre didicerit, multo facilius cum quibus libet habebit consuetudinem. 3 Et Socrates quidem hunc in modum conjugium suum excusabat.

2 Athen.  
lib. 10.

3 Laert lib. 2.  
cap. 5.



Lucius vere Apulejus, omnino censet, diversa ingenia in matrimonio esse miscenda, ut iracundo tranquilla jungatur & sedato homini in citatior mulier applicetur, ut talibus observationum remediis, soboles natura discrepante confecta, morum proventu meliore coalescat, & ita compositarum domorum opibus civitas augeatur. 4

4 Apulejus  
de Dogmate  
Platonis.

5 Tolof.  
Synt. Juris  
Univ. lib. 9.  
cap 3.

6 Clement.  
3. in cap. in-  
ter opera c.  
20. de spons.  
lib. 4. debe-  
ret. Titulo. 1.

7 In Oseam  
1. & C. non  
est culpandus  
32. quest.  
1.

8 Eccl. Cap.  
25. Versio.

23. & Vers. 29.

9 Eccl. 9.  
Vers. 9.

Denique impudicæ mulieris non esse fugiendum conjugium ex eo defendunt, quod hodie receptum sit, inter opera caritatis esse, etiam meretricem per nuptias à fornicationis consuetudine revocasse, 5 quod enim agitur ita, in remissionem dicitur pertinere peccatorum. 6 *Nec est culpandus* (inquit Divus Hieronymus) *Oseas Propheta, si meretricem quam duxit, ad pudicitiam convertit, sed potius laudandus, quod ex mala bonam fecit.* 7

Hæc illi: quæ quidem speciosa sunt dictu, nemini tamen auctor esse volo, ut malis moribus aut perditum pudoris ducat mulierem. *Non est caput nequius* (ait Ecclesiasticus) *super caput colubri, & non est ira super iram mulieris. Commorari leoni & draconi placebit, quam habitare cum muliere nequam.* Et infra *Brevis omnis malitia super malitiam mulieris, sors peccatorum cadat super illam: sicut ascensus arenosus in pedibus veterani, sic mulier linguata homini quierit.* 8 Tandem alibi. *Omnis mulier, quæ est fornicaria, quasi sterco in via conculcabitur.* 9 Ecce divinitus monemur, quanti bonos mores, & castitatem in uxoribus facere debemus.

Oseæ factum optimum fuit, qui & singulari Dei jussu sumpsit uxorem fornicationum, & insuper ipse propheta erat. Nobis tamen similes uxores passim ducere non est consultum, quia nec imperio divino ad id adagimur, nec etiam prophetæ sumus, ut sciamus, matrimonium ejusmodi mulieribus, medicinam potius libidinis, quam velum nequitiae esse futurum. Imo prudens est metus, ne illæ sub titulo matrimonii, plus audeant quam in cælibatu, in quo non tam facile poterant dedecus suum occultare. Et tritum est proverbium. *Nec cornix alba, nec meretrix fit munda.*



## CAPUT VII.

*De senum & doctorum hominum conjugio.*

**V**T curiosi quoque satisfiat desideriis, quæstiones, quas rerum politicarum scriptores hoc loco non tractant subjicimus, quia & ab argumento nostro non sunt alienæ, & locum hic qualem qualem habere possunt.

S. I.

*Utrum senibus ducenda sint Uxores?*

**S**icut ægris, ita & senibus multi denegant matrimonium. Senectus enim est morbus, & senex minus præsumitur vivere quam æger. 1 Ut locus sit vulgari proverbio, quo dicitur, puellam ductam à sene, posse feretrum secum ferre pro marito tumulando. Poterat profecto illud ferre (ut infinitas taceam) Maria Ludovici XII. Galliarum regis uxor, quam ille ob eximiam ejus venustatem, ætatis & valetudinis suæ penè oblitus duxit, & post non multos nuptiarum dies, edaci febri interiit. 2 Quamobrem præclare philosophus, consilium cuidam de uxore ducenda petenti respondit. Si dives es, & sanus, potes quandoque uxorem ducere. His similia sentit & Portius Iureconsultus, secundum quem senectus est tantum apta nuptiis, quantum bruma messibus. 3

1 Joan. Neviz, Sylv.  
Nupt. lib. 2.

2 Jovius Lib.  
3, in Leone X.

3 Instit de Nuptiis.

Nec illud leve hic videtur quod senile matrimonium, & subfit uxoris imperio, nam si Aristophani credimus, uxor senis sponsi, domina est: & indicat senum luxuriam; quæ cum omni ætati sit turpissima, tum senectuti foedissima est. 4 Adolescentes enim luxuriosi peccant, senes insaniunt. 5

4 Cic. 1. offic.

Græcus Poëta Euripides omnes juvenes hortatur, ne nuptialia gaudia differant in senectutem quæ ætas Proserpinæ magis quam Hymenæo est apta. Senex amator extremum est infortunium, maxime si longe imparis ætatis duxerit adolescentulam, quia fœminæ, solent esse senibus infidelissimæ. 6 inde vero adulteria & ignes furtivi. Quandoquidem ut ait Plautus. 7

5 Senec, quem refert Curia Tolos.

6 Aneas Silv. Epist  
28.

7 in Mercatore.

*Senex edentulus & capularis & decrepitus, est.*

*Tantundem, quasi sit signum pictum in pariete.*



8 Chrysoft.  
in March.

Et ut sint fideles ; zelotypiam certe maritorum non effugiunt, quæ facit, ut quemadmodum reges, sic etiam mariti, dum omnia timent, omnia suspicantur, facileque credunt, quæ suspicati fuerunt. 8 Hinc dissidia & implacabiles discordiæ inter conjuges, quorum dissensio, totius est domus perturbatio.

9 Arist. lib.  
7. Polit. c. 16.

Iam si non ob alium finem, quam ob prolis procreationem nuptiæ expetuntur, profecto matrimonia in senio contracta, etiam ex hoc fonte sunt infelicia, senio enim confecti parentes aut nullos suscipiunt liberos, aut beneficiorum suorum fructum ab illis reportare nequeunt. Sicut neque liberi etiam possunt à talibus parentibus uti necesse est, propter illorum mortem sublevari. Vnde post aut molliter perversequè educantur, aut summa in egestate atque inopia vitam traducunt. 9

Vt ab hoc ultimo senilis matrimonii improbatoribus respondere incipiam. Dico non solos senes, sed etiam juvenes parentes, fato subiacere, quo subinde non minus hi, quam illi, liberis suis in omnibus adesse prohibentur.

Ad illud quod dicunt, senes non posse progenerare sobolem, illi tantum non facile possunt respondere, si qui forte sunt, qui hunc unum matrimonii fructum esse statuunt. Nos verò quamvis hunc maximum esse concedamus, non tamen eum solum dicimus : sunt enim præter prolis procreationem in matrimonio & alia non exigua commoda, propter quæ in senectute magis necessaria est conjunx quam in juventute. Nam quod tempus vitæ officio curaque magis indiget, quam senectus? propterea quod ætas illa plerumque debilior atque infirmior sit. Quod autem fidelius atque gratius est officium, quam quod à fidelissima & gratissima conjuge præstari solet? quamvis enim aliquis plurimos servos & administratos habeat, qui diligenter assideant, quique, quod ajunt, ad digiti crepitum obediant, hæc tamen cum una gratæ uxoris colloctione minimè sunt conferenda. Hæc enim cum summa & admirabili pietate semper assistit, & diligentissimè atque accuratissimè quæ necessaria sunt in domo præparat. hæc quid cupiat vir, cujusve rei indigeat statim intelligit. hæc illo dolente dolet, gaudet si melius habeat. Ista quidem non curant juvenes mariti, imo neque vident, qui ætatis fervore quasi extra se positi, nihil aliud ab uxore præter voluptatem petunt, neque putant aliud in matrimonio bonum esse,



esse, præter conjungendorum corporum libidinem. Ex quibus constat uxorem magis esse necessariam seni quam juveni; cum hic ab uxore salutem, ille tantum voluptatem expetat: hunc uxor conservet, illum oblectet: hic animi constantiam ac fidem, ille corporis gratiam & venustatem intueatur: hic ut habeat quæ sibi fidelissime necessaria subministret, ille quæ cupiditatem expleat uxorem adsciscat. 10.

Quamquam ne omnino senilis conjugii impugnatoribus concedamus, senes facultate generandi carere, res & exempla nos admonent. Paulo enim robustiores ac validiores senes ne in hac quidem parte multum juvenibus concedunt. Ajunt Ciceronem cum eum quidam objurgarent, quod homo sexagenarius puellam virginem duxisset, facete respondisse; Cras mulier erit. Cognitas enim vires suas habebat, neque dubitabat, quin esset viriliter officio suo satisfactorius. 11 Naturæ rerum indagatores tradunt puellam longe facilius & citius ex senē quam ex juvene concipere. Cujus rei perspicuum est signum Ceturæ fœcunditas, ex qua senex admodum Abrahamus filios quinque progenit sacris literis attestantibus. Itali etiam vulgo dicunt. Puellam sub cana barba jucunde vivere: quod senex uni deditus uxori plenè soleat ei satisfacere; cum interim juvenes propter intemperantiam sæpe relicta uxore, vetita malint Cypriidis sequi cubilia. Vt inde longe magis timenda sit infidelitas in juvenum, quam senum uxoribus, quæ eadem culpa aut viros imitantur, aut ulciscuntur. Quid quod etiam arbores, quo magis senescunt, eo maturius ferre fructus solent? Nam graves auctores Theophrastus & Plinius scribunt. Amygdalam & Pyrum in senecta multo esse fertilissimas. 12 Apud ignobiles homines inquit Plinius usque ad quintum & octogesimum annum vulgaris generatio reperitur. 13 Rex Numidarum Massanissa cum sextum & octogesimum expleisset annum, Methymantum filium procreavit. Memoria quoque proditum est Catonem illum, antiquæ gravitatis & severitatis admirabile speculum & exemplar, post annum octogesimum Salonii clientis sui filiam uxorem duxisse, filiumque ex ea progenuisse, qui postea spectatissimæ probitatis atque integritatis fuit: qua de causa factum est ut ceterorum Catonis liberorum propago Liciniana cognominata fuerit hæc vero Saloniana, de qua natus est ille Cato qui

10 Majorag.  
Orat. in  
Nupt. Jac.  
Philip. Sacci.

11 Idem Majorag. dicit.  
orat.

12 Plin. nat.  
Hist. lib. 16.  
cap. 27.  
13 Idem Nat.  
Hist. lib. 7.  
cap. 14.



14 Majorag.  
in, dict. Orat.

qui post mortem Vticensis fuit appellatus. 14.

Atque ista & hujusmodi alia, satis etiam ostendunt, senectutem nequaquam esse morbum aut ineptam nuptiis, & contemptui ac servituti uxoriæ obnoxiam. Semper enim plus auctoritatis in senibus quam in juvenibus esse, vel ipsum indicat venerabile nomen Senatus, qui ordo ex senibus coalescit.

Zelotypia, quæ vehementiam non conjugalis modo, sed etiam cujusvis amoris consequitur longius abest à senili quam juvenili conjugio, quia in senibus omnia temperata, omnia immoderata in juvenibus sunt. In quibus si matrimonium non est luxuriæ indicium, in senibus cur deberet esse non video?

Ad extremum de honestate & decentia senilis conjugii, non alius potest dubitare, nisi ille cui ipsum quoque matrimonium honestum & laudabile esse non videtur, aut qui indecens existimat fuisse conjugium Abrahami Sanctissimi illius Patriarchæ, & Iosephi Salvatoris nostri nutricii, cujus integerrimam vitam sanctissimosque mores cum ipse DEUS approbasset, aperto suo testimonio dignum esse censuit, cui unigenæ filii sui mater, quam ab omni æternitate delegerat matrimonio jungeretur, quo tempore jam longe natu grandior ac penè decrepitis esset. Quo facto quamvis corporum conjunctio secuta non fuerit, nihilominus tamen apparet maximè probandum esse senile conjugium; imo vero præter cætera summo opere celebrandum, cum unicus ille Dei filius rerum omnium auctor & moderator Christus ex ea Virgine nasci voluerit, quæ cum homine admodum sene matrimonii sacramento fuisset antea copulata. 15

15 Idem  
ibidem.

#### §. I I.

*Sintne doctis hominibus ducendæ Vxores?*

**P**ermulti grande nefas esse credunt, si vir doctus atque sapiens uxorem ducat, censentque id & à dignitate & à status illius ratione alienum esse. Quod summum est (inquiunt illi) literarum atque Philosophiæ studia uxoribus impediuntur. Ut enim non ineleganter quidam dixit. Nullus Aristoteli aut Platoni est locus ubi stola regnum possidet. Si quis tamen est qui in conjugio studia non remittit, & quemadmodum avarus fœnori, ita ille horas omnes & momenta cogitando aut scribendo de-



destinat, in aliud malum infelix incidit. Fit enim ab uxoria cura omissior, quo primo ingratus, mox invisus redditur mulieri. Hinc querelæ conjugales, & suspiciones, hinc sine causis odia, sine occasione simultates. Si quid postulet maritus, torva uxor & severa; hospes si excipiendus, tristis est, ac morosa. Quæ res generosæ menti planè intoleranda est. Postremo nisi palleat vir quantum illa cupit, aut si jacuit aversus, ad vicinum itur; sensim enim eo, ac per gradus devenitur. 1 Primo quippe aliena à marito nihil majus adhuc audet. Cæterum ubi semel fines transivit pudoris, vel audaciam à successu, vel à scelere ipso, si sit manifestum, sumit confidentiam. Ex quo ut ad maritum dolor pervenit & infamia, ita ad alieni thori subseffores gaudium & lætitia, quibus illa apis sedula

1 Epist. ad  
Primerium.

*Excudit ceras & mella tenacia figit.*

Exemplum ad hanc tragædiam appositum affert Author Epistolæ ad Iacobum Primerium, de quodam satis erudito, qui & genere optimo prognatus fuit, & tersos adeo ac venustos versus scribebat, ut cum non pauca essent alia, à quibus commendari posset, nihil toto vitæ tempore egisse aliud aut cogitasse videretur. Is cum quodam tempore vocatus esset ad convivium, evenit ut puella quoque ibidem esset mirè arguta & venusta. Myrothecium Veneris, leporum omnium ac elegantiarum effigiem quis dixisset, vultu autem ita emendato ac festivo, nihil ut amari ulterius à quoquam posset. Accedebant oculi (Dii boni quales?) voluptate ac illecebra plenissimi, aucupium amoris. Osculum præterea exiguum, quod vestibulum Cupidinis, Gratiarum pyxidem more suo Poëta vocaret. Enimverò pedem in choreis siquando poneret, præter ipsam artem; ita lubricè ac agiliter saltare erudita, singula ut membra, non moveri, sed aut fluere, aut natare viderentur. Hic quid faceret, primum juvenis, tum quod rei caput Poëta, benigna in amorem scilicet materies & prona! Primo scribere versiculos, mox & amore ejus deperire cœpit. Quid multa? Ambit & post menses aliquot exorat, homo opulentus quidem satis, sed qui durum, & illepidum in liberos parentem, tum adhuc superstitem haberet; novam matrimonii calamitatem. Cæterum cum & ille aliud planè ageret, illa autem virum in lecto non poëtam in carmine desideraret, cœpit ei cum vicino quodam, homine vilissi-

G

mo,



mo, sed admodum robusto bellè convenire. Interim optimus ac ornatissimus vates Iliada & Vlyseam totos dies cantillabat, aut fortassis Divæ Castitatis Hymnum scribebat. illius vero conjunx in alterius amplexibus assiduè ac diligenter versabatur.

*Nec misero prodesse in tali tempore quibat.*

quod elegias terribilissimas conscriberet, & versiculos Ovidiano more alternos (nam religiose id quidem observaverat) dissyllabis concluderet. Noctu autem quoties jus suum peteret maritus; illa ut plurimum, cunctando, & lenonia difficultatis arte, honestatem suam, quam prostituebat foris, apud virum tuebatur. Quod ignaviæ illius tædio non castitatis studio fiebat: quæ unius viri in matrona cultu ac obsequio censetur. Ille interim, si quando cum amicis animum laxaret, cum præsertim aliquantulum maderet, de pudore conjugis & castitate, totos dies peje-rabat. Sæpe ne absente quidem illo, qui mensuram corporis illius juxta ac maritus, cognitam habebat, ac perspectam.

Ultimo cogitandum est viro sapienti multa esse quæ matronarum usibus necessaria sunt: pretiosæ vestes, aurum, gemmæ, sumptus, ancillæ, supellex varia, lecticæ & exedra deaurata. Deinde per totas noctes garrulæ conquestiones, illa ornatior procedit in publicum, hæc honoratur ab omnibus, ego in conventu fœminarum misella despicior. Cur aspiciebas vicinam? quid cum ancilla loquebaris? De foro veniens quid attulisti? Non amicam habere possumus non sodalem; alterius amorem odio sui suspicatur. 2 Fœminæ ergo in hunc modum sunt ambitiosæ & molestæ. Post illas autem liberi plerumque multis egent, quibus mille Stoici, non curare ea, quæ ab aliis curantur, tota sua Philosophia non persuaserint. Gravia hæc non paucis visa sunt, quos nihil tantum offendit, quantum literatorum hominum conjugium. Verum semper miratus sum, id ab istis accusari, quod ipsa hætenus comprobatur natura, quæ à communi hominum conditione, literatos non excepit, neque sexu quodam tertio distinxit. Quod & prisca sapientum firmant exempla, quorum nemo, ne in maximè severa quidem ac austera Stoicorum gente fuit, qui non barbam quoque, & supercilium uxoris amplexibus submiserit, aut in ista parte à reliquis dissenferit. 3 Non quin cælebs forte vixerit non nemo; sed quod non qua talis. verum quia hic adversum vo-

2 Hieronym.  
cont. Jovin.  
lib. 1. cap.  
22.

3. Author E.  
pittol ad Pri-  
merium.



luptatum stimulos præsidii à natura plusculum quam ille accepit: vel quod minus acres sentit: vel postremo quod amoris simulchra facilius vitare potest. Nam hoc plurimum, in hac re potest. Humanus quippe animus, in eam penitus conversus partem, quam præclare imperantem Stoici & Plato dicunt, quæ ad DEum immortalem proxime homines accedunt, & in qua supremum hominis ac proprium verlatur opus ac officium, à sensibus externis separatus, tutum ac immunem à contagione ista facile se præstat; quæ ut primo se per oculos insinuat, ita parte ea, quam natura rationi maxime opposuit, ac cujus pudere omnes voluit, restinguitur. Cui qui honestè imperare nondum didicit, honestè potest servire, & ad generis humani propagationem quod vestrigal omnes conservationi ejus debent, castè ac legitime accedere. 4

4 Idem Epit.  
eadem.

Sunt & alia quæ hanc vivendi rationem doctis hominibus suadent. Præcipuum est, quod illi plerumque rebus suis & domesticis negotiis, dum alibi intentum habent animum, præesse ut alii non possunt. Qui quod est nobilior, eò cum in se reflexus, & à curis istis, sine quibus se tueri paterfamilias non potest, longius remotus est, contemplatur acrius. Quod Democrito & Anaxagoræ evenit: quorum à corpore & humanis cogitationibus, divulsus quasi, ac averfus peregrè dum esset animus, culta & agellos, ut antiqui notant, pecudes depascebantur.

Ex quo facile quivis intelligit, uxorem non modo nulli esse impedimento, sed etiam homini literarum studiosissimo maximo esse adjumento, quæ dum maritus ad suas se lucubrationes occupat, & libris immoritur, ipsa domi rei familiaris curam suscipiat, & provideat, quæ ad vitæ cultum sint necessaria. Neque enim fieri potest ut ea domus rectè gubernetur, quæ prudentis mulieris sedulitate non utatur. Quare merito clamat sapiens quidam Græcus, Bonam mulierem esse familiæ gubernaculum.

Adde doctis viris remedio esse mulieres, nam ab iis excitatur vigor, & omnis tristitia, quæ continuatione pertinacis studii adducitur, fœminarum hilaritate discutitur. Vnde eleganter quidam dicit. In Partem domus uxor sane non illepidà, non invenusta, nec lasciva tamen veniat, quæ postquam interdium, curas istas, minimas, sed tamen necessarias in se suscepit, noctu matronali verecundia, quam castus ac legitimus mariti amor,



non libido sua aut procacitas remittit, graviore quoque abster-  
gat, & complexibus suavissimis, morosam illam contemplan-  
di voluptatem diluat. Non ut corpus quod est belluarum, de-  
fatiget, sed ut majus desiderium in animo accendat: menti au-  
tem instrumenta sua integra relinquat, quæ in corpore non ve-  
geto non sano, aut si nimia libido id affligerit, opus suum ut o-  
portet, exercere, vix est ut possit. 5

¶ Idem ibid.

Potest igitur vir literatus securus esse dum sagacem domi  
uxorem habuerit: quâ si careat, duplici cura distractus, & lite-  
rariâ & familiari, non satis accuratè, quæ sunt agenda poterit  
efficere. Potest securus esse & de suis literis ac sapientia: quia  
divinarum literarum testimonio *Mulier sensata & tacita non est*  
*immutatio erudita animæ.* 6

6 Ecclesiasti-  
ci 26. versu  
13.

Nec contra dignitatem virorum eruditorum est Societas mu-  
lierum, quas non immerito Iurisconsultus appellat reverendis-  
simas, carissimas & sanctissimas. 7 & quibus Romulus primus  
Romanæ urbis conditor, deambulantibus, priorem à viris lo-  
cum constituit. 8

6 Lancell. 1.  
Titia §. Qui  
Marco D. de  
ann. leg.

8 Utabric.  
m. l. 2. D. de  
Orig. jur.

Quod pertinet ad fidem conjugalem, ad sumptus uxorios, ad  
ambitionem muliebrem, ac denique ad ea, quæ liberis sunt ne-  
cessaria, ea omnia, doctis viris cum omnibus hominibus sunt  
communia. De quibus quia superius dixi, hic fileo.

## C A P U T V I I I.

### *De officio mariti.*

**P**ostquam egimus de prima hominum Societate quæ  
tunc coalescit, quando mulier in viri manum convenit,  
& ostendimus qui ad illam societatem sunt idonei, ac  
quæ in eadem contrahenda spectanda sunt, necesse est ut quæ  
sunt in conjugio partes viri, quæ mulieris exponamus. Ut au-  
tem res loco & ordine fiat, præsentī capite officium mariti, se-  
quenti uxoris definiemus.

Porro alia est ratio boni viri, alia boni mariti. magnum est  
esse bonum virum, sed majus est esse bonum maritum. Ut me-  
rito Marcus Cato, majori laude dignum eum censuerit, qui bo-  
num se gereret maritum, quam qui in ordine Senatorio magnus  
esset, 1 De bono viro alio fortassis loco commodior erit tra-  
ctatio

1 Bruto l. b.  
7. c. 22.



etatio. Nunc de solo agendum est marito. Cujus ut breviter dicam) officium est, uxorem imperio regere, fidem conjugalem & amorem præstare, atque omnia quæ ad vitæ usum sunt necessaria, uxori præbere :

De imperio viri in uxorem non conveniunt scriptores. Alii enim existimant illud esse regium, qui etiam eandem potestatem, viris in uxores, quam regibus in subditos, concedunt : facramque scripturam pro se afferunt, ubi DEus his verbis ad primam mulierem, quæ nomine omnium excipiebat maledictionem, dixit : *sub viri potestate eris, & ipse dominabitur tui.* 2 Alii verò tantum civiliter fœminas subiacere viris contendunt : inter quos Aristoteles disertè id asserit, dum docet, patrem familias & uxori præesse, & filiis, tanquam liberis quidem ambobus, sed non eodem imperii modo, sed uxori quidem civiliter, filiis autem regiè. 3 Atque horum melior est opinio, tum quod voluntariè tali se imperio subjiciant fœminæ, tum quod paribus. Viri enim & uxores pares sunt inter se amicitia id efficiente quæ semper aut invenit pares aut facit. 4

Sacra scriptura contrarium sentire non cogit, quæ licet dominii vocabulo contrarium docentibus videatur nonnihil favere, tamen juxta hanc posteriorem opinionem optimè explicari potest.

Ex hac moderata viri supra uxorem potestate, perspicuum fit, qualis maritus, erga caram & fidam vitæ suæ sociam esse debet. Etenim imperare illi debet, non ut dominus mancipio quod possidet, sed ut animus corpori, iisdem affectibus obnoxius & benevolentia devinctus. 5 Humaniter cum illa & amicè debet vivere. Illi quippe dictum est : *Noli esse sicut leo in domo tua, evertens domesticos tuos & opprimens subiectos tibi.* 6 Aequum quoque est, ut omnis injuriæ & violentiæ opinio ab ea absit, quæ supplicis instar est, ac tanquam è foco deducta 7 quamque parentes omnibus relictis, matre, domo, mariti dextræ committunt. 8 Non ad injuriam utique, sed ad misericordiam. Et profecto cum sive ipse DEus immortalis, sive ancilla ejus, mater optima natura, sexui infirmiori huic, plurima gravissima durissimaque proposuerit, adeo ut hanc ipsam, si quam è complexu maritali, re tam casta, tam honesta, voluptatem expetit, gravissimis redimere doloribus, tanquam debito naturæ sit ob-

1. Iosua 2  
2. Genes. 3.

3 Lib. 1. Po-  
lit. cap. 7.

4 Cicero in  
Lalio.

5 Plutarch.  
in præcept.  
conjug.  
6 Syracid. 1.

7 Arist. de re  
fam. Lib. 1.  
cap. 4.

8 Chrysost.  
Hom. 16. in  
1. ad Cor.



stricta, quid tam æquum est, quam in comitate viri, ac lubentia, nonnihil solatioli habere mulierculam? animal ut imbecille ac blandum: ita nisi quatenus mariti amor intercedit, prope ad calamitatem natum. 9

9 Author E-  
pistolæ ad  
Primerium.

Sunt qui putant, tum demum maritum præclarè suo munere fungi, quando uxorem injuriosè ac serviliter tractat. dicuntque.

*Qui plus castigat, plus in amore ligat  
mulierem.*

Sed errant qui putant, & qui id faciunt. Nam ut ait Poëta  
*nullum memorabile nomen*

10 Æneid. 2.

*Fœminea in pugna est; nec habet victoria laudem.* 10

Verberare uxorem ultima est ignominia; cum non ejus quæ verberatur, sed qui verberat spectetur animus. Et adhibitis verberibus morbus non tollitur, sed augetur & exasperatur; natura enim

11 Ovid. lib.  
3. Amor E-  
leg. 4.

*Nititur in vetitum semper cupimusque negata*

*Sic interdictis imminet ager aquis.* 11

12 Juven. Sa-  
tyr. 13.

Sunt vindictæ aliàs mulieres vehementer appetentes, neque hac quisquam magis quam fœmina gaudet. 12 Vnde ad venena, & homicidia, & desertiones maritorum sæpe venire uxores, testis est experientia. Quam ob causam Censorius ille Cato, vir alioqui parùm sexui fœmineo amicus, non esse verberandas uxores contendit: & si quis uxori manus inferret, non aliter quam Dearum simulachra temerasset, insectandum & detestandum esse passim affirmavit. 13

13 Plutar.  
in vita Cato.

Dicet aliquis. Ergo non poterit vir mulierem si in aliquo deliquerit corrigere! Dico, si linguæ vel gestuum vel morum aliquis defectus in uxore appareat, licere marito eam reprehendere, non quidem injuriosis aut diffidentia plenis verbis, sed amicis & spem optimam facientibus. Atque hæc quidem correctio inter ipsos conjuges tantum, non etiam aliis præsentibus est facienda. Vulgo namque dicitur. cum uxore neque jurgandum, neque lascivendum est, in præsentia aliorum. Alterum enim dementiæ, alterum fatuitatis est argumentum. 14

14 Steph.  
Guazzus Ci-  
vil. Convers.  
lib. 3.

15 Arist. Oe-  
conom. lib. 1.  
cap. 3.

Alio modo secundum Philosophum vir uxorem corrigit, ipse sibi maximè dominando, sic enim optimis totius vitæ rector existet, & uxorem talibus uti docebit. 15 Apud eundem Philosophum Homerus quoque censet, virum & uxorem sic invicem



cem se habere debere. Nam nemo deteriorem se admiratur, ac veretur; sed huiusmodi affectus accidunt invicem melioribus, & natura benignis, minoribus etiam sapientia ad se meliores. 16 Optimus est iste modus, qui ipsas usque mali radices evellit. Vxorum etenim errores sive delicta, maximâ ex parte, à maritorum culpa originem trahunt: qui plus justo observantiam connubialium legum, quas tamen ipsi ne minimum quidem observant, ab uxoribus exigunt, & graves pro minima illarum negligentia pœnas de iis sumunt. Quare nec mirum adeo est, si dolore & indignatione victæ mulieres, aliud quam quod deceat, cogitent, aut etiam faciant. Et eodem momento homines lascivi occasionem capiant tentandi earum pudicitiam, & bene de successu sperandi: quo fit ut ipsæ promptè se ad omne id accingant, quod & ira & desperatio ipsis persuadent. Contra verò quando intelligunt uxores, se maritis suis esse carissimas, omne studium in eo ponunt, ut illis amorem cum scœnore rependant. Atque hæc de primo mariti officio, nimirum de imperio in uxorem amore temperato sufficiant. Alterum officium mariti esse diximus, fidem conjugalem & amorem præstare. Hoc officium sacramento inter conjuges confirmatur, & ex eo tota penè felicitas pendet matrimonii, perpetuaque vitæ conjugalis concordia. Læsa fide, læditur amor, læditur tranquillitas ira & furor concitantur. Venustè Poëta.

*Sed neque fulvus aper mediâ tam savus in irâ est,*

*Fulmineo rapidos, dum rotat ore canes.*

*Nec Lea cum catulis lactantibus ubera præbet,*

*Nec brevis ignaro vipera læsa pede,*

*Fœmina quam socii deprensa pellice lecti*

*Ardet & in vultu pignora mentis habet*

*In ferrum flammæque ruit: positoque decore*

*Fertur ut Aonii cornibus icta Dei*

*Hoc bene compositos hoc firmos rumpit amores*

*Crimina sunt cautis ista timenda viris.*

*Conjugis admissum, violataque jura mariti*

*Barbara per natos Phasias ultra suos*

*Altera diraparens hæc est, quam cernis hirundo*

*Aspice signatum sanguine pectus habet. 17*

Iam verò amorem uxori deberi, ita notum est, ut soli infantes

illud

16 Ibidem.

17 Ovid. de arte Amandi. lib. 2.



18 Convival.  
ferm. Tomo,  
1. pag. 310.

19 Aug. de  
Catech. rudi.

20 Arist.  
OEconom.  
lib. 1. cap. 1.

21 Ov id. de  
at. am. lib.  
3.

22 Steph.  
Guazzus de  
Civil. Con-  
vers. lib. 3.  
Ovid. proxi-  
mè citatus.

illud nesciant : amorem inquam verum. Nam non est satis ma-  
ritum tantum osculo putari, prout voluit Hadrianus Imperator,  
qui uxori, de extraneis illius voluptatibus conquerenti, dixisse  
fertur. Patere me, per alias, exercere cupiditates. Vxor enim  
dignitatis nomen est, non voluptatis. 18 Magnes est amoris a-  
mor, & qualis trahit, talis & trahitur. Nulla est major ad amo-  
rem invitatio, quam praevenire amantem, & nimis durus est a-  
nimus, qui si dilectionem nolebat impendere, nolit rependere.  
19 Et è contrario nihil magis provocat injuriam, quam injuria.  
Vnde Philosophus primam ponit legem viro ad mulierem, ut  
injuria cesset : sic enim (Philosophi verbis loquor) *nec ipse inju-  
riam parietur, hoc enim & communis lex inducit, ut Pythagorici di-  
cunt, quemadmodum servam à lare abductam, quam minime decet vi-  
deri injurià afficere. Est autem viri injuria externarum mulierum  
coitus.* 20 hæc ille.

Accusat Poëta Menelaum, quod male suam Helenen cu-  
stodiverit, & sua absentia hospitem juvenem adulterum fe-  
cerit.

*Dum Menelaus abest (inquit) Helene ne sola jaceret  
Hospitis est tepido nocte recepta sinu  
Quis stupor hic Menelae fuit? tu solus abibas  
Iisdem sub tectis hospes & uxor erant  
Accipitri timidas credis furiose columbas  
Plenum montano, credis ovile lupo  
Nihil Helene peccat : nil hic committit adulter:  
Quod tu, quod faceret quilibet, ille facit.  
Cogis adulterium dando tempusque locumque,  
Quo nisi consilio est usa puella tuo?  
Quid faciat? vir abest & adest non rusticus hospes,  
Et timet in vacuo, sola cubare toro  
Viderit Atrides Helenen ego crimine solvo :  
Fsa est humani commoditate viri.* 21

Accusat inquam Menelaum, ejusque absentiam in crimen  
vocat. Sed ego minus istud esse Menelai peccatum judico: ma-  
jus est, quod ille injuriam uxori alieno amore fecerit. Casta  
fuisse Helena, donec quidem maritus eâ solâ fuit contentus, po-  
stea autem ob mariti culpam se prædæ dedisse fertur. 22

*Dum fuit Atrides una contentus, & illa*

*Casta*



*Castâ fuit, vitio est improba facta viri.*

Abfuit satis diu etiam Ulysses, totos scilicet viginti annos à sua Penelope, illa tamen nullis aut parentum precibus, aut procorum pollicitationibus adduci potuit, ut fidem quam viro discedenti dederat, secundis nuptiis violaret. Tantùm ab infami cupidine / Hujus constantiæ magna causa fuit ipsius etiam virtus Ulyssis, qui optimum animum erga Penelopem gerens, absens licet, nihil deliquit. Nam rogantē Atlantis filia, ut secum maneret, ac sempiternitatem pollicente, nec ob id quidem proderet voluit uxoris affectum, & amorem, & fidem, maximum sibi supplicium arbitratus, si malus dum esset, immortalitatem haberet. Cum Circe etiam manere noluit, insuper sociorum salutem pollicente: imo respondit, nihil sibi dulcius videri posse, quam patriam incultam, & asperam, magisque optavit mortalem uxorem filiumque videre, quam fieri ipsum immortalem. Sic ille firmam stabilemque uxori fidem servabat, pro quibus merito ab uxore eadem reportabat. 23 Abfuit & Collatinus à sua Lucretiâ, castus vir à casta muliere; quæ vim à Tarquinio passa, quia pudicitia violatorem ulcisci non potuit, pœnas à se ipsa suæ infelicitatis exegit,

23 Arist. Oe.  
conom. lib.  
2. cap. 3.

*cælato figens sua pectora ferro.*

Manifestum igitur est, solam absentiam maritorum non esse uxoribus causam adulteriorum, alioqui Penelope quoque & Lucretiæ fuisset, sed potius injuriis maritorum scēminas in hoc mali præcipitari, ut ostendunt exempla Menelai, & Agamemnonis, qui dum injusta lucra sectantur, justè possessis bonis spoliantur.

Quamobrem cesset maritorum injuria, & non erit opus uxoribus custodiâ. Vetus præterea proverbium est: Impudica mulier custodiri non potest, honesta non debet. Illi qui de uxorum honore sunt solliciti, easque custodiunt, damno suo admovent, quid illæ facere possunt. Eleganter id explicat more suo Naso, dum quendam sic alloquitur.

*Dure vir imposito teneræ custode puella*

*Nil agis, ingenio quæque tuenda suo est,*

*Si qua metu dempto casta est, ea denique casta est,*

*Quæ quia non liceat, non facit; illa facit.*

*Vt jam servaris bene corpus, adultera mens est.*

H

Nec



*Nec custodiri, ni velit, illa potest.*  
*Nec mentem servare potes, licet omnia claudas.*  
*Omnibus exclusis intus adulter erit.*  
*Cui peccare licet, peccat minus, ipsa potestas*  
*Semina nequitia languidiora facit.*  
*Desine (crede mihi) vitia irritare vetando:*  
*Obsequio vinces aptius ipse tuo.*  
*Vidi ego nuper equum contra sua fræna tenacem*  
*Ore reluctanti, fulminis ire modo.*  
*Constitit ut primum concessas sensit habenas*  
*Frænaque in effusas laxa jacere jubas.*  
*Nitimur in vetitum, semper capimusque negata,*  
*Sic interdictis imminet ager aquis.*  
*Centum fronte oculos centum cervice gerebat*  
*Argus, & hos unus sæpe fefellit amor.*  
*In thalamo Danae, saxo ferroque perenni*  
*Quæ fuerat virgo credita; mater erat.*  
*Penelope mansit, quamvis custode careret*  
*Inter tam multos intemerata procos.*  
*Quicquid servatur, cupimus magis, ipsaque furem*  
*Cura vocat, pauci quod sinit alter, amant. 24.*

24 Ovid. lib.  
 3 Amor. Ele-  
 gia. 4.

Quamobrem melius faciunt illi, qui uxoribus suum ipsarum  
 honorem asservandum relinquunt, infidiatores enim alienæ pu-  
 dicitiae, dum credunt scēminas, quibus ipsismet ista cura est con-  
 credita, magna virtute esse præditas, nihil tentare audent, & sic  
 magis in tuto est fides & castitas conjugalis.

Ex his ergo liquet, qualis fides, quantusque viri amor, qui  
 optimus est fidei uxoriæ custos, debet esse erga mulierem. Cē-  
 terum quia amare (ut vetus est proverbium) & simul sapere vix  
 Deo conceditur, ideo diligenter videndum est, ne pro amore,  
 incompressa cupiditate ardeamus. *Habet enim potestatem damo-  
 nium super eos, qui conjugium ita suscipiunt, ut DEum a se & à sua  
 mente excludant, & suæ libidini ita vacent, sicut equus & mulus,*  
*quibus non est intellectus. 25.* Sed amorem illum habeamus, qui  
 est amicitiae & concordiae instrumentum, & quem sapientes (ut  
 ait Athenæus) procul ab omni turpitudine judicarunt, atque in  
 gymnasiis unà cum Mercurio & Hercule statuerunt, ac cui sa-  
 crificabant. Nam amorem & honestam voluptatem, quæ ex  
 vir-

25. Tobia.  
 Cap. 6.



virtute provenit, delitię corporis infamaverunt, ut Seneca testatur in Epistolis. Neque voluptas inquit causa virtutis more Epicuri, sed accessio est. Virtus enim non quia delectat placet: sed quia placet delectat.

Tertium officium mariti est, præbere uxori ad vitę usum necessaria. ea vero ad victum & ornatum referuntur. Ut incipiam à victu, illius maximam vim esse in utramque partem, ille tantum dubitat, qui dubitat, ipsis deliciis, quibus bene vivere posse multitudo confidit, frangi virtutis nervos, atque prorsus labefactari. Quę tanta constantia, tantaque fortitudo est, de qua brevi tempore gula non triumphet? aut quę tanta petulantia & libido, quam non sobrietas coërceat & temperantia? quę voluptatibus imperat, alias odit atque abigit, alias dispensat, & ad sanum modum redigit, nec unquam ad illas propter ipsas venit.

26 Ut enim in voluptatum regno, nullo pacto virtus potest consistere: sic ubi est omnium virtutum fecunda mater sobrietas, nulli vitio locus invenitur. 27 Hinc sacris virginibus vigilię & cibi potusque continentia ab optimis & prudentissimis viris institutę sunt, ne carnis illa luxuries, puras cogitationes labefaceret, & firmos animos debilitaret.

Priscis temporibus, Romanis fœminis, vini usus ignotus fuit qui nunc quoque Syris, & Persicis, minimè conceditur. Cujus rei observatio ut facilius deprehenderetur, osculum Romę cognatis constitutum erat, ut adversus intemperantes odor ipse argumento esset: quę verò legem transgressę fuissent, non modo dignę notā censebantur, sed ut auctor est Cato, graviter mulctari jus erat. Ad inconcessas enim voluptates hujus generis intemperantię sæpissime invitat ac detrahit juxta illud, *Venus cum culina fervet pariter ac friget.* 28.

Itaque sapienter quidam gentiles, sic in eodem templo Liberi Patris & Veneris simulachra congesserunt, ut qui Veneris imaginem visendi studio venirent; prius ipsius Bacchi statuam salutarent. Talibus profecto mens & animus factus impotens, nihil arduum cogitare, nihil decorum meminisse, nihil divinum potest intelligere; at consilii & rationis experts, per quandam sensuum pruriginem illud sibi summum bonum definit, quod ut scribit Cicero, si pecudes ipsę loqui possent, voluptatem appellarent. 29.

26 Senec. ad  
Lucilium E-  
pist. 83.

28 Franc.  
Barbar. de re  
Vxor. lib. 2.  
cap. 5.

29 Idem ibi-  
dem.



Sapienter & Fridericus Imperator, qui studiosissimus temperantiae ac sobrietatis cultor fuisse dicitur, cum audisset Leonoram uxorem (quæ paterna in domo nunquam vinum gustaverat) facile filios parituram, si in Germaniâ tam frigidâ regione vinum biberet, dixisse fertur, malle se sterilem uxorem habere, quam vinosam. Non ignoravit Imperator fortissimus, quam multa vinolentiam mala comitentur; & tum præsertim, quum foemineum genus nimio vino obruitur. 30 Quorum malorum aliqua etiam ad hæredes transire judicavit Diogenes, qui quum temulentio rem puerum esset conspicatus, parentes ait ebrii te genuerunt.

30 Aeneas  
Sylvius lib. 2.  
de rebus ge-  
stis Alphonfi.

Quamobrem prudentes & attenti mariti, uxores suas ad frugalitatem potius Lucretiæ, quam ad Cleopatram sumptuosas delicias assuefacient. Nam Syracusanas cœnas turpis & immoderata Venus non modo sequitur, sed etiam persequitur, & per Alexandrinæ mensas, mens relictis honestatis finibus, in plurima & maxima vitia præcipitatur. contra moderatissima victus ratione, & omnis honestas manet incolumis, & sumptus damnosissimi evitantur.

Iam de cultu atque ornatu uxoris videamus. Luxus, ut in omnibus rebus, ita & in mundo muliebri, merito reprehenditur. Omnis quidem ætas accusat luxum vestiarii varietatem, sed præsentis sæculi tanta est, ut in conrumeliam naturæ, adscitâ & adoptatâ undique pompâ, pene in simulachra migrent mulieres. Nulla, præsertim ditiorum, satis ornatam se putat, nisi admirantis plebeculæ trahat oculos, & cultum ab humiliori extorqueat. Stola illarum, aliquando preciosissimæ, subtiles, & pellucidæ, quibus vix sexus tegitur, aliquando verò prodigè fluentes, sinuumque multiplici nexu industriè crispatae sunt. Iam quid farcimina illa, aut ferrum illud esse dicam? quo honestæ etiam utuntur, quod cum vestem supra alvum ad posteriora pariter extendit, si quid latet illic, facile dissimulat, aut celat, & virginati lepidè patrocinator? dignum eo tempore instrumentum, quo dissimulamur crimina, non fugimus. Quid collaria pavonum caudas æmulantia? quid tutulos, & adoptivarum comarum suggestus? quid colli valla linei candoris radios? quid unionum auri que non jam ornamenta sed onera? quid aurium vulnera & elenchos? quid tenuissimam carbasum, qua leviter obducuntur

soro-



fororiantes, non ut restinguant desiderium sed acuant? quid inquam hæc & sexcenta similia esse dicam? nisi certissima patri-  
moniorum exitia, & nefandi amoris illicia.

Nec privatis tantummodo bonis, sed etiam rebus publicis nocet immoderatus ac nimius ornatus fœminarum. Duo enim sunt diversa vitia quæ imperia evertunt, avaritia videlicet & luxuria. 31 Præterea fœminæ, quæ nimium exornari postulant, viros docent rapere aliena, dum eorum loculos exhauriunt: ipsæ vero nonnunquam templis Ægyptiorum sunt similes, quæ splendida ac magnifica fuerunt, atriis, columnis, vestibulis, atque picturis, intus verò numinis loco, aut serpentem, aut selem, aut aliud aliquod animal ridiculum habuerunt. 32 Sæpenumero quoque dum his rebus studetur, quæ ad ornatum ac splendorem faciunt, necessaria negotia negliguntur, quandoquidem nunquam mulier satis sibi ornata videtur, juxta illud Terentii:

*Nosti mores mulierum:*

*Dum moliuntur dum comuntur, annus est. 33.*

Quare non possum satis laudare Oppiam legem Romanorum, quæ non concessit mulieri ut plus semiuncia auri possideret, aut versicolori vestimento uteretur. 34 Non possum satis laudare & Spartanos, qui auri usum mulieribus suis denegarunt, 35 Apud quos Lysander, cum Sicilia tyrannus filiabus ejus vestes pretiosas misisset, donum illud repudiavit, dicens, ornatu illo filias suas dedecorari potius, quàm ornari. 36 Et hæc ad omnes quidem mulieres pertinent. De deformibus verò non illepidus est apud aulicos jocus, qui dum turpem fœminam vident pretiose ornata, dicunt,

*Materiam superabat opus.*

plumasque carnibus esse meliores. Quod si inter ornamenta grandis aurea catena gestetur, iidem dicunt, eo tempore non esse necessarias incantationes, ad fugandas tempestates, eò quod dæmon sit catenatus. Atque utinam esset dæmon potius catenatus, & non mulier, ad quam superbè ac lascivè comptam, tanquam ad domum scopis mundatam & ornata, spiritus immundus, assumens septem alios spiritus nequiores se, ingreditur. 37 Sanctus Ambrosius non dæmonem, sed fœminam vinciri diserte asserit. *Collum inquit catena constringit, pedes compe-*

31 Cato apud Livium  
Decad. 4 lib.

32 Clemens  
Alex. lib. 3.  
Pædag. cap. 2.

33 Heaut.  
2. 1.

34 Livius  
lib. 34.

35 Heraclides de Polit.

36 Plur. in  
precep. con-  
jug.

37 Luc. 11.  
vers. 25.



des includunt; nihil refert an corpus auro ligetur, an ferro. Si cer vix premitur, si gravatur incessus, nil pretium juvat: nisi quod vos mulieres estis miserabiles, quam qui publico jure damnantur: illi optant vivos ligari, mulier sic ornata, est domus omnium demonum infernalium. 38.

38. Lib. 1. de Virg.

Luxum ergo vestium diligens maritus nequaquam in uxore patietur, sicut & formæ adulteria, quæ & ratio damnat, & sancti Patres vehementer execrantur. *Quanta amentia est* (inquit sanctus Augustinus) *effigiem mutare naturæ, picturam quarere? tolerabiliora propemodum in adulterio crimina sunt; ibi enim pudicitia, hic natura adulteratur* 39. Cyprianus vero dicit. Ornamentorum ac vestium insignia nonnisi prostitutis & impudicis fœminis congruere, & nullarum fere pretiosorem cultum esse, quam quarum pudor vilis est. 40. Idem addit fœminas manus Deo inferre, quando id, quod ille formavit, reformare & transfigurare contendunt: nescientes quia opus Dei est, omne quod nascitur; diaboli, quodcunque mutatur. 41. His addi potest Innocentius, cujus verba sunt. *Absit ut adulterinus color comparabilis sit nativo. Quinimo quum facies adulterino colore fucatur, os abominabili fetore corrumpitur. Univerſa vanitas omnis homo vivens. Quid enim vanius, quam crines pectere, plantare casariam, tingere genas, ungere faciem, producere supercilia? quandoquidem vana est gloria & vana pulchritudo: omnis caro fœnum, & omnis gloria ejus tanquam flos agri.* 42. Qui maximè deceat fœminas cultus, docet Gregorius Nazianzenus. *Mulierum* (inquit) *ornamentum est, morum probitate & elegantia florere, domi ut plurimum manere, colloquium cum divinis oraculis habere, fuso ac lanæ operam dare, ancillis opera mandare, servos vitare, labiis, oculis, genis vinculum injicere, pedem limine non admodum frequenter efferre, pudicis quidem omnibus mulieribus delectari: cæterum cō duntaxat viro contentam vivere, qui tibi legitimo matrimonio virginem zonam solvit.* 43.

43. Adversus mulieres ambitiosius se ornantes.

Optimum ornamentum & Phocionis uxor agnovit, quæ, cum aliæ, aureos torques, monilia, cæteramque munditiæ muliebris suppellectilem ostenderent, dixisse dicitur: Meus ornatus, meus maritus Phocion est. 44. Huic non multum ablimilis fuit Cornelia Grachorum mater, quæ cum Campana quædam matrona, monilia ei, annulos ac gemmas suas ostenderet,

44. Plutar. in Phocione.



ret, sermone eam traxit, donec è Scholâ liberi redirent, quos digito monstrans. Hæc enim ornamenta sunt. 45. Denique vestium modum, mulieribus Portius Latro præscripsit: secundum quem, matrona quæ se adversus sollicitantes aviam volet, prodeat in tantum ornata, ne immunda sit: habeat comites ejus ætatis, qui impudicos, si nihil aliud, verecundiâ annorum removeant: ferat jacentes in terram oculos: adversus officiosum salutatorem inhumana potiùs, quàm inverecunda sit: etiam in necessariam resalutandi vicem multo rubore confusa, longè ante impudicitiam neget ore, quam verbo. In hac servandæ integritatis custodia nulla libido irrumpet. 46.

45. Val. Max.  
Lib. 4. cap. 4.

Quæ hæcenus de victu & cultu uxoris diximus, non in eam vim accipi debent, ut uxores nostras ad Diogenis vitam adigamus, easque sordidè ac miserè habeamus, sed ut luxum illarum & ambitionem cohibeamus. Certum namque est, maritum honestis uxoris desideriis prospicere debere, ita ut illa neque necessitate neque superfluitate ad turpitudinem instigetur. cum indigentia æquè ac abundantia, mulieres sæpenumero reddantur impudicæ. 47. Profecto mediocritas victus, ornatusque decetia, magis retinet fœminas in honestate, quam impellit ad turpitudinem. Eleganter Plutarchus qui inquit uxorem in arcum cogit & comprimit veluti annulum, digito ob gracilitatem alias delapsurum, similis est eorum, qui equas tondent, & deinde ad fluvium vel lacum deducunt, nam suam formam conspicientes sædatam, ferociam dicuntur amittere, ac pati porro ab asinis se conscendi. 48. Bucephalus etiam Alexandri (ut magni notant auctores) auro & phalerio ornatus solum Alexandrum sessorem ferebat, demptis autem ornamentis, omnes alios patiebatur. Quare cum & ratio non omnem sed tantum nimium fœminis ornatum interdicat: quia unicum solatium sexus fœmineus in ornatu positum habet: neque enim magistratus gerere, non sacerdotia, non insignia, dona aut spolia bellica mulieribus contingere licet: & consuetudo omnino elegantiam exigit, consulte mariti facient si (modo res ipsorum pariat) auro atque margaritis uxores suas exornaverint. Talia enim magis abundantis, quam luxuriolæ mulieris insignia, potius amplitudinem viri tuentur, quam procaces aucupantur oculos. Diuturnius item & minore cura indigens hoc divitiarum genus est,

46. Apud Senec. contr. lib. 2. contr. 15.

47. Steph. Guazzus de Convers. Ci. vii. lib. 3.

48. in Amatorio.



est, facileque potest & privata & publica rei sæpe maximo fore adjumento. 49

19 Franc.  
Barb. de re  
Uxor. lib. 2.  
cap. 4.

## C A P U T I X.

*De Officio Vxoris.*

fficio mariti discussio, restat explicandum uxoris. Ab Uxore primo requiritur Obedientia. Quamvis enim apud Lacedæmonios mulieres viris suis solitæ fuerint dominari, & hi illas heras suas appellaverint, 1 quam etiam consuetudinem Semiramis in Assyriam introduxerat, 2 Sintque non paucæ, quæ prudentia & virtutibus aliis excellent: tamen multo melius est, ut (quod divina lex vult) maritus uxori imperet, non contra. Existimare mulier debet, non voluntatem tantum sed etiam mores viri esse legem vitæ suæ à Deo sibi impostam, 3 & multum utilem. Cum enim illa ad consilium, virtutem admodum imperfectam ac languidam habeat, 4 plurimum illi prodest mariti imperium. Præterea vir, caput est mulieris, cui mulier si non tanquam inferius membrum se subjecerit, sed imperium sibi usurpaverit, monstrum erit, & marito, & reipublicæ horrendum. Contemptus quoque virorum nullus major esse potest, quam si sua in domo habeant muliebre imperium, Gynæcratia Græcis appellatum: quin & respublica pro dimidia parte malè constituta est, ubi fœminæ male sese habent. Habent verò tum illæ sese male, cum falces iis permittuntur. 5 Ergo bonæ uxoris est, obsequio suo viro placere, & Saræ magnæ illius heroinæ sequi exemplum, quæ Abrahamo obedivit, eundemque dominum suum appellavit. 6 Eam & Aristoteles multo magis obtemperare jubet marito, quàm si empta venisset in domum: magno enim pretio empta est societas vitæ & procreatione liberorum, quibus nec majus, nec sanctius quidquam esse potest. 7

1 Arist. 2. Polit. cap. 7.

2 Alex. ab Alex. lib. 4. cap. 8.

3 Arist. Oeconom. 2. cap. 1.

4 Arist. Polit. 1. cap. 3.

5 Arist. Polit. 2. cap. 7.

6 Genes. 18. cap.

7 Oecon. 2. cap. 1.

8 Lib. 3. Dec. 1.

Hæc tamen sicut non cogunt mulierem ad servanda turpia mariti imperia, ita neque vetant maritum bona uxoris sequi consilia. Qualia poterant esse Theodoræ uxoris Justiniani Imperatoris, de qua sic Blondus: *Tegebat autem multum ipsius regis ineptias virtus regina omnia obministrantis.* 8.

Alterum quod uxor marito præstare debet, est fides & amor conjugal.



Alterum quod uxor marito præstare debet, est fides & amor conjugalis. Proximè ostendi hoc ipsum à viro uxori deberi; hic addo, majorem fidem ac caritatem à muliere quam à marito requiri. Etli enim sacri Canones eandem in utroque conjugē fidem exigant, leges tamen civiles majorem in fœmina quam viro castitatem desiderant. Unde etiam fit, ut & adulterium jure civili propriè committatur ab uxore, sive ea conjugato, sive soluto se commisceat, à marito non aliter, quam si se nuptæ. Ratio posita est in sanguinis perturbatione, prolisque incertitudine. Non enim sicut uxoris adulterio marito, ita mariti libidine uxori nascitur incertus atque supposititiis hæres. Opinione etiam hominum mariti honor, ob non servatam uxori fidem, levius fugillatur: uxor & omnem honorem perdit, & ea macula inquinatur, ut neque pœnitundine, neque vitæ emendatione eam eluere, nec famam bonam recuperare unquam possit. Egregiè quispiam dixit:

*Si qua est suo privata honore fœmina,  
Non fœmina est dicenda, nec viva amplius.*

Ut autem omnem honestatem suam mulier tam factis quam verbis illasam servet, societatem earum mulierum, quarum fama fluctuat, & laborat, quanto potest opere fugiat. Hæ enim & improbis suis moribus, & verbis inhonestis, alias quoque ad illam vitæ perversitatem conantur allicere, nihilque magis in votis habent, quam ut omnes sibi similes reddantur.

Amor quoque major debet esse uxoris erga maritum, quam hujus erga illam. Quo enim res aliqua nobilior est, eo majorem quoque æstimationem meretur, intellectus pariter & affectus. Omni igitur studio, fide, gratia virum amet mulier, nihilque diligentia, benevolentia, pietatis omittat. Sic cum eo versetur, ut sine illo nihil boni nihil jucundi fore sibi polliceatur. Sic vivat cum illo, ut & quodam modo animum misceat, & si fieri posset (quod vult Pythagoras in amicitia) unus fiat ex duobus. Hoc ut facilius fieret, Cretenses nullis filias suas nubere patiebantur, nisi quibuscunque virgines ipsæ signa amoris ostendissent, persuasi, eos uxoribus fore cariores, qui ante maritalitatem vinculum cari etiam fuerunt. 9

Exempla si ad hanc rem spectantia omnia producerem, intergrum librum implem. Unum referam, quod (ut Plutarchus

9 Franc.  
Barb. de re  
uxor. lib. 2.  
cap. 1.



testis est) imperante Vespasiano accidit. Julius qui in Gallia defectionis auctor fuit, cum alios multos habuit, ut fieri solet, sui conatus socios, tum Sabinum quoque hominem non degenerem, & qui divitiis gloriaque omnes alios facile vinceret. Hi rebus arduis tentatis, successu caruerunt, cumque supplicia se daturis præsentiarent, partim seipsos è vita eduxerunt, partim in fuga capti sunt. Sabino autem cæteroqui facile licebat fugâ ad barbaros factâ salutis suæ consulere. Sed uxorem duxerat optimam nomine Emponam, (Græce Heroidem diceret.) Hanc cum neque ducere secum posset, neque deserere sustineret, & ruri haberet sub terra effossas cameras, in quas reponi res utiles possunt, duobus tantum notas libertis, reliquos famulos omnes dimisit, se veneno sibi mortem consciturum simulans, duos quos fideles norat, adsumpsit, & in specus istas subterraneas descendit, missô ad uxorem liberto Martiali, qui patronum veneno extinctum, & casam villæ cum eo concrematam esse renuntiaret. Volebat enim luctu uxoris fidem facere sui, quem fingebat, interitus. Idque etiam evenit. Nam ea, ut erat, accepto nuncio, lamentans & ejulans in terram projecit sese, tresque dies ac totidem noctes sine cibo ita exegit. Quod ubi rescivit Sabinus, metuens, ne se prorsus vita exsolveret, occulte Martialem ei significare jussit vivere se etiamnum, & occultari, rogare autem, ut adhuc aliquantulum in lugendo perseveret, accerateque mariti interitum simulet. Tragœdiam hujus calamitatis uxor admodum artificiosè egit, tamen noctu desiderio visendi ad maritum ventitavit, nemine observante, & tantum non apud inferos cum eo consuevit. Exactis septem mensibus, facta spe impetrandæ veniæ, veste, tonsura, & capitis redimiculo ignotum redditum obviis Romam perduxit. Sed re infecta, in suam is specum rediit, ipsaque cum eo majorem temporis partem sub terra exigens, interdum Romam ivit, amicis & necessariis mulieribus se visendam præbens. Et quod creditu difficillimum est, cum iis lavans, sefellit uterum gerens. Nam medicamentum, quo mulieres comam inungentes faciunt auri in morem rutilam, & fulvam, pinguedinem habet, qua caro sive fit grandior, sive rarefcit, itaque diffunditur, quasi & major sit ejus moles, hoc illa in cæteris membris usa affatim, attollens se & turgidum celavit ventris opus. Partus verò dolores sola ipsa pertulit.



pertulit, leânæ in morem ad maritum in foveam sese abdens: natosque duos ut sic loquar catulos educavit. Peperit enim filios duos, quorum alter in Ægypto occubuit, alter nuper admodum nobiscum (Plutarchus loquitur) Delphis fuit, nomine Sabinus. Ipsam Cæsar interfecit: sed cædis pœnas dedit, exiguo temporis spatio, tota stirpe ipsius funditus interempta. Nullam enim rem hoc factò tristiore istud tulit imperium, neque fuit cur ullius rei adspèctum magis, & dii, & genii aversarentur. Miserationem quidem spectantibus ipsa exemit magnanimitate sua, & grandiloquentia, quibus maximè irritavit Vespasianum. Desperata enim salute mortem suam commutationem vocavit, dixitque suavius sibi fuisse in tenebris & sub terra vivere, quam ipsum videre imperio potiri. 10

1. In Erotico.

Officium denique bonæ uxoris est silentium, & domi manendi studium. Vitium magnum, & valde fœmineo in sexu usitatum est, quod dicaces pleræque omnes ac loquacula sint fœminæ. Proverbio dicitur: Tres fœminas facere nundinas, & mulieri verba desunt ut lusciniæ cantio, Poëtæ versus, Oratori colores, Sophistæ cavillum. 11 Causa hujus rei est ista, quod ubi minus est cordis, ac roboris, tam in animo, quam in corpore, ibi plerumque plus linguæ est, uti observare licet in pueris, senibus & aniculis. Itaque quo magis hoc vitium fœminis familiare est, eò magis commendantur illæ, quæ sciunt compescere linguam. Uxor modesta loquitur viro, aut per virum. 12 Alioqui, amicitia, quies, concordia, servari inter conjuges non potest. Cæterum quando aliquid proloqui est necessitas, illa lex servanda est etiam conjugibus, quam sanctus Augustinus tulit virginibus, dum dixit: *Sit sermo virginis prudens, modestus, & rarus, non tam eloquentia pretiosus quam pudore. Mirentur omnes, te tacente tuam verecundiam, te loquente prudentiam.*

11. Erasmi. in prov. Chil. 3. cent. 6. prov. 7.

12. Plur. in precept. conjug.

Porro fœminis domi esse manendum ingenioso invento admonuit Phidias, Eleorum Venerem testudini insistentem fabricatus. Uxor enim bona ex sua domo sicut testitudo ex concha non egreditur, sed instar apis sedulæ domi manet. At quemadmodum turpe est marito degere semper sub tecto, & negotia nulla externa curare, 13 ita fœminæ foris agere, sive ea fuerit infamis, sive non fuerit. Hoc ipsum enim satis infamiæ conciliat, si domi non maneat. 14 Imo ut disertè Aristoteles docet, non

13. Xenoph. in Oecon.

14. Euripid. in Trojad.



15 Oecon.  
lib. 2. cap. 1.

ita turpe viro est, quidquam eorum, quæ domi sunt facere, sicut mulieri, quæ foris perquirere. 15 Quamobrem sapienter Aegyptiis mulieribus, ne calceis patriciis uterentur, interdictum erat, ut nimirum hac ratione evagandi licentia cohiberetur. Eorum exemplo & nostrates fœminas domi continere poterimus, si mundum illis pretiosum sustulerimus. Sunt & alia plurima, quæ brevitatis causa hic omitto, ex quibus facile possem ostendere, fœminas maritis addictas, velut Vestæ sacris dicatas domi se continere debere, & ferme nunquam exire, adeo ut alienos intueri viros quodammodò religio sit. Uti revera religioni id fuit (sileo infinitas) Armeniæ, quæ formosissimum regem, in cujus conspectu sæpe fuit, nunquam aspexit. Cum enim Tigranes vir illius una cum ipsâ domum a Cyro reverteretur, aliis cum effigiem, tum mores, tum corporis magnitudinem formamque collaudantibus, Tigranes, quid ipsa de pulchritudine Cyri sentiat, percontatur. At illa, deos immortales obtestor, inquit, abs te nunquam oculos deflexi. Itaque qualis Cyri forma effigies sit prorsus ignara sum. 16

16 Xenoph.  
in Læd.

Sunt & alia conjugum officia, quorum aliqua inferius attingemus.

## C A P U T X.

### De Educatione Liberorum.

**Q**Via (ut superius insinuavi) homo Oeconomus, in uxore, liberis, ac servis gubernandis debet esse occupatus, ideo postquam de conjugio & re uxoria differui, ordo ipse exigit, ut jam de cura liberorum differam.

§. I.

*Quid sit educatio, & quantum momenti positum est in illâ.*

**E**Ducationem Nicolaus Bellus describit his verbis. *Educatio, veluti bonorum malorumve habituum omnium fons, & origo, totius humanæ felicitatis præcipuum fundamentum est. Hinc dominantium stabilitas, hinc ruina dependet, hinc nationum & populorum servitus, & eorundem libertas, hinc imperiorum ortus & occasus profiscuntur. Hac si modo rectè ordinetur, bonorum morum mater est.*

Boni



*Boni mores, bonarum legum radices sunt: in iisdem moribus omnis armorum gloria atque potestas fundatur. Vbiunque mores, leges, arma gradum alicujus excellentia obtinuerint, ibidem imperii auctoritatem, subditorum felicitatem, Principis majestatem florere necesse est. Recta educatio nihil est aliud, quam diligens animi cultura, qua intelligentiae lux, rationi imperium, voluntati modus, affectibus frenum, actionibus regula, corpori robur affertur: fructus quales nunquam, nisi in iis animis, in quibus tempestivè inseruntur, maturescere conspicimus.* 1

Quantam verò vim in utramque partem eadem educatio habeat, ostendit Lyncurgus, qui Lacedaemoniis leges condidit. Nam cum conaretur cives suos, à moribus praesentibus, ad temperatorem vivendi rationem traducere, eosque virtutum ac honesti studiosos reddere, (erant enim deliciis corrupti) duos educavit catulos, eodem patre, eademque matre progenitos, quorum alterum passus est domi lautioribus vesci cibis, alterum eductum venatibus exercuit. Deinde cum ambos produxisset in forum apud multitudinem, posuit illis spinas simul & cscas aliquas deliciores, mox emisit leporem, cumque uterque raperetur ad assueta, alter leporem invaderet: An non videtis inquit cives duos catulos, quum ejusdem sint generis, tamen ob diversam educationem admodum dissimiles inter se evasisse, plusque ad honestatem momenti habere exercitationem, quam naturam? Proinde ne nobis quidem, ô Cives, nobilitas, quam miratur vulgus hominum, ductumque ab Hercule genus profuerit, nisi ea gesserimus, per quæ ille mortalium omnium clarissimus ac generosissimus extitit, ac per omnem vitam, quæ honesta sunt & discamus & exerceamus. 2 Alii aliter hanc ipsam historiam referunt, dicuntque illorum caniculorum alterum generosioris, vilioris alterum generis fuisse, & illum quidem vitio educationis ignavum, hunc verò propter meliorem institutionem solertem evasisse. Itaque & Soerates dicebat, optimè natis ingenuisque potissimum adhibendam esse rectam institutionem. Id enim in his usu venire, quod in equis, in quibus qui feroces sunt, ac generosa indolis, si statim à primis annis rectè instituuntur, egregii & ad omnem usum accommodi evadunt, sin minus efferati, intractabiles, & ad nihil utiles. 3 Perpetuo hæc ante oculos debent habere illi parentes, qui filiis de multis opibus prospiciunt, quo autem pacto boni illi fiant non cogitant;

1 Rerum Polit. Tom. 1. Cap. 4.

2 Plut. in Lacedaem. & Brut. lib. 2. cap. 38.

3 Erasmi. 3. Apoph.



4 Xenoph. in  
epist. ad Cli-  
toneim.

tant, similes illis, qui equos multo pabulo alunt, & pingues sed interim ineptos ad bellum reddunt. 4

5 Senec. de  
Benef. lib. 3.  
cap. 31.

Male profecto parentes genuere liberos, nisi educant, ac erudiant, imo mali sunt, ni bonos faciunt, quos erudiant. Plus est recte educare, quam genuisse. Minimum esse ait Romanus sapiens beneficium, patris matrisque concubitum, nisi accesserint alia, quæ prosequerentur hoc initium muneris, & aliis officiis ratum facerent. 5 Ego vero ne beneficium quidem agnosco eorum parentum, qui solam vitam, voluptatis suæ causa, aut certe per voluptatem ex se genitis dederunt. Cum feris enim id homini, & animalibus quibusdam minimis, quibusdam etiam foedissimis, commune est: quanquam & feræ ex præscripto naturæ officium educationis diligentissime obeunt, ut in ursa tristi ac sæva bellua licet perspicere, quæ posteaquam informem foetum enixa est, lingua quasi instrumento aliquo format, & sic expolit, ut non modò catuli parens, sed etiam artifex jure merito possit appellari.

Magnam injuriam proli faciunt parentes, qui eam per vetita gaudia quærunt; aut legitime quæsitam exponunt aut projiciunt: At longe majorem, qui eam, quomodocunque susceptam recte educare negligunt. Nam & illegitime procreata, beneficio principis, paternæ petulantia pœnas non sentit, & exposita atque projecta, sæpe homines nonnunquam etiam feras habet nutrices, malè vero educata, & parentum vitio infelix, & propriis vitiis mala efficitur. Iidem in patriam quoque multis modis injurii sunt. Nam ab hoc fonte neglectæ educationis labe & perniciës est reipublicæ, ævique infelicitas: ab hoc fonte est, quod

6 Horat.

7 Erasmi in  
Prov. Chili-  
ad. 1. cent. 6.  
prov. 32.

8 Claud. in  
panegy. 3.  
Honorii Caf.

*Ætas parentum pejor avis tulit  
Nos nequiores, mox daturos  
Progeniem vitiosorem.* 6

Ab hoc denique fonte vulgare illud fluxit proverbium, *filii heroum noxæ.* 7 Profecto enim filii eorum plerique omnes nimis molliter, ac in magna vitæ licentia, educantur. Permittunt illis patres

*desidia molles, & marcida luxu*  
*Otia.* 8

In choris puellarum, inter cytharas, & obscenas cantilenas, inter



inter assentationes, tam familiarium quam pædagogorum, perpetuo versantur, factum contumaciamque imbibunt à primis annis, byssinas vestes prius cognoscunt quam fari incipiunt, mirantur aureos torques, numerosam familiam, meditantur ab ineunte ætate dominationem, pompam, dapes varias, ultionem, nimiaque indulgentia nervos omnes mentis sanæ perdunt, & cum parere nunquam didicerint, imperare concupiscunt. Atque his moribus hacque disciplina imbutos, nec ulli magistro transformare, nec Mercurio refingere, nec Vulcano recudere potestas est. Quæ cum lacte nutricis quasi suxerunt, ea per totam vitam prosequuntur. Virtutis nomen in ore ferè habent, rem autem ipsam, quæ maximis laboribus comparatur, perpauca norunt, longè pauciores agendo attingunt. Sed ne plura: fortuna indulgentia, ac genus vitæ depravatæ efficit, ut eis, nec pueris, nec adultis, nec viris, nec senibus ad bonam frugem pervenire liceat, impeditis scilicet plurimis vitiorum illecebris. Neque enim facile est, cum quis assuetus sit malefacere, novum induere habitum bene faciendi: quemadmodum æthiopis pellem nigram in quamvis aliam mutare non est facile, idque fieri nullo modo posse sine Dei beneficio singulari, oracula divina testantur. 9

Atque utinam penes heroum duntaxat, & non reliquorum quoque civium filios essent noxæ, levius profecto esset hoc malum, cum & pauciores sint illi, & fortunæ conditione utcunque excusentur. Nunc verò eousque hoc malum crevit, ut jam à potentioribus, apud quos solos antea, quasi natale solum illi fuisse videbatur, capiamplius non possit, novasque colonias etiam in plebe habeat. *Torpent* (inquit Seneca) *ingenia desidiose juventutis, nec in ullius honestæ rei labore vigilatur. Somnus languorque, ac somno atque languore turpior malarum rerum industria invasit animos. Cantandi saltandique nunc obscæna studia effæminatos tenent: & capillum frangere, & ad muliebres blanditias vocem extenuare, mollitiæ corporis certare cum fæminis, immundissimis se excolere munditiis, nostrorum adolescentium specimen est. Emolliti, enervæque, quod nati sunt, inviti manent, (quia scilicet magis contenti essent, si fæminæ, & non viri, nati essent,) expugnatores aliena pudicitia, negligentes sua.* 10 Et paulo infra vocat eos vullos, atque expositos, & nusquam nisi in libidine viros. En egregios pravæ educationis fructus!

9 Andr. Fricius lib. 1. de moribus cap. 6.

10 Controv. lib. 1. à principio.

Quam-



Quamobrem, nulli rei tantum operæ, quantum educationi est impendendum, ut juventutem quam optimè educemus, atque instituamus, cum ipsius juventutis, tum maximè reipublicæ causa. Ipsius juventutis, quia homo in debitâ perfectione constitutus est cunctorum animalium optimum, utpote propter quem reliqua omnia sunt condita, 11 pessimum vero est, omnium animalium, si alienus fiat à doctrina, à lege, & à iudiciis. 12 Reipublicæ verò causa: quia tam bonæ quam malæ educationis fructus, primo à singulis quidem incipiunt, postea ad plures, nempe ad domos proserpunt, tandem in republica tanquam in ultimo initio subsidunt. Ut non immerito Diogenes Pythagoricus dixerit, fundamentum totius reipublicæ consistere in adolescentum educatione: Et Picolominus 13 inanes esse omnes in republica leges pronunciaverit, nisi juvenus recte instituatur, non immerito inquam, quia ut optimè Socrates ait: 14 Qui male educati sunt audent etiam leges optime scriptas violare. Porro cura alia adhibenda est in infantiâ, alia in pueritia, alia in adolescentiâ. Deinde alia in filiis, alia in filiabus instituendis, de quibus ordine agendum est.

## S. I I.

*De Educatione & institutione Infantia.*

**P**rimum à nativitate hominis septennium, Grammatici, Medici, & Jureconsulti, Infantiam vocaverunt, quod ad id ferè tempus satis commodè fari non possumus. Ætatem hanc multi negant institutioni esse idoneam, tum quod ea non commodè possit tractari citra matrum & nutricum operam, tum quod hoc tempore ætas, & intellectum disciplinarum capere, & laborem perpeti nequeat, tum denique quòd valde perniciosum sit, tennellam ætatem instituendi molestia fatigari. 1

Verum adferri plures rationes eam in sententiam possunt, quod instituendi cura inde ab ipsis quasi incunabilis, suo tamen modo, sit inchoanda. Primo enim utile est, nullum tempus cura vacare, sed illico honestatis formam pueris imprimi. Ut enim membra infantium simul diriguntur, ne in obliquum curvantur, quam primum ii editi sunt à matribus, ita eorundem animi, dum adhuc sunt molles, & tanquam cerâ sigillis imprimuntur,

11 Arist. lib.  
2. Physic. cap.  
2. text. 24.  
Cic. 1. Offic.  
12 1. Polit.  
cap. 2.

13 Grad. 10.  
Phil. Mor.  
Cap. 30.

14 In Areo-  
pag.

1 Vegius lib.  
2. Cap. 2. de  
lib. educ. He-  
resbachius  
de Inst. Prin-  
cip. cap. 4.



inuntur, ad omnem fingi institutionem, & possunt, & debent. Natura etiam tenacissimi sumus eorum, quæ rudibus annis percipimus: ut sapor quo nova imbuas durat, nec lanarum colores, quibus simplex ille candor mutatus est, elui possunt. <sup>2</sup> Fabius lib. 1, cap. 1. Jam verò si juxta Ciceronem nemo illud perfecte discit, quod <sup>3</sup> 1. de Orat. serò discere incipit, <sup>3</sup> profecto si id rerum natura sustineret, ante ipsam vitam difficillimam bene vivendi artem infantes nostros docere deberemus, sed quia hoc per rerum naturam non licet, id saltem quod illa finit faciamus, fingamus argillam dum uida est, testam liquoribus optimis imbuamus dum recens est, tingamus lanam præstantissimis coloribus, dum nivea adhuc est, & maculæ expers. Qualem enim hac ætate sementem fecerimus, talem aliquando messem colligemus. Hæc autem cum asserimus, nequaquam matrum operam infantibus dene- gamus. Prima etenim educationis tædia matribus perferenda sunt, adeò, ut illæ quæ vicaria nutricum opera in lactandis pueris utuntur, gravis parricidii à non levibus autoribus accusentur. Nam secundum illos genus quoddam expositionis & parricidii est, infantulum tenerum, adhuc à matre rubentem, matrem spirantem, matris opem eâ voce implorantem, quæ movere dicitur & feras, tradere mulieri, fortasse nec corpore salubri, nec moribus integris, denique cui pluris sit pecuniæ pauxillum, quàm totus infans creditus.

Ego etsi hujusmodi matres de parricidio absolvo, nihil tamen in illis matris præter titulum esse dico, imo nec hunc integrum, quia dimidium illius in alias foeminas transtulerunt, imo plus quàm dimidium. Memorabile est ad hanc rem illud, quod de Graccho scribitur, qui nutricei gemmam valde magnificam, matri autem longe viliorem dedit: quo facto mater attonita & irata, facti rationem quærit: Mater (inquit filius) hoc propterea ago, quia tu solum novem mensibus me gestasti in utero, hæc verò me tribus integris annis in ulnis & amplexibus fidelissime enutrivit; negasti id mihi, quod planta ramis, quod simia catulis non negavit. <sup>4</sup> Pathetica item & mulieribus singulis observatu dignissima est oratio Phavorini Philotopi, qua matrem novæ cujusdam puerperæ sic appellat, cum nutrices puerulo adhibere vellet: *Oro te mulier sine eam totam integram esse matrem filii sui.* <sup>4</sup> Junius Rusticius lib. de Educ.



Quod enim est hoc contra naturam imperfectum atque dimidia-  
tum matris genus? peperisse ac statim ab sese abjicere? aluisse in utero  
sanguine suo nescio quid, quod non videret? non alere nunc suo lacte,  
quod videat, jam viventem, jam hominem jam matris officia implo-  
rantem? An tu quoque inquit putas, naturam seminis mammaram ube-  
ra, quasi quosdam nœvulos venustiores, non liberorum alendorum, sed  
ornandi pectoris causa dedisse? Sic enim, quod à vobis scilicet abest, ple-  
raque ista prodigiosa mulieres, fontem illum sanctissimum corporis gene-  
ris humani educatorem, arescere & extinguere cum periculo quoque  
aversi corruptique lactis laborant, tanquam pulchritudinis sibi insignia  
devenustet. Quod quidem faciunt eadem vecordia, quæ quibusdam  
commentitiis fraudibus nituntur, ut fœtus quoque ipsi in corpore suo  
concepti aboriantur, ne æquor illud ventris irrugetur, ac de gravitate  
oneris & labore partus fatiscat. Quod cum sit publicâ detestatione  
communique odio dignum, in ipsis hominem primordiis, dum fingitur,  
dum animatur, inter ipsas artificis naturæ manus interfectum ire,  
quantulum hic abest, jam perfectum, jam genitum, jam filium pro-  
prii & consueti atque cogniti sanguinis alimonia privare. Hæc Pha-  
vorinus. Poëtæ atque antiqui Philosophi, terram, rerum omni-  
um parentem vocaverunt, certe non ex eo, quod gignat tantum,  
sed multo magis, quod nutriet ea, quæ genuit. Quod aqua gi-  
gnit, in aquis educatur. In terra nullum plantæ genus nasci-  
tur, quod eadem terra succo suo non alat. Nec est ullum ani-  
mantis genus, quod non alat suos fœtus. Ululæ, leones, & vi-  
peræ educant partus suos, & tantum homines suos fœtus abji-  
ciunt. O matres 5

5 Erasmi. in  
Puerpera.

Sumite in exemplum pecudes ratione carentes.

6 Ovid. A-  
mor. lib. 1.  
Eleg. 10.

Turpe erit, ingenium mitius esse feris. 6

Nec ea hic illarum matrum procedit excusatio, quæ dicunt se  
ad hoc educandorum infantium munus eligere mulieres salu-  
berrima corporis temperatura. Nam licet fortassis id aliquan-  
do contingat, ut hac in parte pares sint, aut etiam superiores  
nutrices genitricibus, adhuc tamen magis expedit, ut tenel-  
lus infans cognatum illum & familiarem hauriat succum,  
& calore jam adueto foveatur, quàm alienis cogatur adue-  
scere. Triticum in aliud solum jactum in avenam aut filigi-  
nem degenerat, vitis in alium collem translata mutat inge-  
nium, plantula revulsa à parente terra flaccescit ac veluti  
emo-



emorigitur, eoque quantum fieri potest, cum terra nativa transfertur.

Dicet hic fortassis quispiam, plantas translatas & insitas exuere sylvestre ingenium, & fructus edere generosiores. Sed nec hoc facit causam istarum matrum meliorem. Non protinus enim illæ, ut natæ sunt, aut transferuntur, aut inseruntur, sed tum demum, postquam satis à matribus suis fuerint nutritæ, & quasi ablactatæ. Addo. Non omnibus plantis istud jus emphiteuscos competere, sed tantum quibusdam, quibus magis natura favit. Deinde etiam has sæpe loci aut trunci mutatione penitus interire. Atque hæc omnium fermè quos legi scriptorum constans & communis est doctrina, quæ illis sempiterna veritate niti videtur. Ego quamvis optem vehementer, ut lactea infantum vita, tota solis matribus debeatur, video tamen posse ex multis causis contingere, ut lac nutricum materno sit illis utilius, ut si matres fuerint morbidæ, aut prægnantes, aut humoribus vitiosis plenæ, aut moribus asperæ, aut vita inhonestæ. Plurimos videmus, qui gravissimis morbis ac vitiis obnoxii sunt, epilepsiæ, gracilitati, imbecillitati, surditati, infirmo cerebro, stupori mentis, & sexcentis aliis, non solum quod à nutricibus indiligenter curati sunt, sed etiam quod maternis uberibus fuerint nutriti. Sed jam ipsam infantæ educationem videamus.

Inprimis curandum est, ut lacte materno (prout supra dixi) infantes, aut si hoc ex causis non possunt, alieno nutrantur, modo alumnæ ac nutrices moribus, corporis habitudine, & ætate commendentur. Inconsultè faciunt, qui tetricas aut morosas nutrices conducunt, aut aniculis alendos committunt infantes, quæ mansum in os tenerum inserant. Cum enim halitu gravi ferè sint ac viroso, hircumque oleant, fit ut quicquid ex huiusmodi corporibus emanat, ad se alliciant, eoque efficiatur, ut colore gilvo aut mustellino existant, multaque vitia ex illarum accubitu contrahant, præsertim si in decliviori spondæ parte reclinentur, illisque ex adverso sint constituti. 7

Alterum, quod parem curam exigit, est motus, quo infantium corpora moderatè debent exerceri. Motus enim naturalem infantum calorem excitat, totumque corpus recreat, ac vivificat, digestionem cibi coadjuvat, & per membra digerit, super-

7 Lemn. lib  
2. de Occ.  
nat. cap. 50.



flua & inutilia, præsertim quæ ab utero matris traxerunt, exonerare facit ac consumit, oppilationes aperit, & humores extenuat, augmentum promovet, distendit membra, illaque per calorem quodammodo liquefacit, atque sic ad quidvis præcipuè verò ad rectam conformationem flexibilia reddit: quæ conformatio non tantum ad corporis facit decentiam, sed & maxima causa est, cur homo erecto in cælum est vultu. Fit vero hic motus vel gestatione in ulnis, vel agitatione in cunis, quamdiu infantes proprio non nituntur gradu, at postquam per se jam subsistunt, & pedes figunt atque progrediuntur, deambulatione, quæ etiam moderata, & cum manu ductore esse debet.

Assuescendi quoque sunt infantes ad cœli aërisque inclementiam. Confert (inquit Aristoteles) statim à pueritia frigori assuescere, hoc enim ad sanitatem & ad res bellicas utile est. Quapropter apud multos Barbarorum consuetudo est, vel gelido amne natos immergere, vel pauca veste amicare, ut faciunt Galli. Ad cuncta enim statim ab initio melius est assuescere. Est autem apta puerorum natura, ob eorum calorem, ad frigus

<sup>8</sup> Polit. lib. 7.  
Cap. 17.

exerceri. <sup>8</sup> Reprehendit autem hic Philosophus nimiam eorum parentum curam, qui summè sunt solliciti, ne vel minimè illorum infantes plorent, quod non rectè faciunt: sunt enim (inquit ille) ploratus utiles ad augmentum, cum sint quodammodo exercitationes corporum. Spiritus enim compressio facit robur laborantibus, quod contingit etiam pueris ploratum cohibentibus. <sup>9</sup> Interim tamen fletus intemperatus sive ejulatus atque vociferatus, nequaquam laudatur, quia omne nimium nocet. Sicut nec horror pueris, aut terror est incutiendus, ne in somnis tetra quædam phantasmatum ludibria illis obveniant, quæ eos exagitent, expergefaciant, & inquietudinem quandam non sine periculo inducant.

<sup>9</sup> Ibidem.

Atque hæc per tres primos infantiæ annos servanda sunt in educatione liberorum diligentissimè. Sequentibus verò annis, ubi jam ad aliquod robur infantes fuerint confirmati, etiam in motu vult illos esse Philosophus, <sup>10</sup> ut scilicet pigritiam corporis evitent, cum otio marcescant omnia, motu autem ferventur. <sup>11</sup> Motus autem varii sunt, alii enim ad corpus, alii ad animum, alii ad utrumque pertinent. Omnes tamen in infantibus

<sup>10</sup> Ibidem.

<sup>11</sup> Plat. in  
Tim.



fantibus, uti etiam superius dictum est, debent esse moderati.

Porro ad motum referuntur & ludi, quos iisdem concedendos esse à parentibus docet Philosophus. 12 Non quivis tamen illis permittendi sunt, sed ii tantum, qui corpus & animum simul recreant, ac perficiunt. Non debent nimis esse laboriosi, ne nimium calorem excitent, qui postea humiditatem, ad incrementum corporis necessariam, depascatur. Acutè Cicero: ludo inquit & joco uti licet, sed sicut somno & quietibus cæteris.

12 Polit. lib.  
7. cap. 17.

13 Sed neque remissi esse debent, nam tales redundantes ex corporibus puerorum humores non tollunt. Similiter nec illiberales, sed ejusmodi, qui animum præparent ad virtutem & alacritatem quandam. Acutè & hic idem Cicero: Pueris inquit non omnem ludendi licentiam damus, sed eam, quæ ab honestis actionibus non sit aliena. 14 Tales denique, qui sint simula-

13 1. Officiorum.

chra eorum, quæ postea serio facienda sunt. Sic enim facilius tempore suo res ipsas aggredientur, in quarum imaginibus infantiles voluptates habebant. Cyrus (si historicis credimus) ludendo pro judice se quodam & rege inter rusticorum filios gerebat. Athanasius puer adhuc concionatorem inter pueros atque Episcopum agebat. 15 Post ludos docet Philosophus narrationes & fabulas pueris hac ætate esse proponendas. 16 Hæ enim cum leniter demulceant hominum animos, & ultro sese iis insinuent, puerorum etiam mentes attentas reddunt, atque ad rerum notitias præparant, & ad semina virtutum, quæ in fabulis atque apologis proponuntur. Linguam etiam eorum effingunt ad res appellandas & apologos illos patri, sermone suaviter parentibus recitandos cum summa delectatione.

14 Ibidem.

15 Zozomen.  
lib. 2. cap. 2.  
16 Polit. lib.  
7. cap. 17.

Curent autem diligentissimè parentes, ne sine discrimine talia sæpe à nutricibus, vetulis, & improbis ancillis pueris narrentur, quæ etiam cogitare turpe est, ut monet Philosophus, & cum eo Plutarchus ex Platone. 17 Ubi detestandos ait esse eos, qui narrant pueris fabulas, de furtis deorum, adulteriis, pœ-

17 2. de Re-pub.



data, cujusmodi sunt Æsopi, & nonnullæ Poëtarum honestiores.

Jam verò, quia juxta Philosophum ad septimum usque annum alere & retinere liberos in ædibus paternis necesse est, 18 ubi & servi & ancillæ sint servilibus operis occupati, ideo nullo modo permittent parentes liberos suos hac præcipuè ætate frequenter cum hominibus illiberalibus versari. Pueri enim cum sint cera mollis, facillime recipiunt in se similitudinem earum rerum, quas vident vel audiunt. Si ergo sæpe videant servilia, & ingenuo homine minimè digna, inclinationem quandam ad ea nanciscentur, iisque oblectabuntur, ac tandem adulti facti ad ea occultè quasi delabentur, ita ut ægrè divelli postea ab iis possint, juxta illud quod dicitur: Quod nova testa capit inveterata sapit.

Adhæc, non aspiciant pueri turpium rerum picturas, aut ætus deformes, quibus datur ansa ad ejusdem generis cogitationes. Pulchre Juvenalis:

*Nil sædum dictu visuve ea limina tangat,*

19 Satyr. 14.

*Intra qua puer est.* 19

Denique non sint spectatores comædiarum, in quibus personæ inhonestæ de amoribus, & rebus frivolis agentes, introducuntur. Idem enim est hic, quod & in aspectu lascivarum imaginum, periculum. Et juxta Philosophum, omnium prima nos magis delectant. 20

20 Sæpe cit. lib. & cap.

### S. III.

#### *De Institutione Pueritiæ.*

**P**ueritiam, quæ puerorum ætas vocatur, determinant Jure-consulti secundo septennio in maribus, sexennio in fœminis. 1 Tam verò hæc ætas, quàm illa, nempe infantia, pupillaris ætas esse dicitur, & qui ejus sunt ætatis dicuntur impuberes. Aristoteles duas statuit ætates, in quas necessarium est disciplinas dividere, unam post septimum annum usque ad pubertatem, alteram à pubertate usque ad annum vigesimum primum. 2 Secundum quam divisionem & mihi agendum est.

Finita ergo anno septimo infantia pueri sunt idonei ad artes discendas, ad quas non violenter sunt cogendi, sed leniter & veluti

1 Georg. Schönborn. Polit. lib. 1. de educ.

2 Lib. 7. Polit. cap. ult.



veluti ludendo blandis modis alliciendi, ut non attracti ad Musas, sed adducti esse videantur. Nimiis etiam studiorum laboribus, nequaquam sunt fatigandi alioqui laboribus præmaturis oppressi, faciliè corruent, minus mansuetè doctrinas percipient, atque adeo tædio earum afficientur. Imitandi sunt hac in re prudentes hortulani, qui plantas modicis affundunt aquis, multis non suffocant. Equi etiam non statim ab initio magnis laboribus onerantur, sed primo demulcentur, ut sessorem ferre patiantur, ac discant, deinde ut mediocria paulatim portent onera, adeo ut per ipsam consuetudinem postea quidvis sine molestia sustineant. Quo artificii genere etiam pueros à parentibus, ad literas & artes assuefaciendos esse docet Oeconomica prudentia.

Cum literis (elegantè docet Andreas Iricius. 3) illis simul parentes filios suos institutis & præceptis erudiant, ut ipsi à teneris annis noscere incipiant, quid honestum, quid turpe sit, quid expetendum, quid fugiendum: A voluptatibus, in quarum regno virtus consistere nequit, eos maximè arceant: Cibi & potus mediocritatem eis præscribant: Ad frigus & æstus tolerandum, lectique duritiem (modo ne quid viribus ac bonæ corporis habitudini incommodet, cujus curam geri oportet, ut animus bene habeat, sitque magis perspicax) illos assuefaciant: hominum malorum consuetudine eis interdican: dicta & actiones eorum omnes, ad decus, justitiam, lenitatem, mansuetudinem, & humanitatem forment: Turpitudinem autem, injuriam, iram, invidiam, fastum, luxum, & immanitatem, eos fugere jubeant, & quantum à rerum turpitudine, tantum à verborum improbitate eos cohibeant, rationem etiam dictorum & actionum ab eis exigant, atque ut ad omnem virtutis partem eis aditum patefaciant, non tantum ab actionibus vitiosis, verbis turpibus, sed à cogitationibus quoque rerum malarum, eos quam maximè remotos esse velint. Quod non alia ratione commodius efficient, quam otii interdictione. Videant ergo parentes, ne pueri otiosi primos transigant annos: curent ut semper faciant aliquid, atque etiam pensum laboris ab eis exigant. Segnitiam ac inertiam eorum verbis castigant, ab officio verò procul discedentes, ferula feriant. *Noli,* inquit Salomon rex sapientissimus, *subtrahere à puero disciplinam, si percusseris eum*  
*virga*

3 Lib. 1. de  
Moribus, cap.  
6.



*virga non morietur. Tu percuis eum, & animam ejus de inferno liberas.* Jam quid aliis præstare pueri debeant docendi sunt, quid parentibus, quid civibus, quid reipublicæ? Quibus rationibus societatem cum hominibus & concordiam tueantur, quomodo se gerant adversus superiores, inferiores, pares: adversus socios, amicos, cognatos, & agnatos: adversus notos, & ignotos, cives, & peregrinos: adversus magistratus, dominos, servos: tum etiam adversus hostes & inimicos, idque privatis & publicis in rebus. Omnium autem maximè interest teneram ætatem imbui religione Dei immortalis, ut sciat, à quo omne bonum expectandum sit, cujus nutu omnia gerantur, qui sit vindex malorum, remunerator bonorum. Itaque ad ædes & conciones sacras adducenda est, ut ritus & ceremonias cognoscat, sacramenta veneretur, precibus vacet, atque iis rebus studeat, quibus & summi Dei gratiam demereatur, & hominibus placeat. Hæc ille. Quæ quamvis exactissimè sunt observanda, per ea tamen liberales puerorum ludi & remissiones nequaquam prohibentur, quibus illi & ad studia & ad virtutes magis redduntur alacres.

4 Lib. de educ. puer.

Porro cum ista fieri non possint, nisi pueri sint semper sub oculis eorum, quos reverentur, ideo parentes qui non possunt ipsi liberos suos custodire, pædagogum illis præficiant. Qualis autem debeat esse pædagogus docet Plutarchus 4 & Raviſius, qui cuidam amico filios rectè instituere cupienti sic scribit: Compara tibi præceptorem sanctissimum, cujus sanctitas teneriores ab injuria tueatur, provectiores à licentia deterreat gravitas: neque enim, si me audis, eorum doctrinæ magis quam moribus consulas: absit enim studiis magis quam virtuti scholas prodesse. Secus enim benevivendi ratio potius esset eligenda, quam vel optimè dicendi. Laboribus sunt paulatim assuefaciendi, non tamen pondere, cui superesse nequeant, opprimendi. Si delinquant, si mendacii convincantur, si jugum detrectent, si vel tantillum quidem remurmuraverint, aut muginentur, acerrimè vapulent, neque prius parcatur flagellis, aut animadversioni temperetur, quam & arrogantia cognoscatur emollita, & tranquilliores oleo aut pepone molliores sint. Quod si lenociniis verborum iram præceptorum velint exarmare, adulabilis eorum sermo omnino dandus erit ventis. Ante omnia cavendum



dum puto maximè, ne eorum delictis conniveant, neu consultò dissimulent errata, ubi palam sceleris comperti fuerint. Si benefecerint, laus eorum quandoque non est supprimenda, ut laudati acrius solito virtuti dent operam. 5 Ex his satis intelligi potest, quodnam sit probi ac diligentis pædagogi officium, qui quamvis diligentissimus fuerit, diligentior adhuc fiet, si ipse parens pædagogus pædagogi esse voluerit, frequenter inspiciendo, quomodo se gerat ipse pædagogus, quomodo pueros instruat, & quomodo illi in artibus & virtutibus proficiant. Epist. 23.

Movent hoc loco Politici quæstionem: Utrum melius sit privatim pueros erudire, an vero ad publicas scholas ducere? quam quia in alio meo libello copiosius discussi, hic breviter, privatæ institutioni publicas scholas præstare dico. Sunt enim illæ, amœnissimi quidam reipublicæ horti, in quibus pueri veluti speciosæ plantæ, diligentiori, tutiori, & digniori cura atque custodia educantur. Excitatur etiam in illis & attollitur ad altiora animus juxta illud:

*Tunc bene fortis equus reſerato carcere currit,*

*Si quos præcedat, quosque ſequatur habet.*

Sine æmulis autem, aut languent ingenia, aut falsa opinione tumescunt. Neceſſe enim (ut ait Quintilianus) sibi nimium tribuat, qui se nemini comparat. 6 Adde quod qui iisdem studiis 6 Instit. Orat. p. 3. initiantur, ad senectutem usque firmissimas colunt amicitias. 7 7 Ibidem.

#### S. IV.

#### *De Institutione Adolescentiæ.*

**P**ost pupillarem ætatem sequitur adolescentia, quæ circumscribitur jure civili ab anno decimo quarto ad annum vigesimum quintum, Jure Saxonico ad annum vigesimum primum in maribus. Nam in fœminis anno duodecimo completo pueritiâ finitur. Tullius eam florem ætatis appellavit, 1 quam non male quoque vitæ aut senectutis appellavisset. Sed parum de vocabulo. Certum est eam vicinam esse lapsibus, quia variarum æstu cupiditatum fervore calentis inflammatur ætatis. 2 Ele- 1 In Topicis.  
2 S. Ambrosius de viduis lib. 1.

*Juvenilibus annis*

*Luxuriant animi, corporaque ipsa vigent. 3*

L

3 Fast. lib. 5.

Et



Et alter:

*Imberbis juvenis tandem custode remoto  
Gaudet equis canibusque & aprici gramine campi,  
Cereus in vitium flecti, monitoribus asper,  
Vtilium tardus provisor, prodigus aris,  
Sublimis cupidusque, & amata relinquere pernix. 4*

4 Horat. in  
Art. Poët.

Quanto autem magis ista ætas lapsibus est obnoxia, tanto majori cura indiget. Quare & illa, quæ pueritiæ præscripsimus, ipsi quoque maxima ex parte præscribimus, & alia plura à scriptoribus præciuntur. Ante omnia autem curandum est, ut adolescentes nunquam sint otiosi, sed semper honestis studiis atque artibus occupentur. Quia verò fieri non potest, ut unusquisque omnes disciplinas atque artes, propter artium longitudinem, & vitæ brevitate sciat, ideo explorandum est uniuscujusque adolescentis ingenium, atque in eo instituendum, ad quod magis propendet. Nihil enim bene fit (ut dicitur) invitâ Minerva, & coacta ingenia male respondent. Si quis tamen illustris propagine immemor sanguinis ad fordida opificia animum adjiceret, omnino abstrahi debet, atque ad ea etiam invitus applicari, ad quæ genus invitat.

5 Polit. lib. 8.  
cap. 2.

Porro studia adolescentiæ secundum Philosophum, 5 alia sunt honesta, necessaria, & utilia, alia verò jucunda tantum. Illorum quidem (nam de illis maximè agere necesse est) alia sunt utilia & necessaria, tam pacis, quam belli tempore, ut sunt literæ humaniores, quibus omnes imbui debere pro personarum conditione, docet etiam Plato, 6 ita tamen ut quibusdam artibus ex his non perpetuo adhæreant, aut se penitus illis mancipient: Alia autem utilia magis belli tempore, ut sunt exercitia gymnastica, ad quorum unum non est necesse ut omnes assuefiant, sed ut in eo, ad quod natura cujusque quemlibet ultro ducit, quodque sibi quisque, tanquam finem elegit, diligentius versetur, ac magis magisque sese exerceat, ut hac ratione familia & civitas utroque tempore, tam pacis scilicet quam belli, rectè se habeat.

6 De leg.

In his explicandis, ut via & ratione procedamus, Philosophi divisionem observabimus, qui studia juventutis, literis, Gymnastica, Musica, & figurandi peritia definivit. 7 De quibus ordine agendum est, & imprimis.

7 Polit. lib. 8.  
cap. 3.



## §. V.

*De Literis.*

**Q**Uanta sit literarum dignitas, necessitas, atque utilitas, latis à plurimis disputatum invenio. Dubium non est, magnam illis partem tam privatæ quam publicæ felicitatis contineri. Ad privatum uniuscujusque bonum pertinere eas judicavit ante alios Thales, qui interrogatus, quisnam esset felix, cum respondit, qui corpore sanus est, animo vero eruditus. 8 Democritus vero dicere solebat, disciplinam & eruditionem, fortunatis quidem ornamentum, infortunatis autem refugium esse. 9 Auro quoque easdem comparabat, quod ubivis terrarum in maximo solet esse pretio. 10 In qua sententia cum Nero quoque fuisset, post quam ei à Mathematicis fuit prædictum, fore ut aliquando deiceretur imperio, hunc versiculum identidem usurpabat,

*Terra quævis artem alit,*

putans se tantum profecisse bonis literis, ut etiamsi ab imperio detruderetur, in quavis regione ob insignem scientiam possit haberi in pretio. 11 At Aristippus etiam auro præferre scientiam literarum non dubitavit. Dicebat enim, satius esse fieri mendicum, quam indoctum, quod ille tantum pecuniis egeat, hic humanitate. Nihilominus homo est, cui deest pecunia, at homo non est, cui deest eruditio. Et tamen cui deest pecunia petit ab obviis: cui deest sapientia, nullum sollicitat ut accipiat.

12 Quin etiam magni nominis Philosophi, homines literarum ignaros parum à brutis animantibus, atque etiam ipsi saxis abesse existimarunt. Cleanthes enim homines imperitos sola forma à bestiis distare affirmabat. Stilpo autem Philosophus, doctrinæ expertes, durius quid statuâ esse judicabat. Sicut & Bion, qui cum intellexisset quendam ex familiaribus suis studiose curare, ut imago ipsius similis fieret: Tu inquit ut tibi similis lapis fieret curasti, at ipse ne lapidi similis fias, non curas.

Ex his facile est dijudicare, quantum etiam ad publicum bonum eadem literæ conferant, quandoquidem illud ex bono singulorum confurgit. Ut non commemorem multa, religio, in qua nititur prima & ultima cujusque reipublicæ salus, justitia,

8 Laërt. lib. 1.  
cap. 1.

9 Anton. in  
Meliss. ser. 50.  
10 Stob.

11 Sueton. in  
ejus vita.

12 Laërt. lib.  
2. cap. 8.



libertas, virtutum, omniumque rerum laudandarum exempla, literis magna ex parte debent suam incolumitatem. Testis est sacra scriptura, testes & sacri pariterque profani scriptores.

Quamvis autem literæ veram apud omnes laudem mereantur, abusus tamen illarum non debet non reprehendi. Multi in eo sunt errore, ut in literarum studio, tanquam summo & ultimo vitæ mortalis fine quiescant, in eoque totam vitam contendant, parum de virtute solliciti. Falso aliquando objecerat Festus gentium Doctõri ex literis insaniam. 13 Sed his sæculis multi reperiuntur, quos multæ literæ ad insaniam convertunt, ut & sanctus Augustinus temporibus suis notavit, multos sciendi desiderio sensum amisisse. Existimant illi, multum se boni ecclesiæ suis studiis præstare: at ecclesia (ut non indocti homines observarunt) nunquam melius habuit, securiusque quievit, quam dum in scientiis modum homines habuere. Postquam verò auctorum numerus, & sententiarum opinionumque acuta novitas invaluerunt, turbata est ecclesiæ tranquillitas, & novæ hæreses consurrexerunt. Neque verò ullum est hominum genus, suscipiendæ catholicæ doctrinæ & ecclesiasticæ obedientiæ disciplinæque minus idoneum, quàm quiscientiarum opinionibus tument. Hi enim tam pertinaces & obstinati in suis opinionibus sunt, ut Spiritui sancto nullum locum relinquunt, ac propriis viribus, proprioque ingenio sic innituntur, atque confidunt, ut nulli veritati cedant, nisi quam syllogisticis rationibus possunt ostendere, quæ autem propriis viribus & industria investigare aut intelligere nequeunt, rident, atque aspernantur: Ideoque Christus abscondit lucem & veritatem suam ab hujusmodi sapientibus, & revelat eam parvulis & pauperibus spiritu. Hos non ego sed ipse monet Apostolus, ut non plus sapiant, quàm oportet sapere, sed sapiant ad sobrietatem. 14

Est & aliud genus literis peccantium, eorum videlicet, qui maxima diligentia discunt supervacua & inania, in quos dici potest illud Senecæ: *Magno temporis impendio quarunt supervacua, & multi transferunt vitam, dum vitæ instrumenta conquirunt.* 15 Possem id per omnes liberales artes eundo demonstrare, sed ne nimius sim, in unâ vel alterâ exempla quædam adducam. In Theologiam multæ curiosæ, multæ inutiles & superflua quæstiones

13 Act. 26.

14 Rom 12.

15 Ad Lucilium epist. 45.



stiones irrepserunt. Nam quid necesse est quærere: Utrum DEus Pater, aut Spiritus sanctus potuit incarnari: Utrum Christus venisset, si homo lapsus non fuisset: Sive enim hoc sive illud dixeris, dogma Catholicum nec oppugnabis, nec defendes. Eiusdem generis sunt & illæ controversiæ: Utrum Verbum Divinum, sicut assumpsit naturam humanam, ita etiam potuit aliam naturam irrationalem, aut etiam insensitivam, leonis verbi gratia, plantæ, lapidis, assumpsisse? Item an Christus in utero Beatissimæ Virginis Matris suæ secundis fuerit obvolutus, cum iisque ex utero prodierit: Denique (ut alias taceam) Quomodo angeli res intelligunt, quomodo inter se loquuntur, quomodo moventur: utrum non possit illorum intellectus, etiamsi maxime velint, liber esse à continua cognitione: utrum à seipsis, an per species (ut vocant) intelligunt: utrum in loquendo, dum unus uni loquitur, ab altero non audiatur: utrum sua secreta potest occultare: Utrum, dum de loco ad locum transit, non sit illi necesse viam sui volatus, & mediū (ut loquuntur) localis motus habere? Sunt præterea nonnulli, qui arcana etiam Dei ignorare nolunt. Quasi parum sit dare operam ut salvus fias, quanquam illa nescias, quæ DEus voluit nesciri. Disputando autem nec fortasse illi placeas, & plurimos necesse est offendas. Accedit huc, quod nulla ratione magis veritas involvitur, quàm quæ plerique eam quærunt. 16

16 Epist. ad  
Irimarium.

In Jurisprudencia similes ineptias quis non videt? A multis quæritur, cur primus Romanorum Princeps Cæsarem se vocavit? an quod, ex utero mortuæ matris excisus, an vero quia cum cæsariæ statim natus est? an denique quod oculos cæcos habuerit, aut quod elephantum in prælio occiderit? Ulterius: An ideo Justinianus Flavium se appellavit, quod Flavios populos devicerit, an vero quod flavos capillos habuerit? an denique quod fuerit ex Flaviorum familia? Ad extremum. Quare idem Justinianus vocatur Alemanicus, Gothicus, Francicus, Germanicus, Anticus, Vandalicus, Alanicus, Africanus, Victor, Triumphator & Augustus. Et de his quidem in ipso vestibulo disputant Jurisprudenti, circa canones verò & leges, quæ corpore juris continentur, infinitas movent quæstiones, quæ non magis ad iustitiam pertinent, quam falx ad convivium, aut calvities ad tempestates.



Jam sicut pro aris & focis dimicant inter se Philosophi pro opinionibus, in quibus sive hoc sive illud asseras, nihil prorsus interest. Quid enim refert decem potius esse Prædicamenta quam duo, aut etiam unum? & univoca potius quam æquivoca? Item *Modos* potius quàm *formalitates*, *partes* in continuo, quàm *atomos*? Quid item juvat, in *Præsentia* ubi à re ubicata distinguere? formas in homine verbi gratia mortuo partiales magis quam *cadavereitatem* credere? In generatione, resolutionem usque ad *materiam primam*, non concedere. Et tamen circa hæc, & his similia, dimidium temporis Philosophico studio consecratis consumitur. Miror homines sapientes circa inutilia tam curiosos esse, & non solum de iis, quæ in rerum natura videntur, sed etiam de figmentis cogitationum suarum digladiari, atque de iis rebus, quæ nullis principiis firmanentur. Nec ego solus ista miror, sed Romanus etiam sapiens miratur præteritorum sæculorum in Philosophis circa superflua diligentiam. *Invenissent* inquit *forſitan neceſſaria, niſi & ſuperflua quaſiſſent. Multum illis temporis verborum cavillatio eripuit, & captioſa diſputationes, qua acumen irritum exercent. Nectimus nodos, & ambiguam ſignificationem verbis alligamus, deinde diſſolvimus.* 17 Et alibi. *Tu mihi inquit verba diſtorques, & ſyllabas digeris. Scilicet niſi interrogationes vaſerrimas ſtruxero, & concluſione falſa à vero naſcens mendacium adſtrinxero, non potero a ſuziendis petenda ſecernere. Pudet me: in re tam ſeriâ ſenes ludimus. Mus ſyllaba eſt: mus autem caſeum rodit: ſyllaba ergo caſeum rodit. Puta nunc me iſtud non poſſe ſolvere, quod mihi ex iſta ſententia periculum imminet? quod incommodum? Sine dubio verendum eſt, ne quando in muſcipula ſyllabas capiam, aut ne quando, ſi negligentior fuero, caſeum liber comedat. Niſi forte acutior eſt illa collectio: Mus ſyllaba eſt: ſyllaba autem caſeum non rodit: mus ergo caſeum non rodit. O pueriles ineptiæ! in hoc ſupercilia ſubduximus: in hoc barbam demimus? hoc eſt quod triſtes docemus & allidi.* 18 Tandem jacturam temporis dolens dicit: *Indignor aliquos ex hoc tempore (quod ſufficere nec ad neceſſaria quidem poteſt, etiam ſi cuſtoditum diligentiffime fuerit) in ſupervacua majorem partem erogare. Negat Cicero, ſi duplicetur ſibi ætas, habiturum ſe tempus, quo legat Lyricos, eodem modo Dialecticos. Triftius inepti ſunt illi, ex proſſo laſcivunt: hi agere ſeipſos aliquid exiſtimant. Nec ego nego proſpicienda iſta: ſed proſpicienda tantum, & à lumine ſalutanda, in hoc*

17 Senec. ad  
Lucilium E.  
piſt. 54.

18 Idem Epist.  
43.

unum,



unum, ne verba nobis dentur, & aliquid esse in illis magni ac secreti boni judicemus. Quid te torques & maceras in ea quaestione, quam subtilius est contempsisse quam solvere? Securi est & ex commodo migrantis minuta conquirere. Cum hostis instat à tergo, & movere jussus est miles, excutit necessitas, quicquid pax otiosa collegerat. Non vacat mihi verba cadentia consectari, & vafritiam in illis meam experiri.

Adspice qui coeant populi, quæ mœnia clausis

Ferrum acuant portis

Magno mihi animo strepitus iste belli circumsonantis exaudiendus est. Demens omnibus merito viderer, si cum saxa in munimentum murorum senes fœminaque congererent, cum juventus intra portas armata signum eruptionis expectaret, aut posceret, cum hostilia in portis tela vibrarent, & ipsum solum suffossionibus & cuniculis tremere, sed derem otiosus, & ejusmodi quaestumulas ponens: Quod non perdidisti habes: cornua autem non perdidisti: cornua ergo habes: aliaque ad exemplum hujus acutæ delirationis concinnata. Atqui æquè licet demens tibi videar, si istis impendero operam, & nunc obsideor. Tunc tamen periculum mihi obfesso externum immineret, murus me ab hoste secerneret, nunc mortifera mecum sunt. Non vaco ad istas ineptias, ingens negotium in manibus est. Quid agam? Mors me sequitur, fugit vita, adversus hæc me doce aliquid. &c. Hæc Seneca. 19 Lacedæmonii vero, qui severiores erant, ac moribus incorruptis, belli que gloriam potissimum spectabant, contemnebant omnes artes, quæ civium animos videbantur effœminare, & à vera virtute ad otiosam ostentationem traducere. Roma quoque cum adhuc spiraret germanam illam austeritatem, Græculos professores urbe exegit. Hoc genus studiis nulla Græciæ pars corruptior erat, quàm Attica, ubi Georgias, Lysias, Isocrates, Prodicus, aliique innumeri Sophistæ, magno cum applausu populi, nec mediocri mercede garriebant. 20 Contra ut dixi Lacedæmonii hujusmodi artes nihili faciebant, apud quos cum hospes quidam, quum ipsi stanti interim altero pede crepida in alterum indueretur, dixit cuidam: Non arbitror te Lacon tantum temporis uni pede posse insistere, quantum ego possum. Lacedæmonius excipiens: Fateor inquit, attamen nullus est anserum, qui istud non possit. Jure derisit hominem, qui longo usu didicisset artem, quæ nihil utilitatis adfert reipublicæ. 21

Atque hæc non ideo attuli, ut ea omnia ab omnibus velim ignorari,

19 Epist. 49

20 Plut. E-rasm. in Apoph.

21 Plut. in Laconicis.



Vide Arist.  
Polit. lib. 8.  
cap. 2.

21 Ad Lucil.  
Epist. 88.

ignorari. Nam & Seneca prospicienda ea, atque à limine esse salutanda censet, ne verba nobis dentur, magnique aliquid inesse illis suspicemur, & ego scientiarum professoribus utilia esse judico: sed ideo, ut non multum illis animi temporisque tribuant, ii præsertim, quos alia vocant, & (ut Senecæ verbis loquar) tamdiu tantum illis immorentur, quamdiu nihil animus agere majus potest: rudimenta que sint, non opera. 22

## S. VI.

*De Gymnastica.*

1 Polit. lib. 8.  
cap. 3.

2 Ad Lucil.  
Epist. 88.

**G**ymnastica disciplina omnes motus corporis graviores complectitur, ut sunt ars pugillatoria, jaculatoria, quæ fit vel bombardis, vel funda, vel arcubus & sagittis, vel hastis missilibus, & ad certum fixumque locum collimando, vel ad certum intervallum saxa à se projiciendo. Quæ omnia teste Philosopho ad sanitatem & robur sunt utilia, 1 & sunt veluti præludia quædam virtutis bellicæ, usitata non tantum Græcis & aliis gentibus (ut omnes historiæ testantur) sed etiam Romanis, de quibus Seneca: *Inventutem inquit majores nostri rectam exercitaverunt, hastilia jacere, sudem torquere, equum agitare, arma tractare. Nihil liberos suos docebant, quod discendum esset jacenti-*

*bus.* 2 Ad hanc tamen solam disciplinam non omnes adolescentes sunt assuefaciendi, ut recte monet Philosophus, qui dicit non rectè facere eos, nec reipublicæ rectè consulere, qui in Gymnastica tantum instituunt ab ipsa statim pueritia liberos, non considerantes interim deformari corpora puerorum, & augmentationem illorum impediri, si à teneris annis ad has exercitationes cogantur. Verba Philosophi referam. *Qui inquit adolescentes in hæc nimium tradunt, & in necessariis absque disciplina dimitunt, vere illos sordidos reddunt. Ad unum enim opus reipublicæ utiles faciunt: & illud ipsum deterius, ut ratio ostendit. Et paulo inferius. Usque ad pubertatem inquit leviores exercitationes sunt adhibenda, absque virtu illo violento, & laboribus coactis, ne corpora crescere impediantur. Signum erit non parvum, quod ita contingat, quia inter eos, qui Olympia vicerunt, duo vel tres tantum reperiuntur, qui iidem adolescentes & viri sint victoriam consecuti, propterea, quod per exercita-*

*tiones*



*etiones pueris adhibitas, sublata sit vis ac robur à violentis laboribus. Post pubertatem verò, cum annis tribus ad alia perdiscenda intenderint, tunc congruit & laboribus & victu necessario illos occupare. Nam simul mente & corpore laborare non oportet, cum se invicem impedire nata sint, labor quidem corporis mentem, mentis autem corpus.* 3

3 Polit. lib. 8.  
cap. 4.

Cæterum quamvis prædictæ exercitationes teste eodem (ut paulo ante dixi) Philosopho, conferant ad fortitudinem, tamen hæc fortitudo belluina & leonina potius est, quàm humana, si ei disciplina liberalis & artes non simul adjungantur, ut exemplo Laconum & aliarum gentium demonstrat Philosophus. Unde consultum est, ut non omnes (quod dixi) in his exerceantur, sed ii duntaxat, qui singulariter ad ea per naturam propendere videntur. Illi autem qui liberales artes addiscere debent, hisce palæstris aut omnino abstineant, aut multo moderatius, quam cæteri, dent operam.

Huc spectant aliarum quoque exercitationum genera, in primis Deambulatio, & Cursus. Amasis rex Ægyptiorum populis suis mandaverat, ne prius cibum juvenes caperent, quam centum & octoginta stadia percurrissent. 4 Augustus & Adrianus imperatores in castris quoque exercere se milites ambulando voluerunt. Et meritò. Nam ambulatio & cursus, præterquam quod ad sanitatem conducant, faciunt ut majori impetu in hostem juniores procurrant, ut loca opportuna celeriter cum usus advenerit occupent, vel etiam ante occupent, cum idem adversarius facere voluerit, ut ad explorandum alacriter pergant, alacrius redeant, ut fugientium terga facilius comprehendant. 5

4 Diodorus  
Siculus. lib. 1.

Post cursum saltus utile admodum est exercitium, quo vel fossæ transiliuntur, vel impediens aliqua altitudo superatur, & in ipso conflictu bellator cum saltu veniens, adversarii oculos perstringit, mentem deterret, prius plagam infligit, quam ad cavendum, vel resistendum ille sese præparet. 6

5 Plat. de leg.  
Vegetius de  
re milit. lib.  
1. cap. 9.

Denique ut alia omittam, exercitatio natandi summè adolescentibus debet esse commendata: quia non ut animalibus aliis, natandi usus à natura est datus, sed disciplina percipitur, & usu. Alexander Macedo, cum aliquando trajiciendum flumen esset cum exercitu: O me inquit deterrimum, qui nunquam natare didicerim! Et sanè sæpe exerci-

6 Mercurialis  
lib. 2. cap. 11.



tium hoc à periculis homines liberat, ad audendum animosos reddit. Nec semper pontibus flumen transiri potest: frequenter exercitus natare cogitur, sæpe repentinis imbribus vel nivibus exundare torrentes solent. Sed & valetudini prodest natatio, quia in hac totum corpus movetur, & laborat, exinanitur salubriter ardores & temperantur. Nec temere proverbio inutilis & stupidus ille judicatur, qui nec natare novit, nec literas didicit. 7

7 Vegetius  
lib. 1. cap. 10.  
Galen. lib. 1.  
ad Glarionem  
cap. 7. Me-  
thodi Plat in  
Gorgia.

## S. VII.

## De Musica.

1 Polit. lib. 8.  
cap. 3.

2 Ibidem.

3 Polit. lib. 8.  
cap. 5.

**M**USICAM veteres inter liberales disciplinas collocaverant, ex eo, quòd (ut acute Philosophus advertit) natura quærat, non solum in negotio rectè, verum etiam in otio laudabiliter posse versari. 1 Ad quorum utrumque studium Musica utile est. Tempore Aristotelis dignitas studii istius in dubium fuit vocata, quia plurimi solius voluptatis gratia discebant. 2 Ipse vero Aristoteles non facile dicit esse demonstrare, quam illa potentiam habeat, aut cujus gratia illam adipisci oporteat, utrum solatii causa, & quietis, quemadmodum somnus & potus. Nam & hæc per se ipsa non sunt honesta, sed jucunda, & simul cessare curas faciunt, ut inquit Euripides. Quapropter instituunt in illa, & utuntur cunctis istis similiter, somno, potu, & Musica. In his quoque saltationem posue-  
runt. 3

Quærit præterea idem Philosophus, utrum Musica sit in joco reponenda, vel non: & quid potest efficere de his tribus in dubitatione propositis, utrum disciplinam, an solatium, an rationem otii degendi? Et respondet, rationabiliter quidem ad omnia institui, & videri omnium participem. Nam & jocus gratia requietis est, ac requietem necesse est jocundam esse, est enim medicina molestiæ illius, quæ per labores suscipitur: & ratio degendi otii non solum honestatem habere debet, verum etiam voluptatem: felicitas enim ex ambabus istis est. Musicam verò omnes fatemur esse ex jocundissimis, sive nuda sit, sive cum modulatione. Inquit profecto & Musæus, carmen dulcissimam rem esse mortalibus. Quapropter & ad cœtus familiarum, & ad



ad vitam in otio degendam rationabiliter illam recipiunt, ut potentem lætitiā afferre. Unde & ex hoc quis intelligat, illam pueris esse perdiscendam. Quæcunque enim jocunda sunt, atque eadem innocua, non solum congruunt ad finem, verum etiam ad quietem. 4 Hæc Aristotelis sunt de Musica. Jam quæ sequuntur ex Cicerone excerpti. Liberalibus ergo percipiendis artibus sine controversia Musices necessaria cognitio est, quando orationi cunctæ sunt obnoxie. Sed quid ego disciplinis commodam esse commemorem? cum laborum etiam quies vel opportunissima sit, & quod contrarium huic est, ad labores armaque capeffenda, vel quemvis summum subeundum laborem incitamentum sit, unde classici in bello consonant, & tympana remugiant; quæ omnia sunt ad pugnam hortamenta, jam pridem utilissime opportunissimeque inventa. Sic & nautæ, sic vinitores, sic viatores, sic denique alicui labori alligati, omnes cantus unicum solamen invenerunt. Infantes quoque pueri hanc suavitatem non aspernantur, nutricisque cantu à fletu cessant, atque conticescunt. Sonitu aliquo jubet experrectos statim è cubili exsurgentes ad aliquod subeundum munus Pythagoras accendi: sensus namque ita vegetiores viridesque fieri, & consopitam mentem exacui. Morum quoque exempla mala ut fuscitare ita refringi arte Musica posse nos prisce docuerunt historie, ipso nos ita docente cum reliquis Cicerone. Sed ut aliqua similitudine adductus maximis minima conferam: ut cum vinolenti adolescentes, tiliarum etiam cantu (ut fit) instincti, pudice mulieris fores frangerent, admonuisse tibicinam, ut Spondæum caneret, Pythagoras dicitur: quod cum illa fecisset, tarditate modorum, & gravitate canentis, illorum furem perulantiam confedissee. Inde propter mollitiem, quod nimirum animos effœminaret, Chromaticum creditur repudiatum pridem fuisse genus, quod adolescentum remollescere eo genere animi. Ob eandem vim, quæ est in Musica, castitatem tuendi, Phemius Demodoci frater ab Ulyssæ Penelope uxori custos datus esse fingitur, qui teste Homero coactus apud procos canebat, non turpes fabulas, sed miserabilem Græcorum reditum à Troia. Coactus autem canebat, quia non ut procos oblectaret, sed ut Penelopem custodiret, in Ithaca ab Ulyssæ relictus erat. 5

4 Polit. lib. 3.  
cap. 5.

5 Eustat. in 3.  
Odys. &  
Suid.



Parem virtutem ad temperantiam quoque servandam Musicę inesse antiqui crediderunt, qui & moribus & legibus constituerant, ut deorum immortalium hymni in conviviis canerentur, ad temperantiam honestatemque retinendam. Nam cum cantilenę concinnę essent, deorumque accederet metus, unuscujusque mores facile componi posse videbantur. 6

6 Athen. lib.  
14. cap. 11.

Porro quod immanes quoque ferę cantu mitigentur, quin & æquę nonnullę cantu subsultent, notius est ex historiis, quàm ut à me nunc referatur. Theophrastus quoque Eressius memorię prodidit, quarundam viperarum moribus cantus tiliarum aut fidicinum, atque alia organa artis Musicę modulatę adhibita, aptissimę mederi. 7 Nolo hic infinita commemorare exempla, ex quibus constat, maximam Musicę vim in animos atque corpora nostra esse: unum tamen nequaquam mihi prætereundum esse videtur. Apud Ericum secundum, cognomine Bonum, Danię regem, citharædus quidam de sua arte disserere cœpit, suo cantu, homines ad furorem amentiamque pertrahi posse jactitans. Rex rei novitate motus, specimen professionis edere jussit. Annuit ille: at ne qua nocendi hominibus ansa daretur, jussit prius omnis generis arma efferri, & certis in locis collocari custodes, qui cognito vesanorum spiritu irrumperent, ereptamque citharam capiti illiderent, ne & ipsi in rabiem agerentur, reliquos à mutuis verberibus arcerent. Primo quidem inusitata severitatis concentum edidit, quo auditores in mœrorem stuporemque sunt versi: Deinde adeo suavem & jucundam harmoniam, ut mutato animo gaudium etiam externis gestibus, & motu totius corporis proderent. Tandem vero acrioribus modulis concitari, vociferari, & tumultuari cœperunt. Custodes irrumpunt, ut regem cum aliis furem contineant: Sed ille effractis atrii foribus, arrepto ense, quatuor transfodit. Vix tandem pulvinarium mole undique congestorum obrutus, contineri potuit. Menti restitutus, Hierosolymam expiandorum homicidiorum causa petens, Heraldo fratre regni procuratore relicto, in Cypro defunctus est, atque ibidem cum conjuge sepultus. 8 Fabulas esse crederem, nisi è sacris literis constaret, etiam Propheticum spiritum per Musicam posse aliquomodo excitari, & malos spiritus ab hominibus abigi. Primum innuit exemplum Joram regis Israelitarum, qui dum cum Josaphat

8 Saxo. lib.  
12. Danię.



phat Judæorum rege, contra Moabitas exercitum ducens, per  
deserta Idumæ septem diebus aquâ destitutus miserè affligere-  
tur, Elifæum vatem consuluit. Elifæus psalterium sibi canere ius-  
sit, cujus cantu excitus, victoriam regi contra Moabitas denun-  
ciavit, & postero die copiosissimam ex Idumæorum regione  
aquam affluxuram. 9 Alterum verò perspicuum fecit David,  
ad Saul regem Judæorum recenti dæmonum incursu exagita-  
tum accersitus, ut cantu demulceret astuantem mentis furo-  
rem, qui quoties Saul in morbum incidebat, stans ad caput e-  
jus, sacrosque hymnos voce & fidibus canens, ad sanam men-  
tem reducebat furemtem. 10

9 4. Regum  
3.

Ista omnia, & his similia infinita, incredibile est quantum  
MUSICAM commendant. Summam in ea eruditionem & ani-  
morum institutionem longe præclaram esse sitam, à Græcis sem-  
per fere creditum est. Hinc legimus Epaminondam, Græciæ  
principem, fidibus præstantissimè cecinisse, Socratem, jam se-  
nem institui lyra non erubuisse: Themistoclem verò, quum ali-  
quot annis ante in epulis recusasset lyram, habitum esse indo-  
ctiorem. Quin & artium veluti præstantissima, divinis se inse-  
ruit rebus, & quod testatum quoque Ptolemæus reliquit, numi-  
nibus placandis adhibetur. Plato etiam gentibus illam esse tri-  
butam putat ad præclarius quoddam præstantiusque opus, nec  
ideo à diis datam, ut ad delicias convertamus, & aurium pruri-  
tum, sed ut quod animæ consonantiam turbat, & harmoniam,  
huiusce voluptatis delinimento sedari, ac ad ordinem redigi va-  
leat. Cæterum & gravissimè Pindarus: Quæcunque (ait) non  
amat Juppiter, vocem averfantur Pieridum. Contra regius  
vates, beatum esse dixit populum, qui scit jubilationem. II

10 Joseph.  
lib. 6. c. 9.  
Antiq. Jud.  
ex 1. Reg. 6.

11 Psalm. 88.

Concludam elegantissimis Hieronymi Phaleti Savoniensis  
versiculis, quibus ille ita MUSICAM commendat.

*Musica turbatis animas agrumque dolorem*

*Solo levat merito, divumque hominumque voluptas,*

*Quâ sine nil jucundum animis, nec amabile quicquam;*

*Ad cujus numeros superi vertuntur, & orbis.*

*Et cælo radiant ignes, quibus emicat ingens*

*Signifer, & leges præscriptæque tempora servant;*

*Hæc Phæbus Phæbique soror duce & aurea cæli*

*Astra suos agitant constanti federe motus.*



## §. VIII.

*De Figurandi Peritia.*

**C**UM Musica in pari honore apud antiquos fuit & Pictura, figurandique peritia. Eo enim fuit in pretio, ut in artium liberalium gradum reciperetur, in eaque diligenter adolescentes exercerentur. Et certe præ se fert non mediocrem eruditionem, & commercium habet cum Oratoria & Poëtica, ideoque tacens Poësis, & contra Poësis loquens pictura appellatur. 1 Magni præterea ingenii est, rerum & animalium species sic mente concipere, ut penicillo exprimantur. 2 Confert & ad climata atque stadia mundi delineanda, ad loca castris idonea circumscribenda, ad aliosque salutare & legitimos usus.

1 Franc. Patric. de rep. lib. 1. cap. 10.  
2 Melch. Jun. de liber. Inst. quæst. 55.

Sub figurandi peritia contineri potest & literas eleganter pingendi scientia, quæ ut merito magni sit à prudentibus & elegantibus hominibus, ita à vanis atque superbis contemnitur. Vidi Monachii in bibliotheca P. P. Societatis Jesu scripturam elegantissima manu Maximiliani Ducis & Electoris Bavarie, elegantissimè ductam, quam prædicti Patres merito tanquam rem sacram reverenter asservant. Illam ego vellem ut omnes viderent, quicumque in eo errore sunt, ut dedecus esse existiment, si illustres scitè pingant literas.

Atque hæc de exercitationibus, quibus Philosophus vult adolescentes occupari, sufficiant. Jam de aliis, quæ etiam adolescentibus graves scriptores præscribunt, videamus. Sunt autem, Linguarum scientia, Peregrinatio, Aula, & Artificia: de quibus itidem seorsum tractandum est.

## §. IX.

*De Linguarum scientia.*

**U**T multis aliis rebus expetendis, ita & linguarum scientiæ, non defunt, quæ obijciantur. Nam sunt, qui linguas errorum esse & hæresum seminarium dicant. 1 Qua fortassis opinione factum est, ut prohibitus fuerit usus linguarum cum extraneis, non solum à Gallis, sed etiam aliis, ob metum fraudis & proditi-  
onis. Carthaginenses proditi aliquando Dionysio, Senatus  
consulto

1 Lud. Vives. lib. 2. de  
Caus. cor-  
rupt. art.



consulto caverant, ne Carthaginensium quisquam literas Græcas disceret. 2 Est & illud, quod cum peregrino sermone simul & peregrini mores addiscantur, unde postea externa & varia oriuntur judicia de rebus, & consilia ab instituta ratione reipublicæ aliena. 3 Iniquum etiam esse videtur, ut idioma, in quo nati sumus, contemnamus, & discamus atque ornemus alienum. Ad patriæ profectio decus atque gloriam facit, patrium sermonem propagare, eodemque peregrinis respondere, uti fecisse legimus Romanos & Italos, Hetruscæ suam linguam excellentes, ex quibus erat ille Marius, qui ridiculum esse putavit, literas Græcas addiscere, quarum præceptores aliis servirent.

Verum propter ista non debet negligi, aut contemni linguarum studium, quod potentissimi populi, & homines maximi, in pretio habuerunt. Romani juventutem suam ad rempublicam præparabant, primo Hetruscæ, postea Græcæ linguæ scientia. 4 Rex Ponti Mithridates, duarum & viginti gentium quibus imperabat, ore loquebatur. Peritissimus linguæ Græcæ fuit Augustus, uti & Carolus Magnus, qui legatos Græcos ipse audivit, illisque Græcè respondit. Ottho verò secundus Imperator, à Saracenis & Græcis captus, cum Græcè loqueretur pro Græco habitus evasit. 5 Unde merito in Aurea Bulla, per Carolum Quartum Imperatorem factâ, jubentur Electorum filii & successores discere Græcam, Latinam, & Illyricam linguam, quo cum multis gentibus sermonem communicare possint.

Porro cum homo natura sit animal ad communionem atque societatem natum, idque non unius tantum anguli, sed totius mundi, dubitare debet nemo, linguarum peritiam, non utilem modo, verum etiam necessariam esse, sine qua nulla societas aut communio coiri potest. Non audio hic illos, qui per interpretes ista fieri posse existimant. Nam sæpe ejusmodi sunt negotia, ut non expediat, nec tutum sit, ea multis propalare. Et quamvis omnia negotia interpretem pati possent, adhuc tamen latius esset, propria quam vicariâ linguâ uti. Nam & interpretes non raro decipiunt, & homines magis eo sermone afficiuntur, qui illorum sensibus congenitus est. Denique & surdi sumus omnes in linguis, quas non intelligimus, 6 & donum linguarum, insigne est, & sancti Spiritus donum. 7

2 Cælius Rodig. lib. 22.  
Antiq. lect.

3 Plutarch. in vita Lycurgi.

4 Dionys. Halic. lib. 4.

5 Aventinus lib. 5. Boiorum Anal.

6 Cic. Tuscul. 5.  
7 Act. 2.



## s. X.

*De Peregrinatione.*

**A**D linguarum scientiam acquirendam utilis est valde peregrinatio, sicut & ad multa alia. Ante omnia ad morum emendationem. Nam alienis moribus & institutis perspectis, meliores redduntur homines, ut Anacharsis Scythæ. 1 Nulla item Schola melius docet modestiam, frugalitatem, vigilantiam, & penuriæ tolerantiam, quam peregrinatio, in qua has artes optima magistra necessitas profitetur. Eadem experientia paratur & rerum usus. Secundum enim proverbium, tuta est navigatio, quæ ex aliorum periculis discitur. Et quemadmodum corallium, quo primum contigit auras tempore, durefcit, mollis fuit herba sub undis: 2 ita qui domi, molliter & delicate in sinu matrum, sine fructu vixerunt, melius conformant iudicium, ac ad quævis subeunda apti redduntur. 3

1 Herodot.  
ib. 4.

2 Ovid. 15.  
Metam.

3 Melch. Jun.  
de liberor.  
Init. quæst.  
41.

4 Plat. 11. de  
legib.

5 Melch. Jun.  
de lib. Instit.  
quæst. 41.

6 Senec. E.  
pist. 95.

7 Cicero. 5.  
Tuscul.

Ad leges quoque ferendas & rempublicam capefcendam prodest, multorum populorum leges & inusitata cognoscere: videre quænam reipublicæ forma quibus hominibus conveniat, quæ sint consilia, consuetudines, ingenia atque mores hominum. 4

Denique maxima peregrinationis utilitas in eruditione & doctrina paranda percipitur, quia brevi tempore acquiritur, quod difficulter alii legendo assequuntur. 5 Est conversatio cum doctis ac sapientibus utilis cum primis ac jucunda. Nulla enim res est, quæ magis animos honestos imbuat, dubios & in prævum inclinantes ad rectam invocat viam, quàm bonorum & doctorum hominum conversatio. Paulatim enim descendit in pectora, & vim præcepti obtinet, frequenter audiri & aspici: occurfus quoque sapientum juvant: & est aliquid quod ex magno viro vel tacente proficias: nec deprehenditur quemadmodum, & quomodo tibi prosit, protulisse deprehenditur. 6

Quapropter illi, quorum nomina posteritas veneratur, peregrinationibus operam dederant. Plato in Italiam ad Pythagoræos, in Ægyptum ad sacerdotes, profectus erat. Xenocrates, Cranter, Possidonius, alique innumerabiles, perpetuo sunt peregrinati. 7 Alexander Magnus maximam terrarum partem peragravit,



peragravit, ut perdisceret, quæ ad optimam regis disciplinam pertinerent. Lycurgus in Græciam & Ægyptum profectus iura didicit. Eo quoque se Solon contulerat. Pythagoras ad leges & literas cognoscendas cum Persarum Magis vixit. 8 Anthistenes & ipse peregrinatus est, & peregrinationes aliis suasit, & ridere solebat Athenienses subinde gloriantes, quod patriam sedem nunquam mutavissent, dicens hoc laudis illis esse, cum testudinibus cochleisque commune; nam & hæc animantia nunquam mutant domicilium in quo nascuntur. 9

8 Alex ab Alex. lib. 1. cap. 36.

9 La-rt. lib 6, cap. 1.

Quamvis autem laudo, & iis quos aut ingenium, aut natales ad magna vocant, suadeo peregrinationem, vitia tamen hîc aliquorum malè peregrinantium non possum non reprehendere, uti egregiè etiam reprehendit Fridericus Achilles Dux Wurtembergiæ, eorum, qui

*Vix è conspectu patriæ telluris in oras*

digressi peregrinas, si Galliam limis oculis aliquando adspexerunt, Gallica omnia; si Italiam intuiti sunt, Italica omnia; si alterum pedem in Hispaniam intulerunt, Hispanica omnia; si in Anglia pernoctârunt, Anglica omnia; & undecunque tandem peregrè redierunt, peregrina omnia, mores, gestus, cæremonias, vestitum, linguam, histrionica levitate, ac stultitia jactitant, 10 paternis omnibus neglectis & fastiditis. Ex qualium numero fuit ille Lalus, in quem argutum extat istud epigramma à Thoma Moro conscriptum.

10 Vide Thomam Lansium Orat. de Provinc. Europæ inter ipsas Principatu.

*Amicus & sodalis est Lalus mihi,  
Britannique natus, altusque insula.*

*At cum Britannos Gallia cultoribus  
Oceanus ingens, lingua, mores dirimant,  
Spernit tamen Lalus Britannica omnia,  
Miratur, expetitque cuncta Gallica.*

*Toga superbit ambulans in Gallica,  
Amatque multum Gallicas lacernulas,  
Zona locello atque ense gaudet Gallico,  
Filtro, bireto, pileoque Gallico,  
Et calceis, & subligare Gallico,  
Toro denique apparatus Gallico.*

*Nam & unum habet ministrum, eumque Gallicum,  
Sed quem (licet velit) nec ipsa Gallia.*

N

Tractare



Tractare quiret plus (opinor) Gallicè,  
 Stipendii nihil dat, atque id Gallicè.  
 Vestitque tritis pannulis, & Gallicè hoc.  
 Alit cibo parvo, & malo, idque Gallicè.  
 Labore multo exercet, atque hoc Gallicè.  
 Pugnis crebro pulsatur, idque Gallicè  
 In cœtu, & in via, & foro & frequentia  
 Rixatur, objurgaturque semper Gallicè  
 Quid? Gallicè illud? imo semigallicè  
 Sermone enim (ni fallor) ille Gallicum  
 Tam callet omnem, quam Latinum Pſittacus.  
 Crescit tamen, sibi que nimirum placet,  
 Verbis tribus si loquatur Gallicis.  
 Aut Gallicis, si quid nequid vocabulis,  
 Conatur id, verbis licet non Gallicis  
 Canore saltem personare Gallico,  
 Palato hiant acutulo quodam sono  
 Et fœmina instar, garrientis molliter,  
 Sed ore pleno, tanquam id impleant fabæ,  
 Balbutiens videlicet suaviter,  
 Pressis quibusdam literis, Galli quibus  
 Ineptientes abstinent, nihil secus,  
 Quam vulpe Gallus, rupibusque navita.  
 Sic ergo linguam ille, & Latinam Gallicè.  
 Et Gallicè linguam sonat Britannicam.  
 Et Gallicè linguam sonat Lombardicam.  
 Et Gallicè linguam refert Hispanicam.  
 Et Gallicè omnem, præter unam Gallicam.  
 Nam Gallicam solam sonat Britannicè.  
 At quisquis insula satis Britannica.  
 Sic Patriam insolens fastidiatur suam,  
 Ut more Sinia labore fingere  
 Et emulari Gallicas ineptias:  
 Ex amne Gallo, ego hunc opinor ebrium.  
 Ergo ex Britanno ut Gallus esse nititur  
 Sic dii jubete, fiat ex Gallo capus.

Alii vero licet fortassis non omnino nec in omnibus, prout  
 Lalus, volunt peregrini videre in patria, infinitas tamen suæ  
 peregrini-



peregrinationes historias denarrant. Multiplicant visa vel audita, & non modo Indiæ formicas vulpium aut lupum magnitudine; arbores tantæ proceritatis ut sagittis superari nequeant, capacitatis ut sub unâ ficu turmæ condantur equitum; Pygmæorum arietum atque caprarum dorsis insidentium, trimetres in grues expeditiones; generationes Basiliscorum; Ægypti Pelicanos; Phœnices Arabiæ; Gryphos Scythiæ Asiaticæ; Scotiæ anseres è ligno putrefacto enatos; sed & alia ex Plinio, Solino, Luciano, aliisque qui de naturæ miraculis scripserunt recitantes, quæ nec viderunt neque videbunt unquam se vidisse asserunt, ac

*De nihilo magna, & de parvo maxima fingunt.*

Alii denique per varias mundi partes vagando, non tantum patrimonium decoquunt, sed virtutis, innocentiae, bonorumque morum miserandum naufragium faciunt. In quorum locum Bacchum & Venerem, egregia duo numina, intemperantiam & luxuriam, aliaque vitia turpissima, in suum dedecus & patriæ perniciem reportant.

Verum hæc non peregrinationis, sed hominum culpa fiunt: & cavere ea quilibet potest, qui ante peregrinationem, & in ipsa peregrinatione diligenter servat ea, quæ ad honestam, feliciem, & utilem peregrinationem conferunt.

Ante peregrinationem debent boni parentes virum eruditione & moribus commendatum quærere, cui filium suum credat, Tobiae viri sanctissimi exemplo: qui missurus filium suum Tobiam in regionem Medorum, de socio & duce illi adjungendo sollicitus dixit ad eum: Perge nunc, & inquire tibi aliquem fidelem virum, qui eat tecum salva mercede. 11

11 Tobia 5

Juvat etiam ut peregrinaturi non prius se itineri accingant, quam consulant eos, qui iisdem aliquando in locis sunt peregrinati: legantque historias, illarumque maximè regionum quas lustrare cupiunt. 12

12 Melch.  
Jun. de lib.  
Instit. quæst.  
44.

In ipsa autem peregrinatione danda est opera, ut non corpore tantum peregrinemur, verum etiam animo observemus, quæ observatu digna sunt. Audiantur incolæ, & inhabitatores: conferatur sermo cum doctis & prudentibus: spectentur loca publica: templa, scholæ, theatra, curiæ, armamentaria, bibliothecæ. Sint peregrinatores fortes & temperantes, ut non



metuant pericula, non fugiant labores, non à libidinibus vinci sese patiantur. Sint prudentes ut pauca loquantur: consilia sua celent: paucis fidant: sint muti in aliena domo: non cuncta intempestivè & curiosè inquirant: cauti etiam in expendenda & occulenda pecunia: dent operam ut bibliothecæ moles parva: ususfructus magnus sit: Maximè verò in ecclesiis, scholis, & rebus publicis notent leges, instituta, mores: non etiam illa negligant, quæ ad Oeconomix administrationem faciunt. 3

3 Idem ibidem.

S. XI.

*De Aula.*

**A**Ula ( ut bene quidam dixit ) non immerito videri potest, urbanitatis & ingeniorum periclitandorum officina, eò quòd multi in ea sint, alienorum ingeniorum prudentes æstimatorum, qui facile mores ejus, qui se illis dedisset, forment, & quasirecudant. Quod utinam semper, aut saltem sæpius bono foret generis humani. Sed nescio quomodo mores aulici ( omnes id scriptores clamant ) magna ex parte ad vanitatem & ambitionem incubuerunt, ob quorum corruptionem, quidam pavoni aulicam nobilitatem comparavit, quæ omni conchylio depressior, qua colla florent; omni petaso inauratior, qua terga fulgent; omni symmate solutior, qua caudæ jacent: multicolor, discolor, nunquam ipsa, semper alia; etsi semper ipsa, quando alia; toties denique mutanda, quoties movenda. In supellestem (ait Andreas Iricius 1) vestitum, epulas, luxum omnis generis, immanes pecuniæ impenduntur, invidiæ & insidiarum plena sunt omnia, stultitia & malevolentia multorum perferenda est, & qui præstant aliis virtute ac diligentia, injurias multorum devorare coguntur, amicitia pleræque omnes ambitiosæ, & fucosæ, & quæ tamdiu durent, quam diu videmur gratiam potentum obtinere.

1 De morib. lib. 1. cap. 7.

De aulicis plerisque mulieribus nihil dico, studium tamen non paucarum ( ut advertit Carolus Scribanus ) est, nullo inquam rubore suffundi, ad quemcunque prospectum stare interritas, ad quæcunque verba colorem tenere, nullum deinde amorem fugere, nullam in quocunque viro solitudinem vereri. Neque discrimen inter matronam multarum prolium matrem, & virginem reperias: par verborum licentia: nec quæ virorum



virorum sunt, minus virgo novit, quam quæ decem prolibus maritum beavit, pudor nimirum sit, ante matrimonia ignorare, quæ matrimonia & filii docuerunt. Morborum vero verecundissima, matronarum illa an virorum sint, quæ medicorum auribus credere severior castitas verecundabatur, puellarum confabulationibus teruntur, ut arbitreris de rosis & violis agi, ut verecundior olim multorum filiorum mater in suo sexu foret, quam virgo nunc in alieno. 2 Etsi autem permulta horum communia sunt aulæ cum reliquis hominum ordinibus, tamen quia aulici mores in oculis omnium maximè positi sunt, ideo hic prætermittenda non erant.

2 Inst. Politico Christiana cap. 11.

Neque tamen omnes (ut rectè scribit idem Carolus Scribanus 3) aulæ tales. Sunt & probæ, quamvis perraræ, & Phœnici similes. Plures tamen ego illas quam Phœnices rectius esse existimo. Is namque unus toto in orbe est, at aulas, quarum & ego ipse pars aliqua sum, scio aliquot esse simul, quæ sunt templa quædam sanctitatis, & morum, atque virtutum omnium scholæ. Sunt autem aula Maximiliani Ducis & Electoris Bavarix in Bavaria, aula Philippi Wilhelmi Principis Neoburgensis in Palatinatu, aula Casimiri Leonis Sapieha Magni Ducatus Lithuanix Procancelarii in Lithuania, in quibus tutè quis potest versari & feliciter.

3 Ibidem.

In harum similibus, aut non multum dissimilibus, debet instrui juvenus, & ad rempublicam præparari. Quod si quis imprudenter venit in aulam Circes hospitio non dissimilem, is aut exeat aula si cupit esse pius, aut in eâ non aliter quam inter Scyllam & Charybdim degat. Ergo adolescens (Carolo Scribano præceptore 4) inter aulicos fluctus & tempestates positus vitabit, si potest, infida aulica maria multis naufragiis famosa: si non potest, timore & amore DEI pectus firmabit. Benevolum verò se in primis præbebit omnibus, damnabit neminem, mordebit neminem, ore, calamo, vultu, accusabit neminem, laudabit omnes. Contumelias, & illata damna feret, & pro malefactoris benefacta rependet. Patietur adversarios, nec agnoscet, & pro amicis habebit, omnibusque benevolentix signis præoccupabit, & insidias muneribus anteveret.

4 Inst. Politico Christiana a 1a capite 11.

Si pecuniosus fuerit, petentibus mutuabitur, mutuatum si carere potest non repetet, accipiet si ultro dederint, tanquam



beneficium. minutioribus mensalibus donis, pro ratione temporum, potentiorum gratiam parabit. Incredibile dictu, quid pecuniæ neglectus, quid munificus inter aulae sectatores animus possit: ut ausim dicere, imperare potest, qui dare potest. etiam vitia sua teget, qui profundit. Prudentia tamen hic opus, ut non in omnes eadem munificentia sit, sed in illos potissimum, qui aut obesse multum, aut prodesse plurimum possunt. non negligendi alii, sed magna personarum temporisque ratio habenda. in omnes prodigere stolidum est: in quosdam prudentis. à prudentia ergo discrimina mutuanda sunt, & plus saepe in delectu, quam in munere difficultatis, ac laudis est. Quod si fortuna negaverit opes, verbis dives ac munificus quisque esse potest. nemo illis pauper fuit, nisi qui voluit. Obsequio etiam dives esse quilibet potest.

Postremas verò ubique partes occupabit, qui primas amat. etiam genere & dignitate inferioribus lubens cedit. de se autem suisque demisse sentiet, loquetur etiam demissius: magna de aliis. Si quid laude gloria, præmioque dignum fecerit, submississimis verbis facti magnitudinem extenuabit, aliisque laudem non sibi adscribet. potiora dein aliis, deteriora sibi tribuet. Nusquam generis sui, majorumque nobilitatem, licet possit attinget. Quod si quæ mentio fuerit injecta, aliò sermonem vertet; si omnem avertere non potest, quam modestissime de ea loquetur: laudabit illos, qui virtute sua viam sibi ad magna straverunt. Virtuti verò factisque fortibus modestiam miscebit. Nemo nisi experientia doctus credat, quantum conjuncta virtuti modestia liberalitasque benevolentiae permista, etiam apud improbos possint. Demissio in magnitudine comitas, morum facilitas, facilis aditus, benevola & amica compellatio, frontis amœnitas, ultronea beneficia, hilarique animo, vultu, manu porrecta, tacita maximè & nullo teste porrecta. si qua potissimum necessitas premat, magno & ad magna incitamento sunt. Obesse nemini, benefacere omnibus, liberalem è suo, parcum ex alieno esse, nullius unquam æstimationi quidquam derogare, silentio damnanda premere, vulgare laudanda etiam in hoste, magnam ex prima quæque januam aperit. Contumeliam deinde & hostem pati, & gratias pro injuria tanquam pro beneficio agere, & æmulum laudare, & beneficiis onerare, via  
ad



ad maxima est. hæc qui fecerit magna sperare & imperare magnis potest.

Inter aulica deinde documenta, non postremas simulatio tenet. Nolo hac quemquam circumveniri, volo tamen hac pericula à capite arceri. Nimius sanè candor consiliis destituitur, nec habet quod reponat, quo pedem figat, quo retrahat, si qui doli, aut necessitas occurrerit. Jam quoties dissimulandus moeror, amor, spes, metus, ira, gaudium, vota, studia, dignitates, aut commoda ambienti? quoties audita, visa, non audisse, non vidisse, ad magna tendendi simulandum est. Excidet enim non raro spes manibus, si scire te, quæ ignorata putabantur æmuli intellexerint: quamdiu verò ignorare putant, nec in fraudes exurgent, nec in insidias, nec in contraria studia, & molitiones. Cogitationes ergo suas, consilia, amicos, facta etiam, aulicus si potest, teget, dictorum interim factorumque aliorum diligens observator. quicquid proinde obesse causæ suæ potest, quicquid amicis, quicquid sibi, artificissima tenebit custodia. Hoc verò inter non ultima numerandum, ut, si quis adversarum partium, propius consiliorum nostrorum indagator accesserit, quocunque verborum etiam amicissimorum lenocinio ludat, ignarum dubiumque rerum nostrarum dimittamus, ut nec apertè negemus, nec fateamur apertè. Hæc & multa alia Scribanus quorum aliqua infra in compendium contracta subijcio.

Ante omnia interim Principem intueatur; mores illius discat; vitam, ingenium, animique illius in omnem partem propensiones. Iram ipsius justam fugiat: contumelias, minas, & damna, æquo animo ferat, ac plus obsequii ostendat acceptâ injuria. Mollibus enim mitescunt dura. & Principes nolunt videri offendisse. Obsequia etiam sua & in Principem merita silentio premat. Nolunt videri debere Principes: debent tamen. at tutius hæc premuntur. Dona Principum quantumvis tenuia pro magnis habeat. Nec enim meretur magna, quisquis à magna manu metiri nescit parva pro magnis. De ipso Principe nonnisi optimè & loquatur & sentiat. Quod si quis in Principem liberius verbis exurgat, ille Principem tueatur, & scelera etiam manifesta extenuet, aut laudes alias reponat, cogitans hujusmodi damnatores, non tam sensus suos aperire, quam illius scrutari.

At



At si Princeps improba & injusta proponat, nequaquam ei obediat. Nam id maximus Princeps DEUS prohibet. Trahat proinde rem si poterit. Primi namque in principe astus nulla re certiùs quam mora temperantur; si non poterit, inscitiam suam, rerumque imperitiam fateatur: nascitura deinde incommoda recenseat, aliorum maximè Principum exemplo, magnâ tamen modestiâ, ut non se doceri Princeps existimet. Nolunt didemata doceri, & scepro turpe est discere. Proponi rationes possunt, sed iudicium Principi integrum relinquatur. Eventuum prospera, nunquam consiliis suis aulicus, sed Principis prudentiæ, aut ad minimum felicitati adscribat.

Sunt & alia pro aulæ destinatis monita, quibus auctores immensa volumina impleverunt. Nec miror, quia cum illi, qui ad aulas feruntur, non unum eundemque finem sibi præfigant, alios enim eò ducit spes commoda, alios honorum studium, alios cupiditas aliis imperandi, alios alia, ideo omnibus his, omnia præcepta, ad omnes fines utilia, nonnisi longo tractatu præscribi poterant. Ego verò, quia non quemvis, quidvis in aula querentem instruo, sed tantum adolescentes, qui ad mores, & artes reipublicæ perdiscendas se ad aulas conferunt, multus in his esse non debeo: duo tamen ut addam res ipsa hortatur. Alterum est, ut quandoquidem (rectè id docet Carolus Scribanus) in multis magnâ prudentiâ opus habent aulici, illa autem non cadit in adolescentes, pædagogi illis aliqui adjungantur, qui ipsos & dicere & facere doceant. Qualis Phœnix Achillià patre Peleo datus erat. Sic enim ille ad Achillem

Tibi inquit à patre  
comes atque magister

*Sum datus, ut præcepta tibi rerumque bonarum.  
Verborumque darem, rebusque ut fortis agendis  
Esset, & verbis posses orator haberi.  
Nondum enim poteris primis hac nosse sub annis  
Quæis rebus laus magna viris & summa paratur  
Gloria, bellorum meritis, atque arte loquendi.*

Alterum verò, ut viri principes aulas suas non alio loco habendas statuunt, quam scholarum virtutum omnium, quarum quidem scholarum se ipsi magistros & parentes esse profiteantur. Neminem ad eas admittant, nisi qui vel factis egregiis, virtutis



virtutis suæ specimen dedisset, vel si rudis adhuc sit, & ignarus rerum, se tamen erudiri, & ad omne virtutis genus assidua exercitatione formari velit. Habeant in his publicæ disciplinæ scholis varia exercitationum genera, quibus aulici erudiantur, & ad decus gloriamque excitentur. Proponant exempla clara & illustria, fortitudinis, justitiæ, continentia, pudoris, pudicitia, ac reliquarum virtutum, quæ juvenis imitetur, suosque mores ad illa fingat & accommodet. 5

Porro omnibus adolescentibus, sed imprimis iis, qui ad rem publicam olim sint accessuri, danda est opera, ut quam plurima sibi conquirant instrumenta rerum gerendarum, pectusque suum imbuant optimis agendi præceptis, traditis à magnis viris, usuque rerum edoctis: Neque existiment ingenii celeritate, & naturali quodam acumine expediri posse negotium omne. Opus est profecto arte & doctrina ad controversias implicatas, quibus explicandis honestius certè fuerit reipsum inspicere posse rei quâ de agatur naturam, quam ex sententiis aliorum semper pendere. Sciant adolescentes multum inter inertes & industrios, multum inter ignavos & fortes, in rebus agendis interesse. Cogitent verum decus non in generis nobilitate, non in divitiis, non in pompa ministrorum, quæ bonorum & malorum communia sunt, situm esse, sed in iis, quæ bonorum propriæ sunt, virtutibus, prudentia, justitia, temperantia, liberalitate, contemptu casuum humanorum. Has virtutes cognoscere & exercere assuescant atque iis non sibi tantum, sed aliis quoque consulere discant.

Quod si cui hæc, quæ dicta sunt, vana esse videantur, huic quid tandem ad vitam honestè, magnificè, animosè, & graviter degendam necessarium videri possit, haud sanè intelligo. Ergo quis tantum illud discendum putabit suo filio, quomodo comptè incedat; quibus verbis vel ad blanditias, vel ad benevolentiam utatur; quo gestu proceribus appellandis caput nudet, poplitem flectat: quibus viis opes cumulet: domum sibi nitentem reddat, hortum bene cultum, supellectilem splendidam, ministros pulchrè vestitos: qua ratione ornet & appareat convivia, convivas excipiat, ad honores perveniat: Minimè verò illi discendum censebit, quibus rebus instruat se ad vitæ moderatum & æquabilem habitum: ad res secundas & adversas æquo animo



ferendas: ad causas & actiones humanas cognoscendas & dijudicandas: denique ad ea dicenda & agenda, quæ & ipsum testentur moribus esse inculpatis, & ejus domesticos vitæ incontaminatæ, omniaque ab eo fieri, cum honestatis causa, tum studio religionis, & reipublicæ scilicet. Hæc quæ postremò dixi talia sunt, quæ nullo negotio discuntur absque doctrinæ præceptis: illa quæ primò, opus habent exercitatione longi temporis & doctoribus.

6 Idem ibidem.

Sed hæc missa faciamus, neque nobis tam inepta persuaderi patiamur ab iis, qui se non aliter suam incitiam posse tueri putant, quàm doctrinæ præceptis infamandis. 6

## §. XII.

### *De Artificiis.*

1 Polit. lib. 8. cap. 2.

2 Polit. lib. 8. cap. 3.

**U**trum ingenui adolescentes, præter liberales doctrinas, alias etiam artes, quæ mechanicæ vocantur, discere possint, aut debeant? merito quis dubitare potest. Nam artificia & omnia mercenaria exercitia fordida Philosophus nuncupat, mentemque illis occupari & vilem reddi dicit, 1 contenditque minime congruere magnanimis & ingenuis, ut ubique quærant utilitatem. 2 Ex qua fortassis opinione est, quod nobilitas Polona adeo aversetur artificia, ut genus suum illis contaminare existimet.

E contra plurima rerum publicarum optime institutarum, & principum maximorum exempla, nequaquam illas artes esse contemnendas ostendunt. Inprimis in Utopia, hoc est, in republica sapientissimo intellectu ad omnem beatitudinem formata, ars una est omnibus viris mulieribusque promiscua agricultura, cujus nemo est expers. Hac à pueritia erudiuntur omnes, partim in schola traditis præceptis, partim in agros viciniore urbi, quasi per ludum educti, non intuentes modo, sed per exercitandi corporis occasionem tractantes etiam. Præter agriculturam, quæ est omnibus (ut dixi) communis, quilibet unam quampiam tanquam suam docetur. Ea est ferè aut lanificium, aut operandi lini studium, aut cementariorum, aut fabri seu ferrarii seu materiarii artificium. Neque enim aliud est opificium ullum, quod numerum aliquem dictu dignum occupet illic.

Nam



Nam vestium, quarum nisi quod habitu sexus discernitur, & cœlibatus à conjugio, una per totam insulam forma est, eademque per omne ævum perpetua, nec ad oculum indecora, & ad corporis motum habilis, tum ad frigoris æstusque rationem appositâ, eas inquam quæque sibi familia conficit. Sed ex aliis illis artibus unusquisque aliquam discit, nec viri modo, sed mulieres etiam. Cæterum hæc velut imbecilliores, leviora tractant, lanam ferè linumque operantur, viris artes reliquæ magis laboriosæ mandantur. Maxima ex parte quisque in patriis artibus educatur. Nam eo plerique natura feruntur. Quod si quem animus alio trahat, in ejus opificii, cujus capitur studio, familiam quampiam adoptione traducitur, cura non à patre modo ejus, sed magistratibus etiam præstita, ut gravi atque honesto patri-familias mancipetur. Quin si quis unam perdoctus artem, aliam præterea cupiverit, eodem modo permittitur. Utramque nactus, utram velit exercet, nisi alterutra civitas magis egeat. Syphograntorum (certis hi officiis in Utopiensî Magistratu funguntur) præcipuum, ac prope unicum negotium est, curare ac prospicere, ne quisquam desideat ociosus, sed uti suæ quisque arti sedulo incumbat. Hæc Thomas Morus de Utopiensibus. <sup>3</sup>

<sup>3</sup> Utopiæ lib.  
2. de artifi-  
is.

At vero apud Ægyptios unusquisque (ex Amasis regis instituto) cogebatur destinato magistratui palam facere, quo se artificio tueretur. Quod si quis e mentiretur, morte luebatur mendacium. Eam legem ad Athenienses translatam esse à Solone auctor Diodorus prodidit. <sup>4</sup> Qui Solon cum videret urbem hominibus quotidie in Atticam undique propter libertatem & securitatem confluentibus compleri, agrum autem ferè infœcundum malignumque, eos verò qui mare exerceant, nihil solere iis, qui nihil reddere habeant, importare, traduxit ad artificia cives, tulitque legem, ne filius parentem, qui ipsum non docuisset artem, cogeretur alere. Nam Lycurgo quidem, qui urbem colebat à turba peregrina defecatam, agrumque haberet multis multum, qui plus bis totidem civibus (ut ait Euripides) esset alendis, præsertim quia Ilotica multitudo, quam præstabat non marcescere otio, sed perpetuis attritam laboribus esurire, erat Lacedæmoni circumfusa, satiùs erat odiosis exolutos & vilibus negotiis, cives armis alligare. At Solon, qui rebus potius leges, quàm res applicabat legibus, & considera-

<sup>4</sup> Cæl. lib. 18.  
cap. 22.



bat agri indolem vix aratoribus sustentandis esse, neque legnem posse & residem turbam tolerare, artibus adjecit dignationem, & curiæ præcepit Areopagitarum, quoniam se quisque tueretur

5 Plut. in Solone.

quæstu, observare, atque in otiosos animadvertere. 5  
Apud Indos ea est prærogativa artificum, ut cum ibi omnis populus in septem tribus distribuatur, quartum locum teneant artifices, quorum pars armis, pars rusticis instrumentis, alii aliis utilibus rebus fabricandis vacant. Hi non solum immunes à tributo sunt, 6 sed frumentum insuper à rege percipiunt.

6 Diodor lib. 2. cap. 10.

Non prætereundi sunt & Scoti, qui olim præ agriculturæ ac rei pecuariæ, venandique studio, omnem ferè & medicinæ, & artium Mechanicarum, curam intermiserant. Ea propter singulis artificibus peregre accitis, per singulas provincias, ubi iudices, (nunc comites vocant) jus dicerent, salaria partim ex publico, partim ex privatorum opibus, unde tum minimè gravarentur, præbenda Rheuta rex decrevit. Nam bove in quocunque provinciæ loco mactato, cujuscunque privati esset, caput fabro, collum saltuario, lingua Jurisconsulto, scapularum altera furum indagatori, renes duabus cum costulis carpentario, cæteræ chyrurgo, ex singulis lateribus binæ costæ Medico, certæ etiam singulis avenæ & hordei mensuræ, jure hujus decreti, annui census loco cesserunt. 7

7 H. Boëthius lib. 2.

Jacobus III. Scotorum rex, iis qui artem qualemcunque reipublicæ utilem insigniter callerent, familiarissimè utebatur, eosque ad dignitates maximas promovebat. 8 Jacobus vero I. iidem Scotorum rex, ex Anglia, ex Flandria, aliisque regionibus, artifices omnis generis preciiis ingentibus evocavit, qui populum suum artes edoceret Mechanicas. 9

8 Appendix hist. Scotor.

9 H. Boëthius lib. 2.

Londini in Anglia, omnis quasi populus per artificum collegia dividitur. Lanifici enim (& eodem modo alii quoque artifices) emunt privilegium, quo sibi liceat inter se in societatem coire, suum habere collegium, suas condere leges, quibus monopolia instituunt, precium panno laneo constituunt, prohibeantque ne alii in urbe vendant. In illud verò collegium potissimum veniunt, qui discendo artem, annos septem decemve, aut eo amplius serviunt, ejusdem collegii lanificis. Et ii dum serviunt, aliorumque ministri sunt, vocabulo non ineleganti appellantur Parempititii, hoc est, pares emptitiis servis, quia perinde lanificis



Ianificis in eos toto illo annorum spatio, ac dominis in servos, jus ferme est. Post exactos ministerii annos cives habentur, tam etsi interdum, sine famulatus etiam precio, civitate donantur. Eodem quoque servitio vel foemina in civitatem adscribuntur. Quapropter quotidie, multitudo puerorum nobilium, æque ut puellarum, usque ab ultimi regni partibus Londinum confluit. quæ ibi eo pacto divitias, honores & honesta conjugia consequitur. 10

10 Polydorus  
lib. 14.

Ad extremum (ut sexcenta omittam) in eâ Ungariæ parte, quam vulgo Septem castra vocant, omnes incolæ aliquod opificium mechanicum discere coguntur. Itaque inter peregrinos, si quem virum vel pace, vel bello illustrem videant, quodnam opificium calleant, inquirunt. Qui mos etiam apud Turcas esse dicitur. Proinde Solymanus, Selimi Imperatoris pater, acus facienda artem probe novisse dicitur.

Domus Joannis Medices Cardinalis, dum ageret Romæ patria exulans (qui postea Leo decimus Pontifex fuit) semper plena erat, phonascis & musicis, cum in ea arte usque ad fecunditatem ingenii peritissimus evasisset. Conspiciebatur etiam officina nobilium artificum, quando, nullibi libentius pictores, statuarii, sculptoresque gemmarum, & antiquitatis studiosi, monumenta artis deponerent, quam apud Mediceos, qui gentilitia quadam hæreditate ceteros omnes argutia & subtilitate judicii præcellere dicebantur. 11

11 Jovius in  
ejus vitâ.

In Clemente septimo Pontifice enitebat rerum prope omnium, præcellentiumque artium notitia, atque censura singularis, adeo ut omnia opificum arcana subtilitatesque operum summâ solertia scrutaretur. 12

12 Idem Jovius  
lib. 23.  
hist.

His utrinque consideratis, eorum mihi potior visa est sententia, qui censent assuefaciendos esse omnes ad res aliquas agendas, & qui laborare nollent, ii, (ut Apostolus ait) ne manducarent. Est enim illa humano generi indicta multa, in sudore cuique vescendum esse pane suo. Omnes ergo, quantumvis divites ac genere clari, à primis adolescentiæ temporibus, arte aliqua manuarum erudiantur, qua & corpus exerceant, & si egestate premantur, victum sibi parent.

Exemplum Polonæ nobilitatis, non est totius nobilitatis: sunt enim multi ex hoc ordine nobilissimi, quorum aliqui, etsi



ad altiora, à fortuna vel ingenio vocati, has minorum gentium artes non discunt, illas tamen minimè damnant, nec honesto homine indignas esse judicant. Aliqui verò, maximè quibus res angusta domi, malunt artificio victum quærere, quam in fame & rerum penuria genus ac nobilitatem jactare. Reliqui, quibus & ingenuas artes callere nimis plebeium videtur, non sunt ii, à quibus vitæ atque morum peti debeant exempla.

Plus debet apud quemlibet incorrupti judicii hominem valere auctoritas Pontificum, Imperatorum, Regum, aliorumque Principum, qui adversus incerta casuum, & fortuita necessitatum, etiam infimis artibus se communiunt, quàm fastus hominum, nihil de humanarum rerum inconstantia & vanitate cogitantium. Major est Paulus Apostolus, & Joseph sponsus Beatissimæ Virginis Matris, quorum alter civis & nobilis Romanus, alter etiam nobilis & regibus editus, uterque tamen artifex fuit, quam Pawłowski aliquis, aut Josephonicz, nobiles forte Poloni, qui honesta artificia officere ingenuitati clamant, tesseras, compotationes, libidines, & his pejora bene posse cum nobilitate consistere existimant.

Ad Aristotelem dico, artificia etiam manuaria ex se nec honesta esse, neque sordida, sed talia fieri ex usu & fine artificis, qui iis tanquam instrumentis uti potest, tam ad avaritiam alendam, quam ad vitam tolerandam, quorum alterum infame, alterum honestum est. Igitur Philosophus artificia hæc vocat sordida, non quia talia in se esse judicat, sed quod illis maxima ex parte homines sordidi ad avaritiam & sordes abutantur. Verba illius recito. *Refert (inquit) plurimum, cujus gratia quis agat vel discat: nam si gratia sui, vel amicorum, vel propter virtutem, non est illiberale: qui verò id ipsum agit propter alios, sæpe utique videbitur illiberaliter ac sordide agere.* 13 Quo etiam fine quærere utilitatem ubique minimè congruit magnanimis & ingenuis hominibus.

13 Polit. lib.  
8. cap. 2.

#### §. XIII.

#### *Qui Mores relucere debent in Adolescentibus.*

1 Cap. 10. de  
educat. liberorum § 3.

**M**Ores, quos supra 1 præscripsimus pueris, hic etiam præscribimus adolescentibus: quibus præterea ante omnia necesse est incutere timorem Domini Dei, qui est initium sapientiæ.



entia. Deinde iidem adolescentes diligentissimè docendi sunt Dominum Deum ex toto corde amare, parentibus obedire, & iis, qui loco parentum sunt, modesti in omnibus & verecundi esse. *Quam pulchra* (inquit sanctus Bernhardus) *& quam splendida gemma morum est verecundia, in vita & vultu adolescentis, quam vera & minime dubia bona spei nuncia, bona indolis index, virga disciplina expugnatrice malorum, propugnatrice puritatis innata, specialis gloria conscientia, fama custos, vite decus, virtutis sedes, virtutum primitia, natura laus, & insigne totius honesti.* 2

2 Sup. Cant.  
Sermone 26.

Vitia quoque cum omnibus, tum præcipuè dictis virtutibus contraria vitanda sunt: in quærendo fugiantur garrulitas & curiositas, quâ attentionis & acuminis aliquando gloria captatur, & simul pudor subrusicus in non interrogando. In curiositate enim, breve quod est iter, longum efficitur, & sunt similes tales ignavis ac timidis canibus, qui domi pelles mordent, & vellunt villos, in venatione feras non attingunt. Qui autem nunquam interrogant præceptores suos, in perpetuis dubitationibus, mœrore quoque assiduo versantur. 3

3 Plut. in lib.  
de auditione.

Silentium magis, quàm Pythagoræ auditoribus, curæ debet esse omnibus adolescentibus. Est tempus quando nihil, & est tempus quando aliquid, nullum autem est tempus, in quo omnia dicenda sunt. 4 Maximè verò adolescentis est audire multa, & loqui pauca. 5 Utile est ad silentium assuefactum esse tum, cum apud eos est agendum, qui vitæ & necis potestatem in linguæ acie portant. 6 Nec sustinebit magnum officium, cum laude & utilitate tam publica, quàm privata, cui tacere grave est. 7

4 Hugo de  
disciplina.  
5 Menander.

6 Ammian.  
Marcellin.  
lib. 18.  
7 Curtius  
lib. 4.

Denique nihil tam metuant adolescentes, quàm ne vitiis in juventute assuecant. Est enim assuetudinis in utramque partem vis maxima. Declarat id oratio Marii apud Sallustium. *Ita* (inquit ille) *ad hoc ætatis à pueritia fui, ut omnes labores, pericula confueta habeam.* Et paulo post. *Illis* (inquit) *difficile est in potestatibus temperare, qui per ambitionem sese probos simulavere, mihi qui omnem ætatem in optimis artibus egi, benefacere, jam ex consuetudine in naturam vertit.* 8 Declarat & Catilina, cui homini ab adolescentia, bella intestina, cædes, rapinæ, discordia civilis, grata fuere, quique ea in ætate virili peregit, in quibus juventutem suam exercuit. 9 Declarat denique & sacra Scriptura, juxta cu-

8 Sallust. Bell.  
Jugurth.

9 Sallust. in  
Conjur. Catil.  
jus lin.



jus proverbium. adolescens juxta viam suam, etiam cum sen-  
erit, non recedet ab ea. 10

10 Proverb.

22.

## §. XIV.

*Quid faciendum illis, qui in studiis non cito proficiunt?*

**A**liis profectum impedit ingenii, aliis memoriæ, aliis utri-  
usque defectus. Hi postremi, utpote utriusque inopiâ la-  
borantes, non sunt frustra fatigandi adversante totis viribus  
Minerva, sed iis instituendi, ad quæ illis vim natura concessit.  
Faciliores tamen literas (nisi extremè sint stupidi) docendi sunt.  
cum legendi & scribendi peritia omnibus sit utilis, & prope ne-  
cessaria. Sive enim privatum sive publicum usum spectemus,  
quid magis est necessarium, quam posse res suas literis signare,  
& describere, & facultates sive bona sua omnia in catalogum  
referre. Quid ad mercaturam utilius? Quid magis necessari-  
um amicis loco remotis, quam characteribus mentem suam ex-  
primere?

Jam vero adolescentes, sola memoria minus pollentes, sa-  
gaces tamen ingenio, aut hoc hebetes, memoria tamen non  
omnino destituti, non est cur à studiis abstrahantur. Etsi enim  
non sunt ab initio similes Ciceroni, qui puer ob ingenii acu-  
men & solertiam, admirationi condiscipulis, & ab his reductus  
domum fuit, 1 aut Hortensio, qui causas in foro annos unde  
viginti natus egit, 2 aut Augusto, qui anno ætatis duodecimo  
Juliam aviam mortuam, vel Tiberio, qui patrem nono lauda-  
vit, 3 aut sexcentis aliis, quorum exempla apud Græcos & La-  
tinos Scriptores quam plurima habentur, spem tamen optimam  
habere debent. Solet enim non raro ingenium cum annis ve-  
nire, adeo ut doctissimi homines scripserint, idem sibi in juve-  
nilibus ingenii placere, quod in pomis immaturis, in quibus i-  
psa acerbitas placet. 4 Ea enim demum maturescunt, reliqua  
ante tempus putrescunt. Et vinum, quod in dolio placuit, non  
fert annos: quod est durum atque asperum recens, postea  
placet.

Ferunt Cleanthem ac Xenocratem, cum ex scholasticis ma-  
ximè hebeti ingenio viserentur, nec tamen eo nomine relan-  
guerent, dicere solitos fuisse, se similes esse vasis angustioris oris,

ac

1 Plutarch.  
in ejus vitâ.

2 Cicero in  
Bruto.

3 Sueton.

4 Gellius lib.

13. c. 1.

Quintil. lib.

1. cap. 3.



ac æneis tabellis, quòd vix quidem dictata perciperent, ac retinerent tenaciùs. 5 Sic Cato minor admodum difficulter percipiebat, percepta constantissimâ memoria servabat. E contra nimis præcocia ingenia, non sunt diu durabilia, ut observatum est (taceo infinitos) in Hermogene, qui vix pubescens ingenii & memoriæ vi incredibili valuit, postea anno ætatis vigesimo quarto, omnium fere mente lapsus oblitus est. 6

5 Cælius lib.  
10. cap. 10.

6 Cælius lib.  
31. cap. 6.

## S. X V.

*Quid faciendum cum Adolescentibus, duris ab initio ad mores, & petulantibus?*

Quemadmodum proximè sumus philosophati de ingenio, ita hic philosophandum est de moribus adolescentum: ac quemadmodum ibi diximus, non ideo aliquem à studiis esse removendum, quod non maturè probat indolem, ita & hic multò magis dicendum est, non ideo abjiciendam esse curam adolescentum, quòd asperius patiantur disciplinam, & bonos mores difficiliùs discant, vitiisque sint dediti, si præsertim non fuerint aliena ætati vitia, sed familiaria adolescentiæ crimina. Non enim extrema, neque incurabilis nequitia est, ætate & impetu labi. Item, si ignoratione boni potius, quam appetitione mali delinquant. Huc spectat, quod (ut prudentissime expendit Plutarchus) multorum hominum mores & vita fuerint mutata, quâ occasione Græci mores tropos à mutando, & ethea, à consuetudine nominant, quæ in hac re semel adhibita plurimum potest. Equidem ita sentio (ait Plutarchus) Cecropem à priscis fuisse bisformem dictum, non quod è bono rege immanis & draconis naturam imitans sit factus tyrannus, sed contra, quod perversus ab initio & terribilis, postmodo benignè humaniterque imperaverit. Quod si hoc incertum est, certe Gelonem novimus & Hieronem Siculos, & Pisistratum Hippicratis filium, qui tyrannide per malitiam parta, usi sunt, secundum virtutis rationes, & injuste potitis imperiis, mediocriter iis & cum utilitate publica functi sunt. Nam & optimarum usum legum, & agricultura subditis studium commendando, crives de captivis risuum, ac garrulos, modestos ac industrios redegerunt, & Gelo adversus Carthaginenses gesto optimè bello, cum eos magno vicisset prælio, pacem petentibus non ante concessit, quam id quoque insertum



ejus fuit conditionibus. finem facturos Carthaginenses Saturno suos immolandi liberos. Megalopoli tyrannus fuit Lydiades, is ipsa in tyrannide consilio mutato, & improbata injustitia, civibus rempublicam & leges restituit, & pro pro patria in hostes pugnans illustrem appetiit mortem. Iam si quis Miltiadem in Cherroneso tyrannidem gerentem interfecisset, aut Cimonem cum sorore concumbentem in judicio reum tanti criminis peregisset, aut Themistoclem lascivè comessantem, petulanterque per forum bacchantem, Athenis expulisset, sicut postmodo de Alcibiade reo facto statutum fuit, nonne perisset nobis Marathon, Emymedon, Dianium, ubi

----- Pubes Attica jecit

Illustre fundamentum libertatis.

Nihil enim præstantes natura exiguum efferunt, & ob acumen vehementia earum atque efficacia ociosa esse non potest, sed quasi astu fluctibusque jactantur, donec mores stabiles atque compositos sibi parent. Sicut ergo rudis aliquis agricultura nullo modo probaret locum, quem videret densa obsitum sylva, agrestibus stirpibus, & multis feris ac rivis lutoque repletum, perito autem & judicandi gnaro, hæc ipsa virtutem molliemque agri demonstrarent, sic multa inepta & prava magna natura primo efferunt, quorum nos asperitatem & aculeos initio non ferentes, putamus statim excindi opprimique debere, qui verò melior est ratiocinator harum rerum, is etatem tempusque præstolatur, quod rationi & virtuti auxilium fert, quo etiam tempore indoles suum profert fructum. Hæc Plutarchus. I

I De his qui  
ferò à Numi-  
ne puniun-  
tur.

§. XVI.

### De Castigatione Adolescentum.

Quamvis nemo est, qui non quàm optimos esse liberos suos exoptet, sæpe tamen eventus non respondet votis. Quàm multos non legimus tantùm, sed etiam videmus, ingenuo sanguine natos, in quibus nihil parentum præter sanguinem videmus. Alius adolescentiam infamat petulantia, omni devorato pudore, verba impudica, ne Alexandrinis quidem permittenda delitiis, in ore habet frequentia, & meretricem deperit: alius totus vini cadaver, gulâ aliisque vitiis bona paterna consumit: alius perditissimus, & quantus quantus terræ intestinum, alius effigietenus est homo: alius virtuti extremum dixit vale: alius

in



in nequitia ita occalluit, ut lapidem magis quam humanam videatur effigiem indutus: alius ad ultima exempla scelerum venit: alius illis causa mortis est, qui ipsi vitæ fuerunt: alius denique tantis tamque probrosis vitam flagitiis commaculavit, ut in ejus exitium & mortem, non una parari simia, non serpens unus, non culeus unus debeat.

Hæc cum quotidie ferme fiant, sunt tamen multi, qui verbis cum adolescentibus, & non verberibus agendum esse censent, existimantque verbera servis potius quam liberis convenire. Hi enim obdurescunt, & horrescunt ad labores, tum propter verborum dolores, tum propter contumelias. Addunt & hoc, si cui mens tam est illiberalis, ut objurgatione non corrigatur, is etiam ad plagas, ut pessima quæque mancipia, durabitur. Dicunt denique non esse opus castigatione etiam ex eo, quod assiduus studiorum exactor possit illis assistere. Ferè enim negligentia pædagogorum sic nunc emendari videtur, ut adolescentes non facere quæ recta sunt cogantur, sed cum non fecerint puni-  
antur. <sup>1</sup>

Fateor utile esse, ut quoad possit & liceat, ab adolescentis latere nunquam discedat pædagogus, præsertim vitæ innocentia, morumque sanctimonia & integritate commendatus, quique non habeat necesse illud usurpare, *doctrinam accipite, mores relin-  
quite*, <sup>2</sup> cujus præsentia urgeat adolescentem, & otiosi, multoque magis perverse agere non sinat: sed & illud verum est, quod ut proverbium est, etiam Argus fallatur.

Quos ergo aut vigilantia pædagogorum, aut ipsa natura retinere in officio non potest, <sup>ii</sup>, ut rectè Tullius statuit, metu pœnæ maleficio submoveri debent. <sup>3</sup> Recte inquam, quia ut idem ait, quotusquisque reperitur, qui impunitate proposita abstinerere possit injuria? Impunitas peccandi maxima est illecebra. <sup>4</sup> Ideo optime respublica Lacedæmoniorum non contenta arbitraria cujusque patris in suos liberos animadversione, publicis judiciis delicta juventutis castigabat. Cujus rei argumentum est puer ille ab Areopagitis damnatus, quod oculos coturnicum erueret. Fecerunt hoc judices sanctissimi, non quod coturnices tanti faciendas esse putarent, sed quod id malæ mentis indicium esse existimarent, multisque malo futuræ, si puer adolevisset. Itaque eum damnarunt. Tanti interesse putabant

<sup>1</sup> Melch Jun.  
de liber, in-  
stit. quæst.  
46.

<sup>2</sup> Plato in La-  
chete.

<sup>3</sup> Pro Rosc.  
Amer.

<sup>4</sup> 3. Officio-  
rum.



5 Prov. 23.

perversos puerorum mores punire. Huc pertinet & illud, quod sacræ quoque literæ coercere juventutem jubeant. *Non des (dicit sanctus Spiritus) filio potestatem in juventute, & ne despicias cogitatus illius. Curva cervicem ejus in juventute, & tunde latera ejus dum infans est, ne forte induet, & non credat tibi, & erit tibi dolor animæ.* 5

Servandus tamen est modus. Pœnæ ne sint delictis graviores, & pater nec tam sit severus, ut crudelis, nec tam indulgens ut sit incautus. Nam ut verissimè inquit Nazianzenus, utrumque malum est, indulgentia blanda & implacabilis severitas. Ut enim illa nimium laxat habenas, ita hæc immodica astrictione strangulat.

Nimiæ indulgentiæ notat exemplum Stephanus Guazzus. Non possum inquit non meminisse adolescentis cujusdam, quindecim, aut sedecim annorum, prompti quidem ingenii, cæteroquin vitiosi, dissoluti, & vitæ inordinatæ, idque cum patris tum matris culpâ, qui non tantum verberibus aut minis eum non castigare, sed nec asperiori aliquo verbulo, quod ei displicere posset, offendere statuerant. Ac memini cum hic quinque aut sex annorum esset, si quis diceret parentibus, ob commissum errorem objurgandum eum esse, quod tum subito excusarent filium, nondum scilicet ad eam ætatem ipsum pervenisse, ut erratum hoc suum posset agnoscere. Sed nec verberibus eum impetere, nec acerbius quid minari volebant, cum jam septimum attigisset annum. Metuebant enim, ne ob nimium timorem, & spirituum alterationem sanguine inflammato in febrim ipse incideret. Neque etiam cum jam decem annorum esset, animus his erat eum conturbandi. Dicebant enim, plagas & minas generosum animi instinctum imminuere & auferre posse. Et quanquam hic perversis & intolerabilibus istis moribus totius vicinæ odio esse expositus, parentes tamen eum excusare non cessant, dicentes eum jam adolevisse, & intra paucos dies in Academiam, ubi & doctrinam & mores posset addiscere, esse ablegandum. Expecto nunc, an cum ad annos patibuli hic ascenderit, parentes coram populo accusaturus, & pudendæ huic teneritudini atque indulgentiæ illorum justè maledicturus, & quod ab alio quodam factum accepimus, nasum & aures dentium morsu ipsis avulsurus sit. Hactenus Guazzus. 6

Detc-



Detestanda est pernicioſa huiusmodi indulgentia, ſicut & crudelis ſeveritas, cuſus notatus fuit Ortilius, 7 & cum eo alii patres plurimi, Manliana imperia in liberos obtinentes, qui ſi-  
cubi in leviffimis peccetur, illico gladium ſtringi oportere exi-  
ſtimant, Stoica (ut puto) ſcita ſecuti, juxta quos omnia pecca-  
ta ſunt paria, nec quidquam intereſt, occidat ne aliquis homi-  
nem, an nummum ei furripiat. Quæ animadverſio quantum  
deſtruat juventutem, facile quivis judicaverit. Videmus enim  
ex non paucis liberalibus ingeniis, per nimiam & imprudentem  
parentum moroſitatem, facta eſſe plane ſervilia, timida, & mi-  
ſanthropa.

Et hæc ſane maxima cauſa eſt, cur illi, qui delicatè & molli-  
ter educati ſunt, liberiùs poſtea quidvis garriant, illi verò qui  
duriter nimis & ſerviliter in pueritia ſunt habiti, non ſolum  
balbutienter & interruptè loquantur, ſed in hominum graviſſi-  
morum conſpectum adducti obmutescant ſæpe, aut animi ſui  
cogitata minùs expedite, aut juſto ordine proferant, niſi matu-  
rè exercitatione prudentiori id vitium in illis corrigatur. Se-  
quendum igitur hæc in re Plutarchi conſilium, qui parentes ſe-  
veros quidem eſſe vult in liberos, non tamen aſperos & du-  
ros. *Quemadmodum inquit medici, amara quadà venena dulcibus immi-  
ſcentes ſuccis, comitem utilitatis amœnitatem invenerunt, ita & patres  
increpationum rigorem manſuetudine uti temperent, eſt neceſſe.* 8 Pu-  
erorum namque deſideriis remittendæ interdum habenæ, non-  
nihilque laxandæ, quandoque rursus intendendæ. Levia præſer-  
tim delicta molli ferant animo: Sin adverſus ipſos irâ excandue-  
rint, illico tumorem animi deponant. Parentem enim celeres  
quam graves ſuſcipere iras præſtat. Aliqua etiam noſſe peccata  
diſſimulent parentes, ſatius erit, imò ſurditatem & obtuſos ſene-  
ctutis ſenſus ad filiorum commiſſa interdum transferant, ut  
pleraque videntes non videant, audientesque non audiant. Illud  
omnino certum eſt, pueros ad amorem ſtudiumque honeſtatis,  
non tam plagis aut verberibus, quàm monitis & rationibus ad-  
duci oportere. Pudore (inquit Terentius) & liberalitate libe-  
ros retinere ſatius eſt, quam metu. Errat enim longe, qui im-  
perium credit gravius eſſe aut ſtabilius, vi quod fit, quam illud,  
quod amicitia adjungitur. Male enim coactus, qui ſuum offi-  
cium facit, dum id reſciturum iri credit, tantisper cavet, ſi ſperat

7 Sueton. de  
Gram. illuſtr.  
cap. 8.

8 Plutarch. in  
Educat. libe-  
rorum.



fore clam, rursus ad ingenium redit. Ille quem beneficio ad-  
jungis, ex animo facit, studet par referre, præsens absensque i-  
dem erit. Hoc patrium est, potius consuefacere filium, sua spon-  
te recte facere, quam alieno metu. Hoc pater ac dominus in-  
terest, hoc qui nescit, fateatur se nescire imperare liberis. 9

9 In Adelph.  
Act. 1, Sc. 1.

Cæterum ea demum felix educatio futura est, si parentes li-  
beris exemplo præeant ad virtutem & honestatem. Sapientis-  
sime ille dixit apud Poëtam, qui dixit

*Disce puer virtutem ex me verosque labores;*

*Fortunam ex aliis.*

Exemplum enim primus & optimus instituendi modus est. Ex-  
emplis maxima vis inest; & summa efficacia, præsertim exem-  
plis parentum, quorum diligentissimi existunt observatores li-  
beri. 10

10 Bartho-  
lom. Kecker-  
man, Curs,  
Philosoph.  
Disp. 28.

Quamobrem omnibus modis studeant parentes, bonum da-  
re liberis suis exemplum: non credant ad institutionem eorum  
salubria præcepta per se sufficere, nisi & facta simul iisdem re-  
spondeant. Nec enim liberi, ea quæ dicuntur, sed quæ aperte  
fiunt, intuentur & observant. Sicuti cancrum illum factitasse  
legimus, cui cum dixisset mater, prout est in fabula, non recta  
via incedere, sed obliquos intorquere gressus: faciam respondit  
ille, mea mater, si te idem facientem prius videro. Plane enim,  
qui liberos emendare vult, ipsum se prius emendet oportet, ac  
justitiæ, temperantiæ, fortitudinis, humanitatis & aliarum vir-  
tutum exemplo, justos, temperantes, fortes, & virtute conspi-  
cuos eos reddat, sciatque eum, qui ut alii quid faciant, deside-  
rat, acutiori calcari uti non posse, quam si idem prius ipse fece-  
rit, quo facto, intrepide eos reprehendere poterit, ut Dionysii-  
um olim fecisse constat, qui filium in ipso delicto deprehen-  
dens, interrogavit: Num tu ejusmodi quid unquam vidisti me  
committere? Respondente autem filio: Tu patre rege natus  
non es: subjunxit pater: & neque tu filium habebis regem.  
Idque ita evenit. Ob crudelitatem enim regno pulsus, fame  
coactus fuit panem emendicare, donec tandem ad pædagogi  
munus adhiberetur.



*De Recreationibus Adolescentum.*

**P**ost labores feriæ pueris atque adolescentibus sunt concedendæ. Nam sicut secundum Poëtam,

*Quod caret alterna requie durabile non est,*

ita recreationibus lætisque motibus valetudo corporis conservatur, alacritas ad studia literarum excitatur, levaturque fastidium, ex nimia studiorum continuatione oriundum. Quod cum non ignoraret Anaxagoras, publicè decretis honoribus magno animo repudiatis, id sibi omnino postulasse commemoratur, ut quo die mortem obiret, pueris, qui disciplinis & artibus operam darent, permitteretur otari & ludere. Sensit vir doctissimus, ingenia adolescentum nimio studio frangi, recreatione autem ad novos labores alacriores fieri. <sup>1</sup> Et merito. Nam ea est naturæ conditio, ut nulla res continuum laborem ferre possit, sed in omnibus sit vicissitudo.

<sup>1</sup> Plar. in Poë lit.

----- *Nec enim facundia semper*

*Adducta cum fronte placet: nec semper in armis*

*Bellica turba manet: nec tota classicus horror*

*Nocte dieque gemit: nec semper Cnossius artus*

*Destinat, exempto sed laxat cornua nervo.*

*Et galea miles caput, & latus ense resolvit.*

*Ignea quin etiam superum pater arma recondit,*

*Et Ganymede a repetens convivium mensæ*

*Pocula sumit ea, qua gessit fulmina dextra.* <sup>2</sup>

<sup>2</sup> Lucanus ad Pisonem,

Videmus & volucres, procreationis atque utilitatis suæ causa, non sine labore quidem nidos fingere, & constituere, at opere absoluto laboris levandi causa passim & libere volitare. <sup>3</sup>

<sup>3</sup> Cic. Lib. 2. de Oratore.

Etiam quæ sensu carent, ut suam vim servant, alterna requie indigent.

*Laxaturque chelys, vires instigat alitque*

*Tempestiva quies, major post otia virtus.* <sup>4</sup>

<sup>4</sup> Stat. 4. Sil. 4.

Sed sicut omnes aliæ res ita & recreationes suas leges habere debent, ut tempore, loco, modo, & re, sint convenientes. Ad tempus quod attinet, ludo utendum est sicut somno & quietibus cæteris, ac tum, cum gravibus & feriis rebus satisfactum fuerit.



fuerit. In eo vero loco, in quo & sensus & animus honestus suas voluptates habere possunt. Porro modus ille servandus est, ne remissiones, aut odium adferant denegata, aut otii consuetudinem nimia. Ratio præterea maxima decori habenda est, sine quo non sunt recreationes homine ingenuo dignæ. Scurriliter saltavit Philippus Macedonum rex: cantavit ineptè Caligula: Nero ridiculè delectatus currus agitatione: Caligula imperator sagittandi peritia abusus est. 5 Denique omnis intemperantia cavenda est, omnisque verecundia servanda, non omnia adolescentibus sunt permittenda, neque committendum, ut voluptate elati in aliquam turpitudinem delabantur.

5 Sabell. lib.  
4. Enn. 7.  
Sueton. in  
Neron. & Ca-  
lig.

Jam verò re ipsa laudantur recreationes, quæ & in seipsis sunt honestæ, & nullo modo viam sternunt ad inhonestas. Quamobrem aleæ lusus nequaquam est permittendus, quamvis veteribus Germanis adeo fuerit in usu, ut pecunia omni perditâ, etiam de libertate & corporibus suis contenderint. 6 Gignit enim trepidum certamen & iram, ira truces inimicitias, funebre bellum, & perniciosam ultionem, juxta illa Poëtarum:

6 Cornel. Ta-  
cit. de Germ.  
moribus.

7 Horat. lib.  
1. Epist. pe-  
nult.

8 Ovid. lib. 1.  
de Arte.

9 Melch. Jun.  
de liber. In-  
stit. quæst.  
51.

*Sic ne perdidit, non cessat perdere lusor, 7*

*Et revocat cupidus alea sæpe manus. 8*

Non minus & foliorum (uti vocant) ludi sæpe nocent: etiam si interdum ingenii & eruditionis vestigia habeant. 9

Probatur magis latrunculorum usus, qui & vetustissimus est, & ingenii dexteritatem notat. Notum est illud Martialis:

*Insidiosorum ludis si bella latronum,*

*Geminus iste sibi miles & hostis erit.*

Plato ludos & recreationes probat, quæ non multum discedunt à seriis actionibus, non sunt conjunctæ cum periculo, non omnino carent timore ac sollicitudine: declarant ingenia erecta, aut abjecta: præparant ad vera certamina. Ideoque (ut jam superius diximus) gymnastica requirit exercitia, quæ dividit in saltationem & luctam. Saltationis vero speciem alteram observare vult magnificentiam, & libertatem, alteram bonæ valetudinis, expeditæ levitatis, & pulchritudinis, rationem habere, ut ita & universum corpus, & singula membra informen-  
tur, quo omnibus suum decorum constet. In lucta quoque  
cervicem manuum & laterum desiderat motum, & decoram mem-



membrorum constitutionem, ad robur & sanitatem accommodatam, quo possunt pugilatus quoque & gladiatoria exercitia conferre, quæ sanitati profunt, robustum reddunt corpus, ad militaria negotia præparant, membrorum agilitatem pariunt. 10

10 7. De legibus,

Non possum hic non summè probare optimum Patrum Societatis JESU morem, qui cum omnia ad majorem DEI gloriam & proximorum utilitatem referant, tum maximè in suis sanctissimis scholis, ante omnia post pietatem timoremque Domini, ea docent juventutem, quæ commodis reipublicæ inserviunt, idque non tantum dum seria tractant, sed etiam in iis, quæ animi causa suscipiuntur, ut cum in scenam producunt adolescentes, ad agendum personas hominum omnis prorsus generis, idque non inter caules, sed in conspectu lectissimæ coronæ.

## §. XVIII.

*De Educatione Filiarum.*

QUamvis de iis, quæ ad filiarum educationem pertinent, satis dixisse videor, ubi de uxore eligenda tractavi, hic tamen pauca adhuc adjici poterunt. Et quidem, quantum ad religionem, timorem DEI, obedientiam, & pietatem attinet, eadem præcepta sunt pro filiabus, quæ & pro filiis; quantum ad aliàs artes, omnino diversa: Neque enim aut literæ, aut gymnastica, aut musica, aut figurandi peritia, perinde mulieribus atque viris conveniunt. Optabile quidem est, ut omnes sceminae legant & scribant, & quædam etiam Musicam aliquam sciant, non tamen ut altas scientias habeant, nisi paucæ, quas

----- *æquus amavit Iupiter.*

Raras aves doctas mulieres vult esse in terris Rivetus. In populo inquit DEI, rara fuerunt Debora & Iaeles: nec satis feliciter cessit Ioanna Lotharinga hæc palæstra, quam vivicomburio addixerunt Angli, quantumvis Aurelianensibus nostris, velut altera Pallas colatur, cujus tamen pudicitia, etiam inter ejus adoratores, in ambiguis est. 1

Catæ & ingeniosæ sceminae promptiores & acutiore sunt ad instruendas machinas, quibus viros decipiant, 2 & magnæ litere

Q

1. Epist. ad Mariam a Schurman.  
2. Muret. Var. lect. lib. 8. cap. 21.



solent fœminis non rarò esse exitio, petulantiaque ac insignis lascivię aut signa, aut comites. Cujus rei testes sunt Sappho Poëtria, amore Phaonis infaniens, & Sempronia mulier Romana, de qua hæc Sallustius. *Sempronia multa sæpe virilis audacia facinora commiserat, mulier genere atque forma, præterea viro atque liberis satis fortunata fuit, literis Græcis & Latinis docta, psallere saltare elegantius, quam necesse est probæ, multaque alia quæ instrumenta luxuriæ sunt. Sed ei cariora semper omnia, quam decus atque pudicitia fuit: pecuniæ an fama minus parceret, haud facile discerneres: libidine sic accensa, ut sæpius peteret viros quam peteretur.* 3

3 In Bell. Cætil.

Juvenalis quoque displicere sibi in Satyris suis affirmat, disertas ac eruditas mulieres, cum dicit:

*Non habeat matrona, sibi quæ juncta recumbit*

*Dicendi genus, aut cursum, sermone rotato*

4 Satyra. 6a.

*Torqueat Enthymema, nec historias sciat omnes.* 4

Non est ergo necesse, ut docta sit literis, atque erudita fœmina,

*Sed tantum lanas non sinat esse rudes.* 5

5 Penelop. ad Ulyssem. apud Ovid.

At rustica erit. Quid ergo? nonne poterit rusticatem sibi obijicientibus illud cum Helena respondere:

*Rustica sim sane, dum non oblita pudoris.*

6 Helena ad Paridem apud Ovid.

*Dumque tenor vitæ sit sine labe mea.* 6

De Musica fœminarum paulo aliter philosophandum est. Hæc enim cum non tantum illis creet periculum, quantum literæ, concedunt illam scriptores fœminis præsertim nobilioribus, quia hac primo illæ ipsæ ornantur, deinde parentes illarum & mariti, atque amici exhilarantur. Qua de causa sapientissimus ille vir, martyrque Angliæ Sanctissimus, Thomas Morus, postquam in matrimonium duxisset virginem admodum puellam, & adhuc rudem, utpote ruri inter parentes ac sorores semper habitam, omni Musices genere illam instruendam curavit. Illâ mortuâ duxit aliam viduam, magis curandæ familiæ, quam voluptati, quippe nec bellam admodum, nec puellam, ut ipse joculari solebat, sed acrem & vigilantem matrem familias: ac similiter effecit, ut mulier jam ad senium vergens, adhuc animi minime mollis, postremo ad rem attentissima, cithara, testudine, monochordio, tibiis canere disceret, & in hisce rebus, quotidie præscriptum operæ pensum exigenti marito redderet. 7

7 Des. Erasmi in vita Thomæ Mori.

Ars.



Ars quoque pingendi non dedecet virgines, & penicillo, quamvis hoc rarius, & acu semper. Memorabilis hac arte fuit Arachne Lydia puella, cujus merito magna sunt apud Poëtam præconia. Nam adeò insigne artis suæ specimen exhibuit, ut quamvis ea cum Pallade certaverit, tamen

*Non illud Pallas, non illud carpere livor*

*Possit opus, doluit successu flava virago.* 8

8 Ovid. Met.  
lib. 6.

Illæ tamen artes atque picturæ, quibus se fœminæ formosiores reddere conantur, nequaquam sunt permittendæ. Deo enim & hominibus sunt invisæ, cum illius opus destruant, horum verò oculos decipiant, ignaræ, quod (ut proverbio dicitur) fucus nunquam Helenen ex Hecuba faciat.

Profecto non potest quis de hujusmodi fœminis admodum bene sentire. Ut enim fictos in vultu colores habent, ita & fictas in mente cogitationes foveant.

Præterea convenientissimè virgines in lino & lanificio occupentur, exemplo cum filiarum Augusti Cæsaris, 9 tum Penelopes & Lucretiæ, quæ ob singularum castitatis amorem æternam memoriam meruerunt. Opera enim sunt hæc, ne ipsis quidem reginis aspernanda, imò ex divino quodam jussu præstanda, ubi de provida regina dicitur: *Manum suam misit ad fortia, & digiti ejus apprehenderunt fusum.* 10

9 Suet. in  
Aug.

10 Prov. ult.

Sunt & alia multa, quæ diligens materfamilias, nullo momento, filias suas docere potest. Hæc de artibus.

Jam verò de virtutibus, prima est & maxima in Virginibus castitas. *Filia tibi sunt, (ait facit Scriptor) serva corpus illarum, & non ostendas hilarem faciem tuam ad illas.* 11 Pudore hic opus. Hic iis (si M. A. Petilium 12 audimus) pædagogus adhibendus, in timoris hospitio inveniendus. Vetus enim est verbum: Ubi timor ibi & pudor.

11 Eccl. 7.

12 Exarchiæ  
lib. 2. cap. 13.

Non permittendæ sunt alienas ædes, maximè sine matre, aut matris simili custode, frequentare, item ociari, aut colloqui, non tantum cum maribus, sed etiam cum fœminis, maximè vetulis, ne viam ad scelus inveniant, fiantque impudentes. Conversari assuetæ audaciam induunt, verecundiam exuunt, pudoris frænum sensim deponentes. Hinc lascivia, hinc impudicitia emergit. Nam si animalia utcunque fera natura hominum consuetudine delinita palpanda se dedunt,



dunt, multo magis & foemellæ suapte natura, non feroces solum, sed & insanæ.

Porro studium vagandi, alienasque domos visitandi, non alia ratione melius in virginibus cohiberi potest, quam humili cultu. Ita illas boni parentes ornent, ut vestiant, non corrumpant. A teneris incipere ornare corpus, nihil est aliud, quam à teneris incipere animum corrumpere. His namque, quæ à teneris ornatus affuescunt, adolescentibus postea, & ornatus, & cupiditas adolescat necesse est, adeo, ut jam grandes seipsum superare studeant, & monstrosæ pulchritudinis quærant artificia. De quarum numero fuit illa, quam se vidisse aliquis teste Stephano Guazzo asserit: cujus, (ut nihil de reliquo mundo dicamus) solum caput ita describit. *Habebat comas crispatas, & ita tortas, ut duorum cordium inter se colligatorum formam exprimerent. Inde emittebantur duo radii holoserici, vividi, vel incarnati coloris, in modum duorum coriscorum, sive miscilium. Circum corda annexi erant inter crines noduli quidam ex bysso & capillis, qui amoris affectus & passionem representabant. Postea cum in capitis verticem oculos flecterem, tum in tegminis illius cono-floeculum sive cristam conspiciebam, quæ ad quemcunque etiam leviusculum motum, hæc, illac, instar vexilli supra caminum erecti convertebantur. In fronte, capilli coronam quandam margaritis & auro ornatam efformabant, cujus in medio, tanquam in testudine, rosa diversis nodis & coloribus intricata emicabat. Circa tempora, non secus ac hedera in muris, capilli annulati serpebant, quibus inserti erant, partim naturales, partim fictitii flores, tanta in copia, ut cum hortis quoque Neapolitanis certare viderentur. Mitto mille alias minutias, quæ visum mihi obscurabant, & confundeabant. Ut enim impressis quibusdam chartis usu venire solet, in quibus parvâ sub figurâ, equitum cohortes, peditum turmas, itemque impedimenta, & bellica tormenta videre est. Hæc ille. 13 Cui ornatus, quidam istiusmodi inscriptionem dedit, Dei offensio, Amantium spes, Maritorum ruina.*

13 De Civil.  
Convers.  
lib. 3.

Profecto ista, & similis insanix ornamenta, nihil aliud sunt, quam vexilla superbix, & nidi luxuriæ.

Dixi superius, non esse permittenda virginibus colloquia cum viris. hic dico, etiam à cunis ita illas esse custodiendas, ut ne pusillæ quidem cum maribus, utcumque pusillis, agant familiarius. Nam adolescentibus ipsis adolescit & desiderium, quod

jocos,



jocos, oscula, & similia, innocenter ab ipsis habita, indices potestea in mentem revocans, à simplicitate ad malitiam traducit, adeo, ut non raro sibiipsis, & parentibus, & generis universi existimationi, infelices fiant. Memorabile est, quod huc referunt, hac ipsa de causa mulierem quandam jactare solitam, se non meminisse unquam virginem fuisse, quod adhuc bima cum bimis, imitatione saltem lascivire incepisset, sic & sensim cum suis coævis semper continuasset, quousque quasi præcociore exercitatione præcocius corrumpetur. 14

14 Rhod. lib.  
8. cap. 8.

Si tantum in parvis est periculum, quantum erit in magnis & jam ardentibus annis? Profecto non conversatio tantum & colloquia in illis, sed etiam aspectus, quantum fieri potest, vitandi sunt. Prima enim scintilla in cor ex oculis incidit. Res quidem parva est, & pœnè dum cernitur (ut ait sanctus Hieronymus) non videtur, sed si fomitem comprehenderit, & nutrimenta sui, quantumvis parvus ignis, mœnia, urbes, latissimos saltus, regionesque consumit. Ut non tantum verum sit: Neglecta solent incendia sumere vires, sed & neglecta scintillæ.

Prudentissimè quidam scintillam hujusmodi timebat, qui cum habuerit uxorem, totam (ut ita dicam) cœlestem, habitu oris, ac gestu venerabili, vultuque formoso, contigit, ut ipsam vir nobilis videret, & mox studio pulcherrimæ visionis prolestante, pictorem in ædes fœminæ mitteret, ad effigiem ipsius depingendam: at maritus id ejus nequaquam permittere voluit, pictoremque ex ædibus proturbavit, dicens: evenire facile posse, ut nobilem illum post exemplar ipsius etiam prototypi obtinendi cupiditas incefleret. 15

15 Steph.  
Guaz. de  
Convers. ci-  
vil. lib. 3.

Huc spectat & Bonæ Dææ exemplum, quæ apud Romanos Kalendis Majis colitur, Fauni ea filia teste Varrone fuit, adeo pudica, ut extra gynæceum nunquam fuerit egressa: nec nomen ejus in publico fuerit auditum: nec virum unquam viderit, nec à viro visa sit: propter quod nec viris in templum ejus ingredi unquam licuit. 16

16 Macrob.  
lib. 1. cap. 12.

Ad hæc exempla vos advoco matres omnes, quæcunque virginum filiarum custodiam pervigiles obitis, ut castitatem illarum ad oculos usque illibatam custodiat. Scitote aspectum amorem accendi, uti marcescentem in palea fœnoque ignem

vento.



vento. Scitote castitate & pudore nihil esse in filiabus vestris amabilius. Credite vati.

*Vt flos in septis secretus nascitur hortis*

*Ignotus pecori, nullo concisus aratro,*

*Quem mulcent aura, firmat sol, educat imber,*

*Multi illum pueri, multa optavere puella,*

*Idem cum tenui carptus defloruit ungui,*

*Nulli illum pueri, nulla optavere puella:*

*Sic Virgo dum intacta manet, cum chara suis, sed*

*Cum castum amisit polluto corpore florem*

*Nec pueris jucunda manet, nec chara puellis. 17*

17 Catullus  
in Epithalamio.

Scitote denique, nihil illâ custodiri difficilius. Quanto enim castitas major est, tanto in eam vigilantior libido. Nihil tam ardentem invaditur, quam quoddam castis excubiis & scemineo pudore vallatum est. Concesso calle corruptor it segnius, & permissa tepentius appetuntur. Multum concupitæ rei difficilis solet esse custodia. 18

18 Franc. Petrarcha, Dialog. 74.

Ut tamen custodiatur, tantæ filiabus dapes, & vestes (ut jam dixi) molles ac fulgidæ, annulique & armillæ detrahendæ sunt, & quicquid est aliud, quo & ipsæ sibi placeant, & placere aliis studeant. Objiciantur illis domestica curæ, pensa acus, & colli, & siquid est operis, quod suaves ac molles manus in callum duret. Seducantur à spectaculis, à concursu populi: festis etiam diebus domi contineantur. Nullum vagis ac discoloris cogitationibus tempus relinquatur. Occupatio & labor, & incultior habitus, & victus asperior, & secessus, inque unum aliquid jugis intentio. Ad hæc testis charus & verecundus, frequens admonitio, dulces minæ, & si quando res exigit asperæ. Hæ sunt castitatis adversus impudicitiam seræ ac veces, qui & insultantes otioso animo passionibus arceant, & ingressas ejiciant. 19 His adde castitatis filiarum optimam custodem esse, matrum castitatem & exemplum, juxta illud:

19 Idem Dialogo. 73.

*Insequitur leviter filia matris iter.*



## S. XIX.

*De Patria in liberos potestate.*

**P**atria potestas est jus, quod pater habet in liberos, tam quoad personas, quam quoad res eorundem. Hanc Aristoteles in Ethicis regio, sicut & dominicam tyrannico imperio similem esse affirmat. Hoc ut in Græcorum republica, in qua vixit Aristoteles, ejusmodi fuerit, in Romana certe Republica jure vetustissimo locum non habuisse ex eo manifestum est, quod haud minus atque dominus in servos pater in liberos suæ potestati subjectos vitæ atque necis haberet potestatem.

Sunt qui existimant potestatem patriam dominicâ fuisse gravio-  
 rem teste Hermanno Vultejo, 2. eò quòd servus semel ven-  
 ditus exibat è potestate domini vendentis, quod non æquè erat  
 in filio, quippe quem ter vendi oportebat, antequam potestate  
 patria liberaretur, idque ex lege duodecim tabularum. Sed hæc  
 opinio falsa est. Primum enim certum est, æquè filiam atque  
 filium esse in potestate patria, & tamen una venditione filia fie-  
 bat sui juris. Deinde servus verè & reipsa vendebatur, & per  
 venditionem in alius potestatem conjiciebatur, filius autem  
 vendebatur, non verè sed imaginariè, atque ita etiam, ut post  
 venditionem tertiam, sui juris fieret, quod non tantum non e-  
 rat grave, sed etiam maximè beneficii loco, eo quod per hanc e-  
 mancipationem in potestate aliena esse desineret, sui que juris  
 fieri inciperet, ut explicant Jureconsulti, ubi de patria potesta-  
 te disputant. 3.

Eadem potestas etiam nexus paternus dicitur, & potestatis  
 patriæ vinculum, & vinculum familiæ, & simpliciter vinculum  
 potestatis. Dicuntur etiam sacra patris, & absolutè sacra. Sed  
 ut plurimum potestas illa dicitur patria, idque à patre. Soli e-  
 nim patri, non etiam matri illa competit. Atque ex hac est, ut  
 filius dicatur filius familias, & filia dicatur filia familias, quæ o-  
 mnia legibus allatis probat Hermannus Vulteius. 4.

Lis est inter Scriptores de vi istius potestatis. Alii enim per e-  
 am vitæ necisque arbitrium tribuunt parentibus, alii negant, &  
 potestatem eousque se extendentem iniquam esse contendunt.

Ego existimo temporum in hac controversia, locorum per-  
 sona-

2 Instit. lib.  
1. Tit. 9.

3 § Præterea  
Instit. quibus  
modis jus  
pat. pot. Sol.

4 Instit. lib.  
1. Tit. 9.  
Num. 3. & 4.



sonarum, & aliarum circumstantiarum habendam esse rationem, & secundum illas jam æquam, jam iniquam esse istiusmodi potestatem, æquam ante leges, iniquam post leges illam tollentes. Certum enim est antequam leges circa hoc negotium latae fuissent, potestatem hanc jure naturali homines, & à Deo habuisse. Antequam enim ulla omnino constituta esse intelligatur respublica politica, quæ nonnisi ex pluribus familiis constituitur teste Philosopho, 5 penes ipsas familias singulas jure naturali fuit potestas interficiendi, ac puniendi malefactores, eo ipso, quod superior aliqua potestas constituta non fuerit, in quam familiæ suam transfulerint potestatem. Ita namque re ipsa primus homo, ex quo, tum Eva, tum cæteri homines procreati fuerunt, ab ipsa quodammodo naturâ, non tantum dominicam & patriam potestatem, sed etiam inter homines jurisdictionem supremam, & quasi civilem habuit, supra totam familiam, saltem, quamdiu filii sub potestate patria viverent, propriasque sibi sedes non construerent, quæ tamen potestas, non fuit propriè regia aut politica, eò quod communitas illa necdum constabat ex pluribus familiis. Ita Tannerus. 6

5 1. Polit.  
cap. 2.

6 Quem vide  
de legib. pag.  
circ. 1011.  
7 Tom. I. de  
Just. Disp. 22.  
& 100.

Ludovicus verò Molina 7 censet etiamnum fieri posse, ut sibi familiæ ita ab invicem sint distitæ, ut necdum communem habeant ullum superiorem (ut de facto fit apud Brasilienses) singulæ per se & propria auctoritate habeant supremum jus gladii, quo etiam aliis, si injurias inferant, bellum indicere, justamque de illatis injuriis vindictam sumere possint. Et recte, quia omnis communitas, nullum superiorem in humanis recognoscens, debet esse sufficiens tum ad se defendendum, tum ad jus sibi dicendum, quod etiam natura aliis animalibus concessit: at domus, cujus supremum caput est paterfamilias, non dependet in humanis ab ullo superiore, quia nulli alii capiti se subjecit, ideo nihil impedit, quominus sibi ipsi per modum supremi magistratus jus dicere possit.

Doctrinam hanc etiam Aristotelis fuisse certum est, secundum quem omnis domus regitur à Seniore: Quare & coloniæ inde prognatæ propter consanguinitatem. Et hoc est, quod inquit Homerus:

*Iura dant singuli natis & uxoribus*

Sparsim namque etiam sic antiquitus habitabant. 8

8 1. Polit.  
cap. 1.

Qui



Qui patrum jus in vitam liberorum iniquum esse dicunt, hæc pro sua opinione stabilienda adferunt. Primo vindictam privatam nemini tuto posse concedi. 9 Quapropter Adrianus in insulam deportavit patrem, qui in venatione filium interfecerat, ob adulterium cum noverca commissum, quia inquit, non est hoc parentis, sed latronis in modum interficere, & addidit: Potestas patria debet in pietate, non in atrocitate consistere. Nituntur & auctoritate Ulpiani Jurisconsulti, qui filium apud iudices à patre accusandum scribit, 10 & rescripto Diocletiani, qui rescripsit, magistratui esse inter parentem & filium judicandum, 11 quod consonat cum lege divina, 12 qua jubentur filii contumaces ad iudicem duci, ut ab eo, ad arbitrium patris, condemnentur. Alioquin (loquitur Arnæus 13) plus aget pater, quam debeat, sicut Plato in ira noluit servum castigare, sed Speusippo verberandum tradidit: Quia ego inquit irascor, plus faciam quam oportet. Non enim prodit ad puniendum filium pater, nisi admodum graviter læsus, & ad maximam iram commotus, quam justus dolor adauget, inde conceptus, quod putet minimè omnium læsionem sibi à filio expectandam fuisse.

Ad eandem rem adducunt quoque exempla: Bruti, qui sine affectu & perturbatione filiorum suorum cades spectavit: 14 Manlii, qui deprecante universo exercitu filium ad mortem decrevit: Lysimachi, qui Agathoclo filio venenum propinavit: Solymani, Constantini, Irenes imperatricis, Laodices, reginæ Cappadociæ, qui, quæve, crudeliores in suum sanguinem fuerunt, quam alii in alienum. 15

Addunt & illud, quod parentes, quo impensius antea liberos amaverunt, eò graviore odio eosdem habere soleant, postquam læsi fuerint ab illis. Sicut & fratrum odia tenaciora sunt postea, quòd ante conjunctius inter se vixerint. Minimè enim æquo animo ab iis se lædi homines patiuntur, à quibus non tantum nihil mali, sed summa beneficia meriti sunt.

Tandem dicunt liberos esse viscera & partes suorum parentum, suis autem membris, nemo debet vim inferre, ut clare id lex statuit. 16

Propter has & similes rationes, non tantum Valentinianus & Valens, modum patriæ potestati posuerunt, dum placuit, si

R

atrocitas

9 l. 10. ff. de Jurisdic.

10 l. Inadju-  
tu ad l. Cor-  
nel, ad Sicar.  
11 l. Si filius  
de pat. pot.  
22 Deuter.21.  
13 Doctr. Po-  
lit. lib. 1.  
cap. 5.14 Livius lib.  
2. in prin.15 Justin lib.  
17. Busbeq.  
Epist. 1. Zo-  
zim. & Vi-  
ctor. Zonar.  
in Iren.16 l. 3. ff. ad  
Aquil.



atrocitas facti jus domesticæ emendationis excesserit, enormis delicti reos, potius iudicum notioni dedi. 17. Quod & Alexandro placuerat. 18. Postea Constantinus Magnus, ceteras leges de summa ista potestate omnino antiquavit, & filiorum interfectores ut parricidas puniri voluit. 19.

17 l. in corri-  
gen. C. de e-  
mend. pro-  
pin.  
18 l. si filii §.  
1 C. de patr.  
pot.  
19 le. Si quis  
C. de his qui  
par. vel lib.  
occid.

Contra hos copiose disputat Bodinus, 20. Lege (inquit) divina tributa parentibus potestas est in filios erga se rebelles lapidibus obruendi, modo id fiat præsentem magistratu, cui nulla ejus rei cognitio aut jurisdictio datur: quod ideo decretum est, ne pater iracundia percitus latenter filium occidat, & pereat fructus pœnarum, qui omnium maximus est, exemplum. Altero capite divinæ legis cavetur, ut qui parentibus convicium fecerit, capitali pœna puniatur, eaque non parentibus sed magistratibus ipsis cognitio datur, ne scelus inultum sit.

Miror hic Bodinum, virum alioqui summi ingenii & raræ eruditionis, temerè planè asserere, non fuisse populi divini magistratui datam à DEO potestatem, causas capitis inter parentes & liberos judicandi, cum clare id Sacræ literæ innuant, quarum ista sunt verba: *Si genuerit homo filium contumacem & protervum, qui non audierit patris ac matris imperium, & coercitus obedire contempserit, apprehendent eum, & ducent ad Seniores civitatis illius, & ad portam judicii, dicensque ad eos, filius noster est protervus, & contumax est, monita nostra audire contemnit, commessationibus vacat, & luxuriæ atque convivii, lapidibus eum obruet populus civitatis, & morietur, ut auferatis malum de medio vestri, & un-* *versus Israel audiens pertimescet,* 20. Ex his certe perspicuum est, lege illâ, vitæ necisque liberorum arbitrium, translatum esse à parentibus ad iudices ac magistratus. Præscribit enim in illa Dominus DEUS certum quendam ordinem judicii criminalis in delictis liberorum: jubet sceleratos filios apprehendi seu capi: jubet illos duci ad seniores civitatis, seu iudices in locum judicii designatum congregatos: jubet accusare: jubet contra accusatos mortis sententiam ferri: jubet denique ut populus eam exequatur, reosque lapidibus obruat.

Dicet forsitan aliquis pro Bodino: Non fieri ibi ullam iudicum mentionem. Sed hoc dici non potest. Quamvis enim ibi non sit iudicum vocabulum positum, est tamen vocabulum seniorum, qui quod pro iudicibus eo loci intelligendi sint, ex multis



multis capitibus ostendi potest : primo quia ad eos reus adduci, secundo, quia idem accusari, & causa coram illis explicari debet: tertio, quia in loco iudicii id fieri præcipitur.

Nec valet, quod dicit Bodinus, hæc ideo divinitus mandata in illa lege fuisse, ut ejusmodi liberi pœnas coram populo patiantur, quò severitate exempli à delictis deterreatur. Non inquam valet. Si enim illud duntaxat ibi divina lex voluisset, non ad seniores civitatis duci, neque in tribunali ejusmodi reos accusari constituisset, sed (quod sufficeret) in publico loco convocatis populis parentes commeritas de filiis pœnas sumere jussisset.

Ad hæc, docet ipse Bodinus, capitali pœna teneri liberos, qui convicium faciunt parentibus suis, eamque cognitionem non parentibus ipsis, sed magistratibus à Deo dari. Quod cum doceat hic, & aliud alibi, quis non videt cum apertè sibi ipsi contradicere. Nisi forte quis dicat, pœnas capitis ex certis delictis per parentes, ex reliquis verò per iudices fontibus debere irrogari. Quod ut facile dici, ita & facilius refutari potest. Sed cum Bodino satis.

Argumenta illorum Scriptorum, qui nihil parentibus in vitam liberorum potestatis concedunt, vim adeo magnam non habent. Primum illud à privata vindicta ductum, quam imbecillum sit, ille tantum non videt, qui liberos, nonnisi contra solos parentes peccare posse existimat: nam in hujusmodi tantum delictis privata ultionis causæ reperiuntur: in reliquis verò, quæ vel contra DEum, vel contra rempublicam, vel contra alios homines perpetrantur, nullamque privatam parentum offensam continent, citra ullam privatæ vindictæ suspensionem puniri possunt.

Alterum argumentum, ab exemplo Bruti, Manlii, & aliorum, qui crudeles in suos liberos fuisse videntur, petitur, non magis quàm primum oppugnat, quia Brutus & Manlius severiores potius quam crudeles dicendi sunt, quo fortassis & alii defendi possunt. Et ut demus nonnullos parentes extitisse, qui hæc vitæ atque necis potestate, ad injustam filiorum necem abusi fuerint, non ideo tamen, aut lex summam parentibus tribuens potestatem injusta esse potest, aut sapiens legislator legis optimæ rogationem deferret, quia aliquis contra legem aliquando peccaturus est. Contritum est illud in jure, quarum rerum



21 l. 3. 4. & 5.  
deleg.

22 apud Liv.  
lib. 35 in o-  
rat pro leg.  
Oppi.

rarior est eventus, earum, nullam legumlatoribus curam esse oportere. 21 *An est ullum* (inquit Bodinus superius citatus) *editum, ulla rogatio, ullum rescriptum, quod suis incommodis vacare possit? At qui leges propter sua quadam incommoda qui tollere volet, omnes ad unam abrogare necesse habebit, ut prudenter Cato major* 22 *disserbat. Quanquam fieri nullo modo potest, ut tantus parentum erga filios amor, cum tanta crudelitate, id est, injusta liberorum cade conjugari possit. An tormentum parenti gravius ullum est, quam filium jure vel injuria occidisse? Nostra quidem aetate, cum in Andium agro pater filium castigare cupiens, quem fugientem consequi non poterat, terra glebâ duriore in caput temerè adacta nemine conscio necavisset, laqueo sibi gulam doloris impatientia fregit. Quæ cum satis intelligerent antiqui legumlatores, apud Egyptios in eum, qui sine justa causa filium necavisset, non aliam pœnam decreverunt, quam ut cum filii cadavere triduum concluderetur. Sapienter illi quidem, cum propter filii cadem parentibus vitam, quibus filius suam deberet, eripi nefas esse judicarent: Sed ne patria potestas reipublicæ obesser, eadem solutas erat filius in iis, quæ ad rempublicam pertinerent. Hæc ille.*

Illud quod de maximo parentum erga liberos amore objiciunt, & quod dicunt, eosdem liberos membra ac viscera suorum parentum esse, id inquam magis est pro ista patria potestate, quam tanta amoris & sanguinis potentiâ ita contineri ac constringi necesse est, ut nullo modo in crudele atque tyrannicum imperium abire possit. Profecto si quis rectè in hac causa rationari voluerit, ex nimia potius parentum erga liberos indulgentia, quam eorundem sævitia, contra supremam parentum potestatem tela petet. Tantus enim parentum erga liberos amor est, ut & illos plusquam seipsos diligant, & illorum scelera, quantumvis nefanda fuerint, & summa, sæpissimè puniri nolint.

Insigne amoris patrii exemplum habemus in illo, qui fictum fortassis crimen confitendo vitam filii sui servavit. Nam cum Carolus Magnus nesciret, an pater, an vero filius quendam occidisset, finxit se utrumque velle suspendere, cujus rei metu, pater statim confessus est, se eadem fecisse. 23 Huc spectant & ea, quæ de isto parentum amore sæpe jam citatus Bodinus notavit. Anno (inquit ille) millesimo quingentesimo sexagesimo quinto contigit Castilione patrem à filio, quem leviter castigare vellet, lethale

23 Barba in  
cap. in praesentia.

vulnus.



vulnus accipere: pater metuens, ne filius à magistratu comprehensus capere lueret, ad extremum usque spiritum cohortari non destitit, ut fuga salutis suæ consuleret. Iudices comprehensum & consistentem pedibus è sublimi trabe aliquandiu pendere, gravi saxo ad collum alligato, deinde vivum flammis comburi iusserunt. Ac paulo ante in agro Tolosatam mater quadam omnes filii contumelias verbera injurias prius perpeti maluit, quam accusare filium apud judicem, qui ad extremum re turpissima commotus, quod scilicet filius in matris cibarium ventrem exonerasset, pecunia mulctatum relegavit: qui cum provocasset ad curiam Tolosatam, iudices inique judicatum resciderunt, hominem perditum vivum cremari iusserunt, matre miserrima querelis legum ac judiciorum atrocitatem incusante, commiserationem judicum necququam implorante.

Seneca vero, ubi agit de patris erga filium castigatione, & ejectione: *Quam difficile est*, inquit, *patri membra sua sibi amputare! quæ suspiria ducit secando! quoties amputata liget! quoties eadem restituere conatur!*

Ex quibus facile perspicui potest, tantum parentum erga liberos esse amorem, tantamque pietatem, ut nihil in liberos turpiter, nihil indecore moliri, sed justè ac utiliter consilia pro liberis capere censeantur. 24 Itaque fraus omnis in negotiis liberorum semper à parentum voluntate abesse judicatur. Quin etiam sæpe patres jura omnia, sacra & prophana, violare non dubitant, ut liberos opibus & honoribus cumulare possint.

Sed dum tantum esse amorem parentum erga liberos ostendimus, ipsi contra nos arma videmur exacuere adversariorum, qui læsum amorem dicunt transire in furorem. Fateor contingere, ut aliquando læsus amor vertatur in iram, quæ sapientum judicio brevis quidam furor est, 25 id tamen raro solet evenire, quod ipse exemplorum numerus ostendit. Adhæc illi ipsi sapientes, qui iram insaniam aut furorem esse voluerunt, brevem illam aut illum esse dixerunt. Jam autem, quæ exigua sunt, & perraro contingunt, legum (ut jam dictum est) rogationem non impediunt.

Quare, qui patriam in vitam liberorum potestatem semper iniquam esse dixerunt, non habuerunt ea omnia in consilio, ob quæ plurimæ & nobilissimæ gentes, ipsa naturâ quodammodo (ut supra dixi) jubente, illam multis sæculis in sacrosancto usu

24 l. cum furiosus Cod. de curat. furios.

25 Apud Senec. lib. 1. cap. 1.



26 lib. 1. de  
republica. cap. 4.

habuerunt. Ex quarum numero fuerunt Persæ, & superioris Asiæ populi, Romani, & Celtæ. Eadem consuetudo Indorum omnium, qui sunt ad occasum, communis fuisse dicitur, priusquam Hispani novas leges dedissent. Eadem Gallorum. Galli, inquit Cæsar, potestatem vitæ ac necis in uxores ac liberos aequè ac in servos habent. Ac tametsi lege Romulea potestas uxoris necandæ quatuor ex causis tantum tribueretur, nihilominus eadem lege inquit Bodinus 26 patri data potestas est liberos necandi, nulla conditione, aut exceptione subjecta: nec filios familias quicquam sibi habere, aut acquirere permissum, sed patri, quocunque modo quæsitæ bona fuissent. Eadem potestas in adoptivos filios adoptanti patri data est. Et quoniam decemviri legibus ferendis imperium illud vitæ ac necis in liberos universæ reipublicæ vehementer utile esse iudicabant, legibus duodecim tabularum sanctius ac severius confirmarunt, & patri filios vendere permiserunt: quod si seipsum in libertatem vindicarent, aut ab emptoribus manu mitterentur, iterum, ac tertio venundari posse voluerunt. Quæ lex Indorum nationibus, quæ posita sunt ad occasum, communis fuisse dicitur. Apud Moscovitas & Tartaros, quos veteres Scythas Asiaticos vocabant, quater filium vendere etiamnum parenti licet. Hoc jure patriæ potestatis Romanam rempublicam diutissime steterisse, & ab interitu sæpius servatam fuisse constat, cum patres de rostris liberos, seditiosas leges promulgantes, deicerent: ut quidem Cassius filium, legem agrariam ad tuenda populi commoda ferentem, de comitio præcipitem, spectante populo Romano, disturbavit, deinde familiaris iudicio damnatum neci dedit, attonitis ne quicquam civibus, cum & magistratus & viatores patriæ potestati obistere nefas esse ducerent. Hæc Bodinus, qui rectam quoque puerorum institutionem, quâ nihil in republicâ utilius ac melius cogitari potest, totam à patria ista potestate derivari dicit. Nam nullam cognitionem suscipiunt magistratus, quod liberi parentum iussu contemnunt, quod aspernantur, quod irrident: neque judicia constituuntur adversus filios aleatores, ebriosos, alienæ pudicitie constupratores: & ut sint judicia peccatis huiusmodi constituta, nihilominus tamen, quia parentes existimationi ac dignitati suæ consuli volunt, filios apud magistratum nunquam deferunt, nunquam accusant. Ita fit ut liberi sublato parentum metu, sæpius eludant magistratum iudicia, quæ fere in servos tantum & extremæ conditionis homines comparata videmus.

Post



Post puerorum institutionem idem Bodinus eidem patria potestati in acceptis refert fratrum ac liberorum inter se concordiam. Contentiones inquit, dissidia, lites, quæ fratribus inter ipsos intercedere videmus vivo ac spirante patre facile dirimebantur, quia patriam potestatem connubia non minuebant. Ac tametsi filios aliquando pater emanciparet, quod pro magno beneficio virtuti liberorum tribui solebat, nihilominus paternæ reuerentiæ vestigia in liberorum animis ac mentibus perpetuo impressa exstabant. Quid est igitur, quamobrem miremur, tot litibus ac judiciis magistratus impediri, quæ judicia fere semper seruntur virum inter & uxorem, parentes ac liberos, fratres ac sorores, quoniam uxor liberi, servi domestica veterum potestate soluti sunt. Itaque mirum videri non debet, si patria potestate sublata decus Romanorum ac nobilitata virtus una cum magistratuum ac legum metu, repullulantibus undique vitiis ante imperii occasum extincta fuisse videatur. Prima labe & patribus eripienda potestatis origo à magistratuum ambitiosis decretis manavit. Nam cum amplificanda jurisdictionis causa rerum omnium cognitionem iudices ad se paulatim pertraherent, imperia domestica conqueverunt: id quod potissimum contigit post Augusti Cæsaris occasum, quo tempore magistratus, in parricidarum judiciis constituendis fere semper occupatos fuisse legimus. Hactenus ille, qui non alia mente (ut ipse fatetur) tam studiose ea quæ retulimus collegit, quam ut illis, quos penes est legum ferendarum potestas, persuadeat summæ illius parentum potestatis in integrum restitutionem.

Restant adhuc Ulpiani ac Pauli Jurisconsultorum responsa, & Imperatorum leges, summam parentum in liberos potestatem abrogantes, quas contrariæ opinionis auctores contra patriam potestatem objecerunt. Verum hæc cum tantum ad futura negotia se porrigant, nullo autem modo ad præterita, ideo illorum tantum patrum suprema ista in liberos potestas iniqua est, qui jam legibus vetantibus usi sunt eâ, aut utuntur, quod disertè superius dixi, 27 non autem illorum, quibus nulla lex imperium illud abrogabat. Cum enim hi, quo ad istud imperium, & à natura jus habuerint, & legibus humanis soluti fuerint, habuerunt utique illud sine ulla iniquitate. Hæc enim non existit, nisi prius lex, & legis contemptus existat. Illi verò qui legibus contrarium jam præcipientibus non obediunt, summaque potestate in liberos animadvertunt, ini-

qui

27 à numero  
4. ad 5.



qui sunt omnino, quia iustas leges, quibus parere debent, violant.

Quantum attinet ad Jurisconsultorum responsa, illa non plus hic præstant, quam quod leges Principum, de summa parentum in liberos potestate tollenda latas, magis quodammodo probabiles, accessione sua faciant.

Verum, ut ad id, quod ab initio dixi, redeam: Ego quemadmodum summum illud parentum in liberos imperium: iustum & legitimum fuisse dico, ita & leges Principum, per quas non parùm eidem parentum imperio derogatum est, æque iustas ac sanctas esse non dubito. Nam primis illis sæculis melius erat summo parentum imperio liberos subjici, tum ex aliis causis, quæ nunc non existunt, tum quod ipsa natura, quo jure parentibus educationem & institutionem liberorum mandaverat, e-

29 L. 1. ff. de  
iust. Plin. in  
Paneg. 32-  
stant. 4. Inst.

29 lege 5. ff.  
de l. Pomp.  
30 Comment.  
ad Inst. tit. 9.  
cap. 2.

odem regimen quoque & imperium in ipsos concesserit. 28 Posterioribus vero temporibus, ex certis itidem causis, eadem potestas, quæ originetenus à jure naturali fuit, merito à jure civili formata (ut Jureconsulti loquuntur) & mutata est. Merito inquam, quia patria potestas in pietate non in atrocitate debet consistere, 29 id est (ut explicat Diodorus Tuldenus. 30) commodando, consulendo, servando, non perdendo, se exerciri.

Nec ideo dicere aliquis potest, iniquam illam potestatem fuisse, quia nunc mutata & diminuta est: Quia id multis legibus etiam iustissimis commune est, quæ pendent à rerum temporum & causarum conditionibus, ut Jureconsulti & Theologi demonstrant.

Porro cum potestati illi patriæ, non tantum vita liberorum, sed etiam res eorundem subiectæ fuerint, adeo ut filii familias nihil potuerint proprium habere, sed omnia per ipsos parentibus acquirebantur, ideo mutatio illa à legibus facta non tantum potestatem parentibus in vitam liberorum ademit, sed etiam jus ad bona eorundem ita temperavit, ut neque liberis ipsis infructuosa industria tædio sit, & patribus prærogativa principatus in familiam constet. 31 Et sane prisca juris rigor longius

31 l. 195. de  
Verb. Sign.

recedere videbatur à natura, secundum quam, ut Apostolus ait, non liberi parentibus, sed parentes liberis acquirere conve-

32 4. ad Cor.  
12.

nit. 32 Quæ autem & quotuplicia sint ea bona, quæ filii familias



lias à patrimoniis patrum separata possident, maximè juribus Romanis definita, explicant Juris interpretes, ubi agunt de Peculio: Item, qui liberi quorum parentum subsunt potestati, & quibus modis illa acquiritur, atque solvitur, ab iisdem copiose tractantur.

## §. XX.

*De Liberorum erga parentes Officio.*

**Q**uodnam sit parentum erga liberos officium ex iis, quæ proximè diximus, facile potuit intelligi. Hic quid liberi debeant parentibus explicandum est. Plato cum leges, quæ ad Dei cultum pertinent, quibusdam capitibus complecteretur, præfari se dixit de cultu liberorum erga parentes, quibus hoc inspirabile cælum vitamque debent acceptam ferre. <sup>1</sup> Quo factum voluit indicare vir sapientissimus, cultum parentum proxime ad cultum divinum accedere, nec posse illos Deum colere, qui non coluerint & parentes.

<sup>1</sup> Bodinus  
lib. 1. de re-  
pub. cap. 4.

Et vero inspectis parentum meritis & amore, summa quæque parentibus à liberis deberi, nemo ibit inficias. Meritorum autem ac beneficiorum, quæ liberis præstant parentes, inde existit magnitudo, quòd ea in illos, non obsequiis ipsorum, sed amore quodam cæco impulsu conferant: amore inquam cæco, quia nihil in illis amabile vidente. Verissime dixit Homerus.

*nil spirat, terra neque repit in alma*

*Tam miserum, quam sunt homines. 2*

<sup>2</sup> Iliad. p.

Id quod de infantibus recens natis (ut notavit Plutarchus <sup>3</sup>) dictum minimè fallit. Nihil enim est ita imperfectum, inops, nudum, informe, spurcum, ut homo à partu statim conspectus, cui soli ferè, ne exitum quidem in lucem mundum natura concessit, sed sanguine inquinatus, taboque oppletus, & occiso magis quam nato similis, à nemine tangi, tolli, suaviari, ac complexu foveri potest, nisi naturâ insitum gerente amorem. Qui Plutarchus addit & illud, quòd pariendi & alendi finis non sit necessitas, sed amor: Refer (ait) sermonem ad prisca tempora, quæ primæ pepererunt, qui primi natum infantem viderunt, his neque lex, ulla necessitatem alenda prolis imponebat, neque expectatio gratiæ jubebat infantibus alimenta tanquam senore locare. Quinimò infensa

<sup>3</sup> De amore  
prolis.



potius proli, & memores acceptorum maleficiorum erant alioqui futura, utpote tantis periculis laboribus doloribusque exhausta.

*Vt cum parturiens mulier penetrante sagitta*

*Fixa gemit, duris quam partibus Eileithya*

*Quæ præ sunt nata jaciunt Iunonis acerbam,*

*Et sævos partu cumulant urgente dolores. 4*

4 Iliad. 2.

Hæc mulieres ajunt non ab Homero scripta fuisse, sed ab aliqua Homeride, quæ peperisset, aut etiamnum pareret, mixtionemque doloris simul acervi atque acuti in visceribus sentiret. Verum insitus à natura amor parientem flectit atque ducit. Etiamnum calida doloribus, ac cruciatibus concussa, & tremebunda, infantem non præterit neque fugit, sed ad eum se convertit, arridet, tollit, osculatur, nullam sane percipiens dulcedinem, nullam utilitatem, sed laboriose ac ærumnose.

*Ad hoc paratis excipiens cunabulis*

*Pover, refrigeratque identidem novum*

*Cumulans labore laborem, nocturnumque opus*

*Mutans diurno.*

Qui vitem æquinoctio verno serit, uvæ ex ea legit autumnali, occidentibus Pleiadibus qui triticum seminat, merit sub ortum earum. Boves, equi, alites, jam usibus paratos edunt sævus, hominis educatio laboriosa est, incrementum tardum, virtus ita in longinquo sita, ut plerique parentes prius ex hac vita decedant, quam filii virtutem suam demonstrant. Non vidit Salaminiam Themistoclis victoriam Neocles, neque Cimonis res ad Eurymedontem gestas Miltiades, non audivit Periclem concionantem Xanthippus, neque Platonem philosophantem Aristo, neque Euripidis & Sophoclis victorias patres eorum cognoverunt. Balbutientes eos & literas in syllabas cogentes audiverunt: comesationes, potationes, amores, aliaque id genus filiorum delicta videre patribus contigit, adeo ut illa duntaxat Evæni inscriptio memoretur ac laudetur:

*Per tempus patri est filius omne dolor.*

Et tamen finem non faciunt filios educandi. Hæc Plutarchus. Quæ ideo hic commemoravi, ut intelligant liberi, quantum sint obstricti suis parentibus, quibus amorem, reverentiam, & obedientiam præstare tenentur, pro ipsorum erga se beneficiis, amore, & sollicita educatione. Quæ quidem parentum beneficia ejusdem esse excellentiæ, cujus sunt regia erga subditos, docuit Philosophus: imo majoris. Nam postquam explicuit beneficia regis.



regis erga subditos, dixit: *Talis autem paterna (scilicet amicitia) etiam est, tamen si magnitudine beneficiorum præstat, auctor enim ejus est, quod videtur esse maximum, ut videlicet sint filii, eorumque educationis & institutionis.* 5 Hinc optime idem quoque Philosophus infert, honorem quidem parentibus deberi à liberis maximum, quamvis putet nullum posse reperiri, qui par sit ipsorum meritis. *Retribuendus inquit honor est, atque id quatenus facultas ipsius fert. Quod enim fieri potest, non quod pro dignitate sit, amicitia exigit, sicut in honoribus, qui Diis aut parentibus exhibentur. Nemo enim referre his dignam gratiam potest, sed qui pro viribus colit, is esse probus videtur.* 6

5 Ethic. lib. 8  
cap. 11.

6 Ethic. lib.  
8. cap. 14.

His similia de eodem parentum cultu alii etiam plurimi Philosophi docuerunt, quæ si referre vellem, longus essem. Platonis tamen illud non est prætereundum: *Cujus pater inquit & mater, vel horum parentes confecti senio, quasi thesaurus quidam domi jacent, is putet nunquam aliud sibi tale simulachrum magis efficax domi suæ affuturum, si rectè ut decet ab eo colitur.* 7 Divina profecto & summè pia est doctrina ista, DEo placens, & hominibus salutaris. Nam (ut idem Plato docet) & DEus gaudet honoratis parentibus, & perfidus diis hominibusque invisus atque infelix est, qui parentes negligit. 8 Id quod Poëta quoque innuit, dum dicit:

7 Lib. 11. de  
legib.

8 Demosth.  
Orat. 1. contra  
Areopag.

— — — — — Cui non risere parentes

*Nec DEus hunc mensa Dea nec dignata cubili est.* 9

9 Virgil. Ecl.

Quibus autem in rebus, ac quibus modis honorandi sint parentes, si qui sunt qui quærant, illis respondetur, in omnibus rebus, & modis omnibus eos esse honorandos: opere, verbis & omni patientia. Aristoteles inter illa, quæ liberi debent suis parentibus, præcipuo loco numerat alimenta. *Parentibus, inquit, alimenta præcipue suppeditanda esse videntur, utpote cum debeamus, cumque illis, qui in causa sunt, ut simus, honestius sit, quam nobis ipsis in his opem ferre: honor quoque parentibus, quemadmodum diis exhibendus est.* 10 Ac tamen si patres virtutibus, ac potissimum metu Dei liberos erudire tenentur, non tamen si patres officium suum neglexerunt, liberi excusantur. Est enim contra officium, quod legislator Solon filios ab alendis parentibus excusavit, si nullam ab iis artem didicissent. Quid dico contra officium? Contra humanitatem etiam, & contra ipsam est naturam,

10 Moral.  
Nicomachor.  
lib. 9. cap. 2.



11 Dicitur fu-  
isse filia Ci-  
monis, teste  
Pausania in  
Phocicis,

à quâ, non tantum humanis mentibus & animis ista obligatio insita est, sed etiam bestiis ipsis rationis expertibus pietatis huiusmodi sensus ingeneratus est, quæ fractis senio parentibus alimenta præbere deprehenduntur, quales sunt plurimorum scriptorum testimonio ciconiæ. Mirantur homines illud pietatis erga parentem exemplum, quo pictores ad hæc usque tempora suas tabulas exornare solent, scilicet filiæ erga patrem capitis damnatum, quem cum inedia per leges mori oporteret, filia oblati clam uberibus in vita servavit. 11 Mirantur inquam homines. Ego dum ciconias cogito, ingenium tantummodo illius filiæ miror, non pietatem, quæ id suo parenti reddidit, quod ei omni jure debuit. Omni inquam jure, quia id & natura brutis ut dixi, & mos gentibus, & DEus populo suo præscripsit. Et ut de sola hic lege divina aliquid dicam, tanta est illa, ut sola vim maximam contineat ad cultum parentum in liberis excitandum. Sola namque illa ex omnibus Decalogi legibus præmium liberis proposuit, qui parentes cultu prosequuntur: Sicut è contra nulla execratio major in sacris libris legitur, quam adversus eum, qui ad male tecta patris pudenda scelere arripuit. Unde mirari debet nemo, certamina & contentiones filiorum, iisdem sacris literis descripta, pro faulta parentum præcatione adipiscenda, ac præripienda, execrationemque paternam iisdem, ipsâ morte fuisse acerbiorum, cum & Plato doceat, deos nihil exaudire facilius, quam imprecationes parentum. 12 Quod fortassis Turcæ quoque legerunt, qui inter octo sua vitæ præcepta tertio loco jubent colere parentes. 13

12 Plat 9. &  
11. de legib.  
Heracl. de  
off. lib.  
13 Arnif.  
Doctr. Pol.  
lib. 1. cap. 5.

14 2 lib. Ode  
13.

15 lib. 16. in  
prin.

Quemadmodum autem nullum est in omnibus tum divinis tum humanis sanctius, quam de honorandis parentibus editum, ita nullum est detestabilius scelus, quam quo pietas erga parentes violatur, etiam dum solo vultu violatur: quid quando manu? Horatius 14 scelestissimum hominem descripturus: *Illum, inquit, parentis crediderim sui fregisse cervicem*, quasi scelestius dicere nil potuisset. Et Justinus, 15 cum scripisset Antipatrum matrem suam interemisse, id factum ait eo gravius fuisse visum omnibus, quod nullum maternæ fraudis vestigium fuit: quanquam in parricidio nulla satis justa causa ad sceleris patrocinium prætexi potest, cum in eo omnia scelera complexa esse videantur.

Lege



Lege Servia in eos, qui parentes verberasset, capitale supplicium propositum est. Verba legis hæc sunt: SI PARENTEM PUER VERBERARIT, AST ILLE PLORASSIT, PUER DIVIS SACER ESTO. 16 Justissima profecto lex. Nam si legum imperio is, qui centurioni castigare se volenti resistit, notatur, & qui vitem tenet, militiam mutat, & denique, qui eandem vitem ex industriâ frangit, vel manum centurioni infert, capite punitur, 17 multo major pœnarum acerbitas debetur filiis, qui similia audent adversus parentes, quibus magis quam milites centurionibus subiecti sunt, utpote à quibus vitam & omnia sua acceperunt.

16 apud Fest.  
Pomp.

171. milites  
13. ff. de re  
milit.

Lex vero Pompeia statuit, ut si quis parentis fata properaverit, sive clam, sive palam, id ausus fuerit, neque gladio, neque ignibus, neque ulli alii solenni pœnæ subjiçatur, sed infusus culeo cum cane & gallo gallinaceo, & vipera, & simia, ac inter eas ferales angustias comprehensus, secundum quod regionis qualitas tulerit, vel in vicinum mare, vel in amnem projiciatur, ut omnium elementorum usu vivus carere incipiat, & ei cœlum superstiti, & terra mortuo auferatur. 18 Vipera ob similem impietatem supplicio addita est. Dicitur namque uterum matris perrodere. 19 Simia exosculando & comprimendo enecat fœtam. 20 Insuitur corio bovis, vel culeo, ne corpore suo inquinet undam, qua solent omnia cætera expiari.

18 §. 6. Inst.  
de Pub. Jud.

19 Plin. lib.  
10. c. 62.  
20 Idem lib.  
8. cap. 51.

Hæc sunt & his similes aliæ parricidii pœnæ ab hominibus excogitatae, quas si qui effugiunt, incidunt in divinas, ut docent exempla huc à scriptoribus adducta. Selymus eo ipso in loco, quo patrem fugientem, fratremque trucidavit, interficitur. 21 Adolphus Dux Geldriæ, qui patrem asperrime tractaverat, miserabiliter demum trucidatus est, & in partes minutissimas dissectus. 22 Chramnus Clothario patri Regi Franciæ bellum movet, vincitur tandem, & igni consumitur. 23 Nero postquam nece matris impias manus cruentavit, noctu sæpe pavore delecto profiliebat, & mentis inops lucem operiebatur, tanquam exitium allaturam. Orestes occisâ matre Clytemnestrâ, quamvis id fecisset, ut mortem patris sui ab illa atque adultero illius Ægypto occisi, ulcisceretur, furis tamen agitatus est, ut scelus aliqua etiam pietate commissum, suo supplicio non careret. Unde rectè Cicero dixit: *Magnam vim, magnam necessitatem,*

21 Schönborn  
Polit. lib. 1.  
cap. 7.

22 Cominæ  
us lib. 1.  
23 Greg. Tu-  
ronen. lib. 4.  
cap. 16. &  
22.



*magnam possidet religionem paternus maternusque sanguis, ex quo si qua macula concepta est, non modo elui non potest, verum usque eo permanat ad animum, ut summus furor atque amentia consequatur.* 24  
 24 Pro Rosc. Amer. Rectè, inquam. Nam si nullius hominis tam vilis est sanguis, qui non magis inquinet, quid mirum est, sanguine parentum pollui atque infici mentem animumque liberorum.

Sed dicet hic aliquis, quid si pater ad interficiendos liberos, delendamque patriam properet? Illi respondet Schönbornerus, 25 posse filium se adversus huiusmodi patrem defendere, & si terminos legitimæ defensionis servaverit, pœnam parricidii nequaquam incurrere. Id enim ait, quod legitime factum est, pœnam nullam meretur, quin imo præmio afficiendus erit filius, qui ob necessariam sui suorumque defensionem & patriæ, eum e medio sustulit patrem, quem in tantum leges detestantur, ut secundum illas nec lugendus sit post cædem. 26

26 lib. 35. de religiof. & sumpt. fun. Longe aliter ad eandem quæstionem respondet Bodinus, dicitque: *Ego vero sic statuo, non modo id licere nemini, sed ne scribi quidem sine impietate potuisse, quia parricidis non solum veniam isti (scilicet qui id licere scribunt) proponunt, sed etiam licentiam reliquis id audendi tribuunt, eosque ultro ad necem paternam, specie publica utilitatis invitant. Nullum enim tantum scelus à patre admitti potest, quod sit parricidio vindicandum. Quæ disciplinæ si sibi consentiant, quàm multi parentes reipublicæ hostes reperiuntur? Qui pater bello civili manus filiorum evadere possit? Tunc enim victores victis leges dicere, & quoscunque collibuit hostes reipublicæ judicare consueverunt.* Hucusque Bodinus. 27

27 De repub. lib. 1. cap. 4. Num. 45. Similiter quæstio huius loci est: Utrum semper & in omni loco uno eodemque modo debeant liberi suos parentes honorare? Et certum est apud omnes, filio publicam dignitatem sustinente, patriam potestatem, quæ privati juris est, filere debere. Cujus rei insigne extat exemplum apud Plutarchum, 28 apud quem Fabius Gurges cum consul esset, & patrem proconsulem sibi obvium haberet, iussit patrem equo descendere, & pro more peditem ad consulem venire. Hunc laudavit optimus pater, hortatusque est, ut istac auctoritate pergeret auctoritatem populi Romani tueri. Videbat enim in publica personâ verti auctoritatem totius reipublicæ. Hoc ipsum Taurus Philosophus, 29 cum controversum esset, inter patrem privatum, & filium prætorem,



corem, ita determinavit, ut in publicis locis & congressibus magistratus præferretur, non habita ratione juris familiaris, in privatis verò jus domesticum observaretur. Quare peccasse scribitur Laurentii Celsi Venetorum Ducis pater, qui filio recens Duci creato obviam ire recusavit, ne filio cogeretur caput aperire, & patriam potestatem vilem facere. 30

30 Volat. 4.  
Georg.

Denique quæri etiam hic potest, an liberi in omnibus omnino rebus debeant suis parentibus obedire? Ad quam quæstionem eadem prorsus sunt responsiones, quæ etiam ad illas, quibus quæritur, quantum amare & honorare parentes nostros debemus? His autem ita & inprimis respondet Sanctus Augustinus. 31 *Amandus est generator, sed proponendus creator.* Deinde Sanctus Hieronymus. 32 *Ob amorem, inquit, Christi omittenda est sepultura patris, post cujus amorem nullus relinquitur inhumatus.* Item: *Gladium inquit tenet hostis ut me perimat, & ego de matris lacrymis cogitabo.* 33 Et clarius adhuc: *Si necessitas inquit venerit, ut amor parentum sive filiorum amori Dei comparetur, & non possit utrumque servari, odium in suos pietas in Deum servanda est.* 34 Cum his similia respondet sanctus Chrysostomus. *Non licet ait simpliciter odio habere parentes, sed si voluerint plus diligi, in hoc odio habeantur.* 35

31 In quodam serm.  
32 in Matth.

33 ad Heliod.

34 In Matth.

35 In Matth.

## CAPUT XI.

## De Domino &amp; Servo.

**C**ontentiosa est inter doctos de Servitute, quæ in gentilitatem invasit, disputatio, aliis eam tanquam prædatricem libertatis accusantibus, aliis vero eandem jure naturæ, divino, & gentium defendentibus. Quorum autem justior causa est, ex illis, quæ jam dicemus, facile unusquisque judicaverit. Ut verò clariùs servitutis naturam explicemus, de libertate, cum qua illa pugnat, prius disseremus.

S. I.

## Quid sit Libertas?

**L**ibertatem civilem, de qua præcipuè hic agimus, his verbis Jurisconsulti definiverunt: *Est naturalis facultas ejus, quod cuique.*



1 l. libertas  
ff. de statu  
hom.

2 §. Et liber-  
tas Inst. de  
jure persona-  
rum,

*cuique facere libet, nisi si quid vi aut jure prohibetur.* 1 Sensus istius definitionis Joachimo Mynsingero 2 interprete iste est, quod libertas sit libera quædam & plena potestas, à natura hominibus tributa, faciendi quæ velint, nisi vi vel jure prohibeantur. Vi, veluti cum quempiam aliquid molientem, quod lex non prohibet, fortior aliquis, & plus habens virium, vetat & impedit: Jure verò, ut cum suppliciorum & pœnarum minis cohibetur quis, ne quid injuriæ faciat. Alii aliter exponunt, & per verbum *vi*, jus gentium, per verbum verò *Jure* jus civile volunt intelligi, idque ideo, ut ostendant liberis tantum hominibus dictam definitionem convenire, & nequaquam servis, in quibus impedita est faciendi facultas, vel jure gentium per justam captivitatem, vel jure civili, ut quia venundari se quis patitur ad pretii participationem. Sed cur per verbum *vi* jus debeat gentium intelligi, rationem nullam afferunt.

3 lege confir-  
metur ff. de  
jure Codicil.  
4 l. si unus  
27 §. pactus,  
5 l. nihil ff.  
de regul. ju-  
ris,

Docent præterea *vi* non adimi libertatem, etiamsi revera *vi* prohibitus non possit facere quod libet, quia ex facti (ut loquuntur) impedimento non tollitur libertas. 3 Vis enim est facti, libertas verò juris, atqui per regulam juris, iis quæ facti sunt, non tolluntur ea, quæ sunt juris. 4 Unde quæ jure constituta sunt, tolli debent alio jure. 5 Pari modo non tollit libertatem, quod non liceat id, quod jure prohibitum est, facere quia illa sola & vera est voluntas & libera, quæ cum ratione conjuncta est, & quæ nihil vult, nisi quod jure potest, qua ratione in legibus id quod jure prohibetur, extra potestatem nostram esse dicitur. Quæ facta lædunt pietatem (inquit Papinianus,) estimationem, verecundiam nostram, & ut generaliter dixerim, contra bonos mores fiunt, ea nec facere nos posse credendum

6 l. filius qui  
est. ff. de condit.

est. 6 Quæ doctrina quamvis satis est præclara, non tamen ostendit, quomodo definitio libertatis liberis duntaxat hominibus conveniat, & non etiam servis, quod similiter vis quædam & leges non sinunt facere, quod ipsis libet. Quæ res, cum ut dictum est, non adimant liberis hominibus libertatem, cur eandem adimant servis non facile potest explicari.

7 in offic.  
8 in Parado-  
xi,

Clarius naturam libertatis describit Cicero, dum dicit, libertatis proprium est, sic vivere ut velis. 7 Et rursus. Quid est inquit libertas? Potestas vivendi ut velis. 8 Mea opinione liber-



bertas est naturæ indulgentiæ, & communi hominis dignitati  
conveniens facultas disponendi vitæ suæ usum, arbitrato qui-  
dem suo, juxta has tamen aut illas legum regulas. Libertati e-  
nim non derogant leges, quibus hominum vita in ordinem re-  
digitur, quippe quæ cum recta ratione congruunt. Ex sapien-  
tiæ autem decretis vera libertas continetur mentis & rationis  
imperio in animum: extra illud quippe cupiditatum tyrannidi  
servit. 9 Violentia quoque, quæ facti est, non aufert liberta-  
tem, quæ juris est: secus juris potestas. Hinc à piratis captus &  
vinctus liber manet, at legitimo bello in hostium potestatem  
redactus servus efficitur. Quæris differentiam? Justo bello ca-  
ptus fugâ eludere servitutem nec illasâ conscientia potest: 10  
at captus à prædonibus retinet jus & libertatem fugiendi. Pla-  
ne durante bello captus justè fugit ad suos, & servitutem ef-  
fugit.

9 lege ult. §.  
quib. Cod.  
de Sen.

10 Sylvester  
in summ.  
Verb. servi-  
tus. §. 1.

## S. II.

*Quotuplex est Libertas.*

Uamvis istam quæstionem tractavi jam alibi, 1. hic tamen  
iterum illa majoris claritatis causa tractanda est. Est autem  
triplex, *Juridica* nimirum *Philosophica* & *Politica*. Quænam sit  
*Juridica* proximè exposuimus. *Philosophica* verò libertas in ra-  
tionis supra cupiditates & libidinem imperio sita est. Atque  
hâc nemo liber est, qui cupiditatibus, aut alicui turpitudini ser-  
vit. 2. *Quis neget* (inquit Cicero) *omnes leves, omnes cupidos, om-*  
*nes denique improbos esse servos? An ille mihi liber est, cui mulier*  
*imperat, cui leges imponit, præscribit, jubet, vetat, quod videtur? qui*  
*nihil imperanti negare potest, nihil recusare audet? poscit, dandum est;*  
*vocat veniendum; ejicit, abeundum; minatur, extimescendum. Ego*  
*vero istum, non modo servum, sed nequissimum servum, etiamsi in*  
*amplissima familia natus sit, appellandum puto.* 3

1 Quæst. Po-  
lit. disput. 4.  
quæst. 4. §. 1.

2 4. ad Heren.

3 in Paradox.  
4. Dial. 14.

Non multum habet dissimilia & Franciscus Petrarcha. 4. *Ne-*  
*que te inquit liberum tunc dixeris, quod esse dominum tibi non vides,*  
*quod parentibus ortus ingenuis, nec in acie captus, nec venundatus sis.*  
*Sunt invisibiles animarum domini, & in ipsa hominum origine latens*  
*pestis est. Nascendi genus obnoxium peccato, qua nulla gravior servi-  
tus fingi potest. Sunt occulti hostes, & bella clandestina: sunt quæ*  
*miseras*



*miseras animas nundinentur, quas heu! vili pretio venditis voluptates fœdissimæ dominarum, quæ vos inenodabili laqueo victos tenent. Ite nunc & libertate gloriâmini. Sed vos cæci nihil nisi corporeum videtis. Vnde cum qui uni mortali subest domino servum dicitis, illum vero qui mille immortalibus tyrannus opprimitur, liberum iudicatis: Eleganter ut reliqua. Profecto autem liberum non facit fortuna sed virtus*

His addi potest Sanctus Ambrosius, secundum quem *ille in quavis conditione servitii liber est, qui amore non capitur, avaritiæ vinculis non tenetur, metu criminis non obligatur, qui securus expetitur*. De Joseph. *Etat præsentia, quem non terrent futura.* 5 Quod adeo certum est, ut notum sit vel ipsis virginibus, inter quas una à piratis capta, ad sponsum suum dixit: Si corpore servio, manet incorrupta quæ omnibus à natura insita est animi libertas. 6  
 6 Eustath. de  
 Ireniæ &  
 Iminen a-  
 mor lib. 9.  
 Denique Politica libertas in eo consistit, ut jus & leges, non verò liberum Principis arbitrium dominetur.

## §. III.

*Quid sit & quotuplex Servitus?*

1. 4. §. 1. ff.  
 de statu hom.

**D**escribit eam Florentinus 1. quod sit *constitutio juris gentium, qua quis dominio alieno contra naturam subicitur*. Servi ex eo appellati sunt, quod Imperatores captivos vendere jubent, ac per hoc servare nec occidere solent. Mancipia vero dicta sunt, quod ab hostibus manu capiuntur, id est, per vim ab hostibus auferantur. Sic cum manum alicui afferre dicimur, quod nihil aliud est, quam vim inferre. Ex verbis autem Florentini (ut advertit Franciscus Conanus 2) satis apertè colligitur, nullam fuisse causam humanitatis in servitute hac constituenda, quæ tamen huic malo obtendi solet, quasi summæ fuerit humanitatis aut clementiæ, servare, quos licebat occidere. Imò verò quod major utilitas provenire poterat ex servitute, quam occisione eorum, idcirco servare cœperunt, ut operis eorum aut pretio ad nostrum commodum uteremur. Quapropter avaritiæ magis quam humanitati videtur assignanda & imputanda servitus, ut non sine causa nonnulli antiquorum hanc institutionem reprehenderint, & ut Aristotelis verbo utar, accusarint, tanquam oratorem iniquæ rogationis, & legibus

2 Comment.  
 Jur. Civil.  
 lib. 2. cap. 2.



bus antiquis & patriis contrariæ. Sed redeo ad definitionem, ex qua patet servitutem libertati esse contrariam, neque à jure naturali, sed à jure gentium comparatam, cogente aliquem vivere ad arbitrium & usum alienum. Dixi *Usum*, ut distinguam civile imperium, quo cives aliquatenus, ad moderatoris quoque sui arbitrium, sed non ad usum seu utilitatem componuntur. Civile enim imperium spectat bonum subditorum, non solius regentis: ea enim notâ Aristoteles (quamvis nimis rigide) à tyranno regem distinguit. 3 At vero servi mancipantur alterius dominio, qua proprietatis & usus: ita enim in dominio, patrimonio, & usu domini, & in commercio publico erant, uti pecudes, ipsi cum sobole. 4

3 Polit. 8, cap. 10.

4 l. 1. ff ad l. Aquil.

Porro sicut libertas ita & servitus, quatenus cum libertate pugnat, triplex est, alia nimirum *Iuridica*, cujus definitionem proximè ex Florentino Jureconsulto retulimus, alia *Philosophica*, quam paulo ante ex Cicerone & Francisco Petrarcha descripsimus, alia denique *Politica*, quæ sub tyrannide reperitur. Secundum vero causas considerata alia est servitus à *natura*, alia à *fortuna*. Natura servi sunt, quibus (ut Philosophus loquitur) 5 melius est ut regantur, quàm ut regant. Ad quos etiam pertinet præclarum illud dictum Augustini: 6 *Non possunt stulti beatius vivere, quàm si serviant sapientibus*. Servi fortunâ sunt ii, quibus necessitatem parendi alteri casus imposuit.

5 lib. 1. Felix. cap. 4.

6 lib de util. creden. cap. 10.

Quidam neminem liberum esse existimaverunt, atque adeo etiam eos, qui metu pœnæ se cohibent, servos esse dixerunt, inter quos sic loquitur Euripides: 7

7 In Hecub. act 4.

*Heu non est quisquam liber mortalium!*

*Aut enim pecunia servus est, aut fortuna,*

*Aut multitudo civium, aut legum sanctio*

*Vetant, suo ne quis vivat arbitrio.*

Sed hæc nimis Stoica est opinio. Certum est (ut jam dixi) quod libertati non officiant leges, quæ vitam hominum ordinant.

#### §. I V.

#### *De prima Servitutis Origine.*

**P**eccatum sicut omnis calamitatis, ita & servitutis primus fons & origo fuit, id quod Franciscus Conanus 1 docet ex



Sancto Augustino, ex quo ista verba recitat. *Conditio servitutis jure intelligitur imposita peccatori. Proinde nusquam Scripturarum legimus servum, priusquam hoc vocabulo Noa jussu peccatum filii vindicaret.* 2 Historia hac de re Noæ in sacris literis scripta, satis est omnibus nota. In ea hoc ignotum plerisque, quod Chami filii sui delictum, non in Chamo, sed in Canaano ejus filio vindicavit, qui nihil ipse commiserat. Dicit enim; *Male dictus Canaan: servus servorum erit fratribus suis.* Sed hæc Noæ verba non male precantis sunt, sed divinantis, fore, ut Chamus ejusque filius & posterii serviant fratribus suis, quod & evenit. Expulsi enim sunt Cananæi à cæteris Israelitis Mose Duce, & inde Josua, qui quod à Canaano non à Chamo appellarentur, idcirco Noa nomen Canaanî usurpavit. Sed hæc obiter dicta sint.

2 De Civitate Dei lib. 20.

3 cap. 6. 35. distin.

Causam servitutis Sanctus Ambrosius ab eodem Noa, sed aliquanto remotius repetit. Nec enim à Chami delicto, sed ab ebrietate Noæ, quæ occasionem Chamo ad delinquendum obtulit. *Ante vinum, inquit, inventionem omnibus inconcussa manebat libertas, nemoque sciebat à consorte naturæ suæ obsequia servitutis exigere, nec esset hodie servitus, si ebrietas non fuisset.* 3 Ita quisque servitutis causam in id conatur derivare, quod maxime detestandum execrandumque esse arbitratur, quod ferè nihil servitute pejus oderint homines, & hac una ut se liberent, nihil non facturi esse videantur. Sed hujusmodi servitutis origo remota est, & de illa disputare magis est Theologorum, quam Politicorum.

#### S. V.

#### *De proximis causis Servitutis, & Servorum differentia.*

**P**rima causa servitutis est bellum. Jure enim gentium, in bello justo capti, in victoris veniunt potestatem, ut constat ex jure Romanorum. Plinius scribit Lacedæmonios servitutum excogitasse. Nam Dorienfes Laconicæ ditionis populi, Helotem urbem cum cepissent evertissentque, Helotes ipsos omnes in servitutem redegerunt. Ex quo factum est, ut quicunque Dorienfibus inde serviverunt, quanquam essent aliunde, Helotes, teste Pausania vocarentur. At & eisdem Lacedæmonios

nios



nios belli instrumenta reperisse dicunt, galeam, gladium & hastam, ut iidem sint servitutis, qui & armorum auctores. Initio generis humani eodem omnes, æquabilique jure vixerunt,

— — — — — cum frigida parvas  
Præberet spelunca domos, ignemque lavemque  
Et pecus & dominos communi clauderet umbra,

uti ait Juvenalis. Nullus tum illis servus fuit, sed pecora, boves præsertim, ser vorum loco fuerunt. Cujus aurei sæculi memoriam ut renovarent Romani, quotannis 14. Kalend. Januarii celebrabant Saturnalia, quibus erat servis ipsis rerum omnium licentia & par cum dominis potestas.

Altera servitutis causa est nascendi infelix conditio. Nati enim ex ancillis, illorum dominorum sunt servi, quorum & matres ancillæ.

Tertia causa est voluntaria suiipsius ad pretii participationem venditio, cum nimirum liber homo, major viginti annis, non ignarus sui status, ad pretium participandum se venundari patitur. 1 Idque jus Romanorum voluit, propter degenerem animum ejus, qui rem inæstimabilem pretio subjecerit, adeo ut ad libertatem proclamans non audiat, & manumissus non ingenuorum, sed libertinorum statum obtineat. Nec juvat hujusmodi hominem, quod legibus Romanis homo non sit in commercio, aut quod minor viginti quinque annis, ne bona quidem sua valide vendat, quin auxilio legis in integrum restituitur, vel etiam ipso jure ad ea se revocet. Non inquam juvat, quia non meretur legis favorem, qui lucrum præposuit libertati, qua indignus est, qui eam ita vilem habuit; imo quia se vilissimum animo ostendit. 2

1 leg. 5. §. 1.  
ff. de stat.  
homin.

Præter has fuerunt & aliæ servitutis causæ, Græcis pariter at Romanis usitatæ. Apud Athenienses decretum erat, ut contumax & ingratus servus libertate sub mancipio in posterum esset, eò quod libertate uti nescisset. Apud Romanos, si servus ex clementia domini libertate donatus, dominum suum detulisset, domino in servitutum restituebatur. 3 Vespasianus edicto statuerat, ut si libera mulier ita deperiret servum, ut dehortante domino non posset ab ejus consuetudine deterreri, rem suam simul & libertatem amitteret, ac amatoris conserva esse cogeretur. 4 Diocletianus & Maximianus Imperatores, cum

2 l. 9. §. 4. ff.  
de minoribus.

3 Val. Max.  
lib. 2. cap. 1.  
de Inst. antiqu.

4 Cod. de  
Claudio  
Senatusconsulto  
tollen.

propter



propter quorundam receptatorum perfidiam, comprehendere quosdam ex familia latronum non possent, jus fecerunt eorum perquisitoribus, ut quoscunque cepissent, pro servis suis uterentur. 5 Valentinianus Imperator in odium eorum, qui cum nullo corporis morbo laborarent, tamen suæ desidiæ & ignavix debilitatem prætexerent, atque mendicando victum quærerent, constituit, ut qui talem mendicum prodiderit, eum in servum suum accipiat, ac donec vivat, illum in colendo agro exerceat, ne ementita sua mendicatione aliis porro sit oneri. 6 Denique apud Hebræos liberam cujusque voluntatem causam servitutis fuisse, ex sacris literis perspicuum est, apud quos, si quis captus amore domini, septimo anno manumitti nollet, perpetuæ servituti addicebatur. 7 Tantundem quoque necessitatem famis apud Romanos potuisse, patet ex legibus. 8 Ea enim cogente, filii à parentibus venditi, servi fiebant ementium.

§ 1. 2. Cod. quib. ad lib. proci. non lic.

6 C. de Mend. valid.

7 Deuter. 15.

§ 1. 2. Cod. de patrib. qui fil. distrah.

Ad differentiam servorum quod attinet, ea inter illos, si jus inspiciamus, nulla est, 9 si vero officia, & ministeriorum ordinem, qui ex arbitrio dominorum pendet, multiplex reperitur. Ex quo alii sunt Adscriptitii, alii Ordinarii, alii Vicarii, alii Receptitii, item Mediastrini, Atrixenses, Hostiarii, Dispensatores, Actores, Saltuarii, Dietarii, Tabellarii, Aquarii, Jocarii, Topiarii, Villici, & sexcenti alii.

9 l. 5. §. 31. de inju.

*Adscriptitii* servi dicebantur coloni, qui glebæ, aut terræ alicui perpetuo colendæ, in libro censuali, vel publico judicio adscripti atque addicti erant, ut inde nunquam recessuri, dominis suis, quorum gleba fuit, annuos redditus, quantum ea ultra sumptus scenerari poterat, & proferre, penderent. Qui utcunque conditione liberi esse videri poterant, cum durum illud dominorum jugum, ut alia mancipia passi non fuerint, servi tamen existimabantur, & eorum erant numero, partim respectu glebæ aut terræ, cui perpetuo erant adscripti, partim dominorum consideratione, quorum dominio non secus quam servi subjiciebantur. Quæ enim differentia (inquit Justinianus) inter servos & adscriptitios intelligatur, cum uterque in domini sui potestate sit positus, & possit servum cum peculio manumittere, & adscriptitium cum terra domino suo expellere.

Præter Adscriptitios seu perpetuos colonos fuerunt alii

*Censiti*



*Censiti* nimirum & *Conditionales* coloni. *Censiti* annua pensione agros colebant, nec ita erant addicti agris colendis, sicut perpetui seu adscriptitii, sed donec solvebant dominis censum, de quo inter illos conventum fuit, agris quoque utebantur. *Conditionales* vero coloni tantum se ad certum temporis spatium agriculturæ obstringebant. Qui verò ex his, de quibus haecenus diximus, nascebantur, *Originarii* vocabantur, præter eos, qui ex perpetuis colonis procreabantur.

*Ordinarii* servi erant, qui dominos agnoscebant, & provinciam alicui præficebantur, in quorum labores alii suffecti atque subrogati, id quod emptione peculiari fieri licebat. 10 *Vicarii* appellabantur: qui licet in peculio fuerint *Ordinariorum*, tamen simul & in dominorum simul cum ordinariis manebant potestate.

10 L. Si cre-  
ditor §. de  
servis ff. de  
peculio.

*Receptitii* servi dicebantur auctore Gellio, 11 proprii uxorum, quos cum pecunia reliqua recipiebant, neque jungebant doti, sed sibi retinebant. Mulieres enim, quando viris dotem dabant, eosque illius dominos faciebant, tunc quæ ex suis bonis retinebant, neque ad viros trans mittebant, ea recipere dicebantur, hoc est excipere, ne in dominium maritorum cum reliqua dote venirent. Atque hinc est servorum *Receptitiorum* in hunc diem appellatio.

11 Lib. 17.  
cap. 6.

Servi *Mediastini* vocabantur vilissimi balnearum atque ædium ministri, quibus in mediis ædibus ad omnia obsequia præstito erant, nullo ordinario ministerio occupati. 12

Reliquorum servorum quænam fuerint officia aut conditio, facile constat ex ipsis illorum appellationibus. Et videri potest Simon Schardius, qui illa satis copiose in suo Lexico explicat.

12 Acron. ad  
illum Horatii  
Versum. Cum  
Mediastinis  
tacito pede  
jura petebat.

Cæterum de omnibus servis illud dici potest, quod quidam ex Philosophis de amicis principum dixit, eos nimirum similes esse calculis supputatoriis, qui parum aut multum valeant, prout ad superiores vel inferiores lineas tabulæ numulariæ transferuntur. Nam ipsi eo meliore sunt conditione, quo magis propitium quisque nactus est dominum.



## S. VI.

*De Rusticis regni Poloniae, vulgo Kmetonibus, utrum servi illi sint, an vero liberi homines?*

**S**I jus atque justitiam spectemus, certum est homines, de quibus hic agimus, nequaquam esse servos, sed liberos atque ingenuos cives, cum nec jure gentium, nec jure civili, legitima illorum servitus ostendi possit. Non bello capti, aut ex ancillis captivisque foeminis nati sunt, nec libera voluntate se ipsos ad pretii participationem vendiderunt, aut aliqua ex illis, quas proximè enumeravimus, causâ in servitutem venerunt.

Ab initio, sicut omnes homines, ita & Poloni pares omnino inter se fuerunt, principes non ex genere, sed ex virtutibus habuerunt, quorum cum justa fuerint, & utilia reipublicae imperia, consequens est ut nec contra illos subditi unquam bellum susceperint, in quo superati, servi victorum efficerentur, nec ipsi principes servitutem civibus suis imposuerint, cujus nullam causam habere potuerunt.

Quod si quis dixerit, posse principes propter suam dominantem libidinem subditis libertatem adimere, posse pro sua potestate alios ex illis evehere, alios deprimere, atque hoc ipsum circa rusticos Polonorum contigisse, quos principes noluerunt paribus esse conditionis cum nobilibus, aut liberis hominibus, utpote quos ad servitutem damnaverint: Si quis inquam ista aut istis similia dixerit, nihil contra rusticorum Polonorum libertatem adferet. Primo enim, neque plebs Polona unquam sub ejusmodi tyrannis fuit, neque si fuisset, plus libertatis suae amisisset, quam amittunt illi, qui à piratis aut latronibus capiuntur. Deinde licet potuerint principes bene meritis civibus conferre nobilitatem, non tantum in præmium virtutis eorum, sed etiam ex solo suo favore & liberalitate, non tamen poterant eos, qui nec in personam principis, nec in ipsam rempublicam peccarunt, servitute, poenâ gravissima, afficere, gravissima inquam, quia qui bene intelligunt, illam ipsâ morte graviores esse judicant. Denique aliud est cives non fieri nobiles, aliud fieri servos. Nam prius cum non lædat libertatem, nullam continet injuriam, posterius, si nimirum quis sine justa causa patitur



tiatur servitutem, non potest sine summa esse injustitia, quæ clamat in cælum, uti clamavit Ægyptiorum Hebræos injustâ servitute opprimentium, quorum libertatis ipse DEus vindex fuit gravissimus.

Porrò non tantum vi, sed etiam neque legibus latis possunt principes liberos suos subditos cogere ad servitutem, legibus contra id divinis, naturæ, & nationum clamantibus: Quia nullæ leges possunt legitimas facere injurias, quæ etiamli multis sæculis impunè fuerint in usu populorum, non possunt tamen justæ esse, aut in jus consuetudinarium transire.

Nec audiendi sunt hic, qui dicunt, nullam rusticis Poloniæ fieri injuriam, cum hæc non fiat volentibus, sed invitis, illos autem non esse invitos ostendit tam diuturna illorum patientia, qua jugum sibi dominantium perferunt. Non inquam audiendi sunt, quia non id sponte faciunt, sed coacti patiuntur, pati autem posse etiam invitos, quis non videt? Quod ergo tamdiu patiuntur, id gravitati servitutis tribuendum est, sub qua miseris hominibus ne vox quidem aut gemitus liber relictus est, atque ita non voluntatis illorum patientia est, sed duræ necessitatis, cum qua ne dii quidem (sicuti dicitur) pugnaverint.

Non audiendi similiter & illi, qui existimant rusticos Polonorum sponte sua se dominis suis subjecisse, atque inde Adscriptitiis Romanorum servis, de quibus paulò ante disseruimus, perquam similes esse. Certum enim est homines istos nullo modo se pro glebæ terræ in servitutem propriè dictam tradere dominis, sed potiùs inire cum iis Emphyteuseos aut locationis conductionis (ut vocant) contractum, aut aliquod aliud negotium non multum ab his diversum.

Servi Romanorum, quos ipsi Adscriptitios vocabant, etiam antequam agriculturæ essent addicti, servilis erant conditionis, & non ex libertate ad servitutem glebæ veniebant, sed duriorrem servitutem paulo mitiori mutabant. Liberum namque hominem in servitutem emere, aut quocunque modo inducere, & apud alias multas gentes non licuit, & apud Romanos vetitum fuit legibus.

Itaque, ut quod res est, & quod sentio dicam, eo loco & conditione rustici sunt nostri apud nos, quo fuerunt apud Roma-



nos Censiti, aut Conditionales Coloni, qui annua pensione (ut supra dictum est) agros colebant, iisque non sicut Adscripti erant addicti, sed quamdiu constitutum dominis census solvebant, tamdiu ex agris quoque illorum fructus percipiebant. Atque sic rusticos nostros esse liberos præter alia multa evincunt ipsa pacta, quæ illi cum dominis suis faciunt. Domini enim, certos illis certæque mensuræ agros, pro certis & definitis operis locant: rustici vicissim, certas pensiones, certasque operas dominis, pro agrorum cultura solvunt.

Non esse autem talibus agris rusticos perpetuo alligatos ostendit libertas regionum rusticorum, quibus quamdiu libet, tamdiu licet agros regiones colere. Rusticis nobilium, similem libertatem vis adimit dominica, non jus, quia ut dixi nullum jus esse potest, quod cum DEo, justitia, & pietate pugnat. Atque hæc secundum jus atque justitiam dicta sunt.

Jam vero si consideremus quid de facto miseri isti homines apud plurimos dominos patiantur, miserrime illos servire comperiemus, in quos non tantum domini, quorum illi agros colunt, vitæ necisque potestatem usurpant, sed etiam quivis nobilis, ut vult, ita invitas illorum grassatur, id quod externis etiam scriptoribus notum est. Ii (inquit Bodinus 2) quos Poloni Kmetonas appellant, acerbissima pati coguntur, cum ab omnibus levi decem aureorum multa occidi possint, à patronis verò impunè. Atque utinam tantum à patronis, & non etiam à quibusvis occiderentur isti homines, canibus nobilium infeliciores. Nam sæpe unius canis necem, multa humana capita, ô mores! luerunt. Possem plurima hujus rei exempla commemorare, sed nemo ita est in patria hospes, ut hæc ignoret, nemo adeo veritatis hostis, ut neget. Multa dicenda hic non dico. Duo tamen tacitus nullo modo præterire possum. Primum est, contra quod queritur Acacius Axelius de Gæxholm, 3 nimirum quod misera plebs malè tractetur à dominis, à quibus ita duris & multis exercetur operis, ut illa in aliquibus provinciis nihil habeat temporis, pro capitibus Christianæ religionis addiscendis. Singulæ septimanæ ita plerumque in operas distribui solent, ut coloni quinque aut sex dies negotiis dominorum impendant, diebus verò solis & festis res privatas curent, atque in sudore vultus laborent.

Alte-

2 Lib. 1. de  
Rep. cap. 5.

3 Thom. Lanf.  
Consult.  
de princ. in-  
ter Prov. Eu-  
rop.



Alterum est, quòd multi dominorum, per summum divi-  
 norum pariter ac humanorum jurium contemptum, jam per  
 triginta circiter annos intolerabilibus subditos suos exactioni-  
 bus consumant, atque exhauriant. Contractum cujusdam so-  
 cietatis cum rusticis suis commenti, singulis annis dimidium il-  
 los mellationis sibi pendere cogunt, viscera illis & animam e-  
 vellunt. DEus Optimus Maximus, coram quo par est conditio  
 omnium mortalium, quorum summus est ille parens & domi-  
 nus, ex amore quo diligit universos, & curâ quam habet de o-  
 mni sua creatura, volens dare ficeram mœrentibus,<sup>4</sup> & amaram  
 atque ingratam miseræ plebis vitam, dulcedine aliqua condire,  
 benedictionem illi de rore cœli dedit, & apes multiplicavit, quæ  
 in solatium & auxilium illius egestatis mel colligerent. Parent  
 voluntati Divinæ ratione carentes bestiolæ, jussu diligentissi-  
 me exequuntur, ceris atque melle rusticorum alvearia replent.  
 Hanc benedictionem divinam invidens miseris humana avari-  
 tia, contractum ut dixi melleæ societatis commenta est, ut spe-  
 cioso nomine juris crepti mellis injuria velaretur.

<sup>4</sup> Proverb.  
31.

Verum si quis omiſſis vocabulis rem ipsam introspexerit, fa-  
 cile videbit, inter rusticos nostros, & dominos illorum mel exi-  
 gentes, nequaquam esse societatem, quæ (uti eam leges defi-  
 niunt) est contractus consensu initus, quo inter duos pluresve  
 res atque operæ circa lucrum & damnum communicantur. §  
 Juxta quàm definitionem in primis constat, non posse ibi esse  
 contractum societatis, ubi non sit mutuus contrahentium in  
 idem consensus, qui cum in omnibus negotiis & pactis sit ne-  
 cessarius, tum maxime in societate, quæ non tantum initur, sed  
 etiam conservatur mutua contrahentium voluntate. At verò  
 quis tam infans fuerit, qui nesciat, rusticos nostros summè in-  
 vitos mel dominis suis pendere, & metu in viros constantes  
 cadente coactos. Hinc vero sequitur, injustè dominos, & cum  
 summa pauperum hominum injuriâ atque oppressione, illud ab  
 eis extorquere.

§ 1. Instit.  
de Societate.

Deinde eadem descriptione ostenditur, non aliter posse so-  
 cios secum coire societatem, quàm si res atque operæ circa lu-  
 crum ac damnum utrinque sint communes: alioqui esset con-  
 ventio omnino societati contraria, quàm merito & leges dete-  
 stantur, & Jureconsulti leoninam appellant. 6 Quæro jam, quas

6 l. 29. §. ult.  
ff. de Societ.



res, aut quas operas domini cum rusticis suis in commune conferunt, ut commune cum illis mellis lucrum accipiant? Nullas penitus. Non alvearia, non apes, non operas, nisi forte numerare velint operas, parati jam mellis mensurandi, & auferendi. Alvearia pauperes homines propria pecunia comparant, apes, aut pretio, aut dono DEi acquirunt, atque circa illas soli eidem ipsi laborant, dominis in utramvis aurem dormientibus.

Atque hac ratione ex legibus petita, cum aliquando disputando premerem quendam Theologastrum, qui & ipse in mel alienum fucus erat, & exactionem mellis contractu societatis pertinaciter propugnabat, vim veritatis sustinere non valens, alio confugebat, dicebatque apes non tantum esse rusticorum, sed etiam dominorum, imo magis horum, quia in eorum agris, pratis ac sylvis plerumque earum examina à rusticis capiuntur.

Hoc autem, quàm ineptum & frivolum sit, quis non videt? Inprimis enim rarissimæ sunt apes apud rusticos, ex captura. Ferre enim omnes ex pretio habent & fœtura, qua de re parum solliciti domini mel ab omnibus sine discrimine accipiunt. Et ut demus apes rusticorum omnes primò captura esse acquisitas, & postea alias ab illis propagatas, quomodo certi possunt esse domini, eas primas, in ipsorum omnino, & non aliorum pratis aut sylvis esse captas? Incerto autem jure certum sibi aliquid vendicare, non modo temerarium coram prudentibus hominibus, sed & coram Deo injustum est. Ad hæc, etiamsi in pratis aut sylvis dominorum, mel sibi à rusticis vendicantium, apes captæ essent, nondum domini, aut ad apes ipsas, aut ad mel, illarum fructus, jus aliquod habere possent, cum id quod capitur, ut capienti, & non illi in cujus fundo capitur, acquiratur, juris gentium sit constitutio. *Fera* (inquit Imperator Justinianus 7) *bestia, & volucres, & pisces, & omnia animalia, quæ mari, cælo, & terra nascuntur, simulatque ab aliquo capta fuerint, jure gentium statim illius esse incipiunt. Quod enim ante nullius est, id naturali ratione occupanti conceditur. Nec interest, feras bestias & volucres utrum in suo fundo quis capiat, an in alieno. Plane qui alienum fundum ingreditur venandi aut occupandi gratia, potest à domino, si is præviderit, prohiberi, ne ingrediatur. Quidquid autem eorum ceperis, eousque tuum esse intelligitur, donec tua custodia coercetur, cum vero tuam evaserit custodiam & in libertatem naturalem sese receperit*

7 §. Fera  
gitur bestia  
Inst. de rerum  
divit.



ceperit, tuum esse desinit, & rursus occupantis fit. Naturalem autem libertatem recipere intelligitur, cum vel oculos tuos effugerit, vel ita sit in conspectu tuo, ut difficilis sit ejus persecutio. Ita Justinianus de captura in universum, qui & de apibus paulo infra his verbis explicat jus gentium. Apum quoque fera natura est. itaque apes qua in arbore tua confederint, antequam à te alveo includantur, non magis tuæ intelliguntur esse, quam volucres, qua in arbore tua nidum fecerint: ideoque si alius eas incluserit, is earum dominus erit. Favos quoque si quos effecerint, eximere quilibet potest. Plane integra re, si prævideris ingredientem fundum tuum, poteris eo jure prohibere, ne ingrediat. Examen quoque quod ex alveo tuo evolaverit, eo usque intelligitur esse tuum, donec in conspectu tuo est, nec difficilis persecutio ejus est, alioquin occupantis fit. 8

8 §. Apum  
ibid.

Nec dicere quis potest, rusticos nostros à dominis suis esse prohibitos, ne apes in illorum fundis capiant, aut non alia conditione, quàm ut communi cum illis fructu. Nam hæc prohibitio aut pactum nunquam in rerum natura extitit, & ut maximè extitisset, cassà viribus esset. Nam ut rectè advertit Soarius: 9 Fera errans in fundo alicujus, quamdiu non est conclusa, manet in libertate naturali, 10 ideoque quo minus cedat occupanti, non efficit fundi domini prohibitio. Quamvis enim potest esse in ingressu fundi delictum, illud tamen non est earum virium, ut propter illud non sit captura capientis. Sicut delictum Vagæ libidinis, non efficit ut filii illegitimè nati, non sint parentum suorum filii. Denique sicut leges ita & prohibitiones ut sint justæ, dirigi ad publicum bonum, non ad privatam utilitatem potentiorum debent. 11

9 In Verbo  
Venatio.  
10 §. 6. ibid.

Alii qui ad negotium Societatis mellis exactionem non posse trahi videbant, consuetudine illam, præscriptione, & usufructu defendunt. Sed hi nesciunt, eam demum consuetudinem vim legis obtinere, quæ cum ratione congruit, communis legum parente, 12 pravarum vero rerum usum, non consuetudinem, sed corruptelam esse, cum Theologis & Jurisperitis res ipsa clamat. Porro illud cum ratione congruit, quod cum illà, cum æquitate naturali, & cum lege divina non pugnat. Sanè qui incorruptè judicat, exactionem mellis esse contra naturæ institutum, & legem Dei pronuntiabit. Lex enim Dei vetat injurias, pauperum oppressionem, & omnem injustitiam. Si-

11 Plat. 1. de  
rep.

12 1. 2. Cod.  
que sit. long.  
consuet.



13 Matthæi

25.

14 2. Thessal.

30.

militer jus naturæ non vult, ut quis alienis damnis sua commoda promoveat, ut metat ubi non seminavit, 13 ut manducet qui non operatur, 14 adeo ut ipsæ apiculæ juris istius peritæ jure hoc bona sua tueantur, quæ

— — — — — *Agmine denso*

15 Lib 4. Georgic.

*Ignavum fucos pecus à præsepibus arcent.* 15

Sicut autem consuetudo, ita & usucapio non tollit illam mellis injuriam. Ut enim usucapione dominium alicujus rei acquiratur, inter alia quæ ad id jura requirunt, necesse est ut ea res titulo aliquo ad acquirendum dominium idoneo, & bona fide veniat in possessionem, vel quasi possessionem illius, qui usucapione vel præscriptione se tuetur. Titulus est, per quem indicatur aliqua possidendi legitima causa, sufficiens ad dominium acquirendum, vel jure naturali, vel civili, à tuendo dictus, quod factum tutoris tueatur, indicans veritatem cujuslibet rei, & tales sunt omnes modi, quibus rerum dominia vel naturali jure, vel civili, acquiruntur, ut eleganter tradidit Oldendorpius: 16 Bona fides autem est sincera illæque conscientia, unumquemque certò excusans, de ignorantia rei alienæ, quam vel tradit alteri, vel accipit ab alio. Atque ita tum dicitur usucapiens habere bonam fidem, quando nescit rem esse alienam.

16 Tractat. de usucap. & Præscriptione.

17 Mynsing. Instit. de Usucap. Num. 16. in rubricam,

17 In præsentī vero negotio nullus est qui possit dicere, se tali titulo ac tali fide mel annuum à colonis percipere. Nam & titulus ejusmodi nullus omnino excogitari potest, & bona fides sine ignorantia rei alienæ non consistit. Quis autem est, qui credat, illum rem ignorare esse alienam, qui eam scit non esse suam.

Sunt præterea, qui non contractum quidem societatis, neque consuetudinem, aut usucapionem, sed colorem cujusdam tributī, pro hac mellis pensione afferunt. Verum cum tributum publica æraria respiciat, non potest à privatis dominis imperari: qua etiam de causa in regno Poloniæ non prius nobiles subditos suos ad illud solvendum compellunt, quam in comitiis publicis fuerit imperatum. Deinde tributa imperare pertinet ad jura Majestatis, quibus etsi possit præjudicare contraria consuetudo, illam tamen ita antiquam esse necesse est, ut ejus origo memoriam hominum excedat. 18 Ante tantos enim annos nec locum in jure habet, nec conscientiam coram DEO à peccato excusat.

18 Gail. observ. 1. Num. 4.

Ex



Ex his facile quisvis perspicere potest, mellis exactionem de qua hucusque diximus, non tantum contra DEum, & contra jus gentium esse, sed etiam rumpere humanitatis fœdera, illosque qui hoc solatium pauperum auferunt, iis esse similes, qui poculum tormenta passuris eripiunt. Contra quam crudelitatem (nam inhumanitatis verbum leve est) non tantum ego modo stringo stylum, sed ante me multi in sacris concionibus strinxerunt gladium spiritus (quod est verbum Dei, 19) in quibus tamdiu ecclesiastæ clamaverunt, donec alii quidem rauci facti sunt, aliis verò mel alienum os obturavit.

1, Ephes. 6.

## §. VII.

*De Potestate Dominorum in Servos.*

**O**Riginem & causas & naturam servitutis proximè explicimus: nunc de effectu illius, ac dominorum in servos potestate, differemus.

Tam misera est servorum conditio, ut in eos fuerit dominis potestas vitæ & necis, sub quibus ita vivebant, ut ne hominibus quidem essent ascribendi. Servus enim secundum servitutis suæ conditionem consideratus jure civili nihil habet hominis, sed instar pecudis est, rei familiaris & dominicæ instrumentum, uti scribit Aristoteles in sua politia. 1 *Instrumenta*, inquit, *alia sunt inanima, alia animata. Gubernatori clavus, tanquam minister inanimatus, qui proram regit, animatum instrumentum. Minister enim in omnibus artibus gerit speciem instrumenti. Sic opes erunt vitæ degendæ instrumenta, quod sine illis aut nullo modo, aut non satis commodè vivi potest, quarum universarum nostra est possessio. Servus similiter animatum quoddam est, possidetur tamen à nobis, estque ut minister omnis in rebus nostris præstantissimum instrumentum. Itaque ratio ea est rerum possessorum ad dominum, quæ partium ad totum. At pars (ut argumentatur ex Aristotele Conanus 2) non solum alterius est pars, id est totius, sed est omnino alterius: & ut planius dicam, non in toto solum est, sed etiam totius, & tota tanquam habetur à suo toto. Contra, totum suæ quidem partis totum est, eamque totam continet, at ab ea non continetur. Ita res quam possidemus, non modo pars est domini nostri, verum etiam omnino est nostra, quoniam ejus domini sumus, eamque possidemus, non ea nos. Quæ ratione dominus,*

Lib. 1.

2 Comment.  
Jur. Civ. lib.  
2, cap. 2.



dominus, servi quidem dominus est, non autem servi est, at servus & domini servus est, & totus domini, quia non tantum ut servus sed ut qualibet alia res patrimonii, totus & in omnem partem tenetur, possideturque à Domino. Quicumque verò ab alio possidetur, si jus civile spectemus, ne homo quidem est, sed tanquam possessio quædam, similitudinem gerit instrumenti separati, & ad agendum idonei. Quibus consequens est, servum nihil sibi quærere, possidere, agere, sed domino, cujus pars quædam est & accessio, sic ut unus & idem esse videatur. Itaque tametsi nemo queat alteri quærere aut stipulari, tamen utrumque potest pro domino servus, quia tam videtur dominus per seipsum id fecisse, quod servus fecit. Et hæc causa fuit ( ut idem Conanus 3 advertit ) cur apud Romanos scribarum & notariorum munus servis mandaretur, non quod illud existimarent libero homine indignum esse, ut quidam volunt, sed quod illorum jure non licuit per liberas personas quærere, sed per eos tantum, qui sunt in nostra potestate, sic tamen ut nec filii familias aliis quam patribus, nec servi nisi dominis suis possint acquirere. Quod & occasionem dedit servorum publicorum. Cum enim sæpe eveniret, ut pro absentibus, aut pupillis, aut reipublicæ nomine aliquid stipulari aut transigere oporteret, quod non per alium potest, melius, quam per eum ipsum fieri, qui contractibus & actis publica scribendis adhibetur, huic muneri servum præfecerunt, non unius aut alterius proprium, sed omnium & singulorum communem & publicum, ut pro omnibus & singulis stipulari & acquirere jure posset. Justinianus servum notarium vocat, cum tractat de communi servo manumittendo, Tacitus actorem publicum. Ejus verba sunt: Mancipari singulos actori publico jubet, scilicet ut in Libonem ex servis Senatusconsulto quæreretur. 4 Suetonius actuarium. Quam orationem inquit non immerito Augustus existimat, magis ab actuariis acceptam, male subsequentibus verba dicentis, quam ab ipso editam. 5 Utrumque nomen ab actis ductum, quibus scribendis dabant operam. Jurisconsultis dicitur servus publicus. Ulpianus si pupillus, inquit, absens sit, vel fari non possit, servus ejus stipulabitur, si servum non habeat, servus ei emendus est, sed si non sit unde ematur, aut si non sit expedita emptio, profecto dicemus servum publicum apud prætorem stipulari debere.

3 Ibidem.

4 Lib. 2.

5 In Julio.

61. r. ff. rem. re. 6  
pupil. Salu.  
iore.

test



test tutoris ipsius auctoritas, itaque per servum id transigere oportet. Similiter & arrogator pupillo, quem sibi arrogat, apud servum cavere debet, se restitutum bona pupilli, & si servum pupillus non habeat, necesse est servum publicum intervenire. Hinc Marcellus Jurisconsultus respondit. Non aliter voluntati ejus, qui arrogare pupillum volet, subscribendum erit, quàm si caverit servo publico se restitutum bona ejus.

Tantæ dominorum in servos potestatis duplicem assignant rationem Jureconsulti. 7 Quod hostili bello semel captos hostium eos numero semper habere justum videretur, & pari cum iis jure agere. Hinc illud: Quot habemus domi servos tot hostes, quo significatur, non mirum videri debere servorum in dominos odium, qui hostes ipsi sunt, aut ab hostibus nati. Sed ea ratio est vel maxima, quod in possessionibus domini servus annumeratur, cujus est omnium actionum minister, & rerum gerendarum quærendarumque instrumentum. Itaque quod de asino, bove, equo, & alia re sua potest dominus, id ei concessum erat in servo ut posset.

Atque hæc potestas præcorum dominorum in vitas servorum, quia nimis dura fuit, sensim restricta est, maxime postquam ad unum summa rerum delata est. Nam cum statuarum principum asylum omnibus aperuissent, servis quoque jus datum est ad eas confugiendi, ut testatur Seneca, cujus verba ista sunt: *Servis ad statuarum licet confugere, cum in servos omnia liceant.* 8 Et Tacitus: *Incedebat, inquit, terribilissimo cuique licentia impune probra & invidiam in bonos excitandi arrepta imagine Caesaris, libertique etiam ac servi patrono vel domino, cum voces, cum manus intentarent, ultro metuebantur.* 9 Dum enim ibi erant, nec eos verberare, nec illinc invitos abstrahere licuit, sed si recesserant sua voluntate, recidebant in dominorum potestatem non quod asylum auctoritas dominos privaret suo jure, sed tantisper ipsis adimeret in servos pro suo jure animadvertendi facultatem. Hinc de querelis servorum cognitio suam habuit originem, cum ii olim frustra quererentur. Nulli non audita est Vedii Pollionis crudelitas, qui servos suos ob minimum delictum, in vivaria murænarum immergebat apud quem cum cœnaret Augustus, & servus quidam, quod crystallinum fregisset, ad solitum illud supplicium traheretur, prohibuit Augustus, neque tamen in

7 Conan.  
Comment.  
Jur. Civil.  
lib. 2. cap. 2.  
Num. 3.

8 Lib. 1. de  
Clem.

9 Lib. 3.



Pollionem quicquam acerbius statuit, quam quod iussit crystal-  
lina omnia frangi, & piscinas opplere terrâ. 10

10 Senec. lib.  
de ira.

De iudicio servilium querelarum extat locus insignis apud

11 Lib. 3. de  
benefic.

Senecam. 11 *Inter se, inquit, contraria sunt beneficium & injuria.*

*Potest dare beneficium domino servus, si à domino injuriam potest accipere. Atqui de injuriis dominorum in servos qui audiatur, positus est, qui & servitiam & libidinem & in præbendis ad victum necessariis avaritiam compescat. Quid ergo? Beneficium dominus à servo accipit? imò verò homo ab homine. Est & Divi Pii de eodem iudicio rescriptum hujusmodi. Dominorum quidem potestatem in servos suos illibatam esse oportet, neque cuiquam hominum jus suum detrabi: sed dominorum interest, ne auxilium contra servitiam vel famem vel*

12 l. si domi-  
nus. De iis  
qui sunt sui  
vel alieni ju-  
ris.

*intolerabilem injuriam denegetur in, qui iuste deprecantur. 12 Non interest dominorum, quorum de injuriis agitur, sed universè omnium, qui servos habent, interest, ut qui dominica potestate nimium licenter abutuntur, reprimantur: ut interest senatorum, si quis eorum quid deliquerit, senatoria exuatur dignitate, aut alia poena afficiatur quod id ad totius ordinis estimationem pertineat. 13 Servus tamen dominum de injuriis sibi ab eo illatis in jus vocare non poterat, sed tantum licentiam habuit confugiendi ad statuum principis, tanquam ad profugii locum, tum partes erant proconsulis, aut præsidis provinciae, cognoscere de querelis servi. Sic enim Divus Pius subjungit: Ideoque cognosce de querelis eorum, qui ex familia Iulii Sabini ad statuum confugerunt, & si vel durius habitos, quam æquum est, vel infami injuria affectos cognoveris, venire jube, ita ut in potestatem domini non revertantur. Qui si mea constitutioni fraudem fecerit, sciat me hoc admissum severius executurum.*

23 Conan.  
Comm. Jur.  
Civ. lib. 2.  
cap. 2. à  
num. 6. ad 7.

Sed etsi magna erat atrocitas injuriæ, non solum jure suo privabantur domini, ut in superiori rescripto statuitur, sed alia præterea poenâ nonnunquam afficiebantur, ut ex alio Divi Adriani decreto, quod subjungit Ulpianus, demonstratur: Divus etiam Adrianus inquit Umbriciam quandam matronam in quinquennium relegavit, quod ex levissimis causis ancillas atrocissime traxisset. Igitur (ut recte docet idem Conanus) hoc unum erat servis concessum, ut vel apud principem, vel ad ejus statuum possent de dominis suis conqueri, accusandi eos, aut in jus vocandi nullam habuere facultatem. Itaque accidebat, ut occidi

sine



sine causa possent impunè, quos verberare, aut pulsare non licebat. Nam post mortem non erat lamentandi locus. Cui malo ut occurreret Adrianus, prohibuit servos à dominis occidi, ut est apud Spartianum, & si quid commisissent, iudicium ut esset notio, statuit. Quod sic accipiendum est, ut occisi servi causa iudici probanda fuerit, non quod non licuerit domino servum merentem occidere, non expectata iudicis auctoritate, quod Cajus Jurisconsultus non obscure significat, dum dicit: *Igitur in potestate sunt servi dominorum: quæ quidem potestas iuris gentium est. Nam apud omnes peraquè gentes animadvertere possumus, dominis in servos vitæ necisque potestatem fuisse: & quodcumque per servum acquiritur, id domino acquiritur. Sed & hoc tempore multis hominibus, qui sub imperio Romano sunt, licet supra modum & sine causa legibus cognita in servos suos scire.* 14 Quibus verbis Cajus innuit, licuisse dominis servos necare, & quodvis sibi ius in eos statuere, dum id ea causa fecissent, quæ legibus probari posset. Quod etiam constitutio sequens apertissime demonstrat, de qua subjicit Cajus: Nam & constitutione Divi Pii Antonini, qui sine causa servum suum occiderit, non minus puniri jubetur quam qui alienum servum occiderit.

14 l. 1. §. Igitur ff. de his qui sui vel alieni juris sunt.

Sed & major asperitas dominorum ejusdem principis constitutione coercetur. Nusquam autem prohibetur dominus servum iusta de causa occidere, aut quo velit alio supplicio afficere.

Cæterum hoc jus vitæ & necis in servos non usque eò dilatandum fuit, ut quod ipsis dominis per se facere permittetur, id ut eis liceret ad exemplum pænæ publicæ per tortorem efficere. Nam quæ isto modo pænæ publicæ imponitur, à iudicis auctoritate venire debet, cujus etiam cognitionem questionemque oportet antecedere. Quapropter quod pro sua potestate domini constituunt in servos, id privatim exequi debent ipsi per se: Sin in eis quærunt exemplum pænæ legitimæ & civilis, accedat oportet iudicium auctoritas, & cognitio. Servo inquit Modestinus *sine iudice ad bestias dato, non solum qui venderit pænâ, verum & qui comparaverit, tenebitur. Post legem Petroniam, & Senatusconsulta ad eam legem pertinentia, dominis potestas ablata est, ad bestias depugnandas suo arbitrio servos tradere. Oblato tamen iudici servo, si iusta sit domini querela, sic pænâ tradetur.* 15

15 Circumcidere Ad legem Juliam de Sicariis.



Quod de hac pœna idem jus fuit in cæteris publicis suppliciis, sed de bestiis nominatim lex Petronia facta est, quod pugnandi causa emerentur frequenter servi innocentes, & nihil tale meriti, sed quos avaritia adducti domini, libenter huic pœnæ generi offerrent. Nam de aliis suppliciis nihil cavendum fuit, quia nulla causa esset, cur eos domini publicè affici vellent, cum inde sibi nullum veniret lucrum.

Porro quod concessum fuit dominis morte servos afficere, vel sine causa, quos tamen durius tractare sine causa non poterant, mirandum non est, & prius de injuriis servorum permiffam quæstionem, quam de occisione eorum. Nec enim verissimile erat, de servorum nece cogituros quicquam dominos, sine magna aliqua ratione, quod id futurum eis esset damnosum: & si moribus servorum offendeabantur, poterant eos vendere, & pretio frui. Quia tamen & in hoc quoque genere multa peccabantur, primus Adrianus constituit, ut de morte servi, quem dominus occidisset, cognosceretur. Sed non propterea adempta est potestas dominis de servorum delictis cognoscendi, statuendique arbitrato suo, dum ne modum in eo excederent. Quod & ex iis quæ supra dicta sunt perspicuum est, & ex Imperatoris Constantini de emendatione servorum rescripto, quod hujusmodi est. *Si virgis aut loris dominus servum afflixerit, aut custodiæ causa in vincula conjecerit, dierum distinctione, sive interpretatione depulsa, nullum criminis metum servo mortuo sustineat. Nec verò immoderate suo jure utatur, sed tunc reus homicidii sit, si voluntate eum, ictu fustis aut lapidis occiderit.* 16 Igitur si delictum fuisse dignum morte multavit dominus, reus est homicidii, nisi imprudens hoc fecerit, ut si ictu fustis servus intereat, domino castigare eum, non vero occidere volente, servi autem solebant virgis & flagellis cædi, eratque hæc pœna eorum propria.

Potestas igitur dominorum in servos hujusmodi est, de qua constitutiones, quæ facultatem dedere servis adversus dominorum sævitiam quærendi, nihil detraxerunt, sed illam humanitatis & justitiæ finibus continere voluerunt, ut ne quando posset ad nimiam crudelitatem erumpere. 17

167. Conan.  
Comment.  
Jur. Civ. lib.  
2. cap. 2.  
à num. 8.



## S. VIII.

*Quam dura est conditio Servitutis.*

**E**T si hoc ex proximè dictis satis poterat intelligi, hic tamen clariùs adhuc aliqua, ad ea quæ diximus, adjiciemus. Quæstioni non alii melius, quàm qui in servitute fuerunt, responderint. Quis nesciat, quid illa Troiana captiva apud Senecam dixerit? *Durum, inquit, invisum & grave est servitia ferre.* <sup>1. Troad. Act. 4.</sup> Quis nesciat, quomodo servitutem morte acerbiorẽ judicans apud Maronem queratur, dum dicit:

*O felix ante alias Priameia virgo  
Hostilem ad tumultum Troia sub mœnibus altis  
Iussa mori, quæ sortitus non pertulit ullos,  
Nec Victoris heri tetigit captiva cubile:  
Nos patriâ incensa, diversa per æquora vecta  
Stirpis Achilleæ fastus, juvenemque superbum  
Servitio enixè tulimus: 2 — — — —*

2 Aeneid. 3.

Atque hic questus cum sit mulieris contra herum amantem, facile est jam cogitare, quam durum est viro esse sub jugo domini sævientis. *O extrema, inquit Innocentius, conditio servitutis! Natura liberos genuit, sed fortuna servos constituit, servus cogitur pati, & nemo finitur compati, dolere compellitur, & nemo condolere permittitur.* <sup>3</sup> Hinc potior Romanis fuit periculosa libertas quicquid servitute: <sup>4</sup> hinc Ciceroni mors eadem levior visa est: <sup>5</sup> hinc omnes gentes ultimam esse in malis illam judicarunt. Si quis vellet omnia colligere, quæ pertulerunt, & in servitute miseri homines perferunt, vix infinita caperent volumina. Retuli proximè Vedium Pollionem, qui servos pro levissimis peccatis in piscinas murænarum, quæ humanis carnibus saginabantur, damnabat. Summa hæc ejus crudelitas videri potuisset, nisi major fuisset. Quinti Flamini Senatoris Romani, qui servum non aliam ob causam necari jussit, quam ut Cynædo gratificaretur, eique morem gereret, qui hominem occidi spectaculi causa cupiebat.

3 De Vit. cond. humana.

4 Sallust.

5 Philipp. 10.



*Utrum Servitus justa sit, & Christianis licita?*

**Q**Uæstio hæc illorum est, qui dubitant, jure naturæ, divino, aut humano probari, ut alius alio melioris sit conditionis ac juris. Nam cum natura pariter nos eadem lege in hanc vitam producat, æquum esse videtur, ut nemo alteri præferatur, sed omnes eadem lege utantur. Lex vero divina maximè Christianis per Apostolum promulgata, apertè (ut videtur) tollit servitutem. Sic enim loquitur Apostolus ad Galatas. *Quicumque in Christo baptizati estis, Christum induistis: Non est Iudeus, neque Græcus, non est servus, neque liber, non est masculus, neque fœmina. Omnes enim vos unum estis in Christo IESU.* 1 Præterea Imperator quoque ultimum supplicium minatur Judæis, & Hæreticis, qui Christianum mancipium possideant. Proinde nullo jure probari videtur ista inæqualitas personarum, quâ homo hominis potestati subjicitur. Addo ad legem divinam posse etiam referri, id quod de inæqualitate personarum dixit Sanctus Augustinus. *Rationalem, inquit, factum ad imaginem suam, noluit DEUS nisi irrationalibus dominari, non autem homines homini. Inde primi iusti pastores pecorum magis quam reges hominum constituti.* 2 Et universim vulgata est regula, quod par in parem non habeat imperium. Hinc quidam contendebant, quemadmodum DEUS cæteris animantibus præfecit hominem tanquam præstantiorem naturam, ita ejus exemplo nos quoque debere DEO tanquam excellentiori naturæ relinquere in homines imperium, & non id contra naturalem libertatem, cum qua omnes nascimur, inter nos affectare, aut nobis id vindicare. Itaque Jurisconsulti summè servitutem averfati modis omnibus pro libertate pugnandum esse putant, & illa, quæ sive in legibus, sive in testamentis, sive in pactis conventis, sive in rebus judicatis obscura vel ambigua videntur, pro libertate sic interpretantur, ut nec legibus, nec testamentis locum ullum relinquunt. Quod si tanta tamque perspicua vis est legum, ut ab iis discedi non possit, sibi tamen acerbiter illarum legum, displicuisse testantur. 3

2 De Civitate Dei lib. 20.

3 Podinus de repub. lib. 1. cap. 5.

Contra Aristoteli servitus naturæ congruere visa est. *Videmus*



mus, inquit, alios quidem ad imperium, alios ad obsequium esse natos. Quæ Philosophi sententia adeo quibusdam potentioribus grata est, ut illa ad humilis plebis oppressionem abutantur. Nec desunt argumenta, quæ innuant servitutem naturæ esse consentaneam, ut quod illa ab ipsis orbis incunabulis, nimirum post aquarum eluviones ac voragines, ortum habuisse videatur, nec prius reipublicæ quam servitia constitui cœperint, ac tamen si trecentos circiter aut quadringentos annos intermissa fuerit, <sup>Idem Bodinus ibidem.</sup> nunc tamen omnium fermè populorum summa consensione probetur. Hæc autem diuturnitas non potest nisi naturæ viribus niti, cum ea quæ cum natura discrepant non durent, & vi coacta facile ad ingenium redeant. Verisimile quoque non est omnes ubique populos ac nationes, tot reges ac principes, tam multos legumlatores, virtute rerumque gerendarum usu clarissimos, servitia tanta consensione suscepturos fuisse, si cum ratione ac natura pugnarent. Jam vero quid magis rationi ac humanitati est consentaneum, quam eos, quos iusto bello ceperis, parta victoriâ servare, iis etiam victum ac vestitum suppeditare, summaque caritate fovere, ac pro tantis beneficiis obsequium & operas exigere? Num æquius illud est, quàm captivos crudeliter mactare? Etenim quicumque bellum aliis iniuste inferunt, qui alterius bonis vitæ & libertati insidiantur, iuste per divinas ac humanas leges à victoribus occiduntur: inter quos, etiamsi aliqui principes ac reges seipsos ferant, verius tamen est, ut in latronum numerum censeantur. <sup>Idem Bodinus.</sup> Non videtur igitur alienum à natura esse, ut plagarii, qui alios iniquè in servitutem abducere armis tentaverunt, ipsi pœnæ servi efficiantur. Denique si contra naturam est, aliis in alios vitæ atque necis arbitrium tribui, nulla imperia, nullum regnum, nulli principatus, non contra naturam erunt, cum regibus ipsis ac principibus idem sit in cives ac liberos homines vitæ ac necis imperium, (si capitale fraudem admittant) quæ dominis in mancipia.

Hæc atque his similia multa sunt apud Bodinum, quæ quamvis eidem Bodino non tantum probabilia, sed etiam quodammodo ad assentiendum necessaria esse videntur, ipse tamen late contra ea disputat. Sed maxima lis de verbis, in re autem non multum est dissidii, ut constat ex sententia ejusdem Bodini, qui  
sic



sic loquitur. Servitutem ego natura consentaneam arbitror, si robustus homo ac dives, rerum gerendarum ignarus, ac prudentia expertus, inferviat sapienti, qui egestate, inopia, corporisve imbecillitate, quominus labores ferre possit, impediatur: sed quid natura magis alienum, quam stultis servire sapientes, virum bonum scelerato, homines eruditos ignaris? Nisi quis justum putet servire stulto principi sapientem servatorem, in sano ac luxu disfluente domino servum sobrium ac temperantem. At qui bello injusto captivos servare humanitatis esse putant, consimiliter faciunt, ut latrones ac piratae, qui se vitam iis dedisse jactant, quibus non ademerunt. Nam sapissime usu venit, ut bello injusto, cujusmodi fere sunt omnia, quae à potentioribus inferuntur, optimi quique viri sceleratis miserrimè ac turpiter servire cogantur. Quod si bellum à latronibus, qui se reges ferunt, injustè illatum est, cur victi non caduntur, cur capti ad merita supplicia non trahuntur? Quod verò nihil diuturnum videatur, quod natura sit alienum, id quidem admitto in iis, quae natura sponte, aut nutu divino, non hominum arbitrio ac voluntate reguntur: at homini voluntatem DEUS omni necessitate solutam indidit. Sed homines jam pridem à recto naturae cursu deflexerunt: ac tanta vis est opinionis depravatae, ut legis habeat auctoritatem, ac naturam potentius dominetur: nulla enim ferè tanta impietas est, nullum tantum scelus, quod virtutis non induat nomen. Vnum hoc sit argumentum, quod nulla gens est, nulla natio, quae humanis sacrificiis, quibus adhuc Perusani ac Brasiliiani utuntur, fictos hominum opinione DEOS olim placari non putarint. Et quidem summa religione majorum nostrorum ad ejusmodi sacrificia concursus fiebat. Eadem pietate & caritate parentes olim senio fractos in Thracum regione à liberis occidi, & iis epulari consuevisse legimus, ne scilicet languerent morbi diuturnitate, ac mortui vermium esca fierent. Neque majoribus nostris solum humanas hostias sacrificare moris erat, quod ab illis factum est usque ad Tiberii dominatum, sed etiam Amorreis & Ammonitis filios mactare usitatum fuit. Neque tantum barbaris ut Scythis omnibus solenne fuisse Plutarchus tradit, sed etiam Graecis, in quibus non modo fuit, sed à quibus ad omnes populos humanitas pervasit. Nam Achilles apud Homerum Patroclo humana cade parentavit: Themistocles ipse bello Persico tribus, rex Persarum eodem tempore duodecim hominibus, fecerunt. Nec Iuppiter Licius aliter, quam in humana cade placari potuisse dicitur, ambiguitate veteris oraculi ac verbi quos, quo sine accentu lux & homo significatur. Nam

Marcus



Marcus Tullius maiores nostros execratur, quod humano sanguine litarent, sed id oratorie, ut causa inserviret, cum Marcus Varro id omnibus Italia populis tribuat. Hebraeis quoque ipsis id ipsum quodam modo licuisse plerique arbitrantur ex ipsius Iephthes ducis Hebraeorum voto solenni, qui usdem fere temporibus filiam immortalis DEO matasse dicitur, quo Agamemnon Græcorum Imperator Iphigeniam. Sed concepta vota religiosissimi ducis verius ac melius interpretantur eruditi, de pudicitia Virginis DEO consecrata, quam de humana cæde, quam lex ipsa divina execratur. Cateri populi humanis hostiis summa religione fecerunt. Quare non est, quod natura leges ex hominum opinione metiamur, ac propterea servitutem natura consentaneam esse putemus, aut benignitati tribuamus, quod veteres servarunt eos, quos occidere iure belli fas erat, cum potius bestiarum in modum avaritia ac libidini suæ, cogerent inservire. Quis enim hosti vitam servaret, si plus utilitatis ex illius cæde, quam ex salute speraret? Exemplis abundamus, sed unum de multis. Cum Vespasianus Hierosolimam obsideret, miles Romanus aurum in Iudæi cæsi visceribus effusus collegit: eodem momento cæsa sunt captivorum viginti milia, ut aurum quod sorbere putabantur à militibus investigaretur. O præclarum caritatis adversus captivos exemplum! At nutriuntur inquires, vestiuntur, pro servilibus officiis educantur: sed qua tandem educatio? Cato major sapientiæ ac virtutis Romana princeps, cum omnia commoda, omnes utilitates ac fructus, qui à servis præstari poterant, ad extremam usque senectam percepisset, ut nihil amplius extorquere posset, pluris licentibus proscribebat, ut sanguinis extremum illud pretium, quantumcunque esset corraderet, ne iam ætate defectos gratis alere, aut occidere, aut liberos dimittere cogeretur. Beatior Atticus ille Palladis mulus, qui senio confectus, libere vagari sine capistro, sine labore consuevisset. Iam verò cum nihil connubio sanctius hominum generi ab immortalis DEO tributum sit, servis tamen nullum erat inter ipsos connubium, sed contubernium tantum, adeo ut si liber homo captivus ab uxore filium suscepisset, patre apud hostes mortuo illegitimus censeretur. § Quid execrandos concubitus, & effusas utriusque sexus libidines commemorem, quas servi & nunc perferre & antea pertulisse queruntur? Nam crudelitatis ac immanitatis in servos exempla colligere si quis velit, infinitus sit: quanquam exigua sunt, qua literis prodita legimus, nec tamen historias præterquam humaniorum populorum scriptis consignatas habemus. Nam catenis vincti agros colebant,

5. l. si quis  
prægnante  
de captivis.



ut nunc quoque fit in *Africa*, & in antris per scalas mobiles demissi jacebant, ut scalis detractis domini cum hostibus domesticis tutius dormirent, ne vel incendio domos, vel cade dominos perderent. Iam vero levissima quaque peccata servorum, nisi pretiosissimi essent, sic luebantur, ut crystallinum confregisse capitale fuerit &c. Quod si dominum necari contigisset, servi, qui tunc sub iisdem tectis fuissent, omnes ad unum occidebantur. Nam cum caso *Pædania*, urbis *Romæ* præfecto, servorum magna multitudo ad supplicium posceretur, more inquit *Tacitus* à majoribus accepto, plebs *Romana*, quæ maxima sui parte libertini generis hominibus constabat, vehementer commoveri visa est, cum ob unius culpam quadringentorum hominum, & quidem innocentium, vita peteretur: re tamen in senatu disceptata, decretum est, morem majorum servari oportere. Omitto certamina gladiatorum, quibus servi, ut populo spectaculum ac mortis contemptum præberent, sese mutuis vulneribus confodere, aut bestiarum dentibus lacerari cogebantur in arena. Ac tametsi *Petronia* lex immerentes servos bestis objici prohiberet, impune tamen ab omnibus per rumpebatur. Hæc *Bodinus*, & multa alia, quæ certe non oppugnant servitutem excepta ea, in quam injusto bello veniunt homines innocentes. Argumentum *Bodini* ab humanis victimis ductum solum ostendit, errore atque diuturna consuetudine pessimas quasque res posse pro optimis populo persuaderi: non vero ostendit, omnem servitutem injustam esse atque iniquam. Reliqua exempla non servitutis usum, sed dominorum potestate sua abutentium abusum accusant. Injuriis non tantum servi, quamvis hi maximè, sed etiam liberi homines opportuni sunt. *Libidini*, quam sæpe nec generis reverentia cohibet, nec sanguis extinguit, non minus ingenua, quam servilia corpora sunt obnoxia.

6 lib. 1. Polit.  
lit. cap. 3.

Cæterum *Bodinus* non negat aliquam servitutem naturæ congruere, ut constat ex iis, quæ proximè retulimus, consentitque Philosopho, secundum quem illi sunt natura servi, quibus melius est ut regantur, quam ut regant. 6 Tota difficultas est de servitute, ex injusto bello oriunda, quam Jurisconsulti facile expediunt, duplici justitia belli constituta. Dicunt etenim bellum aliud esse justum in genere belli, aliud vero justum in genere causæ. Bellum justum in genere belli vocant illud, quod princeps nullius imperio subjectus, simili principi, aut una



una respublica alteri reipublicæ indicit, etiamsi nulla subfit iusta causa bellandi: at bellum in genere causæ iustum illud tantum esse volunt, quod principes supremi aut respublicæ ex iustissimis inter se causis gerunt: Atque ita docent ad servitutem in foro politico iustam non requiri, ut bellum & in genere belli, & in genere causæ simul sit iustum, sed satis esse, si tantum in genere belli iustum fuerit, etiamsi ex causa iniquum. Idque ita etiam antiqui Romani esse voluerunt, qui quamvis iusta bella adversus injustos hostes gessissent, cives tamen suos ab hostibus injuste captos pro servis habuerunt, quamdiu illi in captivitate fuissent tametsi postea ex potestate dominica liberati, sicut omnia apud suos jura, ita & libertatem jure postliminii recipiebant. Hanc verò doctrinam ad commune atque publicum universarum gentium bonum pertinere Jurisconsulti existimant. Facilius enim est judicare, quodnam bellum sit iustum in genere belli, quam quod sit tale in genere causæ, cum vix unquam possit esse bellum, ut non utraque pars iustas se bellandi causas habere existimet. Atque ita, si ad legitimam servitutem bellum etiam ex causa iustum esset necessarium, in summa omnino essent incertitudine omnes servitutes bellis quæsitæ.

Atque hæc doctrina locum habet in foro politico ac civili, in foro conscientiæ utrum valeat, ad Theologos pertinet definire.

Quamobrem ut ad quæstionem ab initio propositam aliquando respondeam, dico civiles ordinum gradus inter personas esse debere, etiam in rebus publicis christianis, licitamque etiam inter christianos esse servitutem. Nam ecclesia ipsa, quæ est omnis pietatis atque iustitiæ cultrix, servos habebat, eosque jam dono accipiebat, jam alienabat, jam manumittebat, jam manumissos ob ingratitudinem in servitutem revocabat, ut apud Gratianum 7 multi Canones testantur. Agathensi concilio, fugitivi, qui retineri non possunt, alienari jubentur. *Fugitivi*, inquit, domos suas aut familias deserentes, qui etiam si revocati fuerint non possunt teneri, simili ratione ab episcopo, si voluerit, aut si ita illi meruerint, distrahantur. 8 Sequenti etiam canone dicitur: *Injustum videri & impium, ut mancipia, quæ fideles viri seu feminae pro redemptione animæ suæ DEO & sanctis ejus consecraverunt, cu-*

7 Causa 12.

*Fugiti-* quat 2.

8 Cap. fugi-  
tivi ibid.



9 Cap. Inju-  
stum, ibid.

10 Cap. Si  
quos, ibid.

11 Cap. Osta-  
va ibid.

12 Ad Coloss.  
3.

13 2. Timoth.  
6.

juscunque muneris pretio, vel commutationis commercio iterum in sa-  
cularem servitutem redigantur, cum canonica auctoritas servos fugiti-  
vos tantummodo distrahi permittat. Et ideo omnes rectores ecclesia-  
rum summpere caveant, ne unius eleemosyna alterius peccatum fiat :  
& est absurdum, ut ecclesiastica dignitate servus decedens, humana  
obnoxius sit servituti. 9 Item eodem concilio Agathensi manu-  
missio servorum approbatur. Si quos inquit de servis ecclesia be-  
nemeritos sibi, episcopus libertate donaverit, collatam libertatem à suc-  
cessoribus placuit custodiri, cum hoc quod eis manumissor in libertatem  
contulerit. 10 Tandem ut plurima hujusmodi non referam,  
concilio Hispalensi jubentur revocari in servitutem ecclesiasti-  
cam liberti, qui contra ejus libertatem superbiunt. Octava, in-  
quit, discussio agitata est de quodam Heliseo ex familia Agabrensis  
ecclesia, qui ab episcopo suo traditus libertati de libertate confestim ad  
contumacia morbum transilivit, sicque per superbiam non solum ejus-  
dem episcopi veneficis artibus salutem ledere voluit, sed etiam pa-  
tronam ecclesiam libertatis immemor pradamnavit. Adversus quem  
ingrati actio, canonum & legum auctoritate juste, dirigitur. Sci-  
licet ut immerite libertatis damno mulctatus ad servitutis nexum  
revocetur. Talium enim status, qui contra episcopum suum vel pa-  
tronam ecclesiam nituntur, decidi potius quam conservari conven-  
nit, ut quorum libertas perniciofa est, sit salutifera servitus, &  
qui superbire noverunt, adepta libertate, proditi discant obedire

subjecti. 11

Lex quoque divina, cujus optimus est interpretes Doctor gen-  
tium Paulus, non tollit servitutem, sed officia servorum definit.  
Servi, inquit, obedite per omnia dominis carnalibus, non ad oculum  
servientes, quasi hominibus placentes, sed in simplicitate cordis timen-  
tes DEum. Quodcunque facitis ex animo operamini, sicut Domino  
& non hominibus, scientes quod à Domino accipietis retributionem  
hereditatis. 12 Et rursus, quicumque, inquit, sunt sub jugo servi domi-  
nos suos omni honore dignos arbitrentur, ne nomen Domini & do-  
ctrina blasphemetur. Qui autem fideles habent dominos, non con-  
temnant, quia fratres sunt, sed magis serviant, quia fideles sunt & di-  
lecti. 13 Ex his satis intelligi potest justam & licitam esse etiam  
apud Christianos servitutem, à sacris & profanis legibus per-  
missam, moribus omnium populorum receptam.

Sed jam ad ea, quæ ab aliquibus contra servitutem afferun-  
tur.



tur, respondendum est. Vulgatum illud adagium, quo dicitur par in parem non habere imperium, & quod ex sancto Augu-  
stino dicitur noluisse DEum, ut homo homini, sed ut homo pe-  
cori dominetur, vult Conradus Lagus Jurisconsultus 14 intel-  
ligi, de hominibus in integra natura consideratis, non vero post  
primi parentis lapsum, quo corrupta est natura, ac eversa natu-  
ralis libertas, & ea nobis imposita servitus pravarum cupidita-  
tum, ut sæpe nec facere possimus, quæ sana mens jubeat: quem-  
admodum & Divus Paulus de seipso testatur inquit, *invenio*  
*legem in membris meis, repugnantem legi mentis meæ.* 15 Certe si  
natura mansisset incorrupta, eadem mansisset in omnibus vir-  
tus & potestas agendi: Jam autem postquam vitio peccati col-  
lapsa est, & extincta vis naturæ, adeo ut nisi vegetetur benedi-  
ctione divina, sterilis sit futura, sicut nec paribus viribus, tum  
corporis, tum animi, ita nec pari potestate regendi nos produ-  
cimur ab ea. Proinde naturaliter evenit, ut qui benedictione  
divinâ ex meliore natura natus sit, imbecilliori, tanquam su-  
perior inferiori præsit. Neque dici potest, quod omnis potestas  
personæ in personam violenta sit, aut quod civili tantum insti-  
tuto subsistat. Videmus etenim invitis sæpe omnibus, non eum  
qui nominatenus, sed qui naturalibus virtutibus præstet, impe-  
riis præesse. Unde & Plato 16 dicit, DEum reipublicæ non  
præficere homines, hoc est, quemvis humana specie natum, sed  
qui naturalibus animi virtutibus communem hominibus con-  
cessam facultatem superant, quos heroas vocamus, qui impetu  
divino & non humano ad res prudenter & fortiter gerendas ra-  
piuntur. Non igitur violentia, aut arte humana, sed Deo cor-  
ruptam naturam sua benedictione excitante & fovente, discrimi-  
na personarum inter homines ad regendum & conservan-  
dum eos, in tam varia eorum imbecillitate constituuntur. Ac  
proinde nec per discrimen personarum eripitur hominibus na-  
turalis libertas, sed ea quatenus retineri in tam corrupta natura  
potest, Deo relinquitur gubernanda, ut ipse sua clementia pro  
necessitate omnium largiatur, qui illis præesse possint. Atque  
ita quamvis DEus non seipso præsit hominibus, tamen quia so-  
la ejus benedictione alius alio præstat, non potest dici, quod  
per alium, quam per Deum, homo ab homine discernatur, &  
cuiquam aliqua in alium potestas concedatur. Sicut nec foemina

16 In quarto  
de legibus.



aliqua DEo imputare potest, quod masculo sit inferior natura. Porro quod leges nonnunquam egrediuntur hoc discerniculum naturæ inter personas, ut in servitutibus mancipiorum, id inde fit, quod propter metum gravioris periculi necesse sit duriores quibusdam imponere servitutem, ut quia metuendum est, ne captus ad hostem confugiat, si ipsi liceat passim vagari, jure videtur hæc dominis concessa potestas in eos, quos captos servarunt, ut absque eorum voluntate nusquam abeant. Atque ita civilis necessitas duriora constituit vincula servitutum, & tamen quia jura civilia, imitatione quadam naturæ constituuntur, non merentur nomen juris, si penitus ab æquitate naturali recedant, cum nulla possit dici legitima potestas personæ, quæ non sit conjuncta beneficio. Nam nec natura quenquam alteri subjicit alio consilio, quam ut ipsi prosit, ac ejus jura tueatur, sicut est cernere in patria potestate. Itaque non est, cur aliquis has potestates personarum, quæ hoc jure constituuntur, tanquam jure divino, & naturali libertati repugnantes reprehendat. Nam sunt harum potestatum etiam exempla scripturæ in sanctis patribus, qui servos iis conditionibus, quæ Romanis legibus describuntur, habuerunt.

Porro quod Apostolus dicit, inter eos, qui in Christo baptizati sunt, neque servum, neque liberum esse, non ita accipiendum est, quod inter Christianos non debeat aliqua esse personarum in personas potestas. Nam in eo loco non de libertate politica, sed de libertate fidei & spiritus loquitur. Etenim Galatæ accepto Evangelio in ea erant opinione, quod non consequerentur remissionem peccatorum, quæ per Evangelium promitteretur, nisi legem Moyse, quemadmodum Judæi, servarent. Itaque illis stultam opinionem eximeret, asserit nihil referre ad impetrandam remissionem peccati, quod quis Judæus vel Græcus, servus vel liber sit. Quod autem hic Apostoli locus ita debeat explicari inde liquet, quod in eodem contextu dicit, neque masculum, neque foeminam esse inter eos, qui baptizati, sunt in Christo. Sicut igitur absurdum esset, ex Apostoli verbis contendere, nullam debere esse inter Christianos inter masculum & foeminam differentiam: ita non sunt ferendi, qui propter hunc locum scripturæ politicam quandam differentiam inter Christianos non debere esse contendunt.

Denique



Denique Honorii & Theodosii Imperatorum rescriptum, ne Christianum mancipium, hæreticus, Judæus, vel Paganus habeat, vel possideat, vel circumcidat, non prohibet inter Christianos esse servos, sed non vult Judæis, aliisque hostibus Christi subijci, qui credunt se morte Christi liberatos ab omni servitute hostium Christi.

Quamvis autem negotium servitutis ita se habeat, ut dixi, tamen hodie capti inter Christianos captivi Christiani, servi non sunt, sed tantum redemptionem debent victoribus, & non servatur jus postliminii in personis, sed in rebus, secundum Boërium. 17 Quamquam detentio, quæ utuntur victores, non multum abest à specie servitutis. 18 Et licet ut dixi permixta sit legibus conditio servitutis, libertas tamen omnium Christianorum magis est expetenda: cum redemptor noster (inquit Gregorius) totius conditor creaturæ ad hoc propitiatus humanam voluit carnem assumere, ut diuturnitatis sua gratia, disrupto quo tenebamur captivi vinculo servitutis, pristina nos restitueret libertati, salubriter agitur, si homines, quos ab initio naturæ liberos protulit, & jus gentium substituit iugo servitutis, in ea natura, qua qui nati fuerant, maternæ beneficiis libertati reddantur. 19

17 in §. 1. de jur. person. in consue. Bittur.

18 Tolof. Syntag. Jur. Univ. lib. 14. cap. 3.

19 Cap. cum redemptor. 12. quat. 2.

S. X.

*An servitia rebus publicis sint utilia?*

CUM ex doctrina Philosophi servus non tantum sit pars domus utilis, sed etiam necessaria, rectè dici videtur, servitutes rebus publicis esse utiles, & ad bene beatque vivendum necessarias. Nam publicum univerforum bonum ex singulis privatorum bonis coalescit. Sed sapientissimus rerum politicarum scriptor Bodinus bene advertit, plus esse rebus publicis ex servitutibus mali & incommodi, quam commodi & emolumenti. Nam & privata dominorum salus sæpe servilibus insidiis appetitur, & respublicæ in maximo versantur discrimine, propter formidandam servorum multitudinem. Quis dominorum serviles insidias effugere potuit Sylla dictatore, qui triginta tertio liberis hominibus, servis dominos prodentibus libertatem mercedis nomine proposuerat in singula capita eorum, quos ipse proscripisset. Quo tempore in eo metu cives fuerunt,



fuerunt, quoad cæsis sexaginta civium millibus, & quodammodo pacata republica, servus aliquis ad extremum domini caput ad Syllam detulit, qui pactam quidem libertatem dedit, sed manumissum de rupe Tarpeia præcipitem dari iussit. Quanta autem ipsis rebus publicis ex iisdem servis aluntur mala, ostendunt tot bella servilia, quæ à scriptoribus commemorantur, & à quibus ne Romanorum quidem potentia tuta fuit. Maximo profecto in periculo Athenæ fuerunt, ubi uno tempore censa sunt peregrinorum decem millia, civium viginti, servorum autem quadraginta millia. In simili timore Roma quoque erat, in cuius senatu cum aliquando ageretur de commutandis servorum vestibus, ut à liberis hominibus notâ quadam secerni possent, Senator aliquis intercessit, ne si seipsum servi numerare cœpissent, exitium dominis intentarent. Itaque Lacedæmonii, cum viderent servorum multitudine, agros, domos, & urbes repleri, exercitum servorum, qui bello aptiores essent, cogere imperarunt: deinde conscripto trium millium exercitu, omnes una nocte occidi iusserunt, idque tanta celeritate ac silentio, ut quo perrexissent, sciri non potuerit, præterquam ab iis, qui rei gerendæ præpositi fuerunt. <sup>1</sup>

<sup>1</sup> Plutarchus  
in Lycurgo.

<sup>2</sup> l. 4. in  
principio de  
re milit.

Quare propter metum, qui civitatibus impendebat, servis arma tractare non licebat pœna capitali subjecta, <sup>2</sup> aut si hostium vis urgeret, servos ad arma vocari, vocati simul manumissionis beneficium consequiebantur. Fateor equidem in Parthorum exercitu, qui M. Anthonii exercitum fugavit, quinquaginta servorum millia fuisse, ex ingenuis vero non plures, quam quingentos viros: sed quia Parthi eadem penè caritate servos, qua filios complectebantur, merito securiores suæ salutis erant, quam alii populi durius suos servos tractantes, apud quos, ne quid servi in rempublicam moliri possent, opificiis ac sellulariis artibus impediabantur: sed ne hac quidem via omne periculum evitabant. Plura de his Bodinus, <sup>3</sup> quæ si hic omnia vellem referre, nimis essem prolixus.

<sup>3</sup> De repub.  
lib. 1. cap. 5.



## §. XI.

*Qualis debet esse Dominorum in Servos potestas.*

**S**icut non omnium fervorum eadem est virtus & mores, ita & dominorum non idem est erga illos omnes officium: duri erga malos, erga fideles humani esse debent. De servis malis hæc in sacris libris conscripta sunt: *Servus verbis non potest erudi, quia quod dicit intelligit, & respondere contemnit.* 1 Et alibi: 1 Proverb. 9. *Cibaria & virga & onus asino, panis & disciplina & opus servo. Operatur in disciplina & querit requiescere: laxa manus illi & querit libertatem. Iugum & lorum curvant collum durum, & servum inclinant operationes assidua. Servo malevolo tortura & compedes, mitte illum in operationem ne vacet. Multam enim malitiam docuit otiositas: In opera constitue eum. Sic enim condecet illum. Quod si non obaudiverit, curva illum compedibus, & non amplifies super omnem carnem: verum sine iudicio nihil facias grave.* 2 At de servis bonis longe aliter eadem litera loquuntur. *Non ladas, inquit, servum in veritate operantem, neque mercenarium dantem animam suam. Servus sensatus sit tibi dilectus quasi anima tua, non defraudes illum libertate, neque inopem derelinquas illum.* 3 Et Apollolus: 3 Ecclesiasti. *Domini, inquit, quod justum est & æquum, servus præstate, scientes quod & vos Dominum habetis in cælis.* 4

Seneca in sua elegantissima epistola 5 humanitatem erga  
 „servos maximopere commendat. Cum servis, inquit, famili-  
 „ariter vivere decet. Servi sunt? imo homines. Servi sunt?  
 „imo contubernales. Servi sunt? imo humiles amici. Servi sunt?  
 „imo confervi, si cogitaveris tantundem in utroque licere for-  
 „tunæ. Itaque rideo istos, qui turpe existimant cum servo suo  
 „cœnare: Quare? nisi quia superbissima consuetudo cœnanti  
 „domino stantium fervorum turbam circumdedit. Deinde  
 „subjungit. Vis tu cogitare illum, quem servum tuum vocas,  
 „ex iisdem seminibus ortum, eodem frui cœlo, æquè spirare,  
 „æquè vivere, æquè mori. Tam tu illum ingenuum videre po-  
 „tes, quam ille te servum. Stare ante limen Calisti dominum  
 „suum vidi, & aliis intrantibus excludi. Martiana clade mul-  
 „tos splendidissime natos fortuna depressit: alium ex illis pa-  
 „storem, alium custodem casæ fecit. Et infra. Sic cum infe-

2 Ecclesiasti. ci 33.

3 Ecclesiasti. ci 7.

4 Ad Coloss.

5 Epist. 47.



„tiore vivas, quemadmodum superiorem tecum vivere velis.  
 „Quoties in mentem venerit, quantum tibi in servum liceat,  
 „veniat in mentem, tantum in te domino tuo licere. At ego,  
 „inquis, nullum habeo dominum: bona ætas est, forsitan ha-  
 „bebis. Nescis qua ætate Hecuba servire cœperit, qua Cræsus,  
 „qua Darii mater, qua Plato, qua Diogenes.

Nec tantum à dominatu facilis est lapsus in servitutem, sed sæpe etiam usu venit, ut domini servorum suorum fiant mancipia. Multa sunt exempla, sed unum sufficit. Marcus cum in Bruti partibus præturam gessisset, hostis judicatus est, & postea in Philippicis campis superato Bruto, ut plerique alii, captus fuit. Astu verò cum servum se fingeret à Barbula emptus est. Qui cum in eo & prudentiam & ingenium animadverteret esse, aliis eum servis ac simul domui gubernandæ præfecit. Sed cum in dies re ipsa videret modestiæ atque veræ urbanitatis plus in eo, quam communiter in servis soleat esse, secreto compellatum efficacibus verbis urgere cœpit, ut si in rebellium numero esset, illud ne occultaret, quoniam ejus liberandi rationem initurus esset. Sed Marcus risu discutere rem quærebat, negans ex eo numero se, sed vere servum esse: eos quoque quibus ante serviverat, tempusque quo venundatus fuerat, ceu rem veram appositè narrabat. Verum Barbula, ut certiora hæc de re argumenta eliceret, dixit, velle se Marcum Romam secum ducere, ratus si inter rebelles haberetur, præ timore Romam ire recusaturum. Marcus autem non minus quam Barbula ingeniosus, affirmat libenter secuturum. Profectus igitur ad urbem cum Barbula, dum ad consulis valvas dominum moratur, à cive Romano agnitus est, qui Barbulæ ceu amico eum detexit. Is nulla mentione de hoc cum Marco facta statim ad Agrippam profectus, per eum ab Augusto impetravit, ut Marco ignosceretur: atque eum postea ad Augustum deduxit, à quo in amicorum numerum receptus est. Non multo post Barbula inter Antonii amicos, post Actiacam pugnam captus est, atque incognitus à Marco emptus. Sed cum Marcus paulo post Barbulam esse cognovisset, ab Augusto salutem ejus impetravit. Horum casibus fortuna satis varietatem suam expressisse videtur, cum eum qui Prætor fuerat servum fecit, nec multo post egit, ut dominum, cui Prætor serviverat, Marcus servum haberet. 6.

Redeo.



Redeo ad Senecam, qui sub nomine Lucilli his verbis quem-  
 „ vis dominum monet. Vive cum servo clementer, comiter  
 „ quoque & in sermonem admitte, & in consilium, & in  
 „ convictum. Hoc loco acclamabit mihi tota manus delicato-  
 „ rum: Nihil hac re humilior, nihil turpius. Hos ego eosdem  
 „ deprehendam alienorum fervorum osculantes manum. Ne  
 „ illud quidem videtis, quàm omnem invidiam majores nostri  
 „ dominis, omnem contumeliam servis detraxerint? Dominum  
 „ patrem familiæ appellaverunt: servos (quod etiam in minis  
 „ adhuc durat) familiares. Instituerunt diem festum, quo non  
 „ solum domini cum servis vescerentur, sed quo utiq; honores  
 „ illis in dominos gerere, jus dicere permiserunt. Quid ergo?  
 „ Omnes servos admovebo mensæ meæ? Non magis quam o-  
 „ mnes liberos. Erras, si existimas me quosdam quasi sordidio-  
 „ ris operæ rejecturum, ut puta illum mullionem, & illum bu-  
 „ bulcum: non ministeriis illos æstimabo, sed moribus. Sibi  
 „ quisque dat mores: ministeria casus assignat. Quidam cœnent  
 „ tecum, quia digni sunt, quidam ut sint. Si quid enim in illis  
 „ ex sordida conversatione servile est, honestiorum convictus  
 „ excutiet. Non est mihi Lucilli quod amicum tantum in foro &  
 „ in curia quæras: si diligenter attendas, & domi invenies.  
 „ Sæpe bona materia cessat sine artifice. Tenta & experire.  
 „ Quemadmodum stultus est, qui equum empturus, non ipsum  
 „ inspicit, sed stratum ejus ac frænos: sic stultissimus est, qui  
 „ hominem aut ex veste, aut ex conditione, quæ vestis modo  
 „ nobis circumdata est, æstimat. Servus est? sed fortassis liber  
 „ animo. Servus est? hoc illi nocebit? Ostende quis non sit.  
 „ Alius libidini servit, alius avaritiæ, alius ambitioni, omnes  
 „ timori. Dabo consularem aniculæ servientem; dabo ancillu-  
 „ læ divitem; ostendam nobilissimos juvenes mancipia Panto-  
 „ mimorum. Nulla servitus turpior est quàm voluntaria. Qua-  
 „ re non est, quod fastidiosi te deterreant, quominus servis tuis  
 „ hilarem te præstes, & non superbe superiorem. Colant po-  
 „ tius te quam timeant. Dicit nunc aliquis, me vocare ad pi-  
 „ leum servos, & dominos de fastigio suo dejicere: quod dixi,  
 „ colant potius dominum quam timeant. Itane inquit prorsus  
 „ colant tanquam clientes, tanquam salutatores? Hoc qui di-  
 „ xerit, obliviscetur id dominis parum esse, quod DEo satis est,



„qui colitur & amatur. Non potest amor cum timore mis-  
 7 Ibidem. „ceri. 7

Quæ Seneca docet multi dominorum fecerunt, innumera  
 sunt exempla, sed sancti Jobi illustrissimum, in quo diligendo  
 servi communes amoris metas erant prætergressi, *Si non dixe-*  
 runt, inquit, *viri tabernaculi mei, quis det de carnibus ejus, ut sature-*  
 8 Job. 31. *mur?* 8 Incredibilis hic fervorum amor, non poterat nisi ex in-  
 credibili bonitate domini proficisci.

Porro quòd (ut superius dictum est) certis festis atque solen-  
 nitatibus convivia domini servis & epulas adornabant, id non  
 solis Græcis, neque solis Romanis, sed multis etiam aliis gen-  
 tibus usitatum fuit. Nam ut Athenæus Berosi atque Ctesia hi-  
 stororum testimoniis comprobatur, 16<sup>to</sup>. Kalendas Septem-  
 bris festum Sacean in urbe Babylone quinque dierum spatio  
 celebrabatur, quibus moris fuit, ut servi dominis imperarent,  
 & illorum aliquis, stola regiæ simili indutus, (quem Zoganem  
 appellabant) universæ familiæ præfesset. Nescio annon in sa-  
 cris quoque literis hujus rei exemplum nobis ab ipso Christo  
 proponitur, cum ait: *Beati servi illi, quos cum venerit dominus in-*  
 6 Lucæ 12. *veniet vigilantes: amen dico vobis, praeinctus faciet ut discumbant;*  
 & *prodiens ministrabit eis*, 9 hoc est interprete Theophylacto,  
 promptus & paratus erit ad servis suis dandam plenam & perfe-  
 ctam quietem animi atque corporis, ad illorum fida officia at-  
 que ministeria remunerandum.

Domini igitur servabunt in sua potestate modum, nec ser-  
 vos loco pecorum habebunt, multo minus homines liberos ser-  
 vilem in modum tractabunt, ut effugiant acerbissimam ser-  
 10 Hieremias vitutem, quam malis dominis Dominus DEUS minatur. 10  
 cap. 34.

## C A P U T XII.

### De Re Familiari.

**E**conomiam supra diximus esse rectam domus admi-  
 nistrationem. Domus autem partes sunt, familia & res  
 familiaris. De familia, quæ est societas certarum per-  
 sonarum jure domestici convictus devinctarum, hucusque egi-  
 mus, de re familiari superius aliqua insinuavimus, ad quæ hic  
 etiam pauca addenda sunt.

Rei



Rei ergo familiaris primo acquisitio, deinde acquisitæ possessio, ac conservatio, tum denique possessæ & conservatæ dispensatio est necessaria. Acquisitio industriam desiderat & modum. Industria certis domesticis certos labores ad acquirenda bona distribuit. Hos domesticos labores paterfamilias vigilanter & prudenter observet, manum etiam, cum necesse est, & pro laborum ratione, sedulo operi admoveat. Nullus enim res alienas æquè tuetur atque suas. Ex quo Porus interrogatus, quid maximè æquum saginaret? Oculus inquit domini. Libys etiam interrogatus, quid optimè pinguefaceret agrum, vestigia respondit domini. Ideo Socrates dicere solebat, dominum ante servos exurgere, & ultimum ire cubitum oportere. Surgere namque noctu, & ad valetudinem, & ad Oeconomiam, & ad Philosophiam confert vehementer.

Modus acquirendi alius est à natura præscriptus, alius ab arte. A natura Agricultura & Pecuaria: quæ benedictionem DEi & pium familiæ laborem requirunt. Erycius Puteanus pecuarios homines dicit esse pigerrimos, qui (ut ipse loquitur) absque sudore alimentum inveniunt magis quam parant. 1

1 Civil. doctrinæ lib. 1. cap. 5

Agriculturam nemo est qui non laudet, & meritò, cum sit omnium acquisitionum prima, & maximè secundum naturam, non ex hominum instituto & præscripto orta. 2 Hujus cura & acquisitio circa alimenta est, quæ cum propter cætera animalia data sint, tum præcipuè propter hominem, quem tanquam perfectissimum animal natura maximè intendit, ut philosophatur Politicus in Oeconomicis, 3 ubi dicit possessionis primam curam esse eam, quæ est secundum naturam, secundum naturam verò potissima est agricultura. Natura enim omnis educatio est à matre, quare & hominibus à terra. 4 Est autem summè honesta, utilis, justa, jucunda, & necessaria. Omnium rerum inquit Orator, ex quibus aliquid exquiritur, nihil est agricultura melius, nihil uberius, nihil dulcius, nihil homine libero dignius. 5 Et rursus: Vita inquit rustica, quam nos agrestem vocamus, parsimonix, diligentix, ac justitiæ magistra est, atque maximè distincta à cupiditate, & cum officio conjuncta. 6 Denique nulla inquit vita beatior esse potest, neque solum officio, sed & delectatione & saturitate, copiaque rerum omnium, quæ ad vitæ hominum & cultum etiam pertinent. 7 Justitiam agriculturæ,

2 1. Polit. 5.

3 Lib. 1. cap. 2.

4 1. Polit. 7.

5 Lib. 1. De offic.

6 Pro Rose. Amer.

7 Cato major



lib. 9 Epist.  
37.

9 de Archite-  
ctura lib. 2.

10 Phayori-  
nus Philoso-  
phus.

culturæ, Plinius prædicat, dum dicit nullum esse justius genus  
reditus, quàm quod terra, cælum, annus refert. 8 Necessitatem  
vero explicat Vitruvius exemplo satis eleganti. Quemadmo-  
dum inquit natus infans sine nutricis lacte non potest ali, ne-  
que ad vitæ crescentis gradus perducitur: sic civitas sine agris &  
eorum fructibus in mœnibus affluentibus non potest crescere,  
nec sine abundantia cibi frequentiam habere, populumque si-  
ne copia tueri. 9 Quamobrem merito Philosophus toties in li-  
bris Politicorum optimam esse asserit rempublicam, cujus ci-  
ves ex re rustica atque pastione vivunt. Cujus rei hanc causam  
reddit, quia ex legibus seque resque suas regunt. Habent e-  
nim ex opere suo, quantum satis ad vivendum sit, & tamen eis  
otiosis esse non licet. Cæteras respublicas, quas opificum &  
mechanicorum multitudo tenet, longe deteriores judicat, cum  
ignava eorum hominum desesque vita sit, neque ullum opus e-  
orum cum virtute congruat. Ex quorum numero crediderim  
fuisse illum, qui à patre terram colere coactus, postquam in ta-  
bella scripsisset, Agriculturam esse rem infinitam, & nunquam  
posse absolvi, laqueo sibi vitam finivit. 10

Merito & Maro exclamat:

*O fortunatos nimium sua si bona norint  
Agricolæ, quibus ipsa procul discordibus armis  
Fundit humo facilem victum justissima tellus,  
Si non ingentem foribus domus alta superbis,  
Mane salutantur totis vomit ædibus undam:  
Nec varios inhiant pulchra testudine postes,  
Illusasque auro vestes, Ephyreiaque æra:  
Alba nec Assyrio fucatur lana veneno,  
Nec casia liquidi corrumpitur usus olivi:  
At secura quies, & nescia fallere vita,  
Dives opum variarum: at latius otia fundis,  
Spelunca vivique lacus: at frigida Tempe,  
Mugitusque boum, mollesque sub arbore somni.  
Non absunt illis saltus, ac lustra ferarum,  
Et patiens operum, parvoque assueta juventus,  
Sacra Deum, sanctique patres extrema per illos  
Iustitia excedens terris vestigia fecit. 11*

11 Georgic.  
lib. 2.

Porro



Porro ad artem pertinet Mercatura, & Locatio operæ. Mercatura alia est laudabilis, alia fordida, illa divinitus concessa, societatique civili est necessaria, honesti lucri gratia exercetur, hæc ob proprium lucrum, & cum aliorum detrimento. Ad hoc genus Mercaturæ spectat annonæ flagellatio, & vorax usura.

Operæ locatio est acquirendi modus, quo pro mercede operæ hominis venditur: eaque fit exercitio artificiorum, non modo liberalium, sed maxime etiam manuariorum.

Denique possidentur ac conservantur acquisitæ facultates per parsimoniam, recte dispensantur ad nostram necessitatem, & amicorum commodum, maximè si tantæ fuerint, ut & nobis & amicis sufficiant.

Tractant hoc loco scriptores de domo seu ædibus privatis, similiter de pecunia & divitiis, de quibus nos alibi commodius.

*Finis Libri primi de Politica hominum  
Societate,*







DE POLITICA  
H O M I N U M  
S O C I E T A T E,  
LIBER II.  
DE CIVITATE.  
CAPUT I.

*De Civitatis & Metropolis definitione.*

§. I.

*Quid sit Civitas?*



Civitatis appellationem variè à scriptoribus accipi invenio. Inprimis usurpatur pro mœnibus duntaxat & ædificiis : sicut etiam ecclesiæ significatio ad paucos ordines redigitur, adeoque ad templum seu ædes sacras. 1 Cum ecclesiæ nomine etiam civitatem intelligi testis sit Simon Schardius. 2 Deinde accipitur *civitas*, pro jure civium ac libertate, qua cives utuntur: unde dicebantur olim civitate Romana donari, quicunque ad jura libertatemque Romanorum admittebantur. Exemplum commemorat plurima Cicero, 3 quæ huc referre non est necesse. Præterea dicitur *civitas* quicunque populus iisdem legibus & moribus gubernatus : ut civitas Allobrogum, Helvetiorum. 4 Tandem *civitas* propriè non pro loco aut juribus, sed pro ipsis civibus sumitur, atque ita dicimus, factas preces civitati, aut mandatum esse aliquid eidem. 5 Disertè id testatur Nonius, secundum quem hoc urbem inter, ac civitatem interest, quod civitas dicantur incolæ, urbs verò ipsa ædificia complectatur. Cujus rei ignorance Carthagenenses in re maxima decepti sunt. Nam cum in Senatu Romanorum de Carthagine excindenda decerneretur, pervulgata fama Carthagenenses legatos Romam miserunt, ne urbem rerum antea gestarum gloria

1 Tit. Cod. de Sacro. sanct. Eccl. & de his qui ad Eccl. confug. in rubr. Ol. dend.

2 Lexic. Jurid. Verbo Civitas.

3 Pro I. Corn. Balbo pro Archia Poëta & alibi.

4 Conan. lib. 1. c. 7. num. 1.

5 L. si quando C de bon. vac. lib. 10.

Alciat. de Verb. sign. in lege 2.



ria clarissimam ac urbis ipsius Romæ decus monimentumque victoriarum illustrium delerent. Nihilominus re diu multumque in senatu agitata decretum est ad imperii Romani salutem deleri Carthaginem oportere, tum propter loci opportunitatem, tum etiam propter insitam Pœnis perfidiam, qui jam Romanorum socios bello laceffiverant, & finitimos populos latenter ad defectionem invitabant. Posteaquam ita decretum esset, legati Carthaginiensium in senatum venire jubentur, quibus responsum est à consule, ut in fide Senatus populique Romani permanerent, obsidibus trecentis, ac navibus populo Romano datis: civitatem Carthaginiensium salvam fore, jura, privilegia, immunitates easdem habituros, quibus antea semper usi fuissent. Legati accepto responso læti domum redeunt. Interea Scipio Africanus Junior accepta classe Carthaginem maturè proficisci jubetur, & urbem ferro flammæque delere, salvis civibus ac rebus omnibus, quas ex urbe exportare possent. Scipio Censorinum legatum mittit, qui posteaquam obsides una cum navibus Carthaginiensium recepisset, jussit populum universum Carthaginensem ex urbe excedere: sic tamen, ut quæcunque vellet exportare, urbemque à portu remotiorem condere liceret: Carthaginenses imperio ducis perterrefacti, fidem senatus populique Romani appellant: quibus responsum est, populum Romanum semper fidem coluisse: & quæcunque legatis eorum promissa fuissent præstitisse: civitatem verò mœnibus urbis minimè contineri. Ita Carthaginenses verborum ambiguitate decepti, urbem totius Africæ pulcherrimam ardere & solo æquari viderunt. 6 Ita sapissimè (subjungit hic Bodinus 7) legati juris facialis, ac legum imperiti, in pacis actionibus fœderibusque feriendis gravissimè peccant.

6 Appian. in  
Lybico.  
7 De rep. lib.  
1. cap. 6.

Ex quibus planum est urbem sine civitate dici posse, quin etiam potest ipsa civitas sibi constare mœnibus urbium solo æquatis, vel oppidis ac magnis civibus vacuis, ut Athenienses bello Persico urbem penitus deseruerunt, & navibus salutem sibi quæsierunt: sic enim oraculum Themistocles interpretatus est, civitatem non aliter quam ligneis mœnibus servari posse, id est, civium cœtum ac multitudinem legibus sociatam, adversus hostium, copias non aliter, quàm navibus tutam fore. 8 Idem contigit Megalopolitanis, qui Cleomenis exercitu terri-  
urbem

8 Plut. in  
Themist.



urbem omnino desertam esse passi sunt: non minus tamen urbs erat, quam antea, sed neque civitas neque respublica dici poterat, cum civitas quodammodo ex urbe exisset. <sup>9</sup> Sic enim Pompeius cum ducentos Senatores ac meliorem civium partem ab urbe quam Cæsari reliquerat seduxisset. *Non est, inquit, in parietibus respublica.* <sup>10</sup>

<sup>9</sup> Bodinus de rep. lib. 1. cap. 6.

<sup>10</sup> Diod. lib. 41.

Planum item est, posse esse alicujus reipublicæ cives, quamvis in urbe non habitent, cum habitatio ad jus civitatis non requiratur, nec sufficiat. Multi habitant in urbibus, qui tamen cives non sunt, ut incolæ, peregrini, servi & cives honorarii: & multi extra mœnia habitant, qui cives sunt. Nam Quintus ad Consulatum aut Dictaturam vocatus est ab aratro, item Seranus. <sup>11</sup> Cato Senex, Lucullus, & infiniti alii traduxerunt familias in villas. Unde Halycarnassæus universos cives Romanos dividit in urbanos & rusticos. <sup>12</sup> Quin & Athenienses sæpe legimus ex agris ad suffragia esse citatos, <sup>13</sup> & Clientes totam ferè vitam ruri exegisse, <sup>14</sup> qui tamen unius civitatis cives erant. His addi possunt Lacones, quos ita de se loqui apud Senecam invenio. *Aliud ceteros, aliud Lacones decet; nos sine delictis educamur, sine muris vivimus, sine vita vincimus.* <sup>15</sup>

<sup>11</sup> Plin. lib. 3. cap. 13.

<sup>12</sup> Sigon. de jur. Civ. Rom. cap. 6. <sup>13</sup> Demost. in orat.

<sup>14</sup> Polyb. lib. 4.

<sup>15</sup> Lib. Suas.

Porro in definitione civitatis non conveniunt Scriptores Politici, Tullius vocat civitates concilia cœtusque hominum jure sociatos: quod non placet Arnisæo, <sup>16</sup> quia melius sic vocari possunt collegia & tribus: & civitas non tam hominum quam familiarum est societas. Nam ut bene dicit Bodinus, <sup>17</sup> quamvis paterfamilias septingentas uxores habeat, quot Salomon rex Hebræorum, & sexcentos liberos, quot Hieronymus rex Parthorum ab uxorum multitudine sustulit: aut quingentos servos, quot M. Crassus in censum retulit; quia sub unius & ejusdem patrisfamilias imperio sunt, nec populi, nec civitatis appellatione veniunt: etiamsi filios omnes, ac servos, connubiorum ac commerciorum jure conjungat, quamdiu fuerint sub ejusdem potestate, quem etiam in cunis adhuc vagientem lex ipsa patremfamilias appellat.

<sup>16</sup> Doctr. Polit. lib. 1. cap. 6.

<sup>17</sup> De rep. lib. 1. cap. 2.

Itaque idem Arnisæus laudat Aristotelem, secundum quem civitas est domorum & generum seu familiarum societas. <sup>18</sup> Georgius Schönbornerus, <sup>19</sup> & cum eo multi, describunt civitatem, quod sit hominum secundum easdem leges viventium

<sup>18</sup> lib. 1. Polit. cap. 6.

<sup>19</sup> Polit. lib. 1. cap. 13.



certa ratione moderatus cœtus. Extat & Sancti Augustini definitio, qua dicitur civitas esse cœtus multitudinis juris consensu & utilitatis communione sociatus. 20

20 Lib. 19. de  
Civ. Dei  
cap. 21.

Inter civitatem & rempublicam id discriminis Arniseus & Schönbornerus alique scriptores esse volunt, quod civitas sit quasi materia, respublica vero tanquam forma. In quo intellectu fuisse videtur Isocrates, qui rempublicam animam civitatis vocavit. Et Aristoteles 21 qui rempublicam choris & harmoniis, civitatem personis & numeris comparat. Sicut enim iidem homines mox Tragicum, mox Comicum possunt instituere chorum, ita & civitas eadem variis potest informari rerum publicarum formis: sicut Judæorum civitas nunc à iudicibus, nunc à regibus, nunc à principibus gubernata est.

21 Lib. 8. Polit.  
lit. cap. 3.

## S. II.

### De Metropoli.

1 ad L. obfer-  
vare de offic.  
Proconf. in  
annor. prior  
ad Pand.

**M**etropolis (Budæo teste 1) illa dicitur civitas, ex qua coloniæ, nempe alia oppida processerunt; ex qua nimirum coloni & incolæ in alium locum translati sunt. Unde (ut bene Suidas & Simplicius advertit) Metropolis sicut mater, coloniæ sicut filiæ habentur, quæ si beneficio afficiantur, honorem urbi matri tribuunt, si verò lædantur, abalienantur. 2 Priscis Monopolis dicebatur quam agricolæ soli inhabitabant. Dipolis, quam agricolæ & mercatores. Tripolis caput cujusque provinciæ. Tetrapolis, quæ nobis Metropolis. 3

2 Lib. 8. de  
Geometr.

3 Inst. Herod.  
contin.  
belli sacri  
lib. 1. c. 8.

Quia verò à robore dignitate & amplitudine metropoleos, totius provinciæ cujus illa caput est, pendet salus & gloria, ideo munire illam inprimis oportet ut reliquæ civitates tempore belli perfugium habeant. Quo consilio Romani patres orbis metropolim collocaturi.

*Delegere locum & posuere in montibus urbem.*

Deinde necesse est eandem Metropolim modis omnibus ornare, & amplificare, id quod & res ipsa exigit, & Syracides admonet, *filii, inquit, edificatio civitatis confirmabit nomen.* 4 Et certè, ubique gentium adeo negotium hoc curæ principibus fuisse reperio, ut etiam in Polonia ac Lithuanîa, ubi summa libertas, & summa est nobilitas, ac quod inde sequitur, nullo pretio, nisi virtute

4 Eccl. 40.



ac meritis comparabilis, ea tamen duabus, Cracoviensi nimirum in Polonia, & Vilnensi in Lithuania, civitatibus liberalissimè & perfectissimè collata sit. Qua de re his verbis scribit Petrus Miefzkeroski. *5 Majores nostri civitates suas liberalissimis privilegiis immunitatibusque donarunt. Cracoviam certe quæ regni caput est, jure quodam nobilitatis gaudere permiserunt, idemque Vilnensi in Ducatu Lithuania primariæ urbi concesserunt, adeo ut inter terrestres nuncios, qui ad comitia generalia ex singulis Palatinatibus confluere consueverunt, illarum etiam nuncios admiserint, & liberrimi voti copiam sententiæque dicendæ in ordine suo concesserint; & quod caput est ad S. R. M. deosculandam manum in frequentissimo senatu evocari consueverint.*

5 In Polono  
Jure Politico  
in Mercatoribus  
pag. 406.

Ad quod præclari certe Scriptoris testimonium non esset necesse quidquam adjicere, nisi verbo *quodam* extenuata videri posset dictarum civitatum nobilitas. Nam Cracoviam (inquit) quæ regni caput est jure *quodam* nobilitatis gaudere permiserunt. Verum ne ulla deinceps maneat dubitatio, Jus Curia Vilnensis, quod solum nunc ad manum habeo, allegandum & ad verbum ex archetypo transcribendum existimavi: illud autem hujusmodi est.

„ In nomine Dei Omnipotentis Patris & Filii & Spiritus  
„ Sancti Amen. Ad perpetuam rei memoriam. Literas pro-  
„ pterea esse repertas non ignoramus, ut quarum rerum memo-  
„ riam sempiternam extare cupimus, & illarum monumentis  
„ contineantur, & ad posteros transmittantur. ideo nos S I-  
„ GISMUNDUS AUGUSTUS Dei Gratia Rex Poloniae,  
„ Magnus Dux Lithuaniae, Russiae, Prussiae, Samogitiae, Maso-  
„ viae, Livoniae, Dominus & heres. Cupientes nostram erga ci-  
„ vitatem Vilnensem sedem ac domicilium imperii in Lithua-  
„ nia, nostrae gratiae ac clementiae prodere ad posteritatis me-  
„ moriam testimonium, notum ac testatum esse volumus, quo-  
„ rum interest, vel intererit, aut quocunque modo interesse po-  
„ terit, universis & singulis, qui nunc sunt, quique post futuri  
„ sunt, tam domesticis, quam externis: quod cum singularem  
„ fidem, observantiam, subjectionisque reverentiam, ac cul-  
„ tum erga nos civitatis Vilnensis incolae semper declarassent,  
„ hocque praesertim belli tempore, nos, remque publicam no-  
„ stram & pecunia saepe juvissent, & pro nostra, reique publicae



„ nostræ salute ac dignitate, extrema quæque pati paratos se  
 „ omni alacritate demonstrassent; aliisque fidelium & obse-  
 „ quentium subditorum officiis suam fidem nobis sæpe pro-  
 „ basset, ut parem meritis illorum gratiam à nobis vicissim  
 „ consequi possint, in comitiis hisce generalibus Grodnensibus  
 „ hoc nos privilegio præ cæteris omnibus civitatibus & oppidis,  
 „ ornandos & condecorandos duximus; ut omnes quicunque  
 „ in Magistratum electi Reipub. illius civitatis negotia tra-  
 „ ctant, & quorum cura ac solitudine pro eorum virili parte  
 „ illius civitatis tranquillitas & incolumitas continetur, Advo-  
 „ cati scilicet, Proconsules, Consules, Scabini, & Notarii, or-  
 „ dini equestri nobilitatique exæquantur, iisque omnibus li-  
 „ bertatibus, immunitatibus, prærogativis honoribus, reputa-  
 „ tionibus ornati gaudeant, quibus indigenæ terrarum Li-  
 „ thuanix nobiles gaudent. Igitur motu proprio auctoritate  
 „ que nostra regia, qua non minore quàm reliqui omnes Reges  
 „ ac Principes, imo majore etiam, qui nullum in terris superi-  
 „ orem in secularibus recognoscimus, fungimur, decernimus  
 „ & in perpetuum constituimus. Primum, ut si qui sunt in Ma-  
 „ gistratu Vilnensi tam Advocatiali, quàm Proconsulari, Con-  
 „ sulari, Scabinali, ac Notoriali munere fungentes ex nobili  
 „ genere, tam hic, quam foris nati, eorum nobilitati functio  
 „ Magistratus ne obsit. Deinde qui sunt in illo Magistratu ex  
 „ plebeio, ignobilique genere, ob Magistratus tamen in prima-  
 „ ria & de nobis optime merita civitate gesti & administrati  
 „ dignitatem, nobilibus exæquamus, ita scilicet ut æquales &  
 „ pares perpetuo sine ullo probro & ignobilitatis notâ censean-  
 „ tur, eorum quoque liberis, si vilibus artibus se non contami-  
 „ naverint, sed liberalia vel militaria studia coluerint, eadem  
 „ dignitate gavisoris, ut ad omnes honores Spirituales, & secu-  
 „ lares, item ad possessiones terrestres, quæ solis fere genere  
 „ nobilibus deberentur, aditus illis patere perpetuo possit;  
 „ tamque ad Ecclesiastica beneficia quælibet, majora & mino-  
 „ ra, ac Prælaturas, seu in Cathedralibus, seu Collegiatis ac qui-  
 „ busvis aliis Ecclesiis, quam etiam ad secularia officia digni  
 „ semper habeantur. Hoc enim privilegio nostro parentibus  
 „ eorum pro Magistratus civilis functione concessio, ipsi quo-  
 „ que majore studio & ardore virtutem colent, atque omni ho-  
 „ nesto



„neſto officio ut pares eſſe tanto decori à nobis conceſſo poſ-  
„ſent, contendant, unde ad Rei hujus publicę uſum & utilitatē,  
„majus uberiusque ſeminarium pullulare perpetuo poſſe, certo  
„nobis perſuademus. Licebitque prædicto Magiſtratui & eo-  
„rum liberis nobilium ſtemmata ſeu inſignia ſi volent ſibi af-  
„ſumere, de conſenſu tamen & voluntate alicujus familiæ ejus  
„generis, quod ea arma gerit, quæ illi aſſumere optaverint,  
„quibus inſignibus, in omnibus actionibus ſuis tam in annu-  
„lis ſignatoriis, quam in ſculpturis ac picturis privatis uti po-  
„terunt perpetuo, non requiſito deinceps vel noſtro vel ſuc-  
„ceſſorum noſtrorum conſenſu, aut alio privilegio novo &  
„ſpeciali. In publicis verò officii civilis negotiis & actibus, u-  
„tentur ſigillo civitatis uſitato, S. Chriſtophori imaginem  
„continente, cera verò rubra more primariarum in Regno Po-  
„loniæ civitatum. Eximimusque illos ab omni probro, nota,  
„convitio, ignominia, contemptu, contumeliis, quibus igno-  
„biles à nobilibus infectari & proſcindi ſolent. & eandem pœ-  
„nam in exprobrantes præfato Magiſtratui Vilnenſi ignobili-  
„tatem & vilitatem ſtatuiſſimus, quæ in ſtatutis noſtris in eo de-  
„creta eſt, qui verè nobili ignobilitatem exprobet. Volentes  
„inſuper, uti qui plenum laboris & ſollicitudinis pro repub.  
„munus ſuſtinent, ac quotidie graviffimis totius civitatis cu-  
„ris anguntur præ ceteris concivibus ſuis aliquod ſentiant præ-  
„mium, liberamus omnes in Magiſtratu conſtitutos, Advoc-  
„tos, Proconſules, Conſules, Scabinos, Notarios, ab omnium  
„hoſpitem aulicorum videlicet noſtrorum, vel Succeſſorum  
„noſtrorum, vel quorumvis aliorum cujuſcunque ſtatus, con-  
„ditionis, præeminentia, receptatione, tam comitiorum tem-  
„pore, quam alio quovis, ut domus habitationeſque illorum,  
„in quibus ipſi degunt libera perpetuo ſint, ne domini domus  
„quorum induſtria conſilio & providentia reſpublica civitatis  
„regitur, receptorum hoſpitem moleſtia turbati, ad ſui munc-  
„ris functionem ſegnioreſ ac ineptioreſ reddantur, ac uti hæc-  
„tenus fieri experimur, bonus ordo & regimen civitatis impe-  
„diatur. Quod quidem privilegium à nobis, Advocatis, Pro-  
„conſulibus, Conſulibus, Scabinis, Notariisſque Civitatis Vil-  
„nenſis, & eorum ſucceſſoribus datum, nos ratum firmumque  
„perpetuo conſervaturos pro nobis & ſucceſſoribus noſtris,  
„verbo



„ verbo fideque nostra regia pollicemur, nullo unquam tem-  
 „ pore immutandum. Caventes insuper si M. Ducatus Lithu-  
 „ ania, quod speramus cum regno Poloniae unitus realiter &  
 „ in effectu fuerit, hoc privilegium praefato Magistratui datum,  
 „ aequè in Regno, sicut in Magno Ducatu valiturum. Volumus  
 „ etiam insuper, ut Magistratus saepe nominatus Vilnensis, ad  
 „ omnia Comitum generalia tam in Magno Ducatu Lithuaniae,  
 „ quam etiam in regno Poloniae, si unio ipsorum dominiorum  
 „ debitum sortita fuerit effectum, binos vel ternos Consules ex  
 „ Collegio suo mittant, qui secundum nuntios terrestres resi-  
 „ dendi, & de rebus ad statum civitatis Vilnensis pertinentibus  
 „ dandae sententiae jus potestatem facultatemque perpetuis  
 „ temporibus sunt habituri. In cujus rei fidem, & evidentius  
 „ testimonium, praesentibus sigillum nostrum est subappressum.  
 „ Datum Grodnae in conventionione generali 15. Junii Anno  
 „ Domini 1568. Praesentibus Rndmis, illustrissimis, Magnifi-  
 „ cis, Domino Valeriano Vilnensi, Victorino Luceorienti, Ge-  
 „ orgio Mednicensi, Nicolao Kijoviensi Episcopis. Nicolao  
 „ Radziwill in Dubinki & Birze Duce, Palatino Vilnensi,  
 „ Magni Ducatus Lithuaniae Cancellario, Borisoviensi Li-  
 „ dentique Capitaneo. Gregorio Chodkiewicz Castellano  
 „ Vilnensi, & exercituum Magni Ducatus Lithuaniae summo,  
 „ & Grodneni, Mosirensi Carnoviensiq; Capitaneo. Stephano  
 „ Duce Zbarascen', Palatino Tracen', Georgio Chodkiewicz,  
 „ Castellano Trocensi, Joanne Chodkiewicz libero Barone in  
 „ Szkloro & Bychoro, Capitaneo Samogitiae, Magni Ducatus  
 „ Lithuaniae, Magno Marschalco, Archiepiscopatus Rigen'.  
 „ Administratore, Plotelensi Telzen' tenutario. Stanislawo Do-  
 „ woynic, Polocen', Paulo Sapieha Novogroden', Georgio  
 „ Tyzkienrez Bresten', Volcoviscen'que Capitaneo. Georgio  
 „ Ofsik, Mscislaviensi, & Capitaneo Braslaviensi. Gabriele  
 „ Hornostay Minscen' Palatinis. Georgio Zienonwicz Polocen'  
 „ & Leplen' Capitaneo, Georgio Wolowicz Novogroden'  
 „ & Slonimen' Capitaneo, Georgio Tryzna Podlasen'. Joanne  
 „ Hayko Bresten' Castellanis, & Capitaneo Vilkien', Eustas-  
 „ chio Wolowicz Magni Ducatus Lithuaniae Vicecancellario,  
 „ ac curiae Marschalco, Bresten. Kobrinenque Capitaneo. Ni-  
 „ colao Narufzewicz Thesaurario terrestri Magni Ducatus Li-  
 „ thuaniae.



„thuania, Markoucen, Miedalen, Capitaneo. Nicolao Kifzka  
 „Pocillatore nostro, Drokicen, que Capitaneo. Christophoro  
 „Radziwill Incisore nostro. Nicolao Olechowicz. Dorostayski  
 „Brimario Dapifero, alias Stolnick M. D. Lithuania, Velunen  
 „tenutario; Joanne Szymkowicz, Marschalco, ac in Magno  
 „Ducatu Lithuania nostro tenutario, Tikociensi, Vilkominen-  
 „si Capitaneo. Luca Swirski, Joanne Woloczek, Joanne  
 „Swirski, Marschalcis nostris, Laurentio Woyna, Michaelle  
 „Haraburda, Basilio Dizewinski, Matthia Sawicki, Notariis  
 „& aliis quàm plurimis consiliariis officialibus nostris.  
 „SIGISMUNDUS AUGUSTUS REX.

„Nicolaus Naruszewicz Thesaurarius ac  
 „Notarius terrestres M. D. Lithuania.

Quod privilegium (ut patet) Magistratui Vilnensi concessum est antequam unio inter Regnum Polonia & Magnum Ducatum Lithuania facta esset: in concordia autem unionis, fide publica & Sacramento, quo statuitur, omnia in Lithuania in eodem statu, in quo erant ante unionem servanda esse, confirmatum est.

Ex quo constat privilegium hoc, eadem firmitate & robore niti, qua, & quo nititur foedus ac concordia unionis inter Regnum & Ducatum conclusa. Hinc & Serenissimi reges, in hujus libertatis ac nobilitatis causis semper secundum privilegium pronuntiaverunt, & Magistratum Vilnensem ac Cracoviensem, esse in perpetuo suorum privilegiorum usu & Petrus Mieszkoroski, & tota respublica attestatur.

## CAPUT II.

*De Causis Civitatis.*

**V**T nulla res (solo Deo excepto) sine causa existit, ita & civitatum, certas causas existere necesse est: causam nimirum effectricem à quâ; materiam, ex qua, finem ad quem factæ sunt civitates. De quibus solis agendum est nobis hic, nam de quarta forma videlicet civitatis, libro tertio, quem de Republica inscribimus, commodius agemus.



## §. I.

*De Origine Civitatum & causa efficiente earundem.*

**D**E primo urbium ac civitatum exordio, varii varia comminiscuntur, multaque etiam fabulosa admiscunt. Aristoteles qui mundum æternum existimavit, nullum exordium civitatum statuit. Poëtæ aureo sæculo Saturno imperante, nullas urbes fuisse, sed sub Jove tandem inceptas exstrui, qui post diluvium regnavit, testantur. Ægyptii persuaserunt Soloni, urbem Athenarum novem annorum millibus conditam ante Solonis ætatem. Nonnulli Thebas antiquissimas jactarunt. Græci existimarunt Cecropen auctorem primæ urbis, & Cecropiam nominatam: alii tamen Argos primam fuisse autumant, ejusque conditorem Phoronæum. Verum Cecrops Moyse, & Phoronæus Jacob Patriarchæ ævo conterminus fuit.

Hos omnes facer textus de Henochia à Cain condita loquens, 1 confutavit. Primus igitur qui primam civitatem ædificavit fuit Cain, eamque nomine filii sui Henochiam vocavit. Nec dubium est eum etiam in illa habitavisse, ac profugum esse sub finem vitæ desivisse. Nam secundum Josephum, non statim à Deo profugit, sed facile 400. aut 500. annis post, cum jam filios ac filias, nepotes neptesque genuisset, qui Henochiam incolerent, condere illam civitatem cœpit. 2

1 Genes. 4.  
2 Aug. lib. 15.  
de Civit. Dei  
cap. 8.

Fuisse autem Henochiam conditam circa Libanum montem qui est ad orientem, in comparatione regionis Damascenæ. Fuisse item urbem amplissimam, ac habitationem gigantum, testis est Berosus, Ammianus. 3

3 in lib. de  
Temporibus.

Atque hæc prima & unica fuit civitas ante diluvium: quam Sanctus Augustinus 4 dicit fuisse figuram Romanæ urbis ut enim hujus conditor extitit fratrïcida Cain, ita etiam illius.

4 sup. cit.

Porro dissipata mole aquarum & desiccata terra, anno à condito mundo, millesimo sexcentesimo quinquagesimo septimo, Noha pater, singulari Dei beneficio cum filiis servatus, urbem juxta Araxim majoris Armeniæ fluvium, condidit, atque illic habitare cœpit: posteros suos cultum divinum, & puram religionem edocens, vivendique leges & disciplinam præscribens. Postea cum paulatim auferet hominum numerus, auctor fuit



fuit suis liberis atque posteris, ut in diversas regiones profecti, terram colerent, & urbibus extructis colonias deducerent. 5

5 Sim Maiol.  
Colloq. 4. de  
Orig. Soc.  
Hum. & Be-  
rosus Babyl.

Rude autem & inconcinnum urbium exordium fuit, neque enim ab initio muris aut propugnaculis muniabantur, sed ut Halicarnasseus refert, aggeribus tantum & arborum truncis, sive in altum erectis, sive mox inter se contextis & implicatis cingebantur. Quomodo olim Galli & Germani (ut Hubertus Leodius tradit) urbes suas extruebant. Trabes enim debitis intervallis distantes in solo collocabant, easque denso aggere vestiebant, interpositis grandioribus faxis: eaque ratione & ab incendio, & arietis robore muniabantur, cum ignem lapis, arietem agger & trabes repellerent.

Tandem opibus crescentibus muri circumdari, fossæ & propugnacula excitari cœperunt: præsertim accedente hominum industria in urbibus occupandis, expugnandisque, laborari etiam debuit, qua tandem ratione munirentur. Unde & muralis corona mox decreta illi, qui primus murum hostilis civitatis ascendisset. 6

6 Laurent,  
Beyerl. The-  
at. Vit. hum.  
lib. 3.

### §. II.

#### *De Causa materiali Civitatum.*

**C**Ausa materialis civitatum, seu materia ex qua civitates coalescunt sunt cives. Quid autem sit civis variant auctores.

Bodino civem fieri placuit, cum paterfamilias ex ædibus, in quibus domesticum imperium habet egreditur foras, seque cum aliis familiarum principibus, ad res rationesque contrahendas conjungit; tunc certe (inquit) patrisfamilias ac domini nomen amittit, ut socium ac civem se ferat, & quodammodo è familia exit, ut in civitatē ingrediatur, ac pro domesticis negotiis publica tractet. *Civis*, autem secundum illum nihil aliud est, quam liber homo qui summa alterius potestati obligatur. 1 Prius enim (in-

1 De repub.  
lib. 1, cap. 6.

quit) quam ulla civitas, aut reipublicæ forma extaret, pater quisque familiæ summum jus vitæ ac necis habuit in liberos & uxores. Postea verò quamvis imperandi cupiditas, tum etiam avaritia, & ultionis appetitus aliis in alios arma suppeditavit, quos bellorum exitus victores fecerat, victos potentiorum li-



„bidini servire cogeat : & qui ducem se ferens fortiter rem  
 „gesserat, non modo familiæ suæ, sed etiam hostibus æquæ ac  
 „fociis imperabat : his quidem ut amicis, illis autem ut servis.  
 „Tunc plena illa, & à natura cuique tributa libertas vivendi ut  
 „vellet, victis omnino adempta fuit ; ut ipsis quoque victori-  
 „bus, ab eo quem sibi ducem elegerant quodammodo dimi-  
 „nuta : propterea quod summum alterius imperium agno-  
 „scere quemque privatim oporteret. Inde prima servitutis ac  
 „subditorum, inde civium ac peregrinorum, principis ac ty-  
 „ranni, origo. Hæc Bodinus. A quo definitionem civitatis da-  
 „tam impugnât Arnisæus, 2 quia illam non civi ut civi, sed illi  
 „ut subdito, qui à republica constituitur convenire dicit. Pote-  
 „statis inquit mentio hic in civis definitione fieri non debet,  
 „cum subditum complectatur potius, dicatque respectum ad  
 „republicam, à qua civitas hic abstrahitur. Hinc fit ut & sub-  
 „ditis iis competat qui non sunt cives, ut incolis, quippe qui sunt  
 „liberi homines, alterius potestati subiecti. Ne dicam quod li-  
 „bertas, licet sit conditio necessaria, ad civis tamen essentiam  
 „non pertineat : item quod civis qui in relatione ponitur, per  
 „absolutum genus, videlicet hominem definiri non possit.

Aristoteles qui sollicitè civem describit, jus in eo atque po-  
 „testatem suffragii requirit. *Querimus*, inquit, *eum qui simplici-*  
*ter civis dicatur, nec habeat aliquam adjunctionem quæ restringat &*  
*corrigat : cum & de infamibus & de exulibus eo modo ut supra du-*  
*bitari & responderi potest. Civis simpliciter, nulla alia re definitur*  
*magis, quam participatione potestatis publicæ judicandi & decer-*  
*nendi.* 3

Qua in re carpunt Philosophum scriptores, quem tamen de-  
 fendit Arnisæus proximè à nobis relatus, dicitque eum loqui de  
 cive nondum potestati reipublicæ subiecto. Tum enim ait sicut  
 cives omnes sunt æquales, ita æquale jus habere debent in rebus  
 communibus; quippe quod omnes tangit, ab omnibus debet  
 approbari juxta regulam 29. Jur. Can. Verum hæc subtilis Ar-  
 nisæi doctrina minus hic fuit necessaria, cum perspicue Philoso-  
 phus doceat quemnam illa definitione civem definiat, differen-  
 tiamque inter ipsos cives statuât. Sic enim ibidem loquitur.  
*Quare civem quoque esse alium atque alium, necesse est secundum dif-*  
*ferentiam rerum publicarum. Itaque ille de quo diximus in populari*  
*quidem*

2 Doct. Pol.  
cap. 6. de ci-  
vib.

3 Polit. lib. 3  
cap. 1.



quidem statu maximè est civis : in aliis vero speciebus esse quidem potest, non tamen necesse est. In quibusdam enim civitatibus nec populus est, nec concionis usus, sed senatum habent & judicia, ut apud Lacedamonios de contractibus cognoscunt hi, qui Ephori nuncupantur, alii alios: de eade autem Senatus, & forsan alius magistratus de aliis, eodemque modo apud Carthagenenses de omnibus quidem causis magistratus quidam cognoscunt. Sed recipit correctionem quandam definitio civis, quod in aliis rebus publicis non est indeterminata illa potestas, quæ in concione decernit & judicat, sed determinata secundum jurisdictionem. Horum enim aut omnibus, aut quibusdam concessum est deliberare ac judicare, vel de omnibus, vel de quibusdam. Quis igitur sit civis ex his patet.

Petrus Mieszkorski in suo Polono Jure Polito definiturus civem, non satis sibi fieri illis definitionibus dicit, ex quibus quadam, omnem hominum in una civitate aut regno congregationem, nomine civium appellant. Quadam eos tantummodo qui sunt ingenuis oriundi & nobilibus civibus. Quadam qui alterutro tantum ingenuo cive nati sunt. Nonnullæ civem ad avos proavosque referunt; aliquæ peregrinos etiam in societatem assumptos civem vocari existimant. Omnium rectissime Aristoteles, qui nomine civium eos appellat, qui Magistratus gerendi jus in civitate habent, & ex liberis ingenuisque (addo ego Nobilibus) sunt orti parentibus. 4

4 In Nobili  
pag. 226.

Sed quid hic auctor velit, non satis intelligo. Nam rejectis inter alias etiam illis definitionibus, quæ eos tantum nomine civium appellant, qui sunt ingenuis oriundi & nobilibus civibus, amplectitur Aristotelem, cui cives illi sunt, qui magistratus gerendi jus in civitate habent, & ex liberis, ingenuis, & (ut addit auctor) Nobilibus sunt orti parentibus.

Aristoteles civem, cui (ut ejus verbis utar)abilitas est participandi potestatis publicæ, deliberativæ & judiciariæ, non Monarchiæ, aut Aristocratix, sed solius Democratiæ definit: illam quoque nascendi in cive felicitatem non ipse requisivit, sed ab aliquibus requiri dixit. Consueverunt, inquit, etiam dicere civem, qui ex duobus civibus ortus sit, & non ex altero solum, seu ex patre & matre: alii verò magis ultra requirunt, seu avos & proavos, vel plures. 5

5, Supr. cit.

Quamquam illa civis ab Aristotele allata descriptio, ne ad popularem quidem statum (ut bene advertit Bodinus 6) ac-

6 Lib. 1. de  
Rep. cap. 6.



7 Plut. in Solone.

8 P ut ibid.

commodari potest; cum in Atheniensium statu omnium maximè populari, quarta classis quæ civium multitudine cæteris triplo major erat, ab imperiis ac judiciis arceretur. 7 Quare Athenienses ipsos in sua republica & quidem populari, peregrinos fuisse fateatur necesse est usque ad Periclis ætatem, 8 quisquis Aristotelis definitionem probare volet.

9 Ibidem.

Quod si quis adhuc contendat, ab Aristotele eo loci non tantum popularis, sed etiam omnis politiæ civem definiri; ei facile responderi potest, Philosophum nimis in ea re superstitiosum fuisse; idque patet ex eo quod secundum illum & pueri nondum ætate perfecti, & senes ob ætatem à muneribus publicis vacantes, non simpliciter cives dicendi sunt, sed quodammodo cives. 9 Addo, si vera illa Philosophi doctrina esset, matres atque uxores nostras minime cives esse, cum fœminæ nullum jus ferendi suffragii habeant.

10 Ubi sup. Num. 4.

11 De repub.

Quod attinet ad generis nobilitatem, quam in vero cive Petrus Mieszkoroski 10 exigit, id jam pridem Plato refutavit, secundum quem, non ex medico & medico, neque ex agricola & agricola, sed ex medico & agricola respublica constat. 11 Est certe civitas veluti quædam natura animata; & sicut animal bene dispositum secundum naturam componitur ex quibusdam proportionatis partibus invicem ordinatis, suæque opera sibi mutuo communicantibus, & ad totum: sic civitas ex quibusdam talibus constituitur, cum bene disposita & instituta fuerit secundum rationem. 12 Congregati autem sunt homines propter acquirenda necessaria quædam, vicissitudinaria communicatione inter se. Nam bene vivere volentibus plura exiguntur, quæ tamen per homines unius ordinis procurari omnia non possunt. Atque hi ordines diversi, seu officiorum communicationes multiplices, pro conservatione vitæ factæ, nihil aliud sunt, quàm pluralitas & distinctio partium civitatis.

12 Marsil. Patav. in defensore pacis.

Stat etiam pro me Bodini contra Aristotelem similia docentem disputatio. Quod, inquit, tradit Aristoteles, patricos magis cives esse quam plebeios, id absurdum est, non modo in populari Atheniensium statu, sed etiam Helvetiorum & Argentinensium, ubi nobiles fere ab omnibus imperiis summoventur. Verius est à Plutarcho traditum cives dici, qui legibus ac immunitatibus civitatis fruuntur; quod ex ætate, sexu,



„sexu, statu & conditione, cujusque metiendum venit; ut patricii quidem jure patriciorum, plebei jure plebeiorum. An corporis humani membra de sua conditione querentur? dicet, ne pes oculo, cur non in sublimi corporis loco positus sum, an propterea pes inter membra non censebitur. At si Aristotelis definitioni locus sit; quam multæ seditiones, quot bella civilia, quantæ civium strages in mediis civitatibus exorirentur. Certe plebs Romana (addo ego, fortassis & Polona) non aliam ob causam à patribus secessit, quam quod non iisdem imperiis ac immunitatibus quibus nobilitas frueretur: nec aliter sedari potuit quam proposita corporis humani fabula, qua sapientissimus Senator Agrippa, plebem cum patribus conciliavit. Non Romulus ille creator urbis plebem ab imperiis, sacerdotiis, omnique auspiorum jure summovit; patricos ea capeßere jussit, qui scilicet generis sui stirpem ducerent ab iis, quos in senatum legerat quosque iis conscripserat. 13

Quamobrem optima videtur illa definitio civis à Bodino allata, quæ dicit civem nihil aliud esse quàm liberum hominem summæ alterius potestati obligatum. Non mala & Arnisæi, secundum quem civis est socius qui cum sua familia in societate familiarum bene vivere intendit. 14

Atque ex istis etiam constat, quid sit Peregrinus. Est enim homo qui civis non est; sive nunquam fuerit civis, sive amiserit civitatem. Quod ab interpretibus animadversum non fuit. *Qui deportantur*, inquit Imperator, *si heredes scribantur, tanquam peregrini capere non possunt.* 15 Dicuntur & ἀποδιδέσθαι à Jureconsultis, quòd civitate careant. 16 Cæterum in pervulgata constitutione Frederici, cujus initium est, *Omnes peregrini.* aliter accipitur, sed per abusionem ut & in aliis quibusdam locis, pro eo scilicet qui peregrinatur, & peregre abest à domo sua: & ita in Doctorum hominum scriptis interpretari debemus, ne eorum voluntas, quæ verborum proprietati anteponenda est, pervertatur. 17 Peregrinus quoque olim teste Cicerone 18 dicebatur, quem nunc hostem appellamus.

13 Ubi sup.  
Num. 6.

14 Doct. Polit. cap. 6. de civit. & civib.

15 L. 1. Cod. de hered. inst.

16 L. quidam ff. de Penis.

17 Duren. lib. disp. anniverf. 1.

cap. 9.  
18 lib. 2. offic.



## §. III.

*De varia Civium inter se distinctione.*

**D**Iversum inter cives ordinem pro gentium atque populorum diversitate fuisse à Scriptoribus observatum est. Apud Athenienses primus Theseus, nobiles & doctrinæ deditos quos *εὐπατρίστους* vocavit sejunxit; deinde agricolas tum plebem & artifices. Nobilibus & eruditione præditis, tractandi rem divinam; magistratus ex suo ordine creandi, administrandique leges; tum pia religiosaque interpretandi definiendique potestatem fecit. 1 Indi in septem genera suos distribuerunt. Unum Philosophorum, qui ab omni opere immunes & præstantissimi sunt habiti: secundum agricolarum: tertium pastorum & venatorum: quartum opificum: quintum militum: sextum ephorum & præsidum: postremum consiliariorum & assessorum regionum. 2 Ægyptii septem habuerunt ordines: quorum primus fuit Sacerdotum; alter pugnatorum; tertius bonum pastorum; quartus subulcorum; quintus rusticorum; sextus interpretum; postremus gubernatorum navalium. 3 Arabes trifariam rempublicam suam partiti sunt, in Sacerdotes, agricolas, & milites. 4 Galli Julii Cæsaris tempore omnes in duo genera divisi fuerunt; Druidum videlicet, & equitum, quorum illi rebus divinis ac religioni operam dabant: hi bellis gerendis districti tenebantur. 5 Romani tres ordines civitatis constituerunt; unum senatorum, alterum equestrem, tertium plebeium. 6 Totidem constituit ordines & Plato, sed diversa ratione: ut esset primus agricolarum, opificum, mercatorum, qui cæteris civibus, veluti horum ministri, ad vitam necessaria compararent: alter militum, qui civitatem tuerentur: tertius custodum, quorum auctoritate & consilio res tum pacis, tum belli tempore gererentur. 7 Aristoteles sex ad civitatem esse necessarios ordines contendit; secundum res, quæ necessario in urbe requiruntur: & constituit agricolas primum, seu glebæ addictos, & pastores, propter victum: secundo opifices propter instrumenta varia: tertio milites propter arma: quarto divites propter pecuniam: quinto Sacerdotes propter rerum divina-

rum

1 Plutar. in  
Theseo.

2 Strabon. lib.  
15.

3 Herodot.  
lib. 2.

4 Diod. lib. 6.  
cap. 10.

5 Jul. Cæsar.  
lib. 6.

6 Liv. lib. 1.  
a Condita  
urbe.

7 Lib. 2, de  
rep.



rum procuracionem: postremo iudices & Senatores, propter  
judicationes & consultationes. 8

Sunt & alia apud alios populos civium divisiones, quas hic  
referre non est operæ pretium. Et de plebeiis quidem civibus  
nulla est inter auctores controversia, nam plebeios à plebe esse  
dictos nemo ignorat. Plebs autem eo à populo differt, quod in  
populo omnis pars civitatis, omnesque ejus ordines continean-  
tur: plebis autem appellatione sine patriciis & Senatoribus  
ceteri cives, vulgus nimirum viliorque pars populi significan-  
tur. 9

Romæ multi ex patriciis fiebant plebei, sicut ex plebeiis pa-  
tricii. Id quum fiebat per adoptionem, nomen mutabatur:  
quum verò non adoptione, sed aliquo privilegio, aut à plebe  
ad patres, aut à patribus ad plebem transibant, conservabatur  
nomen: quod Octaviæ gentis exemplo ostendit Suetonius.  
Ait enim modo patriciam, modo plebeiam fuisse nomine con-  
servato. Et Dio 10 P. Cornelium Dolabellam, qui Ciceronis  
gener fuit, transisse ad plebem tradit, ex quo postea tribunus  
plebis factus est Dolabella, nec defuit esse Cornelius, sed defuit  
esse patricius.

Plebeiorum itaque (ut dixi) civium facilis est apud omnes  
definitio: at de nobilibus magnæ sunt inter eruditos conten-  
tiones.

## S. IV.

*De Nobilitate.*

**Q**uia negotium nobilitatis longam à nobis tractationem  
exigit, ideo titulum hunc in minores secare partes visum  
est, ne longior sine interpunctione sermo tædium & nauseam  
afferat legentibus.

## SECTIO I.

*De Etymologia Nobilis seu de Nobilitate Grammatica.*

**V**ox *Nobilis* originem suam traxit à *noscedo* veluti *noscibi-*  
*lis*, idemque significat, quod notus, illustris, egregius, in-  
signis, præcipuus, &c. 1 estque (ut Grammatici loquuntur)

C c

Fest. Pomp.  
& Nonius  
ver- Marcell.8 Polit. 7.  
cap. 2.9 Balduin. A.  
cteius Capito,  
& Brecheus  
in l. plebs  
tit de Verb.  
& rer. Sign.

10 Lib. 42.



verbum medium, sicut fortuna, fama, & similia. Nam nobilis, insignis, præcipuus, non laudis nomina sunt, sed excellentiæ in quacunque re, sive bona, sive mala. In bona, cum ad generis dignitatem, aut aliud quid simile refertur. Sic Sallustius dixit Catilinam nobili genere natum: Cicerō nobili loco natum. 2 In mala verò re, idem verbum excellentiam significat cum ad aliquod malum apponitur. Sic Livius vocat nobilem clade Romanâ locum, & Plautus velle dicit aliquos scelere fieri nobiles. Quare dicimus, facinus nobile, nobilem formam, nobile templum, nobile flumen, nobile gymnasium, nobile ingenium, nobile nomen, nobilem gemmam, nobile lethum, nobilem equum, nobilem victoriam, nobile vinum, nobilem potorem, nobilem hortum, nobilem fontem, nobile scortum, nobilem latronem, nobilem gladiatorem. & sexcenta alia quæ ferè omnia variorum auctorum testimoniis nimis fusè confirmat Andreas Tiraquellus. 3

2 De Divi-  
nat. 1.

3 De Nobilit.  
cap. 2.

*Nobili* opponitur *ignobilis*, qui non semper pro *plebeio* aut *vili*, sed etiam pro ignoto, usurpatur. Qua de re celebris est apud Plautum locus,

4 In Amphi-  
tr.

*Nunc quando ego sum, vapulabis nisi hinc abis ignobilis.* 4  
Et alius,

5 in Pseudo-  
lo.

*Peregrina facies videtur hominis atque ignobilis.* 5  
Sed maxime insignis a quod Virgilium.

6 Æneid. 7.

*Solus ut in sylvis Italis ignobilis avum  
Exigeret — — — — — 6*

Ubi Poëta loquitur de Hippolyto, & per ignobilem non vilem, sed ignotum intelligit, ut bene animadvertit Servius. Neque enim pro vili, aut ignobili in vulgari significato recte potuit intelligi, cum Hippolytus admodum esset nobilis, utpote qui filius Thesei regis Atheniensium, & qui è genere deorum erat. Isocrates quoque Thesei patrem fuisse Neptunum asserit. 7

7 In encomi-  
o Helenæ.

## SECTIO II.

### *De Nobilitate Philosophica.*

1 Epist. ad  
Axiochum

**N**obilitas hæc nihil aliud est quam excellentia & claritas, sola virtute quæsitæ. Gloriari (inquit Phalaris 1) de nobili-



„bilitate ut de alio quovis bono licet. Ego autem, virtutem  
 „solum nobilitatem scio, cetera omnia fortunam. Et fieri qui-  
 „dem posset alius ex ignobilibus parentibus clarus, alius ex cla-  
 „ris ignobilis, ipseque seipso, & abjectissimis ignobilior. Ita-  
 „que animi virtutem apud Syracusanos laudibus prosequi de-  
 „bes: non majorum mortuam in ignobilibus successoribus  
 „nobilitatem. Similis styli fuit Alphonfi clarissimi Aragonum  
 regis responsum. Nam cum eum aliquis à nobilitate maxime  
 laudaret, quod scilicet esset rex, regis filius, regis nepos, regis  
 frater, interpellans laudatorem, dixit. Nihil esse quod in vita  
 minoris ipse duceret, quàm quòd ille tanti facere videretur.  
 Laudem enim illam non suam sed majorum suorum esse: quip-  
 pe qui iustitia, moderatione, atque cum excellentia sibi regnum  
 comparasset, successoribus quidem oneri regna cedere. & ita  
 demum honori, si virtute potius quàm testamento illa suscipi-  
 ant. A se itaque, si qua modo extant, elicerent ornamenta, non  
 à mortuis extorquerent. 2

Responsum dixi, oraculum est. Nam si omittamus falsam  
 vulgi opinionem, & ipsa principia rerum contemplemur, cer-  
 tum est, nos omnes homines ab uno homine originem habuif-  
 se: virtus sola æqualiter nos natos distinguit, & quorum ope-  
 ra extollit eos nobiles & claros reddit: & quamvis vulgi opi-  
 nio ignara quædam & indocta aliter sentiat, veritas tamen suo  
 dimoveri loco non potest. Itaque is vere est nobilis existiman-  
 dus, cujus opera virtuosa conspiciuntur, & qui aliter appellant,  
 non illi detrahunt quem non appellant, sed seipsos ignorantia,  
 stultitiaque condemnant. 3 Recte itaque Platina. 4 Si animi  
 (inquit) nostri bonis artibus & disciplinis imbuti, servare iusti-  
 tiam, pietatem, constantiam, & prudentiam rebus in omnibus  
 didicerint, quonam pacto fieri potest, ut is nobilis censeatur,  
 qui sine doctrina & eruditione intemperantiæ se, injustitiæ,  
 impietati, & nequitia addixerit: imò verò hunc non modo i-  
 gnobilem, verum etiam scurram & nebulonem improbum ap-  
 pellabimus: id quod sentire & Cicero videtur; scribens enim  
 ad M. fratrem de petitione consulatus, cum Antonii & Catili-  
 næ mentio fieret: Nequaquam sunt inquit ii tam genere insi-  
 gnes, quam vitiis nobiles. Nobilitatis enim proprium est re-  
 cta sequi, gaudere officio, cupiditatibus imperare, avaritiam

2 Parorm.  
 lib. 2. de reb.  
 gest. Alphon-  
 fi.

3 Æn. Silv in  
 hist. Canere-  
 di.

4 De vera no-  
 bilitate.



coërcere. Hoc qui facit, etiamsi ex infima sorte hominum natus fuerit, is merito suo nobilis haberi, & dici potest. Neque est cur parentem rerum omnium naturam (ut quidam improbi faciunt) reprehendamus, quod hos nobiles, illos vero ignobiles facit, æquale siquidem omnibus temperamentum præstat. Non genus, non potentiam, non opes inspiciens: eadem enim quo ad animum pertinet, nascendi ratio in privatorum hominum filiis est, quæ in principum ac regum natis, licet ii in purpura & magnis domibus, illi in centonibus ac casulis plerumque nascantur. Virtutes certe & vitia faciunt, ut alter altero nobilior sit.

Eant nunc ii nobiles in quibus (ut Sallustii verbis loquar) sicut in statua præter nomen nihil est additamenti: ii nimirum qui nihil nisi insignia sua, & proavos, & clarum nomen avorum crepant, & interim nullo virtutis studio ducuntur, nullum ejusdem edunt documentum; imo sæpenumero vitam agunt quovis mediastino impuriorem. In quos propterea non incongruè accommodari posset illud Poëtæ:

*Sit tibi Gallorum rex & regina parentes*

*Et maneat virtus pectore nulla tuo.*

*Non pluris faciam te, quam frustica mater*

*Sit tibi & ignotus rusticus ipse parens. §*

— — *Quis enim generosum dixerit hunc qui*

*Indignus genere & præclaro nomine tantum*

*Insignis? nanum cujusdam Atlanta vocamus,*

*Ethiopem cygnum, parvam totamque puellam*

*Europam, canibus pigris, scabieque vetusta*

*Lævibus, & sicca lambentibus ora lucerna,*

*Nomen erit pardus, tigris, leo, & siquid adhuc est*

*Quod fremit in terris violentius. §*

§ Cædus.  
Urceolus.

§ Juven.  
Sat. 8.

Gentis certè (ut ait Stephanus Vinandus) atque familiæ, non minus quàm arboris generositas, ex fructuum probitate cognoscitur, & ex virtutis suæ merito diligitur. Quod quidem meritum quo diutius in eadem stirpe, per plures ætates transfunditur, eò certè pretiosior atque generosior hæc haberi debet, atque stemmatibus exornari splendidioribus. Virtus enim honore gloriaque non minus in animo humano quam in agro plantarum fructus cultu promovetur. Hinc Lycurgus studens

cives.



cives suos à moribus præsentibus ad temperatiorem vivendi rationem traducere: *Non vobis*, inquit, *ô cives nobilitas & ductum ab Hercule genus proderit, nisi omni studio & opera illa ipsa gesserimus, per quæ ille mortalium omnium clarissimus extitit, ac per omnem vitam quæ honesta sunt, & discamus & exerceamus.* 7

7 Plur. in Lacon.

Si genus & sanguis majorum, parum confert ad veræ hujus germanæque nobilitatis prærogativam, quanto minus ad eandem conferent opes, privilegia, & principum diplomata. Eleganter Gregorius Nazianzenus. *Illud*, inquit, *nobilitatis genus, quod in principum diplomatis & edictis consistit, tum ullo loco ac precio habeo, cum pictam quoque pulchritudinem laudandam duxero, simiamque ob id venerari cæpero, quod leo esse iussa sit.* 8

8 Orat. 13.

Ex quo stultos se atque manes esse fateantur necesse est, qui sine ullis virtutis adminiculis, solo principum favore ad hoc decus ascendere nituntur. Præclare Maximilianus Imperator, supplicanti cuidam supra modum diviti, ut datis multis aureorum millibus nobilis designaretur respondit; Ditare quidem te possum, at nobilitare nonnisi te propria virtus potest. Insinuabat autem illud Aufonii

9 Corrozetus

*Pulchrius multo parari, quam creari nobilem.* 9

Hic sensus, ea mens, prisco illo ævo, nervum nobilitatis esse virtutem at nostro hoc

— — *Virtus sine censu languet ubique.*

### SECTIO III.

#### *De Christiana & Theologicâ Nobilitate.*

**N**obilitatis Christianæ eadem omnino est, quæ & Philosophicæ origo, eadem sunt stemmata & insignia. Utraque enim non opibus aut genere, sed sola virtute illustris est. *Sola*, inquit Sanctus Hieronymus, *apud Deum libertas est, non servire peccatis; Summa apud Deum nobilitas est, clarum esse virtutibus.* 1

1 Ad Celestiam.

Unde infert. *Nulla te unquam de generis nobilitate præponas, nec obscuriores quaslibet, & humili loco natas te inferiores putes. Nescit religio nostra personas, nec conditiones hominum, sed animas inspicit. Quid apud Deum in viris nobilibus Petro, qui piscator & pauper fuit? Quid in feminis Beata MARIA illustrius, quæ sponsa fabri describitur? sed illi piscatori & pauperi cælestis regni à Christo creduntur*

*claves.*



claves. *Hac sponsa fabri, meruit esse mater illius, à quo ipsi claves data sunt. Elegit enim Deus ignobilia & contemptibilia huius mundi, ut potentes ac nobiles ad humilitatem facilius adduceret. Nam & alias frustra sibi aliquis de nobilitate generis applaudit, cum universi pariter honoris, & ejusdem apud Deum pretii sint, qui uno Christi sanguine redempti. Nec interest qua quisque conditione natus sit, cum omnes in Christo renascamur. Nam si obliviscimur, quia ex uno omnes generati sumus, saltem id semper meminisse debemus, quia per unum omnes regeneramur.*

2 in Matth.

Cum sancto Hieronymo ejusdem sententiæ est Chrysostomus. *Ille, inquit, clarus, ille sublimis, ille nobilis, ille hinc integram nobilitatem suam putet, si dedignetur vitis servire, & ab eis non superari. 2 Et rursus: Quid enim prodest ei, quem sordidant mores, generatio clara? aut quid nocet illi generatio vilis quem mores adornant? ipse enim se vacuum ab omnibus bonis ostendit, qui gloriatur in patribus. Quid profuit Cham, quod fuerit Noe filius? nonne separatus de medio filiorum qui secundum carnem frater fuerat natus, secundum animam factus est servus: nec familia ejus sancta potuit defendere impios mores. Quid Timotheo nocuisse creditur, quod fuit ex patre gentili? aut quid nocuit Abraha, quod patrem habuit Tharam, luteorum deorum cultorem? nonne separatus à genere suo positus est in caput fidelium? ut jam non diceretur filius peccatorum, sed pater sanctorum? nec potuerunt ejus gloriam sordidare paterni errores.*

3 Habetur  
Distin. 40.  
illud.

His familia sentit Sanctus Ambrosius. Verba illius sunt. *Illud autem animadvertite, quod extra paradisum vir factus est, intra paradisum mulier, ut advertas quod non loci, non generis nobilitate, sed virtute unusquisque gratiam comparat sibi. Denique extra paradisum, hoc est, in inferiori loco vir factus, melior invenitur. 3*

4 Habetur  
distinct. 56.  
dominus no-ster.  
5 Opusc. de  
App. bel.

Quod Sanctus Chrysostomus in Timotheo & Abrahamo, Sanctus Ambrosius in Adamo, id Sanctus Hieronymus in ipso etiam Christo ostendit, sanguinem nimirum & ignobilitatem parentum minime filiorum claritudini officere. Sic enim loquitur: *Dominus noster Iesus Christus voluit non solum de alienigenis commixtionibus, sed etiam de adulterinis nasci, nobis magnam fiduciam præstans, ut qualicunque modo nascamur, dum tamen vestigia imitemur, ab ipsius corpore non separemur, cujus per fidem membra effecti sumus. 4*

Quamobrem bene Leo Imperator 5 scripsit, sicut animantia omnia



omnia ex moribus & actionibus ipsorum exquirimus, utrum generosa sint an inertia: sic & hominum nobilitatem non ex laude majorum, sed ex suismet actionibus, rebusque gestis esse æstimandum. Nam (ut recte monet Lucanus)

perit omnis in illo

*Nobilitas cujus laus est in origine sola.* 6

Bene item Ferdinandus Imperator, 7 Boni viri & boni vini originem non censet indagandam. Nam ut interdum loco non nimis celebri generosum vinum nascitur, ita ex loco & genere humili sæpe prodeunt laudatissimi.

Atque hæc vera genuinaque nobilitas quamvis summo jure, summaque justitia nitatur, quamvis non sanctorum tantum Patrum, sed etiam ipsarum sacrarum literarum patrocinium pro se habeat, (nam diserte apud Prophetam dicitur: *Nunquid non pater, unus omnium nostrum, nonne DEUS unus creavit nos?* 8 Et alibi: *Nunquid non in utero fecit me qui & illum operatus & formavit me in vulva unus.* 9) quamvis inquam, ista nobilitas ita munita sit, acriter tamen à cassâ illa nobilitate, quæ nimirum nihil præter vacuum nobilitatis vocabulum habet oppugnatur, si præsertim nobilitati generis non fuerit conjuncta. Adeo enim quibusdam ista non nativa nobilitas exosa est, ut cane, aut si quid cane vilius est, deterius habeatur. Non factis egregiis, non virtutibus, non ipsis miraculis, maculam hanc originis quis deleverit, seque à contemptu vindicaverit. Ipsi cœlites, nisi splendidis natalibus sint, parum illis videntur: ipse fortassis Christus, omnis ille nobilitatis fons, si de cœlis descenderet, non aliter quibusdam nobilis esse videretur, quàm si nobilem prosapiam, & jus civitatis (indigenarum vocant) doceret. Invidiam hanc an superbiam dixerim, an stultitiam, an omnia? nescio: illud scio, tantam nonnullorum esse vanitatem, ut contaminari nomen nobilitatis atque profanari hominibus plebeis originis existiment, quantumvis ii sumus virtutibus effulgeant. Certe sanctiorem isti putant esse suam nobilitatem, quam Dei Omnipotentis divinitatem, quæ sibi per illam admirabilem atque sanctissimam unionem (Hypostaticam Theologi vocant) univit humanitatem, atque adeo totam naturam humanam ad summam dignitatem evexit.

Caterum exprobrantibus genus, respondendum est, omnes homi-

6 Ad Pisonem.

7 Nicol.

Reusin, Class.

3. Symb. 49

8 Malach. cap. 2.

9 Job. 31.



10 Psalm. 81.  
11. 12 cap.  
pen. extra de  
præbend.

homines ipsius Dei testimonio, filios esse Dei, juxta illud: *Ego dixi dii estis & filii excelsi omnes.* 10 Paulo aliter respondit Hostiensis. 11 *Omnes, inquit, sumus ex iisdem parentibus. Unde quicumque te de nobilitate generis jactas eundem te reperies cum eo quem ex ignobilitate despicias si vere computare sciveris sursum versus. Nam & quantum ad animam, ex iisdem quoque patre & matre, Deo scilicet & Ecclesia. Et ideo proprie nobilitas sanguinis non est alia, quam stercoreis & fætoris unde merito dicitur:*

*Nobilitas sola est, animum qua moribus ornat.*

Est & illa Divi Ambrosii elegans responsio. Nonne sic utero conceptus & natus es ex utero, quemadmodum & pauper natus? Quid te jactas de nobilitatis prosapia? Soletis & canum vestrorum origines, sicut divitum recensere soletis & equorum vestrorum nobilitatem, sicut consulum prædicare. Ille ex illo patre generatus est, & illa matre editus. Ille avo illo gaudet, illis se proavis attollit. Sed nihil istud currentem juvat. Non datur nobilitati palma sed cursori, deformior est virtus in quo nobilitas generis periclitatur.

11 in Bell. Ju.  
guth.

Non prætereunda quoque est Martii oratio, qua apud Sallustium 12 novam suam nobilitatem defendit. Contemnunt, ait, novitatem meam ego illorum ignaviam: mihi fortuna, illis probra obiectantur. *Quamquam ego naturam unam & communem omnium existimo, sed fortissimum quemque generosissimum esse.* Et paulo post: *Quod si me jure despiciunt, faciant idem majoribus suis, quibus uti mihi ex virtute nobilitas cepit.* Et rursum: *Nunc videte quam iniqui sunt, quod ex aliena virtute sibi arrogant, id mihi ex mea non concedunt: scilicet quia imagines non habeo, & quia mihi nova nobilitas est, quam certe peperisse melius est, quam acceptam corrupisse.*

Extat etiam Martii Septimii obscurissime nati, qui post Gallienum, imperium tenuit ejusdem argumenti oratio. Scio (inquit) commilitones, posse mihi objici artem pristinam, cuius jus mihi omnes testes estis. Sed dicat quisque quod vult, utinam semper ferrum exerceam, non vino, non floribus, non mulieribus, non popinis, ut fecit Gallienus, indignus patre suo, & sui generis nobilitate. Ars mihi objiciatur ferraria, dum me & exteræ gentes ferrum attrectasse suis cladibus recognoscant in Italia. Denique ut omnis Alemania, omnisque Germania cum cæteris quæ adjacent gentibus, Romanum populum ferratam putent gentem, ut specialiter in  
,, nobis



„nobis ferrum timeant. Vostamen cogitetis velim, fecisse  
 „vos principem, qui nunquam quicquam scierit tractare nisi  
 „ferrum. 13

13 Trevelli.

Concludant hoc totum argumentum elegantissimi versus us Pollio.  
 Boëtii:

*Omne hominum genus in terris  
 Simili surgit ab ortu.  
 Vnus enim rerum pater est,  
 Vnus cuncta ministrat.  
 Mortales igitur cunctos  
 Edit nobile germen.  
 Quid genus & proavos strepitis?  
 Si primordia vestra,  
 Auctoremque Deum spectes,  
 Nullus degener extat,  
 Ni vitis pejora fovens  
 Proprium deserat ortum. 14*

14 Lib. 3. de  
 Consolat.  
 Philosoph.

## SECTIO IV.

*De Nobilitate Politica, quid videlicet illa sit, & quotuplex?*

**P**olitica nobilitas sita est in genere ac origine. Definit eam  
 Aristoteles primò, quod sit *virtus generis*, 1 id est majorum. 1 Polit. lib. 3.  
 Secundo quod sit *quadam majorum claritas seu honorabilitas pro-* c. 8.  
*genitorum. Nam attenditur secundum virtutem generis.* 2 Ex quo 2 1. Rhetor.  
 perspicuum sit, Philosophicam & Christianam nobilitatem  
 causam esse & matrem, Politicam verò, effectum esse illius, ac  
 filiam. Ad Politicam nobilitatem pertinet etiam illa (quamvis  
 non ita sicut majorum claritas æstimetur) quam principes &  
 respublicæ certis hominibus conferunt. Duobus autem id ferè  
 modis contingit, altero, quando principes aut respublicæ ex  
 certis causis nominatim aliquos creant nobiles: altero verò,  
 cum nullis personis nominatis ita nobilitatis condiciones præ-  
 scribunt, ut quicumque illas impleverint, nobiles efficiantur.  
 Atque hoc pacto nobiles fiunt Doctores, ex plebeio ordine na-  
 ti, 3 & certi in privilegiatis curiis magistratus. Quæ nobili-  
 tas nova dicitur, & à vetusta nobilitate contemnitur, quam ju-  
 ste, patet ex oratione Marii superius relata.

3 Cyr. Rayn.  
 Cassiod. Ge-  
 pol. Salic.  
 Angel. Paul.  
 Castr. Franc.  
 Aretin. cit.  
 Tiraquel de  
 Nobil. cap. 3



Porro nobilitas ista Politica, apud alios solo genere, apud alios solis opibus, apud alios vero utroque constat. Et quidem apud multos populos solam nascendi felicitatem sufficere ad nobilitatis decus ita clarum est, ut non sit opus testimoniis. De nobilitate verò quæ solis opibus contenta est, videtur loqui Aristoteles, ubi dicit: *Nobilitatis differentia sunt secundum opulentiam & magnitudinem census. Sunt enim alii equites, quod munus nemo faciliter supportare potest, nisi sit dives. Itaque antiquis temporibus, quæcunque civitates equestri potentia excellabant, in his paucorum potentia gubernabat, equitatu autem bella contra finitimos exercebant, ceu Eretrieneses, & Chalcedonenses, & Magnesi, & aliæ plures Asiaticarum civitatum.* 4 Et alio loco, postquam recensuit multa plebeiorum genera, illud confestim subdit: *Nobilitium vero opulentia, clari natales, virtus, eruditio, & his similia, quæ differentia causa nominantur.* 5

4 Polit. lib. 4.  
cap. 3.

5 Polit. lib. 4.  
cap. 4.

6 In Stobæi  
traduct.  
Serm. 89.

7 In Archelao.

8 In Æolo.

9 In Erechtæo.

10 In Iphigenia in Aulide.

11 Lib. 4. Epist. 1.

12 Serm. 1. Satyr. 2.

13 Lib. Satyr. 2.  
14 de Nobilitate, cap. 2.

Hujus quoque sententiæ videtur fuisse Euripides, cujus versus sic ex Græco vertit Gesnerus. 6

*Non reddideris eum divitem: nam si pauperior sit,*

*Humilis erit. Ingens autem vis est*

*Divitiarum, quas qui nactus est, statim nobilis evadit.* 7

Ejusdem sunt & illa:

*Nobilitatis mentionem amabo ne mihi feceris,*

*Hoc in pecuniis situm est.* 8

*Da operam opibus. Nam illa nobilitatem donant,*

*Et nuptiis primariis potiri in causa sunt.*

*In paupertate vero obscuritas inest,*

*Ut cunque sapias, & ignominia vita.* 9

— Divites

*In omnibus inclyti & illustres hominibus.* 10

His accedit, quod scribit Horatius:

*Scilicet uxorem cum dote fidemque & amicos*

*Et genus & formam regina pecunia donat.* 11

— — — Omnis enim res

*Divitiis paret, quas qui construxerit, ille*

*Clarus erit, fortis, sapiens, etiam rex.* 12

Et Juvenalis:

*Clarus genere atque opibus vir.* 13

Ad quem locum Andreas Tiraquellus 14 dicit, clarum idem esse



esse quod nobilem : sicut etiam illustrem , splendidum , sublimem , summo loco natum , summa familia , summo genere , insignem , inclytum &c : id quod multorum auctorum testimonio confirmat.

Nec nobiles tantum , sed etiam plusquam nobiles efficiunt divitiarum . Nam non desunt , qui volunt omnes divites dici posse principes , 15 divitias deos ; cuius rei testis locuples est Menander.

15 Guil. à  
à Monte in  
Clem. 1. de  
bapt.

*Epicharmus inquit quidem deos esse dicit  
Ventos , solem , terram , aquam , ignem , stellas  
Ego autem utiles esse deos arbitror  
Argentum nostrum & aurum.  
Nam illos si collocaveris in domum ,  
Pete quicquid voles , assequeris omnia ,  
Agrum , domos , servos , argentea pocula ,  
Amicos , iudices , testes : largire solum :  
Sic enim vel ipsos deos habebis ministros. 16*

Hinc opitme Amaltheæ cornu describit Philemon.

*Putasne inquit Amalthea cornu huiusmodi esse ,  
Quale pictores cornu bovinum depingunt ,  
Argentum est , quod si habueris , petas  
Ab ipso quicquid voles , omnia tibi addentur ,  
Amici , auxiliatores , testes , domuum multitudo.*

16 Apud Sto-  
beum ubi  
sup.

Non absque ratione itaque facultates à nonnullis ita dictæ putentur , quod rerum omnium facultatem , ac veluti facilitatem quandam præbeant , Græcorum imitatione , qui facilitatem & opulentiam uno verbo significant.

Cæterum quænam divitiarum nobilitent in sententiis positum est . Alii id quibusvis divitiis tribuunt , alii nonnisi antiquis , scilicet à nostris progenitoribus relictis , alii cum virtute etiam progenitorum conjunctis . In prima sententia sunt auctores quorum testimonia proximè retulimus . In secunda Divus Hieronymus , cuius hæc sunt verba : *Nobilitas mundi nihil aliud est quam inveterata divitiarum.* 17 Cum Divo Hieronymo nonnulli Iureconsulti , præcipuè verò Pertica , 18 & Plutarchus . 19 Quos secutus Tiraquellus 20 dixit , recentes novasque divitias , nuper scilicet à nobis partas , non esse in tanta existimatione , precio , ac dignitate , in quanta sunt à majoribus nostris acceptæ . Et

17 ad Helbi-  
diam ,  
18 in l. humi-  
lem. Cod. de  
incest. nupt.  
19 Lib. ad-  
versus nobi-  
litem.  
20 de Nobil.  
cap. 3.



21 2 Rhet.  
cap. 9.

rectè. Nam & teste Aristotele 21 ii, qui divitias nuper assecuti sunt, magis offendunt, sive molestia afficiunt alios, quam qui olim, & à genere receperunt: & aliàs *νεοπλάτους*, id est nuper ditatos, sive repente divites factos, veluti improbos & insolentes, taxant omnes iusti rerum æstimatores. Notum est illud Ciceronis in Vatinius: *Quaro ex te, sisne ex pauperrimo dives factus illo ipso anno, quo lex lata est de pecuniis repetundis acerrima!* Et Plutarchus scripsit Scyllæ aliquando glorianti post Africanam victoriam, & militiam, magnificis utenti verbis, à quodam ex honestiori ordine fuisse dictum: *Quoniam modo vir bonus esse potes, qui cum nihil à patre tibi sit relictum, tot ac tanta possideas?*

22 in Scylla.

22 Idem quoque auctor tradit, Crassum ipsum virtutes, quas plurimas habebat, unius avaritiæ sordibus obscurasse: hoc enim in ipso præcipuum vitium cætera quæ in eo erant longe superabat. 23 Denique ut plurima præteream Cornelius Tacitus in vituperium Fabii Valentis: *Is, inquit, diu sordidus repente dives mutationem fortune male tegebat.* 24

24 Lib. 17

Jam verò in numero illorum, qui utrumque conjungunt, qui scilicet ad nobilitatem majorum & opulentiam & virtutem requirunt, quasi altera non sufficiat, sunt Aristoteles, Guido Papæ, Felin. & Franc. Purpur: quorum testimonia hic ne longus sim, non refero præter unius Aristotelis, cujus hac de re ista exstat sententia. Perspicuum igitur id est, dixi ego de quo dubitabamus, quamobrem tandem qui ex majoribus divitiis, aut etiam majoribus bonis, nobiliores his esse videantur, qui nuper bona possident. Qui enim per se studiosus est, propinquius bona possidet, quam qui avum studiosum nactus fuerit. Sit igitur nobilis, qui vir bonus est. Quidam enim id dixerunt sic, (ut convincerent alios qui aliter sentirent) syllogismum nobilitatis concludentes, ut etiam Euripides ait, negans nobilitatem eorum, quorum majores clari fuerunt, sed ejus tantum esse, qui per se bonus sit: sed hoc non sic habet. Sed rectè quæstionem hanc movent, qui virtutem antiquam proponunt, quia videlicet, ut jam diximus, nobilitas virtus est generis, virtus autem laude digna est: laudabile etiam genus est, in quo multi generosi nasci soliti sunt. Accidit autem id, cum origo studiosa fuerit. Origo enim hanc vim habet, ut multa præparet talia, qualia ipsa est. Hoc quippe principii  
„ opus



„ opus est, ut plurima sibi similia efficiat. Cum igitur talis quis-  
 „ piam adeoque generosus in aliquo genere fuerit, ut bonum  
 „ ab eo perfectum in multas ætates duret, hoc certe genus no-  
 „ bile & laude dignum esse necesse est: multi enim homines  
 „ generosi erunt, si hominum sit genus, si equorum equi, simi-  
 „ liter & in aliis animalibus. Itaque neque divites, neque boni,  
 „ sed qui ab antiquis divitibus, aut antiquis bonis sunt geniti,  
 „ nobiles dici debent: Vera enim sermo inquirat. Nam prin-  
 „ cipium supra omnia est. Sed nec absolutè nobiles sunt, qui  
 „ ex maioribus bonis orti sunt, sed qui authores posterorum  
 „ sunt. Qui igitur ipse bonus est, sed non eam vim naturæ ha-  
 „ bet, ut multos similes generet, principii rationem ad posteri-  
 „ tatem non habet. Origo igitur generis talis sit, & nobiles  
 „ qui inde orti sunt (non si pater nobilis, sed si author generis:  
 „ non enim ejus causa pater generavit bonum, sed quia ex eo  
 „ genere erat) 25

His consonat illa cujusdam Imperatoris definitio. Nobili-  
 tas est antiqua æris & divitiarum possessio, cum pulchris regi-  
 minibus, & moribus. 26

## SECTIO V.

*Referuntur argumenta contra Nobilitatem, maxime verò  
 Politicam.*

**N**ON tantum Philosophica aut Theologica, sed etiam Poli-  
 tica nobilitas suos habet oppugnatores, inter quos Hen-  
 ricus Cornelius Agrippa multis argumentis etiam ab ipsa mun-  
 di origine petitis (quorum præcipua hic referenda sunt) stirpi-  
 tus eam è rerum natura tollere conatur. Si nobilitatis, inquit,  
 „ primordia exquiramus, comperiemus hanc nefaria perfidia  
 „ & crudelitate partam: si ingressum spectemus, reperiemus  
 „ hanc mercenaria militia & latrociniiis auctam: quod si etiam  
 „ regnorum & imperii originem quæramus, occurrent impia  
 „ fratrum parentum ve parricidia, funesta conjugia, & pulsi re-  
 „ gno patres à liberis, aut trucidati principes, in quorum verba  
 „ juratum erat. Sed ipsam nobilitatem nunc à primis unguibus  
 „ exploremus. Ipsa revera nihil aliud est, quàm robusta impro-  
 „ bitas, atque dignitas, non nisi scelere quæsitæ benedictio, & hæ-

25 Apud Sto-  
 baum sent,  
 capit. 8. 1.

Nam inter  
 opera Aristo-  
 telis hic liber  
 non reperi-  
 tur.

26 Dantes  
 Hor. & Bart.  
 in l. 1. Cod.  
 de dign. lib.  
 12.



„reditas pessimorum quorumcunque filiorum. Quod ita esse  
 „primum nobis sacræ literæ, deinde etiam antiquæ gentium,  
 „& recentiores historiæ notum faciunt. Nam cum ab initio  
 „creationis genuisset transgressor Adam primogenitum suum  
 „Cain agricolam, & alterum Abel ovium pastorem, in quibus  
 „humana familia bivium fecit, videlicet in Abele plebis, in  
 „Cain nobilium, qui cum secundum carnem crudelis & super-  
 „bus esset, de more persequens eum, qui secundum Spiritum  
 „humilis erat, interfecit Abel, sed reparata fuit plebeia familia  
 „Seth tertio Adæ filio, ipse itaque Cain parricidio fratris mi-  
 „litiæ & nobilitatis initium dedit, ac contemptis Dei ac natu-  
 „ræ legibus, confidens autem in propriis viribus, usurpans sibi  
 „dominationem, primus condidit urbes, constituit imperium,  
 „ac creatos à Deo liberos homines, & filios generationis san-  
 „ctæ, vi, rapina, servitute, & iniquitatis legibus opprimere  
 „cœpit, donec illi etiam contempto Dei judicio, & corrupta  
 „omni carne, promiscua libidine inquinati, genuerunt gigan-  
 „tes, quos interpretatur scriptura potentes à sæculo, viros fa-  
 „mosos. Atque hæc est vera & commodissima nobilium defi-  
 „nitio. Opprimebant enim inopes extollentes se latrocinis,  
 „& superbientes opibus, celebrantes nomina sua, imponentes  
 „ea regionibus, & urbibus, & montibus, & fluminibus, & a-  
 „quis, & mari: quorum primus parens Cain, natura malignus,  
 „intestino odio invidus, à divina correptione incorrigibilis,  
 „dissimulata ira proditor, in proprium sanguinem parricida,  
 „maledictioni superaddens blasphemiam. Atque hæc sunt illa  
 „antiquissima & primæva nobilitatis munia, hæc virtutes, hæc  
 „ingenia, quibus usque in hunc diem ipsa ornatur nobilitas,  
 „cujus architectus pater ille gigantum, quos delevit Dominus  
 „in diluvio aquarum, uno solo reservato Noha, viro justo in  
 „generationibus Seth, cum sua familia, cui cum tres essent filii,  
 „Semus, Japetus, & Chamus, atque illi instaurato post dilu-  
 „vium sæculo, priscorum gigantum exemplo, etiam urbes  
 „conderent, & regna constituerent, idcirco Scriptura à Noha  
 „usque ad Abrahamum nullam facit mentionem justorum,  
 „omnes siquidem ad Abrahamum usque nobilitatis artifices  
 „extiterunt, robustæ videlicet improbitatis, impietatis, con-  
 „fusionis, potentia, militiæ, violentiæ, oppressionis, venationis,  
 „luxus,



„luxus, pompe, & vanitatis, & similium nobilitatis stigmatum,  
 „quæ Nohæ filii huic impresserunt: equorum numero Chamus,  
 „eò quod cæterorum esset nequissimus, atque in parentem im-  
 „pius, primum & super omnia regna dominatricem monarchi-  
 „am promeruit. Ipse genuit Nimbrotum, quem scriptura descri-  
 „bit potentem in terra, & robustum venatorem adversus Do-  
 „minum. Hic ædificavit Babylonem illam magnam, & lin-  
 „guarum confusione initium fuit, tradiditque regnandi disci-  
 „plinam, nobilitatumque gradus, honores, dignitates, officia,  
 „imaginesque discevit. Exinde in plebem leges sancitæ, in-  
 „troducta servitus, & exactiones à populo, conscripti exerci-  
 „tus, gestaue crudelia bella. Abs eodem Chamo processerunt  
 „Chus, à quo Æthiopes, & Mizraim, à quo Ægyptii, &  
 „Chanaam, à quo Chananæi, nobilissimæ quidem gentes, sed  
 „deterrimæ, reprobata, & à Deo maledictæ. Exacto tandem  
 „multo tempore rursus elegit Deus hominem justum, Patri-  
 „archam illum Abrahamum, ex quo suscitaret sibi semen ac  
 „populum sanctum, quem circumcisionis signaculo ab alia-  
 „rum gentium multitudine distinxit. Hic duos ab initio genuit  
 „filios, unum ex ancilla Ismaelem, alterum ex uxore legitima,  
 „cui nomen Isaac. Factus est autem Ismael homo ferus & sa-  
 „gittarius, vir nobilis & potens, princeps Ismaelitarum, genti  
 „nomen suum perpetuum relinquens. Nobilitatem ejus in ra-  
 „pina & militia esse indicavit Scriptura, inquiens: *Manus ejus* Genes. 16.  
 „*contra omnes, & manus omnium contra eum, & è regiohe fratrum*  
 „*suorum figet tabernacula.* Isaac autem perseverans in justitia  
 „patris sui, illius gregem pascebat, atque hic ex Rebeca sua du-  
 „os genuit filios, Esau & Jacob. Esau itaque odiosus Deo, ho-  
 „mo rufus & hispidus, venator & sagittarius, helluo & ventri  
 „deditus, adeo ut pro uno pulmento vendiderit primogenita,  
 „factus est vir potens, atque princeps Idumæorum, benedicti-  
 „onem accipiens nobilitatis in pinguedine terræ & rore cæli,  
 „in gladio & excussione jugi.

Multa hic iste auctor ex sacris literis comminiscitur, post  
 quæ tandem dicit, nobilium creandorum consuetudinem man-  
 sisse penes reges & cæsares, à quibus (inquit) alii pro pecunia  
 „emunt nobilitatem, alii illam lenocinio, alii beneficiis, alii  
 „parricidiis commeruerunt: Multis proditio nobilitatem con-  
 „ciliavit,



„ ciliavit, simul atque divitias peperit, quemadmodum de Euthicrate, Philocrate, Euphorba, & Philagro historiis proditum est. Plerique adulatione, detractiōe, calumniis, syco-  
 „ phantia, plures ob prostitutas regibus uxores & filias nobiles,  
 „ facti sunt. Multos venationes, rapinæ, cædes, præstigia, &  
 „ aliæ malæ artes ad nobilitatem promoverunt &c.

„ A sacris sic transit ad profana. Jam verò progredientes ad  
 „ ethnicorum historias, similiter ostendamus ipsam nobilitatem non aliud esse quam improbitatem, furorem, latrocinium, rapinam, homicidium, luxum, venationem, violentiam  
 „ à pessimis ubique principiis ortam, pejoribus persecutam,  
 „ turpissimum semper habuisse exitum: quod in illis quatuor  
 „ famatis monarchiis, deinde in cæteris quoque nobilium regnis constabit. Prima itaque post diluvium monarchia Assy-  
 „ riorum, cui initium dedit Ninus primus, qui prior omnium  
 „ non contentus suis militibus propagandi imperii libidine arma foras extulit, & cruenta bella vicinis inferens totius Orientis  
 „ gentes populos subegit, magnitudinemque sui imperii, sequentibus  
 „ semper novis victoriis, continua provinciarum accessione adauxit, subacta Asia, perdomito Ponto. Porro Zoroastren  
 „ Bactrianorum regem parricidiali pugna oppressum interfecit. Uxor erat Nino nomine Semiramis, hæc (ut refert  
 „ Dio Historicus) petit à viro, ut quinque dies imperaret: quo  
 „ concessio impetratoque, stolam ac coronam sibi aptavit, ac in  
 „ sellam regiam conscendit, imperavitque satellitibus, ut Ninum virum suum regis ornamentis exutum interficerent:  
 „ quo sic extincto, ipsa successit in imperio, nec contenta regni  
 „ terminis Æthiopiam regno suo adjecit, in Indiam bella  
 „ extulit, Babyloniam muro augustissimo cinxit, postea à filio  
 „ Nino secundo, quem flagitiosè conceperat, impiè exposuerat,  
 „ incestuosè cognoverat, occiditur. His itaque parricidiis  
 „ Assyriorum monarchia obtinuit principatum, donec sub Sardanapalo rege,  
 „ viro omni muliere corruptiore, deficeret, quem Arbactus Mediæ præfectus inter scortorum greges  
 „ comprehensum interfecit, ipseque se constituens regem imperium omne ab Assyriis transtulit ad Medos, idque Cyrus  
 „ tandem detulit ad Persas, penes quos filius ejus Cambyfes,  
 „ novæ Babylonis conditor, adjectis multis regnis secundam  
 „ monar-



„ monarchiam obtinuit, quam & fratris & filii parricidio con-  
 „ fecravit : hæc tandem in Narso Ochi filio inclinavit, cui, in-  
 „ terfecto eo abs Bageo Eunuchō surrogatus est Darius Persa  
 „ Arfoi filius, Gademanus antea vocatus, qui abs Alexandro  
 „ Magno devictus Persarum monarchiam simul cum vita fini-  
 „ vit, quam idem Alexander, paternæ cædis una cum adultera  
 „ matre conscius & consultor, hoc ipso famoso parricidio tran-  
 „ stulit in Macedonas, atque hæc tertia fuit monarchia, quæ  
 „ extincto Alexandro mox & ipsa corrui. Successit quarta  
 „ Monarchia Romanorum, qua nulla in rebus humanis poten-  
 „ tior, sed si temporum series abs urbe condita repetatur, illam  
 „ invenimus à pessimis initiis ortam, & à pessimis frequentius  
 „ gestam, ideoque hæc nobis paulò altius & à primis urbis con-  
 „ ditoribus repetenda est. Urbs Roma à geminis fratribus Re-  
 „ mo & Romulo, ex incestuosa Vesta genitis, à meretrice edu-  
 „ catis, in Italia primum condita est, cujus regnum Romulus  
 „ parricidio fratris instar Cain vitiavit: Cumque se deorum  
 „ filium dici pateretur, collecta sceleratorum satellitum manu,  
 „ promissa illis impunitate, rapuit filias Sabinorum, & consti-  
 „ tuens illis uxores ex omnibus, quas elegerant, genuerunt gi-  
 „ gantes, illos inquam Romanæ nobilitatis reges, atque pro-  
 „ ceres toti orbi formidabiles. Jamque Sabinorum fœminis &  
 „ filiabus fraudulento fœdere proditorioque ludo pellectis, ne-  
 „ fariè raptis, crudelibus nuptiis sibi suisque sociatis, parentum  
 „ ac maritorum nece obtentis, novis insuper parricidiis defen-  
 „ dit. Nam soceri sui sanguinis incontinens etiam Titum Ta-  
 „ cium, pium senem Sabinorum, honestissimum ducem in soci-  
 „ etatem regni assumptum miserabiliter occidit. Hæc fuere  
 „ Romani regni primordia, quod per ducentos quadraginta  
 „ tres annos sub crudelibus regibus rectum, sub Tarquinio Su-  
 „ perbo flagitio stupræ Lucretiæ desit : Et quemadmodum  
 „ Cain in septenaria generatione periit sub diluvio aquarum,  
 „ sic & isti Romuli successores in septenario regum numero  
 „ à populari tumultu obruti sunt, & licet Romana urbs regum  
 „ exuisset imperium non tamen evasit tyrannidem. Exactis  
 „ namque regibus, cum post tumultuantis populi inundatio-  
 „ nes, regnum ad optimates translatusset, Brutus quidam  
 „ vir nobilis primus Romanorum consul designatus est. Hic



„quo tantum stabiliret imperium, primum illius conditorem,  
 „regemque Romulum, non solum exæquare parricidio, sed &  
 „vincere studuit, quippe filios suos adolescentes, totidemque  
 „uxoris suæ fratres Vitellios, medio foro virgis cæsos securi  
 „percussit: Cumque imperium hoc sub optimatibus & plebe  
 „per diversos magistratus, privatasque tyrannides per multa  
 „sæcula stetisset, sub Julio Cæsare, viro difficile dictu an bello  
 „fortiore, aut libidine corruptiore, atque deinceps sub Anto-  
 „nio identidem libidinis mancipio terminavit, totaque Roma-  
 „ni imperii summa uni Octaviano Augusto Imperatori colla-  
 „ta est, in hoc quarta illa orbis monarchia initium cœpit. Ne-  
 „que verò absque parricidio, quamvis Augustus hic principum  
 „omnium mitissimus haberetur, tamen avunculi Cæsaris, à  
 „quo adoptatus fuerat in imperium, & hæres institutus, filium  
 „atque puellam ex Cleopatra susceptas proles interemit, ne-  
 „que nomini, neque beneficio, neque affinitati, neque pueri-  
 „tiæ parcens. Jam Romanorum principis urbis monarchiam  
 „tenuerunt, atque Neronem, Domitianum, Caligulam, Heli-  
 „ogabalum, Galienum, aliaque crudelitatis & turpitudinis  
 „monstra produxerunt, sub quibus totus orbis concussus est,  
 „quousque magnus ille Constantinus interfecto Maxentio,  
 „qui ob libidinem & crudelitatem Romano populo infensus  
 „erat, à Senatu Augustus declararetur, &c.

His similia in multis reliquis Romani imperii successoribus,  
 aliorumque regnorum principibus enumerat, quæ quia mul-  
 tum habent invidiæ, sileo, ac epilogum tantum illorum subji-  
 „cio. Nimis (inquit) longum foret hoc loci regnorum omni-  
 „um initia recensere, & per omnes antiquitatum historias dis-  
 „currere. Ego hanc rem, quam hic summario conceptu teti-  
 „gi, ampliore volumine descripsi alibi, ipsam nobilitatem suis  
 „coloribus & lineamentis exactè expressi, ostendique non fu-  
 „isse nec esse aliquod in orbe regnum, insignemve principatum,  
 „quæ non inceperint parricidio, proditione, perfidia, crude-  
 „litate, strage, cædibus, aliisque horrendis sceleribus, artibus  
 „inquam nobilitatis, cujus cum talia sint capita, facile cogno-  
 „scere poterimus, cujusmodi sint reliqua belluæ illius membra,  
 „eaque omnia ad violentiam, ad rapinam, ad cædem, ad vena-  
 „tionem, ad libidinem, & omnis generis luxum prona & exer-  
 „citata.



citata. Velit quis nobilis fieri, primum venator fiat, hoc primum elementum est nobilitatis, deinde miles mercenarius, & pretio locet homicidia, hæc vera nobilitatis virtus, in qua si se fortem latronem exhibuerit, nulla major nobilitatis gloria. Qui ad hæc ineptus est, hic nobilitatem emat pecunia, siquidem & ipse etiam venalis est: aut si id non poterit, parasitetur regibus, aut alia quavis aulica fraude se intrudat, & palatarum meretricum lenonem agat, aut principi prostituat uxorem vel filias, aut ipse dominarum expleat libidinem, aut regio scorto nubat, aut eorundem spurias filias ducat uxores. Hic summus est nobilitatis gradus. Unum siquidem corpus efficitur cum illis. Hæc sunt itinera, hæc scalæ, hi gradus, quibus ad nobilitatis apicem compendioso tramite conscenditur. Qui verò cæteris generosiores, & in genere suo nobilissimi omnium videri volunt, progenitores jactant ejusmodi, cujusmodi nemo non contemneret, videlicet homines alienos, Trojanos, Macedones, incertis sedibus vagabundos ac transfugas, & mille scelestissimis facinoribus cooperatos, atque adhuc (si diis placet) laudare oportet & extollere hanc eorum nobilitatem, quæ tam scelestissimos habuit ortus. Alii cum à meretriculis & scortis ortum habuerunt, turpitudinem hanc fabulis tegunt, qualem de Melusina legimus. Sunt qui alios sceleratos habuere ortus, incestus, stupra, raptus, adulteria, & ejusmodi. Porro quatuor sunt principalia nobilium istorum munera, in quibus omnis eorum sita est felicitas. Primum illorum rapacitas, qua præter fas & æquum habent, capiunt & possident: alterum voluptas, qua omnis luxus & libidinis genere insolescunt: tertium libertas, qua contemptis legibus, violentiæ viribus stipati, omnia pro libertu agunt: quartum ambitio, qua tumefacti supra sortem & statum suum, nullum non scelere altiora petunt. Omnium denique nobilium sufficientia in eo probatur, si venaticam noverint, sive in alia fuerint damnabilius instituti, si corporis vires ingentibus poculis commonstrent, si naturæ robur numerosiore Venere comprobent, si audacter strenueque profundant, si fastu, si luxu, omnique intemperantiæ dediti, virtutumque hostes obliviscantur, quod nati, quodque morituri sunt. Nobiliores autem si hæc per-



„ nicias à patribus emanarit in filios, magnisque subintrarit au-  
 „ thoribus, ut

*Si damnosa senem juvat alea, ludit & hæres*

*Bullatus, parvoque eadem movet arma fruillo.*

„ Hæ sunt nobilium insignes virtutes, sed habent præterea a-  
 „ lias quasdam nobilitatis artes, quibus cum maxime nocentif-  
 „ simi sunt, id agunt ut viri probi atque boni esse videantur, &  
 „ prudentia, liberalitate, pietate, justitia, insignes appareant, ad-  
 „ eo se præbent faciles, benignos, affabiles & omnium virtutum  
 „ hypocrisis claros, molliunt sermones suos supra oleum, & ipsi  
 „ sunt jacula. Conquisitis quotidie convivis epulantur splen-  
 „ dide, in sermone & colloquiis liberiores disputant de repu-  
 „ blica, aliorumque sententias captantes ex illis sapientiæ pru-  
 „ dentiæque famam in principum conciliis sibi aucupantur,  
 „ liberalitatisque etiam famam sibi avaritia usurpant, dum  
 „ quod auferunt uni dono dant alteri, munifici prædones, &  
 „ quod veteres de Sylla scribunt, alios per aliorum injuriam  
 „ locupletare studentes, ipsique inter quotidianas rapinas sem-  
 „ per inopes. Proinde justitiæ & pietatis nomen sibi venantur,  
 „ dum pauperum quæstiones libenter suscipiunt, foventque  
 „ eorundem causas contra ditiores, sed eo usque duntaxat affli-  
 „ ctis illis succurrunt, donec interim exhauriant loculos pleni-  
 „ orum. Neque enim animus est prodesse pauperibus, sed no-  
 „ cere divitibus, quod cuivis illorum facilius est, quam prodes-  
 „ se: atque hac justitiæ pietatisque umbra tantam sæpe licen-  
 „ tiam sibi arrogant, ut civitatibus & potentioribus vim infe-  
 „ rant, & publica hostilitate vexent, & unde legum auctoritate  
 „ nullam sperare licet veniam, isti nobilitatis prætextu asse-  
 „ quantur gloriam, & tanquam antiqui gigantes gloriantur in  
 „ peccatis suis, & cum veluti mali dæmones undique quærunt  
 „ ut noceant, tunc maximè prodesse putantur, quando solum  
 „ nocere desistunt, agentes ut omnibus sint terrori, amentur à  
 „ nullo, cum sceleratis & flagitiosis omnibus ponentes portio-  
 „ nem, & qui se custodiæ eorum tradunt, depopulantur & op-  
 „ primunt: nec ullum hominum genus civitatibus pestilenti-  
 „ us, quam nobiles isti, qui sibi ipsi placentes, quasi cæteris ge-  
 „ nerosiores, semper superbo spiritu turgent. De quibus id-  
 „ circo non male consulit Aristophanes, inquiens, *Non oportere*



*in urbe nutriri leones, sin autem alti sunt, obsequi illis oportere.* Ho-  
 „rum tyrannide oppressi olim Helvetii nobiles omnes occi-  
 „derunt, & totam eorum progeniem patria extirpaverunt, hac  
 „insigni nobilium strage nomen sua virtute celebre cum li-  
 „bertati adepti sunt. qua plus quadringentis annis in hunc di-  
 „em feliciter imperant, atque regnant, semperque hoc nobi-  
 „lium hominum genus oderunt. Olim nulli erant populis gra-  
 „tiores, nec majoribus præmiis digni censebantur, quam qui  
 „tyrannos eorumque stipatores & satellites etiam, vel innox-  
 „ios liberos interemerunt, quin & Jurisconsulti docent, non-  
 „nunquam innoxios recte occidi posse, si id magnopere profit  
 „reipublicæ, ut extincto tyranno & liberos trucidare ne re-  
 „pullulet nova tyrannis: quemadmodum & Græci post ever-  
 „sum Ilium occiderunt Hectoris filium Astyanactem, ne novi  
 „belli instaurandi occasio superesset. Legamus liceat veterum  
 „temporum historicos, Titum Livium, Josephum, Egesip-  
 „pum, Quintum Curtium, Suetonium, Tacitum, Serenum,  
 „Tranquillum, & reliquos, semper licuit tyrannis insidiari,  
 „licuit decipere, honestissimum autem occidere &c. Attestan-  
 „tur istis etiam Sacræ literæ in Eglon, in Sisara, in Holoferne,  
 „quos interemerunt Aioth, Jehel, Judith, quod etiam coram  
 „Deo licuit, occisis quoque facinore tyrannis jugum excutere,  
 „omnesque illi, quorum facinore afflicti populus liberatus  
 „est, sacris Bibliorum annalibus pro ministris Dei honorati  
 „sunt. Jam vero nobilitatem non tam usu & consuetudine  
 „quam etiam natura malam esse non ambigimus, siquidem in-  
 „ter aves & quadrupedia nulla alia nobilitatis prærogativam  
 „habent, præter illa, quæ cæteris animantibus etiam homini-  
 „bus non tam infesta, quam exitio sunt, cujusmodi aquilæ,  
 „vultures, falcones, accipitres, corvi, milvi, struthiones, &  
 „fabulosæ harpyæ, gryphi, sirenes, & hujusmodi monstra.  
 „Simili ratione tigrides, leones, lupi, pardi, ursi, apri, draco-  
 „nes, serpentes, bufones. Ex arboribus verò nullæ aut pau-  
 „cæ diis sacræ & nobiles habentur, nisi quæ aut steriles sunt,  
 „aut nullum hominibus edilem fructum ferunt, ut quercus,  
 „esculus, fagus, laurus, myrthus. Inter lapides non marmora,  
 „non ædiles, non molares, sed gemmæ, quæ nullum homini-  
 „bus utilitatis usum præbent, habentur nobilissimæ. Sic & in



De Nobilitate cap. 8.

„ metallis, argentum admodum perniciosum, & ferro nocentius aurum, nobiliora sunt, & digna habita, pro quibus tot cædibus, & humani sanguinis dispendio populi dimicent. 1

Atque hæc sunt machinæ, quibus Henricus Cornelius Agrippa, hostiliter nobilitatem oppugnat. Post quem multi alii eidem nobilitati vanitatem atque sua vitia obijciunt. Annon existimamus omnes (verba sunt Aristodemi apud Plutarchum) ipsam nobilitatem in opibus, aut gloria, quam longi temporis progressus confirmavit, esse positam? Atqui neutrum horum est in potestate nostra, sed alterum fortunæ temeritate, alterum intemperiiis hominum est obnoxium. Itaque que nobilitatis arrogans hoc nomen, quod ut sumamus animos facit, à duabus rebus, quæ propriæ nostrum non sunt, perinde nec divitiæ reddunt filios ei similes, qui illos procreavit: sed qui natus ex virtute fuerit, impressam animo suo gerit imaginem æqui & boni, quum ea sola transmittatur à parentibus in liberos. Hæc demum vera nobilitas est, morum similitudo secundum justitiam. Nunquid autem opulentia Midæ nobilior quam Aristidis inopia? Tamen hic ne in sepulchrum quidem sumptum reliquit moriens. Verum sita non est in opibus nobilitas, (omnis autem improbitas adinstar ignis fere est: nam utrumque horum, nisi alatur, evanescit & extinguitur.) Quid? Socratis ignobilitas matre obstetrice, statuario patre, annon plus veræ nobilitatis præ se tulit, quam illa Sardanapali gloria? Ne vero ne censeas nobiliorem Xerxen fuisse Cynægiro. Huic enim pro patria dimicanti manus amputata est: ille vitæ præsidium fuga quæsiuit, & regni amplissimi gloriam mutavit cum turpitudine summæ timiditatis. 2

Lib. pro Nobilit.

Andreas etiam Tiraquellus, optime alioqui de nobilitate meritis, sua nobilibus asserit esse vitia, & ea quidem (inquit) ut multis placuit innata, genuina, propriaque ac peculiaria, ut vix ullum reperias, qui his non sit deditissimus. 3 Teste Agidio 4 & Benedicto, 5 Sunt nobiles honoris immodici appetentiores, suorumque progenitorum, & aliorum contemptores: Teste Baldo, sunt maxima ex parte superbi, inimici popularium, gulosi, luxuriosi magis quidem quam populares ipsi. Non dico tamen (ait) de illis, quos virtus nobilitat. Illi enim verè sunt perfe-

De Nobilitate cap. 23.

Lib. 1. de regim. princ. part. 1.

5 in rep. c. Raynurtius in gloss. 1. num. 26.



perfecti, quamvis careant divitiis, sed de illis loquor, qui etsi abundant divitiis, nihil tamen sciunt, nisi comedere, bibere, superbire. 6

6 In l. per 2<sup>a</sup>  
deptionem  
in 1. lect. ff.  
de adopt.

Certe superbiam insitum esse nobilitatis malum Salustius, T. Livius, Tullius, Sabellicus, Julius Firmicus, Velleius Paterculus, multique alii attestantur. Salustianum est illud: *Ea res imprimis studia hominum accendit, ad consulatum mandandum Marco Tullio Ciceroni. Namque antea pleraque nobilitas invidia aestuabat, & quasi pollui consulatum credebatur, si eum, quamvis egregius, novus homo adeptus foret. Sed ubi periculum advenit, invidia atque superbia postfuere.* 7 Et illud: *Metello quanquam vir-* 7 in Catil.  
*tus, gloria, atque alia optanda bonis superabant, tamen inerat contem-*  
*ptor animus, & superbia commune nobilitatis malum,* 8 Livii verò: 8 in Jugurth.  
*Haud memorabilem rem per se, nisi documentum sit adversus super-*  
*biam nobilium, plebeia libertatis referam.* 9 Tullii: *Proponit mihi* 9. Dec. 1.  
*inania nobilitatis, hoc est, hominum arrogantium nomina.* 10 Sabel- lib. 9.  
lici: *Vetus in magnis rebus pub. malum est, nimia imperandi in no-* 10 2. in Ver-  
*bilitate insolentia.* 11 Firmici. *Quinta pars Geminorum in horo-* rem act.  
*scopo inventa nobiles faciet, & erecto semper superbia spiritu suble-* 11 in Rapso.  
*vatos.* 12 Velleius denique Paterculus naturalem dicit esse no- diis.  
bilitati superbiam. 13 12 Lib. A-  
stron. 8. cap.  
21.

Porro libidinem, luxuriam, impotentiam, aliaque ejus generis vitia, quæ nobilitati obijciuntur, multitudine testimoniorum, quibus abundamus, non est hic confirmare necesse, cum ea Cornelius Agrippa (quem proxime retulimus) nimis ostendere conetur.

13 Lib. 2.  
Rom. hist.

## SECTIO VI.

*Defenditur Nobilitas adversus ea, quæ ipsi obijciuntur.*

Quæ ex Henrico Cornelio Agrippa contra commemorata sunt, morbo non judicio ab illo esse dicta ipse testis est. Nam in dedicatione libri sui, in quo maledictis nobilitatem incescit, dicit se ferme cum Trojana illa Hecuba verum esse in canem, ac nullarum virium esse ad bene dicendum. Nihil amplius, inquit, memini, nisi mordere, oblatrare, maledicere, convitari, atque sic adfectus, scripsi his diebus volumen satis amplum, cui de incertitudine & vanitate scientiarum titulum feci,



feci, in quo sic universam illam scientiarum atque artium gigantomachiam oblatravi, sic omnes illos scientiarum & artium robustissimos venatores validissimis morsibus perstrinxi, ut quoties opus ipsum revissio, ipse ego me demirem talem in homine canem, & cui nihil caninum desit præter unam adulationem, licet aulico admodum necessariam. Quare cum canis mordens non remordeatur ab hominibus, nec maledicta maledictis regerantur, cum Cornelio Agrippa latrante non rixabor, sed ad ea tantummodo respondebo, quæ sive ab hoc, sive ab aliis, probabiliter dicuntur.

Omnia quæ nobilitati objiciuntur, ad duo potissimum capita referri possunt. Alia enim ipsam nobilitatem, (& ut ita dicam,) ipsam nobilitatis vitam petunt, alia mores ejusdem oppugnant. Prioris capitis sunt illa: Nobilitas revera nihil est; nobilitas merum est vanorum atque superborum hominum commentum; nobilitas est nequitiae partus; nobilitas est fructus & præmium scelerum. Ad alterum caput pertinent illa, quæ proximè ex variis scriptoribus, vitia nobilitatis notantibus, retulimus.

At primò, nobilitatem non figmentum, sed rem maximi pretii esse, testatur princeps Philosophorum Aristoteles, secundum quem (ut superius diximus) nihil aliud illa est, quàm virtus generis & quædam majorum claritas. Ea enim est vis atque efficacia virtutis, ut non tantum suis cultoribus (licet hoc maximè) verum etiam aliis utilis sit, illisque lucem quandam & claritatem afferat. Majorum gloria (inquit apud Salustium Marius) posteris quasi lumen est, & quod ubi veluti per gradus ad liberos posterosque defertur, & avos proavosque illis in memoriam revocat, & excitato eorum nomine, notos atque illustres iis satus efficit.

1 Jugurth.

Equidem scio celebrem illam esse Marii apud eundem Salustium orationem, qua degenerem Romanorum nobilitatem taxat: *Majores, inquit, illorum omnia, quæ licebat, illis reliquere, divitias, imagines, memoriam sui præclaram: virtutem non reliquere, nec poterant. Ea sola neque datur, neque accipitur. Sed non minus etiam celebre est illud Venusini Poëtæ:*

*Fortes creantur fortibus & bonis,  
Est in juvenis, est in equis patrum*

*Virtus:*



*Virtus: nec imbellem feroces**Progenerant aquila columbam. 2*<sup>2</sup> Lib. 3.

Carm. Od. 4.

Quo elegantissimus vates indicare voluit, sæpe majorum virtutem ad posteros transmitti. Et rectè: nam tametsi sua cuique mens divino est creata arbitrio, pleræque tamen sunt animi vires, quæ simul cum corpore à parentibus transfunduntur in filios. Sic enim natura comparatum est (ut cum Ficino loquitur Andreas Tiraquellus) ut corpus & anima proportionem quadam harmonica congruant, motusque corporis in animam, sicut & animæ in corpus (quod Medici adstruunt) facillimè & vehementissime penetrent. Ideoque quanquam non educitur anima filii, aut à corpore parentis, aut ab anima, ex orthodoxorum sententia, tamen corpus tale, & cum tali quadam proclivitate, à tali quodam corpore parentis educitur. Sic *uvæ acerbas comederunt patres, & dentes filiorum obstupuerunt.* <sup>3</sup> Qua de re plurima extant celeberrimorum scriptorum testimonia. Plutarchus <sup>4</sup> postquam multis Homeri locis docuisset arcana quædam primordia virtutis & igniculos in ortu cujusque spargi, subdidit: Non opinor toties parentes, genus, nobilitatem vates prudentissimus commemoraret, nisi ea inter laude res dignas numerandas existimasset. Tyrteus hortaturus in prælium suos Herculis invicti progeniem dixit eos esse. Quoties apud Simonidem, Pindarum, Alcæum, Ibycum, Stesichorum nobilitas majorum commendatur? Quin & Plato gloriam parentum cum magnum thesaurum ait esse, non se contemnere docet nobilitatem. Horum esse proprium ait Philemon, ut in mortem ruant, & bellum, non aliter atque victimæ. Quin nescio quo pacto in summis rerum publicarum inclinationibus id accidisse videas, ut hæ ignobilibus rempublicam occupantibus acciderent. Ita Demades à Philippo captus funesta illa ad Chæronem pugna, rogante Philippo, ubi esset nobilitas Atheniensium, ubi Cecropidarum illud genus, ubi robur? Tu quidem, ait, agnosceres rex urbis robur, si Philippus Atheniensibus, Chares Macedonibus imperaret. Forte enim tum Chares præfuerat.

Quid igitur impudentius Alexide, qui cum agricolam nobili militanti præferat, non agnoscit, quantum servile opus ab herili differat. At nos quoque ignobiles (inquit) militamus. Sed certe non eadem præmia utrisque, non idem semper ani-

Sæpe solet similis filius esse patri.

Ad semen nata respondent Sen.

Epist. 87.

<sup>3</sup> Jerem. 31.<sup>4</sup> Pro Nobilitate.



mus, non idem ardor: quin si verum excutias, non eadem alacritate parent ignobili qua nobili. Revocas me ad vetusta tempora? An ad Deucalionis, & si quæ à Chaldæis aut Ægyptiis vetustiora prodita sunt? At hoc fuerit, ad rudem illam indigestamque molem, & primordia nascentis sæculi nos revocare. Auctas urbes, confitos agros, exculta vineta, nolis revocare ad vetustatem illam inconditam: ita nec generosum illum sanguinem par fuerit revocare ad initia exornati mundi. Visne igitur ad ea redeamus tempora, quibus ut ille ait:

*Sectantem videas qui errant per pascua porcos*

*Ad Coracis saxum, juxta fontemque Arethusam.*

Sed eo tempore deprehendes, suum honorem delatum nobilitati. Inter pastores educatus Romulus vides quo pacto Martium sanguinem spirarit, velut insignia regni inter pastores quoque affectans. Cyro quoque idem accidisse proditum est.

Huc spectant venustissimi illi Euripidis versus:

*Quamvis familia haud suppetant nobis opes,*

*Generosus animus, prisca nobilitas manent*

*(Proh sancta divum numina!) patris nobilis*

*Quos addit animos, quod decus, fiducia?*

*Quamvis egestas nobilem oppugnet virum,*

*Cunctis verendus tamen erit: nec non patris*

*Secum ipse reputans facta, crescet moribus:*

*Quid nostri egentem casus huc te detulit?*

*Sperare de quo multa nobilitas jubet.*

*Quæ cætera aufert inopia, generis decus*

*Auferre nescit.*

*Id vero multum retulit prosapia,*

*Sicne imperator nobili, fama bona:*

*Generosa patrum filius virtus inest,*

*Vnaque crevit melior opulentis thoris.*

*Illustre & ingens specimen in mortalibus,*

*Stirps clara, generis nomen augeat, cui*

*Decus exprobrari familia jure haud potest.*

Et illi ejusdem:

*Non premium ullum liberis præstantius,*

*Ac nosse patrem nobilem, fortem, probum,*

*Sociamque lecti nobilem, Si quis mala*



Libidine amens jungis obscuras faces,  
 Non laudo. Tanti num voluptas, liberis  
 Probrum ut relinquo generis, & turpem notam?  
 Generosus animus vincit adversa & domat,  
 Ignavus illis cedit. En nos ultimo  
 Merse periculo sensimus amicum fidem.  
 Usque adeo puerum, sat scio, incescit pudor,  
 Celebrare cætus qui bonorum assueverit,  
 Sanctosque mores didicit. Hunc ergo malum?  
 Istone natum genere vitiosum putas?  
 Hoc mihi probabit nemo, nec persuaserit.  
 Hos magna generis claritudo spem facit,  
 Illo superba sceptris fixuros solo.  
 Conjunctæ vetusta gente, quamvis fœda sit,  
 Appetitur: hanc spes liberum gratiam facit,  
 Opibusque potior dignitas multis placet.  
 Si ut prædicas te nobilem, ita se res habet,  
 Nomen parentum & patriæ narra: Ex bonis  
 Quicquid creatum, pollui dictis nequit.

Hoc ipsum alii quoque Poëtæ cecinerunt. Virgilius ad il-  
 lam alludens fabulam, qua Deucalion Arcadiæ rex post dilu-  
 vium Themidis oraculo edoctus lapides fingitur post tergum  
 jecisse, eosque in homines convertisse, sic loquitur:

Deucalion vacuum lapides jactavit in orbem,  
 Unde homines nati durum genus. 5

5 Geor. 1.

Ubi Servius ait, propter ipsos lapides, ex quibus nati sumus,  
 durum genus dici. Nam & Græcis populi λαοὶ dicuntur à lapi-  
 dibus. Unde etiam illud Ovidii:

Inde genus durum sumus experiensque laborum,  
 Et documenta damus qua sumus origine nati. 6

6. Met. 1.

Hinc Paris Helenæ scribens, ad genus illius respicit, dicitque:

Vix fieri se sint vires in semine morum  
 Et Iovis & Leda filia casta potes. 7

7 Ovid. He-  
roid. epist.  
15.

Hinc illud Maronis:

Nunc scio quid sit amor, duris in cotibus illum  
 Ismarus aut Rhodope aut extremi Garamantes,  
 Nec nostri generis puerum nec sanguinis edunt. 8

8 Pharma-  
ceut.

Hinc Dido inhumanitatem Aeneæ carpens:



9 Ovid. Heroid. epist. 7.

*Te lapis, inquit, & montes, innataque rupibus altis  
Robora, te sævæ progenere fera. 9*

Et iterum:

10 Aeneid. 4.

*Nec tibi Diva parens generis nec Dardannus auctor  
Perfide, sed duris genuit te cautibus horrens  
Caucasus. 10*

Hinc denique (ut alios Poëtas taceam) Catullus:

11 de Nuptiis  
12 ei.

*Quanam te genuit sola sub rupe leana?  
Quod mare conceptum spumantibus expuit undis?  
Quæ Syrtis, quæ Scylla vorax, quæ vasta Charybdæ? 11*

12 Sapient. 3.

Atque hæc evincunt, non tantum nobis à parentibus & maioribus nostris divitias, imagines, & memoriam illorum præclaram, non tantum magnum ad virtutis decus invitamentum, sed sæpe virtutem etiam illorum relinqui, quod etiam sacræ literæ annuere videntur. Bonorum, inquit sapiens, laborum gloriosus est fructus, & quæ non concidit radix sapientiæ: Fili autem adulterorum in consummatione erunt, & ab iniquo thoro semen exterminabitur: Et siquidem longæ vitæ erunt, in nihilum computabuntur, & sine honore erit novissima senectus illorum: Et si celerius defuncti fuerint non habebunt spem, nec in die agnitionis allocutionem. Nationis enim iniquæ diræ sunt consummationes. 12

13 Lib. 1. de  
gest. Rom.

Jam verò quod Cornelius Agrippa convitiis nobilitatem impetat, propterea quod alii eam injustis bellis ac latrociniiis, alii lenonia arte, uxores vel filias suas principibus prostituendo, alii scorta regum ducendo, alii aliis sceleribus quærant, id nequaquam ipsi probro dari potest, tum quia paucorum crimen male objicitur universis, tum quia id non nobilitatis, sed malorum principum, pessimorumque hominum culpa contingit. Certe ut nemo dixerit pecuniam, aut beneficia (ut vocant) ecclesiastica, esse mala, quod illi fures insidientur, hæc verò Simoniaci nundinentur: ita & nobilitatem nemo jure reprehenderit, quod illa turpiter detur, aut accipiat.

Adde, quod sicut populus Romanus teste L. Floro 13 quod vi & injuriâ occupaverat imperium, religione atque justitia gubernarit, ita multos nobilitatem malis ab initio artibus partam, magnis postea virtutibus conservare, augere, atque propagare.

Porro vitia, quæ nobilitati objiciuntur, non nobilitatis sunt, sed



sed hominum nobilium, ut bene advertit Plutarchus. Qui (inquit) tuetur relictam à majoribus gloriam, & virtutem, ipse quidem multis nominibus generosus dici potest: si non tuetur, non ideo incessenda abigendaque nobilitas: non minus hercule, quam Musica, aut Geometria, aut Jus civile, aut Medicina, aut ars militaris, si inciderint in nequam hominem. 14 Sed quid necesse fuit dicere illa vitia hominum nobilium esse? Cum nemo non videat easque etiam esse plebeciorum. Cum Chrysipus (inquit idem Plutarchus) peculiare nobilitatis satellites irridet arrogantiam, fastum, violentiam, humani denique juris contemptum, si quando obruti his sunt nobilissimi aut reges, aut proceres, non agnoscit in plerosque ignobiles hæsisse eosdem quoque, quos satellites nobilitatis procaci nomine vocat. Illorum hanc esse iram ait:

14 Lib. pro  
N. bilit.

*Innumeris quæ sæva malis afflixit Achivos,  
Heroumque animos tot fortis impulit orco  
Membra minutatim quorum laniata molossis  
Alitibusque dedit.*

Sed an solius Achillis talem ille iram putavit? annon fuit deterior aut Phalaridis, aut Agatoclis, aut Dionysii, quos ignobiles fuisse legimus, neque verò vates ille doctissimus cum ait:

*Nil magis est hominis natura infirmius omni  
E numero spirant quacunque animalia terris.*

Potius de nobili quam ignobili agit. Utcunque omnium sit infirma natura, non tamen generosus nihil ab ignobili differt. Quin potius naturæ commoda veluti à Deo collata admiratur.

*Haud uni dat cuncta Deus, formosus ut idem  
Sit pariter prudens, ac multa laude disertus  
Qui specie caruit, Deus hunc venerabilis ornat  
Viribus eloqui: quo sit mirentur ut unum.*

Neque vero si ignobiles magistratus, præfecturas, regna invadere videas, si his dejici nobilissimos, jure ideo incessenda nobilitas. Non minus enim illud ad nobiles quam plebeios pertinet.

*Si lege natus Trophime tu fores ea,  
Ut omnia ad votum tibi quæ velles fluere,  
Et id Deorum aliquis recepisset tibi,  
Recte doleas quidem, fefellit enim fidem*



*Ac fecit absurdè. Sed iisdem legibus  
Commune quoniam tu quoque quibus nos alii  
Cælum hauseris, ut audentius tecum loquar,  
Ferenda sunt hæc fortius.*

Talia inquam dicta sunt & plebeis & nobilibus, quibus in hac parte neque nobilitas prodesse potest, neque natales obscuri. Sunt profecto sua vitia non tantum nobilibus sed etiam plebeiis, & nescio annon his majora quàm nobilibus: sed illa in ignobilioribus reipublicæ membris facile latent, hæc in facie conspicua sunt.

His & similibus etsi non male defenditur nobilitas, nihil tamen eam, præsertim apud vulgum & Stoicos ita defendit, sicut virtus & mores. Proinde quilibet nobilium sibi esse dictum putet ab Euripide:

————— *imitare mores*  
*Patris iusti, filio enim gloria hæc*  
*Pulcherrima, qui ex patre probò natus*  
*Consentit cum parentis moribus. 15*

in Helena.

#### SECTIO VII.

*Nobilitatem reipublicæ esse utilem, ejusque præcipuam rationem habendam.*

**P**Ræcipuam rerum publicarum felicitatem in nobilibus sitam esse, nemo qui legit, dubitat. Beata terra (ait Sacra Scriptura) *Eccl. 10* *ra* cujus rex nobilis est. 1. Omnium civitatum, omniumque rerum publicarum ac regnorum (si historiis credimus) nobiles conditores fuere, nobiles auctores & conservatores. Nobiles fuerunt illi magni heroes, quorum nomina ob egregia in patriam merita immortalitati consecrata sunt. Nobilis fuit ille, quem æternis apud Tragedum lacrymis Troianæ lugent matronæ.

*Columen patriæ, mora factorum,  
Tu præsidium Phrygiis fessis,  
Tu murus eras, humerisque tuis  
Stetit illa decem sulca per annos.  
Tecum cecidit, summusque dies  
Hectoris idem, patriæque fuit. 2*

2 Senec. in  
1102.

Nobi-



Nobiles Romam bello & pace auxerunt, nobiles injustos reges ex civitate ejecerunt, nobiles tyrannos sustulerunt. Nobilis est illud apud Poëtam elogium :

*Vnus homo nobis cunctando restituit rem.* 3

3 Ennius.

Nobiles sunt, qui patriam ab externis, libertatem à domesticis hostibus tuentur; nobiles unicum sunt rebuspubl. à tyrannide munimentum. Cedo (inquit Augustus Imperator Cinna insidiatori suo) *sissipes tuas impedio. Paulus ne te, & Fabius Maximus, & Cossus, & Servilius ferent, tantumque agmen nobilium, non inania nomina praferentium, sed eorum, qui imaginibus suis decori sunt.* 4

4 Seneca de Clem. lib. 1. cap. 9.

Felicitatem Reipublicae Polonae Pio Quinto Pontifici Maximo descripturus magnus ille orator M. Ant. Muretus, praecipuam illius partem in multitudine nobilitatis collocavit. *Habitatorum (inquit) ea multitudo, ut cum equitatus regius ex solis nobilibus constet, centum quadraginta equitum millia armare, & in aciem secum, si res ferat, educere Rex Polonia possit. Homines natura fortes & animosi, quique non facile aut voluptatibus molliantur, aut periculis terreantur. Mortem per decus obitam immortalitatis instar, vitam per dedecus retentam quavis morte pejorem putant. Ignominiam ut fugiant, nihil non fecerint, ut mortem, nihil.* 5

5 Orat. pro Sigism. August. Rege Polon.

Certe quicumque diligentius historiarum monumenta evolverit, facile videbit, & in vita nobilium salutem esse patriae, & in morte interitum. Tritum est apud Politicos scriptores, post praestantium virorum mortes magna turbamenta in rebuspublicis oriri. Nam quemadmodum remotis gubernatoribus navim frangi, magnaue & eminentia ædificia subrutis columnis collabi necesse est, sic futurarum calamitatum & imminentium malorum minimè fallax indicium est, quando viri graves & spectati, quorum prudentia & dexteritate, in primis verò vitæ sanctimoniâ publica res velut suffulta diu stetit, vita decedant. rarum est, ut non insignis mutatio in religionis cultu, aut morum consueta ratione subsequatur. Ita & Thebis post Epaminondæ excessum, & Athenis post Periclis mortem cuncta in præceps iverunt. 6

6 Joan. Le-riceus observ. Polit. Observ. 311.

Atque has ob causas omnes boni semper nobilitati favent, eamque legislatores variis privilegiis gaudere volunt, primam illam ad honores, primam ad dignitates admittunt. Exempla hujus



7 Deut. 1.

8 Jul. Capi-  
tol Bellofo-  
rest. & Mey-  
er. lib. 2.

hujus rei profana quia sunt infinita non refero. In sacris literis celebre est illud Moysis, qui tulit de tribubus Israel viros sapientes & nobiles, & constituit eos principes, tribunos, & centuriones, & quinquagenarios & decanos super populum. 7 Quod Moysis exemplum omnes principes docet, ut honores ac magistratus mandent nobilibus, nec aliter plebeios, quam si virtute sua nobiles genere post se reliquerint. Propter cujus ordinis contemptum Maximinus Imperator, Antonius Scala, Ludovicus XI. Gallorum Rex, qui futuri suo Fecialis ac Internuncii, tonsori Legati partes detulerat, Philippus Pulcher, alique principes in summum discrimen venerunt. 8

## SECTIO VIII.

*Vtrum Nobilitas infamiâ aut vitæ turpitudine amittatur?*

1 De nobilit.  
cap. 23.  
2 Cod. de  
secund. nupt.3 In d. l. 8.  
4 Cod. de  
dignit.5 Bart. in l. 1.  
Cod. de dign.  
& Joan.  
Rayn. tract.  
de nobilit.  
6 Ubi sup.

**N**obilitatem per scelera & vitæ dedecus deperdi legibus Romanis ostenditur apud Andream Tiraquellum, 1 præcipuè verò lege *si qua*, 2 ubi dicitur mulierem intra annum luctus nubentem probrosis inustam notis, honestioris nobilisque personæ decore & jure probari. Cujus rei eam reddit Baldus rationem, quod sine honestate nulla possit esse nobilitas. 3 Et lege *Quoties*. 4 Honorius & Theodosius Imperatores statuunt, ut viri illustres in criminalibus negotiis, dignitate sua, quâ se per suum perjurium indignos esse probaverint, spolientur, utque in eos utpote illustri dignitati per suum facinus privatos, inconsulta etiam imperatoria pietate iudicibus legum severitatem liceat exercere. Idem sacris quoque canonibus decretum esse constat ex capitulo primo, & ibidem glossa ac Doctoribus extra de Purgatione Canonica, & ex capitulo nobilis, Causa 2. quæstione 5. ubi nobilis homo vel ingenuus, si in furto, aut perjurio, aut falso testimonio fuerit deprehensus, ferventi vel candenti ferro purgare suam innocentiam jubetur, ac si non esset ingenuus aut nobilis, amisso scilicet per scelera nobilitatis privilegio. Quo pacto amissam nobilitatem, neque per emendatos mores, neque per honestam vitam, sed per principem restitui, magni docent auctores. 5

Quamvis autem hæc doctrina satis sit sacris juribus munita, contra illam tamen Andreas Tiraquellus 6 negat ob infamiam atque



atque delicta ita amitti nobilitatem, ut continuo quis nobilis esse desinat, sed tantum docet privilegia nobilitatis deperdi liquido id colligere licet ex iis, quæ jura statuerunt de mitius puniendis nobilibus sceleratis, quam ignobilibus. 7

7 l. *Adulterum*  
Cod. de di-  
gnit & ibi  
D D.

Atque hanc Tiraquelli doctrinam fulcit inprimis consuetudo regni Poloniæ, ubi infames nobiles solis nobilitatis privilegiis privantur, ut patet ex eo, quod in comitiis generalibus non nobilitatem amissam respublica recreet, sed privilegia propter certa merita petentibus restituat. Fulciunt deinde sacri Canones, qui ecclesiasticis etiam ob summa scelera non sacerdotium, sed tantum privilegia adimunt.

Ad leges pro priori sententia allatas dicendum est, eas tantummodo in delictis ibi expressis locum habere, non vero in aliis, juxta illam juris regulam: Odia restringi & favores convenit ampliari. 8

8 De regul.  
Juris in sex-  
to.

## SECTIO IX.

*Utrum Nobilitas paupertate amittatur?*

**N**on desunt, qui negent nobilitatem posse consistere cum paupertate. Nam secundum Maronem *turpis egestas est*. Secundum Menandrum

*Inopia & generosos facit ignobiles*

Secundum Euripidem

*— nobiles mortalium*

*Dum pauperes sunt non amplius clari existunt.*

Theodosius quoque ac Valentinianus Imperatores paupertati vilitatem attribuunt, 1 veluti paupertas ipsa vilis sit & ignobilis. Quibus accedunt illi, qui non alium volunt esse nobilem, quam qui & genus habeat nobile, & honores, & divitias. 2

1 L. 2. C. d.  
quæ, & quib.  
quart. pars.  
2 Barb. in l.  
*nobiles*  
Cod. de  
Commerc. &  
merc. & Barr.  
Boix. in Indi-  
ce verbo no-  
bilis.  
3 Joan. Bland.  
& Joan. Ravn.  
in cap. 1. S.  
*finitis*.  
4 L. h. m. l. e.  
Cod. de in-  
cest. nupt.

Sed fortuna non mutat genus, non tantum apud Poëtam, sed etiam apud Jurisconsultos 3 qui ad id probandum proferrunt illam legem, quæ dicit humilem & abjectam sceminam non esse, quæ licet pauper sit, ab ingenuis tamen parentibus nata est, ideoque licere senatoribus ita natis, quamvis pauperes, matrimonio sibi jungere, nullamque hac in re inter egenos & opulentos esse differentiam. 4 Huc etiam pertinet illud Euripidis:

G g

*Pecunia*



5 Apud Stob.  
Serm. 86.

*Pecunia quidem domestica nos deficiunt,  
Nobilitas autem & generositas manent.* 5

Similiter quoque Virgilio:

6 Æneid. 8.

— — — — — *tum res inopes Evandrus habebat.* 6

Et paulo post:

*Vna omnes juvenum primi, pauperque Senatus.*

7 B. Curt.  
t. 4. de No-  
bilit.

Licet autem non tollat paupertas nobilitatem, mancam nihilominus illam atque contemptam reddit. Ut non immerito quispiam dixerit, sicut fides sine operibus mortua est, ita & nobilitas sine divitiis. 7 Nam si virtus ex Peripateticorum sententia indiget opum adminiculis, quid de nobilitate dicendum est, quæ longo intervallo omnium sententia virtute inferior est. Hinc sapienter illi principes faciunt, qui bene meritis pauperibus cum nobilitate opes simul largiuntur. Nam ut bene à Comico scriptum est,

*Præstat divitem esse & popularem, quàm nobilem & mendicum.*

#### SECTIO X.

*Vtrum Nobilitas usu vilium artium amittatur?*

1 Herodot. in  
Euterpe.

**A**Pud omnes fere populos, qui artificia discunt, pro ignobilibus, qui verò à manuariis operibus abstinēt, pro nobilibus habentur. 1 Causam subjungit Xenophon: *Mechanica*, inquit, *omnino sunt abjecta ac jure à plerisque improbantur: Quippe quæ corpora exercentium atterant, tum adsidere homines, atque umbratiles esse cogant. Nonnulla vero ex iis totos dies igni incubare compellant: enervatis deinde labore membris necesse est & animos debilitari, ac quodammodo agrotare. Eadem illiberales artes tantas habent occupationes, ut amicis & rei publicæ dari opera non possit. Quo fit ut ejusmodi homines nec amicorum usui videantur esse commodi, nec tueri patriam possint. Etiam nonnullis in urbibus, maxime quæ bellis occupantur, ne quidem licet cuiquam civium sordidas hæc artes exercere.* 2 Et Aristoteles: *Opificum, ait, ac forensium, & mercenariorum prava est vita, nullumque virtutis opus eorum, quæ tractat multitudo.* 3 Et rursus: *Itaque artes illæ, quæcunque deterius disponunt corpus, & cuncta mercenaria exercitia, sordida nuncupamus. Mentem enim occupatam & vilem reddunt.* 4

2 Oeconomis.

3 lib. 6. Politic. cap. 4.

4 Lib. 8. cap. 2.

Jurisconsulti, ut turpi vitâ, ita & his artibus non nobilitatem tolli,



tolli, sed privilegia duntaxat nobilitatis perdi existimant, idque tamdiu, quamdiu quis in iis versatur. Nam reversus ad nobilem vitam pristina etiam privilegia recuperat. 5

Imo ne privilegia quidem nobilitatis aliter dicunt suspendi, nisi si quis illas per se exercent. Nam uti in illis opera servorum aut initiorum non est illiberale. 6 Siquidem legimus apud Plutarchum Marcum illum Crassum, haud dubie nobilissimum Romanorum, artificum servorum opera divitem factum fuisse. Scimus & Pertinacem Imperatorem Romanum mercaturas per homines suos exercuisse. 7 Scimus denique multos homines nobilissimos similia fecisse, & etiam nunc facere, salva omnino nobilitatis suæ prærogativa.

## SECTIO XI.

*Utrum Nobilitas per mercaturam amittatur?*

Sordidissimum esse negotiatorum genus vix est qui dubitet, Surpote qui res omnium sordidissimas tractant, idque sordidissimis rationibus, cum passim mentiantur, pejerent, furentur, imponant. 1 Acute Horatius:

— — — plenus, inquit, æquo

*Laudat venales qui vult extrudere merces. 2*

Acute inquam. Quid enim (ait Orator) stultius, quam venditorum vitia rei quam vendit, narrare, & quasi præconem prædicere, domum pestilentem vendo. Hoc genus celandi quis non videat? Certe non aperti, non simplicis, non ingenui, non iusti, non boni viri, sed potius versuti, obscuri, astuti, fallacis & callidi est. 3 Atque hoc ipsum antiqui illi Poætæ indicare voluerunt, qui eundem Mercurium deum atque præfulem furum & mercatorum simul fecerunt, tanquam scilicet furtum & mercatura sint quadam cognatione conjuncta. Quem quidem Mercurium & Suidas κλέπτης id est furem fuisse vocatum tradit, & κλέπτης Phurnutus. Ex quo Prudentius:

*Expertes furandi homines hæc imbuit arte*

*Mercurius Maia genitus.*

Hinc Hierocles Apollonius adolescentem, qui se mercaturæ esse deditum dixerat, carpit & ab illa veluti sordida & scelerata dehortatur: *Infortunatum, inquit, vivendi genus ut arbitror elegisti.*

5 Masue. in  
tit. de tallis  
§ item illi  
qui sunt no-  
bil. decor.  
Guido Pap.  
dec. 196 &  
Bart. Chass.  
cont. 64

6 Alber. in L.  
humilem C. de  
incest. nupt.  
Alciat tract.  
de præsumpt.  
reg. 1. præ-  
sum. 48.  
Num. 10. &  
Per. Reb. in  
Interp. auth.  
habita. C. ne  
filius pro pa-  
tre.

7 Jul. Capir.  
in vita illius.  
1 And Tiroq.  
de nobil. cap.  
33.

1 Lib. 2 E.  
pist. ad Jui-  
um Florum.

3 Cic. lib. 3.  
de offic.



Primum enim hujusmodi homines omnes nudinas circumeunt, ut quæ minimo emant, quæ sibi sunt opus. Deinde cum peregrinis & campobus degentes assidue aliquid emunt, venduntque, & sceleratis usuris capita supponentes, ad perniciem suam festinant. Quod si prospere res successerint, bene navigat navis, & multus illis ubique sermo est, quod neque inviti, neque volentes tale studium deserent unquam. Si ex mercatura non consequantur utilitatem, minora navigia conscendentes, naves pertingunt, & causam in deos impie referentes non inviti alienis opibus potiuntur. 4 Hæc Apollonius, qui etsi de maritima tantum mercatura loquitur, non incommodè tamen ad cæteras quoque referri possunt. Idem Apollonius, sæpe mercatores increpare solebat, quod odium ab eis adeo contemneretur, ut lucri causa ab omnibus odio haberi parvi facerent, ideoque adolescentes ab eorum congressu abducebat. 5

4 Philostr.  
lib. 4.

5 Philostr.  
lib. 3.

Ostendi proxime ex Aristotele & Xenophonte, opificum, forensium, & mercenariorum pravam esse vitam, illudque genus hominum bellis, rebus publicis, & amicitia officii inutile esse. Verum mercatores sunt longè deteriores, & ad prædicta inutiliores. Opifices innocuas artes exercent, ut se familiamque sustentent, mercatores mille fraudibus & perjuriis pecuniam corradiant, ut aliis sint ditiores & superbiores, quanquam stulta nimis est illorum superbia, cum divitiarum ipsorum sæpe ventus sit dominus: Opifices proprio sudore vitam tolerant, mercatores alienis opibus tument, & luxuriant: Opificum justus semper est labor, mercatorum iniqua industria. *Iustorum operationi laborum* (inquit Sanctus Chrysostomus) *emptione & venditione iniquitatem immiscent, & juramenta frequenter & perjuria simul atque mendacia avaritiæ conjungunt, sola curant secularia, & terræ affixi permanent, & modo lucentur, omnia faciunt, ut autem pauperibus communicent, nullam curam gerunt, sua semper augere volentes. Quis referat super hæc convitia, contumelias, saniora, usuras, contractus multa falsitatis plenos, turpia commercia?* 6

6 In Matth.  
1 om. 19.

7 Cap. Non  
sæpe.

Vulgo dicitur, ubi sunt sceneratores, ibi pulchræ capellæ in eccllesiis. Nam facilius per usuram acquisita ita impendunt quam restituunt. 7 Miror cur non etiam pulchras habemus capellas ubi sunt mercatores? An hi illis deteriores sunt, magisque Deo odibiles? Profecto peiores videntur esse divitiæ mercatorum, quàm ipsorum usurariorum. Horum enim injusta est avari-



avaritia, illorum & injusta, & propter infinita perjuria etiam sacrilega. Enarrans illud Matthæi. 21 *Ejiciebant vendentes & ementes de templo*, Sanctus Chrysostomus, significavit, inquit, quia homo mercator vix aut nunquam potest Deo placere. Et ideo nullus Christianus debet esse mercator, aut si voluerit esse, projiciatur de ecclesia, dicente propheta, quia non cognovi negotiationes introibo in potentias domini. Quæ sententia etiam corpori Juris Canonici inserta est. 8

8 in cap. Eji-  
ciens 88. dist.

Jam verò, quæ fieri potest, ut bello sint utiles mercatores, hominum genus timidissimum, umbramque fugiens? & quod teste Horatio:

— — — extremos currit ad Indos

*Per mare pauperiem fugiens per saxa per ignes,* 9

9 Epist. lib. 1.  
Epist. 1.

Teste autem Juvenale:

*Parva licet portet argenti vascula puri,*

*Nocte iter ingressum gladium contumque timebit,*

*Et mota ad lunam trepidabit arundinis umbram.* 10

10 Sat. 10.

Ut proinde meritò, & negotiatoribus militia, & militibus negotiatio legibus Romanis fuerit interdicta. 11

11 L. Unica  
Negotiatores  
ne militent.

Rebus publicis verò tantum abest ut prosint mercatores, ut etiam plurimum iis obsint. Nam sæpe alienæ quidem reipublicæ sunt exploratores, suæ verò proditores: Sæpe ex patria meliora & utiliora evehunt, deteriora in eam invehunt, sæpe contra publicum edictum hostibus patriæ bello necessaria subministrant: sæpe ob parvum privatum lucrum optimam monetam exportant, pessimam ingenti reipublicæ damno important. Possem hæc vel Vilnensium quorundam mercatorum exemplis comprobare, nisi parcendum esse nominibus existimarẽ. Denique quam isti homines ad amicitia officia sint idonei, satis ostendit, qui dixit: *Amicitia scholarum sunt ex honesto, militum ex periculo, aulicorum ex poculo, mercatorum verò ex lucro.* Certè hoc vulgus amicitiam utilitate probat, & nonnisi aureis amicis est amicum. Aliquibus verò, ne Deus quidem nisi sit aureus, satis venerabilis videtur, qualis fuit ille, qui moribundus à mesta uxore admonitus, ut Christi crucifixi amplecteretur imaginem, utrum aurea esset requisivit. Hoc

— — — crimine ab uno

*Disce omnes,*

Gg 3

Omni-



12 Psal. 114.

13 C. Confe-

quens dist 83

&amp; alius locis.

14 L. nobilitates.

15 d. c. Con-

sequens.

16 Cap. Se-

cur dum 6.

Ne Clerici

vel Monachi.

17 Ioan. Fab.

in l. falso

Cod. de di-

vers. rescript.

Marth. Affli-

ctus, Guil.

Pap dec. 196.

18 De Nobi-

lit. cap. 33.

Mum. 10.

19 Num. 11.

Omnium enim fere *simulachra argentum & aurum.* 12

- Atque has ob causas & Sacro jure clericis, 13 & jure Politi-  
co nobilibus ac honorum luce conspicuis 14 vetita est negoti-  
atio. Quorum jurium violatores, clerici quidem, in quocun-  
que gradu fuerint positi, mox à clericalibus officiis coguntur  
abstinere, 15 imo Pontifex ait: *Sub interminatione anathematis*  
*prohibemus, ne monachi, vel clerici causa lucri negotientur,* 16 no-  
biles vero Politici privilegia nobilitatis amittunt. 17

Sunt quidem etiam mercatoribus sui patroni, qui dicunt,  
mercaturam minime privilegiis nobilitatis officere. Eorum tam-  
en defensionem magnus alioqui nobilitatis propugnator  
Andreas Tiraquellus non audit dicitque: *Tu tamen constanter*  
*teneto, mercaturam derogare nobilitati. Neque enim omnis ars non im-*  
*probata est honesta, ut licet videre in omnibus fere artibus sordidis,*  
*quæ licet sint necessaria, & propterea non improbata, non tamen con-*  
*veniunt nobilibus, qui si in eis versentur reputabuntur viles & ab-*  
*jecti.* 18 Addit nihilominus idem auctor mercaturam non ob-  
esse nobilitati, si id mos regionis, quæ haud dubiè servandus est,  
excuset. 19

Quod si meam quis roget sententiam, illi ego cum Bodino  
„ magno rerum Politicarum scriptore respondeo. Si statuen-  
„ dum mihi sit, principem mercatorem nolo: sin optio detur,  
„ mercatorem malo, quam tyrannum, & patricos viros, nego-  
„ tiari quam prædari. Quis est enim qui nesciat Lusitaniæ reges,  
„ cum angustissimis regni finibus coercerentur, nec jura suæ  
„ majestatis satis commodè tueri, nec subditos rodere vellent,  
„ mercaturam abundantissimam & quæstuosissimam jam annos  
„ centum sine contumelia & maximo reipub. commodo exer-  
„ cuisse? Cum enim anno millesimo quadringentesimo septua-  
„ gesimo quinto orientis opes & intimos Indiæ recessus por-  
„ tusque omnes maritimos navigantibus aperuissent, populo-  
„ rum historias ad veritatem admirabiles, & opes incredibiles  
„ in Lusitaniam adduxerunt, post etiam universam Europam  
„ specierum infinita varietate compleverunt. Hoc vero magni-  
„ ficentius, quod in sinu Persico, & in ipso regis Perfarum con-  
„ spectu, arcem munitissimam fundaverunt, qua navigantibus  
„ nec commeare nec remeare nisi soluto vectigali non licet:  
„ quin etiam quatuor Indorum reges suis imperiis ac stipendiis  
„ sub-



„subegerunt, præter Africæ portus ac littora, quibus longe la-  
 „teque dominantur. Qua quidem navigatione Turcarum ac  
 „Persarum principibus, regibusque Ægyptiorum mercaturæ  
 „quæstus uberrimos de manibus excusserunt. Quantæ utilita-  
 „tes ex ea mercatura ad Rempublicam pervenerint, ex eo in-  
 „telligitur, quod cum Lusitani Moluccarum Insulas (unde præ-  
 „tiosissimæ species asportantur,) nudassent, ac trecenta au-  
 „reorum millia numerassent Carolo V. Imperatori, cui Moluc-  
 „carum insulæ iudicio finium regundorum Alexandri VI. Pon-  
 „tificis Maximi sententia obveniant, Genuenses ac Florenti-  
 „ni mercatores pecuniam Carolo numeratam, Lusitanis regi-  
 „bus restituere, & amplius quinquaginta aureorum millia Ca-  
 „rolo dependere non dubitarunt, ut sibi aditus ad eas insulas  
 „pateret, quod renitente Lusitano rege obtineri non potuit.  
 „Et quidem Venetis de omnibus calamitatibus, quas Ludo-  
 „vico XII. rege Francorum pertulerunt, nulla gravior visa  
 „est, quam quod Lusitani reges mercaturæ Orientalis quæstum  
 „illis eripuisent.

„Nec verò Italis abundans & quæstuosa mercatura nobilita-  
 „ti labem aut dedecus ullum inferre videtur: nec Tullius ipse  
 „uberem mercaturam improbat, sed eos, qui ab illis emunt,  
 „quod carius vendant, fordidos appellat. Id autem in princi-  
 „pe minime ferendum est, ut subditos exportare frumenta res-  
 „que venales prohibeat, quibus ipse quæstum faciat: turpius  
 „etiam ac fædius ullo pretio mercari à subditis, ut eisdem ca-  
 „rius res emptas emere cogat. Ea res enim Alphonsum regem  
 „Neapoleos suis æque ac exteris odiosissimum fecit. Greges  
 „enim porcorum subditos alere, & in demortuorum locum a-  
 „lios substituere cogebat: olei ac frumenti quicquid in Apu-  
 „leia concrevisset, vilissimo pretio emebat, ut summa egestate  
 „ac inopia annonæ arbitrio suo addiceret. 20

20 De repub.  
lib. 6, cap. 2.

## SECTIO XII.

*Vtrum Nobilitas per causidicinam amittatur?*

**A** Pud prudentissimos rerum omnium arbitros, antiquos  
 nimirum Romanos, munus advocatorum contemptissi-  
 mum fuisse, ex eo perspicuum est, quod qui in fastigio digni-  
 tatum



<sup>1</sup> In Bruto.

<sup>2</sup> Lib. Epist. 1.

<sup>3</sup> Ard. Ti-

raq. de No-

bulit, cap. 29.

tatum collocati semel fuissent, ab eo se sponte abdicabant, tanquam dignitati suæ tenebras ofundente. Cujus rei exemplo est Hortensius, qui post suum consulatum summum illud suum studium agendarum causarum remisit, quo à puero fuerat accensus, ut testis est M. Tullius. <sup>1</sup> Sed & Plinius Junior ad Pompeium Falconem scribit, <sup>2</sup> cum Tribunus esset, abstinuisse se causis agendis, quod deforme arbitraretur, cui assurgere, cui loco cedere omnes oporteret, hunc omnibus sedentibus stare, & qui jubere posset tacere quemcunque, huic silentium cleplydra indici, & quem interfari nefas esset, hunc etiam convicia audire, & si multa pateretur, inertem, si ulcisceretur, insolentem videri. <sup>3</sup>

Vilem quoque causidicinam fuisse vilis ejus merces ostendit. Vilem autem mercedem fuisse colligi potest ex Satyrographo :

*Rumpe miser tensum jecur, ut tibi lasso  
Figantur virides scalarum gloria palma,  
Quod vocis pretium? Siccus petasunculus, & vas  
Pelamidum aut veteres Afrorum epimenida bulbi  
At vinum Tiberi devectum, quinque lagena &c.*

Idem quoque patet ex Martiali deridente Umbrum, & ipsum causidicum, qui quæcunque munera à clientibus in Saturnalibus acceperat, ad illum miserat, ea autem erant vilissima, & nullius fere pretii. Carmen autem Martialis hujusmodi est :

*Omnia misisti mihi Saturnalibus Umber  
Munera, contulerant quæ tibi quinque dies,  
Bisenos triplices, & dentiscalpia septem,  
His comes accessit spongia, mappa, calix,  
Semodiusque faba cum vimine Picenarum,  
Et Laletana nigra lagena sapa.  
Parvaque cum canis venerunt coctana prunis,  
Et Libyca fici pondere testa gravis.  
Vix puto triginta nummorum tota fuisse  
Munera, quæ grandes octo tulere Syri.  
Quanto commodius nullo mihi ferre labore  
Argenti potuit pondera quinque puer. 4*

<sup>4</sup> Lib. 7. E.

fig. 52.

Et



Et rursus Sextum quendam in hæc verba alloquitur:

*Qua te causa trahit, vel qua fiducia Romam  
Sexte? quid aut speras, aut petis inde? refer  
Causas inquis agam Cicerone disertius ipso  
Atque erit in triplici par mihi nemo foro.  
Egit Arestinus causas, & Caius, utrumque  
Noras, sed neutri pensio tota fuit*

*Sic nihil veniet, par gentur carmina nobis, &c.* 5

5 Lib. 5. E.  
pig. 85.

His accedit Plinius, qui in Epistola ad Maximum, *Hæc*, inquit, duo nomenclatores mei (habent sane ætatem eorum, qui nuper togas sumpserunt) ternis denariis ad laudandum trahebantur. Tanti constat, ut sis disertissimus, hoc pretio, quamlibet numerosa subsellia implentur, hoc ingens corona colligitur, hoc infiniti clamores commoventur. 6

6 Lib. 1. E.  
pist.

Nec mercedem tantum vilem, sed etiam ipsam artem perniciosam esse, non leves dicunt auctores. Columella. *Sine causidicis*, inquit, olim satis felices fuerunt, futuraque sunt urbes. Et paulo post. *Sed ne caninum quidem* (sicut dixere veteres) *studium præstantius locupletissimum quemque allatrando, & contra innocentes ac pro nocentibus neglectum à maioribus à nobis autem etiam confesum intra mœnia, & in ipso foro latrocinium.* Sidonius Apollinaris, appellat causidicos rabulas forenses 7 quod accepisse videtur à Cicerone 8 ad quem locum dicit Nonius Marcellus, rabulam à rabie dictum. Seneca *Iuridici*, inquit, *velut canes acerrimi non nisi oblato cibo mansuescunt.* Idem Seneca alio loco causidicos cum vituperio venale genus vocat. 9 Et Hieronymus *Iuridici*, inquit, *lyncibus & leonibus crudeliores, & si devorent ore rabido tamdiu tamen deperdendi memoriam non perdunt quamdiu venter est vacuus.* 10 Apuleius appellat causidicos vilissima capita, forensia pecora, ac togatos vultures. 11 Ciceronem fortassis imitatus, qui eosdem vultures paludatos vocat 12 Tragediographus clamorifera illorum forum & rabiosa jurgia dicit:

7 Lib. Epist.  
4. ad Claudianum.  
8 In Orat.

9 In ludo de morte Claudii.

10 Citatis ab And. Tiraq. de nobili.

cap. 29. n. 8.

11 Lib. 10.

Metam.

12 Orat. pro Scitio.

*Hic clamorifera fori*

*Iurgia vendens improbus iras*

*Et verba locat.* 13

13 in Hercule furens,

Extat & apud Pollucem descriptio, hoc genus hominum lancinans. *Causidicus est calumniator, litium conceptor, litium confutor, loquax pro pecunia, nullum verbum gratis proferens*

H h

ad

Et



*ad gratiam loquens, ad voluptatem concionem fingens, apud tribuna-  
lia semper vivens.* 14

14 Lib. 5.

15 1. Scho-  
lus.

Sed hæc & multa alia, quæ contra advocatos congeffit Zasius, 15 cum non tam sint argumenta, quàm calumniæ, non probant munus hoc vile esse, ac quod consequens est nec nobilitati officere. Scimus nobilissimos homines Julios Cæsares, Cicerones, Hortensios, Germanicos, Plinius, & patricios infinitos causas in judiciis egisse. Scimus & illos, qui forum deseruerunt, non contemptu hujus nobilissimi muneris fecisse, sed ob causas alias. Hortensius quidem, quia vidit ex consularibus neminem esse secum comparandum: negligebat autem eos, qui consules non fuissent: Plinius verò non tantum ob rationes dictas Tribunus factus à causis agendis abstinuit, sed etiam, quia contingere potuisset, ut altera partium illum appellasset ut intercederet, cujus rei extremum jus erat apud Tribunos, ideoque maluit se Tribunum omnibus, quàm paucis advocatum exhibere. 16

15 Ubi supra, bere. 16

Recte itaque Andreas Tiraquellus: Quisquis inquit advocatus est, is & in honore constitutus dici potest. Ubi etiam multis legibus ostendit advocatos omnino esse nobiles. Cum quo in eadem sunt sententia, Baldus, Hostiensis, Ant. Panormitanus, Spartianus, & alii plurimi. Et cum infamibus portæ dignitatum non pateant, 17 ideo infames ne sint advocati legibus prohibitum est, 18 cumque Judæis ad omnes dignitates via clausa sit, 19 idcirco non possunt esse advocati. Item cum officium notariorum vile sit, 20 notarii que dicantur servi publici, 21 ideo non debent illud advocati exercere, ut docet glossa & Bartolus.

17 L. Secunda  
Cod. de di-  
gnit.

18 l. 1. §. ait  
prator ff. de  
postul. & c  
infames 3. q. 8

19 l. ult. Cod.  
de Judæis.

20 l. universos  
& l. Si quis  
proc. Cod. de  
Decu.

21 l. non aliter  
ff. de adop.

& l. 2. Cod.  
eod. & leg. 2.  
ff. rem pupil.

sal. for.

22 Cap. Non

licet 11.

quæst. 3.

At vendunt suam operam. Quid tum? Si id non tantum jure & more humano, sed etiam Canonicis decretis & Pontificiis sanctionibus comprobatum est. Non licet, inquit S. Augustinus, judici vendere justum judicium, etsi liceat advocato vendere justum patrocinium, & Jurisconsulto rectum consilium. 22



S. V.

*De Magistratu & Subditis.*

**I**Nter alias civium distinctiones est etiam illa, quod alii civi-  
um habeant potestatem imperandi, alii necessitatem paren-  
di. Et quia jam satis dixi alibi, <sup>1</sup> quales esse oporteat eos, qui  
ad hoc munus sunt eligendi, ideo hic ea tantum breviter attin-  
genda sunt, quæ ad magistratus officium pertinent: quæ quidem  
omnia solus fere Tullius descripsit. Omnino, inquit, qui reipub.  
præsunt duo Platonis præcepta teneant, unum ut utilitatem civium  
sic tueantur, ut quicquid agant ad eam referant, obliti commodorum  
suorum: Alterum ut totum corpus reipub. curent, ne dum partem a-  
liquam tuentur, reliquas deserant. Ut enim tutela sic procuratio rei-  
pub. ad utilitatem eorum, qui commissi sunt, non ad eorum quibus com-  
missa est, gerenda est. <sup>2</sup> Et alio loco. Est boni magistratus, cum au-  
xilia reipub. labefactari convellique videat, ferre opem patriæ, succur-  
rere salutem, fortunisque communibus suam salutem posteriorem salute  
communi ducere, intercludere omnes seditionum vias. <sup>3</sup> Et rursus.  
Est proprium munus boni magistratus intelligere se gerere personam  
civitatis, debereque ejus dignitatem & decus sustinere, servare leges,  
jura describere, & ea fidei suæ commissa meminisse. <sup>4</sup> Et denique  
Sudandum est iis qui magistratum gerunt pro communibus commodis,  
adeunda inimicitia, subeunda sæpe pro reipub. tempestates, cum mul-  
tis audacibus improbis nonnunquam etiam potentibus dimicandum. <sup>5</sup>  
Hæc Tullius. Plutarchus verò censet eos, qui rempub. gerunt,  
varia consilia agitare debere, ac perspicere, qua potissimum ra-  
tione unaquæque res facillimè possit expediri: itaque sæpe il-  
le parte aliqua dimissa, totam rei summam conservat, parvoque  
cedens majora consequitur. <sup>6</sup>

Sed nec dissimulatio prudens aliena debet esse à magistratus  
sapientis officio. Nam ut Plutarchus loquitur <sup>7</sup> ad rem civilem  
„congruit hæc præceptio, ut quæ levia sunt iis omittendis vul-  
„go gratificare, in momenti alicujus rebus eidem te opponas,  
„neque patiari eos delinquere. Qui enim omnibus in rebus  
„nimis est accuratus & vehemens, nihilque concedit aut dissi-  
„mulat, is dum se ubique asperum & implacabilem gerit, mul-  
„titudinem ad certamen mutæ contentionis ac morositatis

Hh 2

assue-

<sup>1</sup> Quæst. Po-  
lit. Disp. 3.<sup>2</sup> Cic. 1. offic.<sup>3</sup> Pro Cajo  
Rabir.<sup>4</sup> Offic. 1.<sup>5</sup> Pro Sestio.<sup>6</sup> In compa-  
ratione Polo-  
nis & Subli-  
colæ.  
<sup>7</sup> in præcept.  
reipub.



„ assuefacit. Itaque interdum debet ( ut est apud Poëtam ) ali-  
 „ quantulum remittere clavum, ob magnam fluctus vim : ali-  
 „ quando ipse veniam dans, ac ludendi se socium captandæ  
 „ gratiæ causa præbens, ut in sacrificiis, certaminibus, & specta-  
 „ culis : nonnunquam veluti in familiis fit, in puerorum pecca-  
 „ tis simulans se non observare quæ delinquuntur, ac furda au-  
 „ re prætermittens, ut facultas castigandi, & libera ora-  
 „ tionē increpandi, tanquam medicamentum, non usu jam  
 „ debilitata & inefficax, sed viribus suis prædita atque auctori-  
 „ tate, in majoribus negotiis magis percellat atque mordeat  
 „ multitudinem. Etenim Alexander cum esset certior factus,  
 „ sororem suam cum formoso quodam juvene rem habuisse  
 „ non est indignatus : sed dandum hoc sorori esse dixit, ut re-  
 „ gni aliquem & ipsa fructum perciperet. Non recte ille, ne-  
 „ que sibi convenienter talia permittens, neque enim petu-  
 „ lantiam & imperii subversionem pro fructu ejus duci par est.  
 „ At civilis vir contumeliam in cives nullam suis, neque pu-  
 „ blicationem alienorum, aut distributionem publicorum bo-  
 „ norum ( quantum omnino præstare potest ) concedere debet :  
 „ sed hujusmodi rerum affectationes suadendo, docendo, per-  
 „ terrendoque debellare, quas Cleo nutriens atque augens  
 „ multos ( ut ait Plato ) fucos in rempub. induxit.

Adhæc diligenter magistratui duo extrema sunt vitanda, ne  
 videlicet vel aliena pluris faciat de seipso judicia, & sermones,  
 vel eadem prorsus contemnat. Regium quidem est male audire  
 cum bene feceris ut dicebat Alexander : & ignaviæ crimina-  
 tionem Fabius repellebat pugnae declinans periculum cum di-  
 ceret. Essem ego vere formidulosus si levium veritus obtrecta-  
 tionem à meorum consiliorum ratione discederem.

Scire etiam magistratus debet, se non tantum præesse, sed  
 etiam subesse, principi nimirum & legibus, seque nihil aliud  
 esse, quam justī custodem & legum ministrum, ideoque non  
 posse quidquam sine scelere præter aut contra leges facere : cu-  
 jus rei inconsiderantia quantum magistratus peccet, & quan-  
 tum detrimenti civitas capiat, facile quivis etiam domesticis  
 exemplis edoctus intelligit.

Ad extremum illud sibi à Poëta dici magistratus existimet  
 semperque recogitet



*Ponite flatus tumidosque vultus*

*Quidquid à vobis minor extimescit*

*Major hoc vobis dominus minatur.* 8

8 Seneca in  
Tayeste.

Jam verò subditorum omne officium, omnis virtus, omnisque sapientia, in obedientia & adversus magistratum reverentia sita est: Et reverentiam quidem exigit dignitas magistratus & excellentia: omnino enim ab omnibus, iis debetur honor quos honore Deus dignatus est, 9 obedientia verò cum sit publica tranquillitatis mater, omnisque felicitatis fons, diligentissimè est ab omnibus præstanda. Interrogatus aliquando Solon, quonam potissimum modo civitas in optimo statu degeret? respondit, si cives quidem magistratui obediant, magistratus autem legibus. Et Chrysantes apud Xenophontem omnia pro, spera obedientiæ tribuit, sinistra contumaciæ. Quænam inquit, urbs hostium ab iis capi possit qui nolint imperio parere? quæ amicorum urbs conservari possit ab iis, qui nolint imperio parere? qui militum contumacium exercitus victoria potiri possit? quonammodo facilius possint in præliis hostes vincere, quam ubi cœperint seorsim singuli salutis propriæ consilia capere? quid aliud rei præclare perfici possit ab iis, qui se potioribus haud parent? quæ urbes legitimè admittrentur? quæ domus servari queant? quo pacto naves eo perveniant quo tendunt? Nos ipsi ea commoda quæ nobis modo adsunt, quænam alia re magis comparavimus, quam principi parendo? Et paulo post. Ergo si parere imperio maximum esse bonum manifesto patet, ad comparandum bona cætera: certo sciendum vobis est, etiam idem hoc bonum esse maximum ad conservandum ea, quæ conservari necesse sit. 10

9 Cedrenus  
hist. compend. pag.  
462.

10 De instit.  
Cyril. lib. 2.

### S. VI.

#### *De bonorum Civium Officio.*

**O**stendi superius quæ sunt seorsum partes imperantium, quæ parentium; hic omissa omni differentia, quodnam bonorum civium sit officium breviter ostendendum est. Ac primo boni civis officium est teste Marsilio Ficino, 1 considerare civitatem tanquam animal unum, ex civibus tanquam ex

1 Lib. I. Epist. ad Petr.  
trum.



partibus, ac partem toti, non totum parti servire debere: quando enim partis tantum commodum quæritur, utriusque scilicet tam partis quam totius commodum prorsus omittitur, quando vero totius quæritur bonum, utriusque servatur. Igitur meminisse debet civis, nihil sive boni sive mali alicui civitatis membro posse contingere, quin propter connexionem quandam ad cætera membra pertineat, atque totum: nihil rursus toti civitatis corpori evenire posse, quin mox ad singula animalis hujus membra pertineat. Nemo igitur in hac urbana familia dicat: Meum hoc & illud tuum, omnia enim in hoc ingenti animali quodammodo communia sunt, sed dicat: Meum hoc & illud, non possessione quidem propria, sed affectu potius atque cura. Patriam quisque tanquam parentum parentem amet, & colat, privatus antiquis probatisque legibus obediat tanquam Deo. Non enim absque Deo hujusmodi leges constituuntur. Magistratus meminerit non aliter se legibus, quam privatum magistratibus esse subjectum, intelligat se cum judicat judicari. Platonis præceptum semper ante oculos habeat, ut non seipsum, sed civitatem, non partem civitatis aliquam, sed universum respiciat. Sciat denique optimum in cœlesti patria huic servari locum, qui terrenam patriam ad cœlestis exemplar pro viribus disposuerit. Communi enim mundi regi nihil gratius quam commune bonum.

Plato vero censet patriam esse anteponendam patri & matri, & omnibus omnino progenitoribus, magisque quam parentes, ac etiam si illa rigidius se gerat, amandam. 2 Tullius nihil dicit dulcius, nihil in vita debere esse patria carius. Item chari (inquit) sunt liberi, propinqui, familiares, sed omnes omnium charitates patria una complexa est, pro qua quis bonus dubitet mortem oppetere, si ei sit profuturus? Hinc Aulus Gabinius tribunus plebis, suadens Pompeio recusanti bellum contra pyratas: *ô Pompei, inquit, mihi & patria concede, cui & natus es, & educatus, teque ejus commodis inservire oportet, ejus causa nullos labores nulla pericula subterfugere, sed etiam si res ita ferat ut moriendum sit pro ea quovis genere.* 3 Herocles denique civitatem ac patriam Deo quodammodo æquiparat. Est, inquit, patria per Jovem velut alter quidam Deus & primus maximusque parens, quare qui nomen ei imposuit, à re ipsa non temere patriam nominavit, vocabulo quidem

Dion. Ca.  
sus lib. 3.  
A. A. Rom.



quidem à patre deducto, pronuntiato tamen fæminina terminatione ut ex utroque parente missum esset. Atque hæc ratio insinuat patriam unam ex æquo duobus parentibus colendam esse. Præferenda igitur omnino est patria utriusque parentum seorsim, & ne simul quidem parentes ambos majoris fieri, sed æquali honore dignari. Est autem & alia ratio, quæ non tantum æquali sed majori etiam quàm simul ambos parentes honore patriam afficere monet, neque solum ipsis eam præfert, sed etiam uxori, & liberis, & amicis, & absoluto sermone rebus aliis omnibus post Deos. 4

Porro lex amore patriæ præcipiens ab ipsa natura sancita est, ut bene advertit Robertus Maranta 5 & Cassiodorus. 6 Vnicuique, inquit, patria sua charior est, ubi ab ipsis cunabulis commoratur: feris datum est agros sylvasque quærere, hominibus autem fores patrias super cuncta diligere: aves ipsa per æræ vagantes proprios nidos amant, erratiles ferae ad cubilia dumosa festinant: volu- ptuosiores piscines cavernas suas perquirunt, cunctaque animalia ibi se norunt refugere, ubi longissima cupiunt ætate constare.

4 Serm.

Quales in patriam esse debemus.

5 Spec. aut. part. 3. num.

42.

6 Lib. 1. c. pist. 20.

## S. VII.

*Referuntur quadam exempla fortium virorum & patriam amantium?*

**P**riniceps ille Medicorum Hippocrates ab Artaxerxe rege, magna vi auri, ad Persas epidemia laborantes curandos invitatus, & aurum & regem contempsit, ac ad regis literas in hæc verba rescripsit: *Vitæ, domo, ac cæteris ad vitam necessariis sufficienter fruor: Nec mihi fas est à Persis pecuniam accipere, nec viros barbaros à morbis curare, qui Græcorum hostes existunt.* I

1 Lib. epist. Hipp.

Michael Maurocenus ex Syria, ubi amplissimas opes comparat, in Rhodum insulam appellens, ubi accepit Venetos, Genuensi bello clade accepta, in summo positos esse discrimine, neque ullam ejus servandæ spem superesse, multis adhortantibus, ut mercibus divenditis, & thesauro conflato, alio se reciperet: Egone, inquit, tam grave facinus & scelus hoc tempore ausim, ut desim patriæ tam graviter laboranti? Quin dividendam omnia, & quicquid inde conflavero pecuniæ, id totum in patriæ salutem impendam. Ergo ubi Venetias venit, in curia pecuniis omnibus profusis, merito Andreæ Contareno duci sub-



2 Egnatius  
lib. 6. cap. 1.

subrogatus est. 2 Et Socrates quidem ac Maurocenus rempublicam auro, alii verò vita sua cariorum habuerunt.

Cum Pompeius statuisset Mamertinos supplicio ob defectionem afficere. Stheno quidam constantis animi vir, intrepide Pompeium adit, ac iniuste inquit Pompei agis, qui ob unum fontem, multos innoxios decrevisti perdere. Ego enim civitati auctor defectionis fui, amicis persuadendo, inimicos cogendo ad eam rem faciendam adactis. Qua oratione ita fuit affectus Pompeius, ut & civitati veniam largiretur & Sthenonem tractaret humaniter. 3

3 Plut. in Rō-  
ip præcept.

Pari virtute usus quoque fuit quidam hospes apud Syllam, sed quia apud dissimilem virum, nobili letho extremum diem vitæ confecit. Nam cum Præneste capta decrevisset omnes Sylla interficere, at soli isti ob hospitii usum parcere, tantum fatus. Nolle se patriæ suæ interfectori salutis datæ gratiam agere, permiscuit se popularibus, atque una cum illis trucidatus est. 4

4 Ibidem.

Epaminondas propter invidiam à Thebanis, Dion à Syracusanis, civibus suis ignominia notati, vindictam patriæ amori condonarunt. 5

5 Probus in  
vita Epami-  
non. & Diod.  
lib. 16.

Phocion Atheniensis Phoci filius, non tantum sæpe multumque suam operam in bellis patriæ præstitit, sed cum ab ingrata patriâ morti adjudicatus cicutam jam biberet, filio nunciari dixit, ne ob patris mortem patriam odio haberet: sed ab omni ultione desisteret. 6

6 Ælian. lib.  
12. Var. hist.

Cum Romæ in media parte fori vasto ac repentino hiatu terra subsideret responsumque esset, illum eâ tantummodo re compleri posse, qua populus Romanus plurimum valeret: Curtius & animi & generis nobilissimus adolescens, interpretatus urbem virtute, armisque præcipuè excellere; militaribus insignibus ornatus equum conscendit, eumque vehementer admotis calcaribus præcipitem in illud profundum egit, super quem universi cives honoris gratia certatim fruges injecerunt, continuoque terra pristinum habitum recuperavit. Magna postea decora (ait Valerius Maximus) in foro Romano fulserunt: nullum tamen hodie, quod pietate Curtii erga patriam clarius observatur exemplum. 7

7 Val. Max.  
lib. 5. cap. 6.

Decius qui consulatum in familiam suam primus intulit,  
cum



cum Latino bello Romanam aciem inclinatam & pene jam prostratam videret, caput suum pro salute reipub. devovit, ac protinus concitato equo in medium hostium agmen, patriæ salutem, sibi mortem petens, irrupit, factaque ingenti strage, plurimis telis obrutus, corruit. Ex cujus vulneribus & sanguine insperata victoria emerfit. 8

Sunt prope infinita hac in re fortissimorum virorum exempla, quorum clarissimæ pro patria oppetitæ mortes, non solum gloriosæ, sed etiam beatæ viris sapientibus videntur.

8 Idem ibidem.

## §. VIII.

*De causâ Civitatum finali.*

QUIS sit civitatum finis, ostendit Philosophus in suis Politicis. 1 *Quæ, inquit, ex pluribus pagis conficitur societas, civitas est, quæ quidem (ut ita dixerim) totius sufficientiæ finem habet, constituta quidem gratia vivendi, existens autem bene vivendi gratia.* Circa quam Aristotelis doctrinam disputant rerum civilium scriptores, quorum quia hic lites non vacat dijudicare, illis assentio, qui civitates non tantum vivendi, sed etiam bene beateque vivendi gratia conditas esse existimant. Nam simpliciter (ut loquitur Philosophus) vivere, etiam extra civilem societatem contingit, bene autem ac beate vivere, non item. Nonnulli etiam civitates ad totius mundi utilitatem atque ornatum spectare crediderunt, ex quorum numero Baptista Platina in hunc modum loquitur. *Laudent quantum velint Druidas suos Galli, laudent Gymnosophistas Indi, nec suos Eremitas improben Christiani. Ego enim sic existimo, hunc mundum quem colimus, quemque tam ornatum & quodammodo pictum cernimus, nullam speciem habiturum, nisi à civilibus hominibus incoleretur.* 1 Nonnulli denique easdem civitates ad causam quoque religionis retulerunt. Unde non inelegantes cujusdam versiculi:

1 Lib. 1. cap.

2.

1 Proem. ad Dial. de opt. civ.

*Vtque alios alii de religione docerent,  
Contiguas pietas jussit habere domos. 2*

2 Joan. S. i. angelus,



## CAPUT III.

*De optima ac beata Civitate.*

**B**Eatitudo ac felicitas civitatis non una eademque est apud omnes. Nam ut dicit Aristoteles, *quicumque in divitiis vitam beatam posuerunt, hi civitatem quoque totam, si opulenta sit, beatam fatebuntur. Et quicumque tyrannicam vitam aliis praeferunt, hi civitatem latè dominantem beatissimam esse dicent. Qui vero id unum per virtutem recipit, is civitatem beatiorem dicet si sit studiosior.* 1

1 Polit. lib. 7.  
cap. 2.

Primi generis felicitatem non esse perfectam asserit Sanctus Augustinus, dum dicit: *Aversa & perversa corda mortalium, felices res humanas putant, cum tectorum splendor aspicitur, & labes non attenditur animarum: cum theatrorum moles extruitur, & effodiuntur fundamenta virtutum.* 2 Et alio loco. *Non censeo, inquit, felicem rempublicam stantibus mœnibus, ruentibus moribus.* 3

2 Lib. 5. de  
Civ.  
3 Lib. 1. de  
Civ.

Sanctus autem Chrysostomus non tantum hæc ad felicitatem, sed ne ad ornatum quidem aut dignitatem civitatis putat sufficere. *Disce, ait, quid sit civitatis dignitas, & tunc manifeste scies, quod habitatores ipsam non prodiderint, auferre poterit alius nemo civitatis dignitatem. Non quod Metropolis sit, neque quod habeat aedificiorum magnitudinem & ornatum, neque quod multas habeat columnas & porticus, & deambulationes, neque quod ante alias civitates prædicetur: sed inhabitantium virtus & pietas, hæc est dignitas & ornatus & tutela civitatis: ita ut si hoc desit, omnium sit vilissima, licet infinitum ab imperatore consequatur honorem.* 4

4 S. rm. 17.  
ad Pop. Antioch.

Quam Sanctorum Patrum doctrinam Joannes Bodinus sequi videtur, qui à vera civitatis felicitate, opes rerumque usibus humanis necessariorum affluentiam rejicit. Nam illud, inquit, *Beate vivere* si ad civitatis definitionem necessarium esse debemus, nullus sit, nisi cum summa rerum omnium affluentia, *virtuti locus*: nec honesta civitas nisi placido mari, secundis conspirantium ventorum flatibus impulsæ feratur; & cum horribiles illam procellæ ac turbinum vis agitaverit, misera censeatur: quæ disciplina ab omnibus est omnium Theologorum ac Philosophorum præceptis aliena. Hi enim justos, etiam si omnes fortunæ acerbitates excipiant, semper beatos, injustos etiam in maximis prosperitatibus, secundisque rebus



bus, infelicissimos esse judicant. Sic etiam rempub. bene institutam esse dicemus, quæ ad verum decus & honestatem dirigitur, etiamsi prematur inopia, si ab hostibus obsessa, si ab amicis deserta, si denique omni genere calamitatum obruta videatur. Quo in statu Massiliam cum triumphata est à Caio Cæsare M. Tullius fuisse confitetur: quam tamen rerum omnium publicarum laudatissimam appellat. Quis verò civitatem, quæ solo fertili sit & ubere locuples, hominum multitudine abundans, amicis carissima, hostibus formidabilis, armorum vi potens, propugnaculis bene munita, præclare institutam putet, si omnium scelerum ac flagitiorum immanitate cumulata fuerit? cum nulla virtutum capitalior pestis esse possit, quam beata illa & affluens ad cupiditates explendas rerum copia; quam cum honestate conjungere, non minus difficile est, quam quæ maximè contraria sunt.

Quoniam igitur cæteris quidem rebus, & carere sine probro & abundare sine laude possumus, virtutibus autem sine contumelia vacare, aut vitiis inquinari sine infamia non possumus, consequens est, ea quæ beatiorem vitam efficere putantur, opes inquam, copias, latifundia, bene constitutis civitatibus necessaria non esse: sed altius intuentem quam proximè fieri poterit, ab optimo statu discedere oportet: siquidem civitatum æquè ac rerum omnium dignitatem ac præstantiam bonorum finibus metimur: ut quanto finis cujusque civitatis præstantior ac diviniore erit, tanto ipsa cæteris excellere judicetur. Nec tamen rempub. idearum sola notione terminare decrevimus qualem Plato, qualem etiam Thomas Morus inani opinione sibi finxerunt, sed optimas quasque civitatum florentissimarum leges, quantum quidem fieri poterit, proximè consequemur. Quod si eadem est unius civis, quæ totius civitatis felicitas, & utriusque summum bonum in iis positum virtutibus, quæ mentis ipsius propriæ sunt: quæque in sola contemplatione versantur, ut summa consensione asseverant, qui cæteris sapientia excellere dicuntur: consequens est illud quoque, cives illos vera felicitate frui qui in rerum naturalium, humanarum ac divinarum suavissima cognitione exercentur, quique contemplationis suæ fructus præpotenti Deo, totius naturæ principi ferant acceptos. Hoc



„igitur bonorum extremum in singulis statuantes, cur non  
 „etiam univerſorum ac totius reipublicæ ſummum ultimum-  
 „que finem eſſe concedemus? 5 Hæc Bodinus.

5 De rep. lib.  
 1 cap. 1.

Fateor equidem, ſolam opum, cæterarumque rerum, ſine  
 quibus ingrata difficilisque eſt vita, copiam non eſſe hominis,  
 nedum civitatis beatitudinem, eſſe tamen magnam partem &  
 complementum ejuſdem. Facile id toto orbe teſte probari poſ-  
 ſet, niſi ſufficeret ſolus Philoſophorum princeps Ariſtoteles,  
 qui ad felicitatem etiam bona fortunæ requirit. Sic enim lo-  
 quitur: *Adverſus hanc diſiſionem nemo utique refragabitur, quod*  
*tria cum ſint bonorum genera, externa, corporis, & animi, iſta omnia*  
*6 Polit. lib. 7. felici homini adeſſe oportet. 6 Secundum eundem Philoſophum:*  
*cap. 1. Opes multorum inſtrumentorum & commoditatum in re familiari &*  
*7 Lib. 1. de civili ratione locum obtinent. 7 Item: Opulentum & locupletem*  
*rep. cap. 5. eſſe in parte aliqua virtutis ponitur: eſt enim opulentia poſſeſſionis vir-*  
*8 Lib. 1. Rhet. tus, & ex qua habenti plurima commoda oriuntur. 8 Idem deni-*  
*cap. 6. que pecunias ad vitam neceſſarias & ad ſocietatem civilem*  
*9 Ibid. perutiles eſſe docet. 9*

Sapientiſſimus etiam rerum æſtimator Plinius hæc bona in  
 Italiæ felicitate reponit: *In toto, inquit, orbe, & in quacunque cæli*  
*convexitas vergit, pulcherrima eſt omnium rebus, meritoque princi-*  
*patum naturæ obtinens Italia reſtrix, parensque mundi altera: Viris,*  
*fæminis, ducibus, militibus, ſervitiis, artium præſtantia, ingeniorum*  
*claritatibus. Iam ſitu ac ſalubritate cæli atque temperie, acceſſu cuncta-*  
*rum gentium ſacili, littoribus portuoſis benigno ventorum aſſlatu. E-*  
*tenim contingit recurrentis poſitio in partem utiliſſimam, & inter or-*  
*tus occaſusque mediam, aquarum copia, nemorum ſalubritate, monti-*  
*um articulis, ferorum animalium innocentia, ſoli fertilitate, pabuli u-*  
*bertate. Quicquid eſt, quo carere vita non debeat, nuſquam eſt præ-*  
*ſtantius; fruges, vinum, olea, vellera, lina, veſtes, juvenci. Ne e-*  
*quos quidem in tricariis præferri ullis vernaculis animadverto. Me-*  
*tallis, auri, argenti, æris, ferri, quamdiu libuit exercere, nulli ceſſit. Et*  
*is nunc in ſe grævda pro omni dote varios ſuccos & frugum pomorum-*  
*que ſapores fundit. Ab ea, exceptis Indiæ fabuloſis, proximè quidem*  
*10 Hiſt. nat. dixerim Hiſpaniam, quacunque ambitur mari. 10*  
*cap ult.*

Sed & Dominus Deus populum ſuum Iſrael, quem feliciffi-  
 mum eſſe voluit, in terram, quæ non tantum melle ac lacte, ſed  
 etiam rebus omnibus affluebat, per tot diſcrimina rerum intro-  
 duxit,



duxit, idemque Dominus & eidem populo, in præmium servatorum mandatorum suorum, inter alias benedictiones, etiam rerum omnium abundantiam promittit. 11.

11 Deut. 28.

Nec sancti Patres opes rerumque affluentiam à civitatum rerumque publicarum felicitate excludunt, sed tantum docent, in illis solis non esse sitam felicitatem, atque majori ex parte in animi bonis ac virtutibus. Imo ex illis S. Hieronymus comparans cum paupertate divitias, si non divitiis palmam tribuere, saltem eas pares inter se facere videtur. *Hoc, inquit, attendite, ne passim divites reprehendatis, & rursum ne de paupertate & egestate præsumatis. Si enim non est præsumendum de divitiis, quanto magis non est præsumendum de paupertate? Pauper ulcerosus non habens escam, non ipsam vestem, ablatus est ab angelo in sinum Abraha. Vides quis sublati est, non vides quo sublati est, in sinum Abraha: lege scripturam, & invenies divitem Abraham. Sublati est ergo in sinum divitis pauper, an potius ambo divites Deo, ambo à cupiditate pauperes.* 12

12 In originali sup.  
Psal. 5.

Theologorum quoque doctrina nequaquam tollit ex civitatibus opulentiam, sed eos, qui divitiis carent, jubet modeste ferre penuriam, quæ sæpe divitiis utilior est ad felicitatem solius animæ Theologicam & æternam, non autem ad felicitatem Politicam, quæ non tantum ad animum, sed etiam ad corpus atque totum hominem pertinet.

Philosophos, maximè verò è Stoicorum porticu, parum in iis, quæ ad Politicam spectant, curo, qui (ut Plutarchus loquitur) in mediis ignibus se conflagrare, & in medio mari obrui se aquis negant. 13

13 De Nobilit.

Maneat igitur, ad consummatam civitatis felicitatem bona fortunæ pertinere. Quod dum assero, nequaquam ab eadem felicitate bona animi & virtutes rejicio, imo potiore beatitudinis partem in his colloco, potissimum verò in Religione & Justitia, de quibus sequentibus capitibus agendum est.



*De Religione.*

1 Sex. Empi-  
ric. Patr. in  
rep. lib. 6.  
2 Speusip. de  
defi. Plat.

3 Leo de ab-  
origin.

4 Lib. 20. de  
Civit. Dei.

5 Ibid. lib. 18.  
Etymol.

6 De religio-  
ne. cap. 2.

7 Rerum po-  
lit. tom. 1.  
cap. 6.

**R**eligio ab aliquibus pietas, ab aliquibus colendi Dei sci-  
entia definita est, 1 ab aliquibus iustitia erga Deum, 2  
ab aliquibus reverentia Deo, tanquam omnium crea-  
tori ac Servatori debita, per quam debitus ei tribuitur cultus;  
mytheria & ceremonias respiciens; sine quibus nihil ritè, nihil  
sanctè in repub. geri potest; in qua sola omnis virtus est posita;  
imo quæ virtutum omnium summa & caput est. 3 Sancto Au-  
gustino nihil est aliud, quam cultus divinus. 4 Dicta autem est  
religio ex eo, quod per eam uni soli Deo religamus animas no-  
stras ad cultum divinum animo serviendi. 5

Ad beatitudinem civitatis esse necessariam ex eo intelligitur  
quod sine illa nulla fides, nulla iustitia, nulla virtus sit, sed fraus,  
licentia, protervitas, & uno verbo confusio hominum ac rerum.  
Quod frænum erit peccaturis? (ait Lipsius 6) quis metus satis  
validus? nam externum illum, qui à pœnis aut morte est multi  
contemnunt: & desperatio, impetus, aut iracundia eo ducunt.  
Est igitur vinculum & firmamentum reipublicæ religio. cuius  
opinio (ut loquitur Nicolaus Bellus 7) tantum potest, ut quo-  
ties illa firmata sit omnes virtutes necessario, & optimo jure ad  
illam accedere videantur. Hæc in populis honorem ac reve-  
rentiam erga principem imprimit, ipsos ab omni violentia se-  
curos facit, eamque quasi januam custodit, per quam discrimi-  
na imperiis ac principibus perniciosiora ingredi solent: haud  
longe enim abesse videntur respublicæ à calamitatibus, quoties  
in ipsis religio vacillat. Hinc est quod plerique omnes qui rei-  
publicæ alicujus statum constabilire voluerunt, à religione tan-  
quam præcipuo fundamento auspiciū sibi sumendum duxe-  
runt: cum ea una veluti frænum quoddam sit quo subditi in u-  
nius Dei cultu & adoratione & debita erga principem obedi-  
entia retinentur. Neq; enim superiorem aliquem in hoc mundo  
agnoscere possunt: qui supremum illum cœli ac terrarum mo-  
deratorem non agnoscunt, aut non reverentur. Sic Lycurgus La-  
cedæmonios, Numa Romanos, Jon, antiquis Athenienses, &  
Deucalio Græcos fere universos diis consecraverunt, votis, sa-  
cramentis, vaticiniis, omnibusque eos ob spem ac metum diis  
dedi-



deditos, obnoxiosque reddentes. Et si terras (inquit Plutarchus 8) obeas, invenire possis, urbes muris, literis, regibus, opibus, domibus numismate carentes, gymnasiorum & theatrorum ne- scias: urbem templis diis que carentem, quæ precibus, jure jurando, oraculo non utatur, non bonorum causa sacrificet, non mala sacris avertere nitatur, nemo unquam vidit. Sed facilius urbem condi sine sole posse puto, quam opinione de diis penitus sublata, civitatem coire aut constare. Civitatibus igitur veræ felicitatis cupidis ante omnia curæ debet esse religio, eaque vera Christiana & Catholica, quam tenet Sancta Romana ecclesia.

8 Contra Cō-  
letem.

## CAPUT V.

## De Iustitia.

**I**ustitia teste Cicerone est habitus animi communi utilitate servata suum cuique tribuens, atque societatem conjunctionis humanæ mirificè atque æquè tuens. 1 Est virtutum omnium præclarissima, plurimumque in rebus humanis splendoris ac venerationis obtinet, Auream ejus faciem, aureos oculos fecit Pindarus. 2 Lactantius aut ipsam summam virtutem, aut fontem esse virtutis existimat. 3 Aristotelem secutus, qui de illa in hunc modum loquitur: *Iustitia absoluta est illa quidem virtus & perfecta, non illa quidem per se, ut animi habitus quidam considerata: sed quatenus alterius commoda & utilitates respicit. Ob eamque causam hæc una virtus est omnium domina, & regina virtutum: neque Hesperus aut Lucifer tantam sui excitant admirationem. Ex quo factum est tritum in sermone proverbium.*

1 De finib. 5.

2 Athen. lib. 12.

3 Divin. Inst. lib. 5. cap. 5.

*Iustitia in se virtutes continet omnes.*

*eademque virtus perfecta est, ob id maximè quod inest in ea usus virtutis undique perfecta.* 4

4 Ethic. lib. 5. cap. 3.

Effectus illius elegantissimè Cyprianus describit: *Est, inquit, pax populorum, tutamen patriæ, immunitas plebis, munimentum gentis, cura languorum, gaudium hominum, temperies aeris, serenitas maris, terra fecunditas, solatium pauperum.* 5 Hinc præclare Justus Lipsius Iustitiâ servatâ servari regna affirmat. 6 Et Cicero, tantam esse iustitiæ vim dicit ut ea etiam latronum opes firmet atque augeat. 7

5 Lib. 12. de  
abusioibus.

6 In Monitis  
cap. 9.

7 Offic. lib. 2.

Iustitiam dividunt Jurisconsulti in *Universalem & Particularem*. Illa omnibus legibus obedit, atque adeo omnes omnino virtutes



virtutes complectitur, hæc specialis virtus est, quæ quia necessitatis magis ( ut politicis loquitur Theodorus Tuldenuſ ) quam perfectionis est, & executio illius iudiciiſ vigetur, ideo externas magis actiones, quam intimas animi functiones componit. 8

8 Inst. Imp.  
lib. 1. cap. 3.

Justitia *particularis* alia est, quæ circa commercia privatorum inter ipsos versatur, & *Commutativa*, sive *Commerciana* vocatur: alia vero in distributione publica honorum aut pœnarum consistit, & *Distributiva* nuncupatur.

Partes justitiæ sunt, maxime ejus, quæ in vindicando & defendendo posita est, justos & infantes tueri, injustos & noxios persequi, accusando, deferendo, cognoscendo, inquirendo, damnando, suppliciis afficiendo: Acta, contractus, leges, decreta publica, pacta justa sancire, & sancita defendere, injusta rescindere, antiquare, abrogare: Fœnus injustum tollere, res & fortunas legitimis dominis reddere, nummos adulterinos tollere, mensuras & pondera æquare, justam distributionem facere, dignis digna tribuere, fidem servare patriæ, principi, magistratibus, popularibus, civibus, externis, domesticis, gratiam bene meritis referre. 9

9 Nic. Cau-  
ſin. De Epi-  
dict. Orat.  
lib. 10.

Porro cum omnis justitia in civitate sit servanda, tum verò ea maximè, quæ præmia virtutibus, & vitiis supplicia proponit. Nam Lycurgus, Solon, Socrates, Pythagoras, alique inclyti Philosophi, nihil magis judicant ad salutem & felicitatem civitatis prodesse, quam si boni præmiis invitentur, mali autem pœnis coërceantur,

Quod si alterutro peccato in hanc justitiæ partem esset peccandum, satius boni præmiis quàm mali pœnis carere deberent. Nam bonis ipsa virtus ipſorum satis magnum præmium est, malorum impunitas publica perniciēs est. Quæ libido ( inquit Cicero ) se non proripiet, ac projiciet, aut occultatione proposita, aut impunitate, aut licentia. 10 Itaque Cato exhortans magistratus ad sumendas pœnas de his qui delinquerent, dicebat, eos qui maleficos prohibere possent, & tamen impunitate donarent, lapidibus obruendos esse: Sentiens, eos reipub. perniciosissimos esse, qui permetterent impune contra justiti-  
am, æquitatem, & urbis leges agere. Idem Cato frequenter dicere solebat, se malle pro collato beneficio nullam reportare gra-

10 2. de Fi-  
nibus.



gratiam, quam pro maleficio perpetrato non dare pœnam, significans nihil esse periculosius impunitate, quæ semper ad deteriora invitat. 11

11 Plut. in  
Rom. Apoph.

Exempla hujus justitiæ sunt multa apud scriptores, ex quibus hic pauca subjicio. Zaleucus Locrensiū legislator cum in adulteros hanc pœnam statuisset, ut in adulterio deprehensi utroque orbarentur oculo, oblato filio, multisque testibus adulterii convicto, quum neque paternum animum posset exuere, neque solus pœnæ, quam in alios statuerat, immunis esse vellet: sibi primum unum oculum, quamvis plurimum reclamante populo, & filii crimen patris virtuti condonante, deinde & filio alterum jussit erui. 12

12 Val. lib. 6.  
cap. 5.

Memorable quoque extat factum Principis Turcarum Muchmetis. Habuit ille filium Mustafam imperio destinatum, & cætera bonum, libidinibus pronum. Hic Achmetis Bassæ uxorem, insigni forma, adamabat, & blanditiis diu pervincere conatus, cum non succederet, insidiis tentavit. Speculatus est tempus, quo in balneum mulier ivit, & mox secutus, cum paucis suorum ibi nudam & frustra renitentem compressit. Illa ad maritum, maritus ad Imperatorem flagitium detulit, ac pœnas poposcit. Mahumetes primo cunctari, tum asperioribus verbis (sed aliis in mente sensus erat) Bassam excipere: Et quid inquit sic graviter de filio quæri tibi visum est? An nescis te & tuam uxorem juris mancipiique mei esse? Si filius igitur illam amplexus est, & animo suo morem gessit, nempe ancillam meam amplexus est, sine ulla quidem culpa, si me volente. Hæc cogita atque abi, cætera mihi permitte. Sed ista juris tuendi causa magis, quam quia sentiret, atque animi æger & saucius, filium ad se vocatum primo examinavit, tum confessum pessimis verbis minisque acceptum dimisit. Et mox minas in rem confert, ac triduo post, cum aliquandiu in pectore filius & justitia pugnassent, hæc vincente, fauces Mustafæ nervo arcus justitæ effringi, & morte pudicitæ litare. 13

13 Lipsius in  
Monitis cap.  
9.

Non minor denique virtus Charondæ Thurii à Valerio Maximo celebratur. Leges ille quasdam Atheniensibus tulerat, quibus cum capitis pœnam statuisset in eos, qui gladiis armati concionibus interessent, imprudenter, ut rure veniebat, gladio accinctus in concionem prodiit: monitus deinde ab eo, qui



proximè affidebat solutæ à se legis : Idem, inquit, ego illam inquit sanciam, ac protinus ferro quod habebat districto incubuit, cumque liceret culpam vel dissimulare vel errore defendere, pœnam tamen repræsentare maluit, ne qua fraus justitiæ fieret. 14

14 Ubi supra.

15 Plut. in Aristid.

De Aristide silere melius est quam parum dicere, illo nimirum Aristide Atheniensi, qui ob insignem justitiam Græcorum felicitas dictus est, & ætas quæ tulit illum aurea appellata est. 15 Colamus justitiam & patriam felicem, simus Aristides, & sæcula aurea faciemus.

## C A P U T V I.

### De Iudiciis.

**Q**uia justitia, quæ in rerum contractarum fide tuenda, & in puniendis delictis occupata est, iudiciis (ut proximè dixi) urgetur, ideo hic de illis agendum est.

S. I.

### Quid sit Iudicium & quotuplex?

**I**udicii vocabulum hic pro causæ apud judicem disceptatione, cognitione, atque definitione, accipimus. quo significatu acceptum iudicium aliud est *Civile*, aliud *Criminale*, item aliud est *Privatum*, aliud *Publicum*.

Judicium *Civile* dicitur, in quo non agitur de criminibus, sed de negotiis pecuniariis, & de controversiis, quæ de rebus sunt. Dicitur etiam Civile iudicium, in quod veniunt crimina privata, si de illis quis experiatur *civiliter*, id est, si pro illis tantum æstimationem damni dati reddi petat, neque ad vindictam reum poscat publicam.

Judicium *criminale* illud est, in quo pro vindicta publica criminis publici vel privati instituitur accusatio. 1

1 L. fin. ff. de privat. delict.

Inter Publica & Privata judicia illa est differentia, quod Publica *Accusationibus*, Privata *Actionibus* instituantur. *Accusatio* eo tendit, ut admissum crimen publicæ utilitatis causa in exemplum vindicetur. *Actio* ad persecutionem juris privati spectat. In iudiciis publicis cuius de populo accusatio & persecutio est per-



permissa, in Privatis actio nonnisi certis & ex certo jure personis competit.

In judicia publica jure Romano sedecim tantum crimina vocantur: Crimen læsæ Majestatis, Adulterium, Stuprum, Homicidium, Veneficium, Parricidium, Falsum, Vis publica, Vis privata, Raptus, Peculatus, Plagium, Ambitus, Crimen repetundarum, Annonæ, & Residui. <sup>2</sup>

<sup>2</sup> Instit. de Pub. Jud.

In judiciis privatis de omnibus aliis negotiis cognoscitur.

Porro omne judicium tres necessario personas requirit, *Judicia* videlicet *Aitoris* & *Rei*, de quibus sigillatim dicendum est.

## §. II.

*De Iudice.*

**S**cientia judicandi & munus ad solos olim reges ac principes pertinebat, qui postea potestatis hujus participes fecerunt magistratus. Ac primum apud Persas selecti judices fuerunt, qui ex consultissimis viris Persarum legebantur, quorum erat perpetuus magistratus, nec nisi in demortui locum alius sufficiebatur. Hi jus postulantibus reddebant, leges patrias interpretabantur, ad eorumque collegium omnes lites omniaque negotia referebantur. <sup>1</sup> Quanta vero integritate ab iis administrari judicia reges vellent, testatur Sisamnis exemplum, qui cum ob rem judicandam pecuniam accepisse convictus esset, Cambyfes ex corpore ejus detractam pellem fellæ intendit, in eaque filium ejus judicaturum confidere jussit. <sup>2</sup> Qua de re apud Marlianum extant hi versiculi:

<sup>1</sup> Herodot. in Thaliadib. 3.

<sup>2</sup> Herodot. in Therph. lib. 5.

*Ecce lucerna tibi sedes pellis que paterna,*

*A manibus resceces munera, ab aure preces.*

Apud Ægyptios quoque judicia non minori cum diligentia fiebant. Existimabant enim teste Diodoro <sup>3</sup> sententiarum latrores maximi esse ad communem vitam momenti in utramque partem. Nam punire nocentes, auxilium ferre oppressis, optimam ad prohibenda mala facinora viam putabant: Pœnam verò delicti pecunia aut gratia tolli, existimabant confusionem vitæ communis fore. Quamobrem ex urbibus clarioribus, ut Heliopoli, Memphi, Thebis, viros optimos eligebant, quos judiciis præficerent: qui judicum confessus neque Athenarum A-

<sup>3</sup> Lib. 1. cap. 3.



reopagitis, neque Lacedæmoniorum Senatui cedere videbatur.

4 De elo-  
que. ii. civil.  
lib. 12. cap.  
16.

Apud eosdem Ægyptios sacerdotes etiam olim iudices erant, & quidem inter eos (ut refert ex Æliano Nicolaus Caussin. 4) princeps erat sententiæ maximus natu. Eum omnium hominum iustissimum esse & sincerissimum oportebat, ideoque signum variis ornatum lapidibus, quod veritatem appellabant, aurea catena à collo suspensum gestabat. Omnes autem iudices iurabant, se ne si rex quidem iniusti quidpiam injunxisset, à virtutis medio declinatu-  
ros, nec lineam omnino (quod dicitur) moturos.

5 De eloqu.  
civil. lib. 12.  
cap. 17. &  
cap. 18.

De Græcorum ac Romanorum iudiciis multa notata sunt à Nicolao Caussino, 5 quæ hic non transcribo.

Officium iudicis optime definit Tullius. Videlicet meminisse se hominem, cogitare sibi tantum esse permissum, quantum commissum sit & creditum: Et non solum sibi soli potestatem esse datam, verum etiam fidem habitam esse, meminisse, posse quem oderit absolvere, quem non oderit condemnare, & semper non quæ velit ipse, sed quid lex & religio cogat, cogitare: Animadvertere qua lege reus citetur, de quo reo cognoscat, quæ res in quæstione versetur. Cum hæc sunt videnda, tum illud est hominis magni atque sapientis, habere in consilio legem, fidem, religionem, equitatem, libidinem autem & invidiam, metum, cupiditates omnes amovere: maximi æstimare conscientiam mentis suæ, quam à diis immortalibus accepimus, quæ à nobis divelli non potest. 6

6 Pro Cluentio.

Philo Judæus in præclaro iudice requirit primo, ut syncerum animum habeat, & à pravis affectibus liberum, quod fiet, si is qui iudicaturus tribunal ascendit, iudicari se non minus quam iudicare cogitet. Facilis est recti persuasor innocens iudex: contra nullas culpas timet reus, quas cognitorem scit habere. Synceri autem animi magna pars est sincera religio. 7 Deinde ut sit ornatus virtutibus, prudentiâ, ne decipiatur, fortitudine, ne leviter inflectatur, temperantiâ, ne voluptatibus corporis animi acies hebescat, sapientiâ ac scientiâ, ut in iudicando non erret. Nam (ut ait Cassiodorus) non facile erroris vitio fordescit, quem doctrina purgaverit: contra, ignorantia iudicis calamitas est innocentis. Iustitiâ, ut munera non accipiat. Nam si in aurem iudicis vel advocati susurret pecunia, Orphei lyra, (ait

7 Causs. de  
eloq. civil.  
lib. 12. cap.  
18.



(ait Caussin) carmen Amphionis, Musa Virgilio, voce pecuniae suffocantur. Quid plura? Ubi nummus loquitur Tulliani eloquii tuba raucescit: ubi nummus militat Hecoreae militiae fulgura compescuntur: ubi pugnat pecunia virtus expugnatur Herculeae: nummus vincit, nummus regnat, nummus imperat universis. 8 Ad extremum, ut sit innocentiae templum, temperantiae sacrarium, ara iustitiae, absit à judiciariis mentibus aliquid prophanum.

8 Ubi supr.

Hæc Philo apud Caussin de iudice, & multa alia de judiciis. Bodinus verò requirit, ut in collegio iudicum nulli sint propinquitates inter se aut affinitate conjuncti. 9 Et rectè, quia & amor, qui inter huiusmodi homines reperitur, rectum iudicium pervertit, & qui (ut per jus licet) vellet rejicere unum iudicem, ceteros etiam rejicere haberet necesse: quod teste Bodino contigit in curia Parisiensi, in qua cum lis esset inter Principem curiae Chr. Thuanum & Joan. Tilium curiae scribam, qui absentis filiae causam susceperat, sexaginta iudices, propinquitatis subiecta causa rejecti sunt. Ac prudenter in Septimaniae provinciae conventu communi omnium ordinum decreto mandatum est Joanni Durando Universitatis Actori, ut rogationem illam, quæ cum cæteris conjuncta erat, potissimum urgeret, ne deinceps in eadem curia iudicum proximi crearentur. Et eandem ob causam Carolus V. rex Francorum, ac Philippus is, qui Bellus usurpatur, decreverant, iudicem deinceps in ea urbe, in qua quis natus esset, futurum neminem. Ut consimili edicto M. Aurelius Imp. vetuit quemquam suæ civitatis rectorem esse. 10 Cujus legis tanta utilitas visa est, ut etiam ad Afessores pertinere voluerit, & ad hæc usque tempora tum in Hispania, tum etiam in plurimis Italiae civitatibus tam salutaris iudicatur, ut Prætor Urbanus ubique fere peregrinus sit.

9 De rep. lib. 4. cap. 4.

10 Xiphil. in Ant. Philo- soph.

Denique boni iudicis est, ut in iudicando iustus & non misericors sit, iudicetque non secundum suum arbitrium, sed secundum præscriptum legum, quarum non custos tantum, sed etiam servus est, quamvis interdum duræ esse videantur. *Dura*, inquit Ulpianus, *lex est, sic tamen scripta*. 11 *Duram* dixit non *iniquam*, neque enim subdito legem iniquitatis perstringere fas est, nisi aperte legi præpotentis Dei, naturæ, aut gentium repugnet. Nam si lex ad propositam causam accommodari sine in-

11 L Prosopiscit. qui &amp; à quibus,



12 L. in ambiguis 86. de regulis.  
13 L. Salvius de legat. præstand.

14 L. Jus autem de justitia.

15 L. 1. de legib. Bald. in l. 1. §. si is qui exercit. ff.

16 L. Servos ad L. Juliam de adulter.

juris non potest, temperanda sunt judicia justissimis magistratum decretis, ut Paulus Jureconsultus respondit, 12 & in consimili causa Salvius Julianus 13 cavendum esse dixit, ne quid absurdum & iniquum ex interpretatione legis sequatur. Olim quidem lege Prætoris (quam alias Pletoriam vocant) quæ de imperio Prætoris urbani lata est, jus ei datum erat, ut leges emendare, supplere & interpretari posset, 14 ut testis est Papinianus. Quæ potestas, quoniam jura majestatis aliquomodo diminueret visa est, sublato populari statu omnibus magistratibus adempta est, iisque interdictum, ne leges emendarent, aut obscuras interpretarentur. 15

Atque hinc est, quod bene ordinatæ civitates raro atque difficile, idque non nisi ob singularem virtutem atque integritatem, juris legumque imperitos in judicum collegia admittant: quæ collegia etiam si Ulpianos & Papinianos habeant, ubi tamen dubiæ obscuræque sunt leges, scitari principum oracula debent. Neque enim magistratui de lege, sed secundum legem judicare necesse est, aut infamiæ poenam subire. 16

### §. III.

#### De Actore & Reo.

1 Cicero in Bruto,

**A**ctor in judiciis dicitur, quicumque causam agit: quemadmodum actores in theatris, qui fabulas agunt. 1 *Reus* autem est, quicumque in jus vocatus defendit & propulsat actionem. Veteres reos appellabant non eos modo qui arguuntur, sed omnes quoque, quorum de re disceptatur. Ubi tam actor quam reus pares sunt potentia, aut gratia, bonus solet esse judiciorum exitus, infelix ubi impares. Cui malo in privatis quidem judiciis & civilibus occurri potest, fide & æquitate judicantium, in publicis verò non nisi legibus, quæ & unicuique è populo accusationem contra quosvis facinorosos permittant, & magistratus ad sumenda de illis supplicia certis poenis adigant. Quis enim magistratus in illius judicio, cujus potentiam extimescit, non lege coactus officium suum faciet? aut quis accusabit eum, qui potentia aut nobilitate fretus, plebeio sanguine abutitur, si unicuique è populo ejus flagitia accusare non liceat? Profecto in quibusdam rebus pub. jus iniquæ rogationis est,



est, non licere plebeio homini contra nobilem jure experiri, contraque injurias illius ad legum præsidia confugere, aut non nisi eum posse agere, cui fit injuria, cum sæpe is aut non vivat, aut majoris mali metu queri non audeat, atque sic delicta maneant impunita, quæ puniri reipub. interest, 2 cum per malefactores turbentur publica gaudia & lætitia communis. 3

2 L. vulneratus § æstimator ff ad L. Aquiliam.  
3 L. fin. Cod. de Episc. aud.

Quæ quidem nec mea nec nova est, sed vetus & Andreæ Fricii in Alma Cracoviensi Universitatis Professoris querela. Præter honores, inquit, qui vel à repub. vel à regibus, vel ab aliis, qui sedent ad gubernacula, deferuntur, sunt alii quidam, in quos filii succedunt parentibus mortuis, quorum cum illi hæredes sint, imperant iis populis, qui subjecti erant parentibus: quod quidem imperium perversum est, cum non liceat, apud nos colono quantumvis injuria affecto queri de domino suo. Sunt autem quidam domini adeo immanes, ut non aliter utantur colonis quàm pecudibus. Ideo & illud in mores inducendum esset, ut statis temporibus, seu censores, seu quivis alii magistratus inquirerent in ejusmodi dominos omnes, imo & in alios præfectos, quemadmodum se gerant, suis hominibus imperando. Certe illis non debet esse impune, si quid crudeliter avarè vel contra quam deceat gesserint. Quod si interest reipublicæ, ne quis male utatur re sua, vel aliena, quanto magis ne abutatur hominibus, quibus certe nemo præesse deberet, nisi se reipub. probaret, nisi se aliis bene paruisse, ac magistratus dicto audientem fuisse ostenderet. Nemo admittitur ad artem aliquam publicè exercendam, nisi & à magistris primùm eam didicisset, & specimen ejus dedisset: quanto minus admittendi sunt ad imperium, qui documenta nulla dederunt se aliquando bene paruisse. Verissime enim illud dicitur, qui bene imperaturus est bene paruerit aliquando necesse est. 4 Ubi etiam idem auctor memorabile cujusdam nobilis Bavari factum & Joannis Tarnovii dictum dignis laudibus prosequitur. Referebat, inquit, aliquando super mensam fortissimus & illustrissimus heros Joannes Tarnovius, exercituum Polonorum imperator, se cum in Italiam iter faciebat per Bavariam, ad ædes viri cujusdam nobilis, ut ibi de via fessus (nox enim appetebat) quiesceret, divertere voluisse, qui quidem nobilis cum uxorem tum haberet partu-

„rien-

4 Lib. 1. de Moribus cap. 19.



„rientem, ac domum mulieribus, quæ illi ut sit opem fere-  
 „bant, refertam, rogavit imperatorem, ut in ædes coloni cu-  
 „jusdam sui diverteret: se enim ibi ea, quæ in penu suo essent  
 „suppeditaturum, & imperatore quidem annuente, accedit no-  
 „bilis ille colonum suum, ac pileo honoris causa deposito, ro-  
 „gat imperatori diversorium. Aderant tum nobiles quidam  
 „Poloni imperatoris familiares, qui ut commoditates diversorii  
 „viderent, Bavarum comitabantur. At illi irasci & fremere,  
 „remque indignam dicere, ut colonus à domino vel honorare-  
 „tur, vel rogaretur, qui potius ejici domo deberet, si quid do-  
 „mino imperanti denegaret. Et Tarnovius quidem in eum  
 „sermonem delabebatur, cum mentio fieret de eo tributo,  
 „quod colonis omni ferè anno tum imperabatur, deque one-  
 „ribus, quæ illis magna & varia imponuntur. atque etiam lau-  
 „data Bavari humanitate, subinferebat, non alio loco habendos  
 „esse colonos, cum manus suum pensumque absolvissent,  
 „quàm vicinos. O vocem prudentissimo Imperatore dignam!  
 „Fieri non potest, ut rectè exercitibus imperare sciat, qui ho-  
 „minibus sibi subditis rectè imperare nescit, & qui regendo  
 „hoc hominum genere humili & imbecillo est insolens, hunc  
 „deficient animi populis gubernandis superbis & rebellibus,  
 „ferèque fit, ut animo parum forti res magnas aggrediantur,  
 „qui se superbos & crudeles hominibus infimæ conditionis  
 „præbent. Nostra verò tempora & bellicas res & urbanas pari  
 „fortitudine & prudentia à Tarnovio administratas viderunt,  
 „viderunt prælia, oppugnationes & triumphos, experta sunt  
 „artes pacis cum dignitate tuendæ, & conservandæ, ut mirum  
 „non sit à tanta virtute, tantaque prudentia, vocem illam cle-  
 „mentix æquitatis & humanitatis esse profectam. Quod si  
 „crudelitate & superbia peccat, qui immoderato imperio in  
 „populos suos utitur, quanto magis peccare putandus est, qui  
 „eos pellit sedibus suis, ac tanquam prælio victis insultat, in-  
 „quiens: Hæc mea sunt, veteres migrate coloni.

Atque hæc ideo commemoravi, ut ostenderem, qua ratione  
 malitiis hominum potentiorum, eorumque contra tenuiores  
 injuriis obviari potest, nimirum unicuique è populo potesta-  
 tem illos accusandi dando, aut eam certis magistratibus man-  
 dando.



Sed ut ad nostra redeamus tam ab accusatore, quàm à rei defensore, res in iudicium deducta simplicissime exponenda est. Si quid ab alterutro vel calumniandi adversarii, vel decipiendi iudicis causa falsò dictum fuerit, id deprehensum pœnis subiacet necesse est. Brevisloquentiam quoque in dicendo uterque colat. Malis enim moribus fit, quod multi tum petitorum, tum reorum, utantur procemiis ad causam nihil pertinentibus.

„ Recensent (inquit Andreas Fricius 6) sua suorumque majorum merita in rempub. quæ si sint minus illustria, commemorant ea quæ aliquis unquam suorum gentilium, quamvis sanguine à se remotorum præstitisset, vel principi vel ipsi reipub. Atque ut id minore pudore fiat, sæpe per alios id curant suæ causæ actores: qui illis ornamenta, ac triumphos gentilitios vel per vim applicent: ex quibus tandem acute argumententur puniendum esse illum qui accusetur severissimè, siquidem partes accusatoris agunt: vel absolvendum si defensoris.

6 Lib. 2. de legib. cap. 1.

„ Cum autem tales præfationes ad rem institutam faciant nihil, sed vel emerendi favoris iudicis, ejusque mentis à veri cognitione avertendæ, vel adversarii opprimendi causa, aut certe ad tempus extrahendum, iudiciumque frustrandum adhibeantur: tollendæ sunt è medio & à foro justitiæ propulsandæ: voceque præconis (quod olim jussu Areopagitarum Athenis factum est) interdiciendæ: ac partibus ipsis imperandum, ut de re ipsa loquantur apertè & simpliciter, sine fuco omni omni que fallacia. Omnino iudicis est sine amore ac miseratione, sine ira, odio, invidia, sine pertinacia, de rebus purè & nudè propositis ex suis ipsarum rationibus ac argumentis, non ex personarum, nec meritorum alicujus respectu judicare. Sedent enim non ut cupiditati alicujus obtemperent, sed ut reddant unicuique jus suum. Olim datis clepsydris præscribatur partibus tempus ad dicendum, ne longitudine orationis abuterentur ad offundendas iudici tenebras.

„ Justissimum quoque fuerit lege cavere ne accusatores & defensores (quod in aliquibus rebuspub. fit) magna hominum frequentia stipati, aut etiam armis accincti veniant in iudicium. Quorsum enim & catervæ ejusmodi & arma per-

„ tine-



„tinere intelligenda, quam ad metum incutiendum & judici  
 „& adversario. Audiui, inquit idem Andreas Fricius, ma-  
 „gnum quendam & iudiciorum expertum virum, cum narra-  
 „ret inter potentes, & infimæ sortis homines, nullum ejusmodi  
 „iudicium longissimo jam intervallo celebratum esse, in quo  
 „potens quamvis nocens condemnaretur, concordia causas  
 „tales fere expediri, ut ad potentem lucri aliquid perveniat,  
 „vel summa adversarii injuria. Ergo omnes catervæ omnia ar-  
 „ma à subfelliis iudicum amoveantur: Soli adveniant, inter  
 „quos res agitur ad eum locum, ubi respectus nullus est perfo-  
 „narum. Decet enim iudicem maiestate sui magistratus, ac  
 „legibus ipsis ab omni vi tectum esse, quo liberius de re omni  
 „sententiam ferat iustitiæ congruentem: Decet conditioni  
 „hominum, quamvis tenuium, contra periculosissimas omni-  
 „um potentias consulere ac providere: Decet omnes ad iudi-  
 „cem venire tanquam ad tutorem iustitiæ, atque ad eum, qui  
 „jus dubium explicet, perversisque hominum affectionibus  
 „modum imponat.

## C A P U T VII.

## De Legibus.

1 Pro. 6.

2 1. 2. q. 90.  
& q. 91.

**L**EX ut eam definit Salomon, est lux & via vitæ, 1 ut  
 Sanctus Thomas, agendorum vel omittendorum regula ac  
 mensura, atque adeo practicæ rationis ad humanos actus diri-  
 gendos dictamen. 2 ut alii: est æmula divinitatis, religionis antistes,  
 fons disciplinarum, juris artifex, bonorum morum inventrix, com-  
 patrixque, civitatum gubernatrix, nuntia iustitiæ, vita magistra, &  
 reipub. totius anima.

Omnes sapientum libri laudant civitatibus leges, si æquita-  
 tem contineant, si legibus naturæ & divinis sint conformes, si  
 paucæ sint, & pro populari captu claræ. Ut earum finis, qui ci-  
 vitatum felicitas est, haberi possit, non satis est illas in chartis  
 & voluminibus servare, sed in usu diligentissimo habere.

Porro cum omnes omnino leges in viridi observantia (ut lo-  
 quuntur Jurisconsulti) esse necesse sit, tum maxime illas, qua-  
 rum violatio maximum creat civitatibus malum. Cujusmodi  
 sunt leges Sumptuariæ, Nummariæ, & his similes. Ac ut de aliis  
 file-



fileam, proxima ad occasum est respublica, in qua nullus est modus in cibo, potu ac vestitu, ut omnes omnium populorum historiae & exempla clamant. Quo malo quantum regni Poloniae civitates laborent, satis ostendit Vilnensis civitas, ex qua omnis frugalitatis & parsimoniae disciplina proscripta est, in qua clarus illustrisque sartor serico vestitu privatos animos & opes antecedit, in qua sordidorum opificum uxores, vestibus, catenis, gemmis, reliquoque suo mundo æquant cultum reginarum, in qua purpuram regum principumque ornamentum trifurciferi, hominesque indignissimi profanant, in qua rhedis tabernariae foeminae & summœnianae spectante senatu audent vecitari. Quæ sit hujus mali causa facile quivis intelligere potest, ego dicere non audeo, illud tantum vereor, ne si tantum luxum ii, qui tollere possunt & debent, diutius in civitatibus suis patiantur, Deus qui superbis resistit, superbas civitates, sicut olim fecit, det in potestatem & duram servitutem inimicorum. Sed de hac re ecclesiastes.

## CAPUT VIII.

## De Vrbe.

**V**Rbis nomen deductum est ab *urvo*, quod est aratri curvatura. Antiqui enim junctis bobus tauro & vacca Hetrusco ritu in condendis urbibus aratro circumagebant sulcum, intra quem urbem ædificarent. Hoc faciebant religionis causa die auspicato, ut urbs fossa muroque munita esset, & locum unde terram fodissent, *fossam* vocabant. Unde Virgilius :

*Apta dies legitur, quæ mœnia signet Aratro. 1*

In condenda urbe regionis inprimis & situs ratio habenda est. Regionem requirit Philosophus sufficientissimam, hoc est, omnium feracem. Nam omnia, inquit, in seipsa habere & nullius indigere sufficientis est. Et paulo post: Formam, inquit, regionis non est difficile præscribere, credendumque est in quibusdam rei militaris peritis, asserentibus talem esse oportere, ut ab hostibus quidem non facile invadi possit, civibus autem facilis sit in aliena egressio. Urbis autem situs, si formanda nobis illa est secundum votum, opportunè & ad terram, & ad mare debet jacere. 2

<sup>1</sup> Lib. 1.  
Georg.

<sup>2</sup> Polit. lib. 7.  
cap. 5.



Adhæc salubritas aëris debet spectari, quæ major est in urbibus collocatis ad orientem & septemtrionem, quam in iis quæ sunt ad meridiem & occidentem. Ex illis namque locis ficciores, & puriores spirant venti, ex his crassiores & humidiores.

Urbs nec magna nimis, nec parva est optima docente eodem Philosopho. *Est quædam, inquit, mensura magnitudinis civitati, quemadmodum & aliorum omnium animalium, plantarum, instrumentorum. Nam horum singula, neque parva nimium, neque magnitudine excessiva suam potentiam retinebunt, sed aut destituta erunt omnino à natura vel male se habebunt. Ceu navis unius palmi non erit penitus navis, neque duorum stadiorum: sed si processerit ad aliquam magnitudinem, quandoque propter parvitatem male faciet navigationem, quandoque propter excessum. Ita & civitas, si ex nimium paucis sit, non est per se sufficiens, sin ex nimium multis, sufficiens quidem in necessariis erit ut gens non ut civitas.* 3 Hinc non probatur Scriptoribus magnitudo Babylonis, quæ tanta fuit, ut cum capta esset ab hostibus, ferunt partem aliquam illius tertia die nondum aliquid sensisse. 4

3 Polit. lib. 7.  
cap. 4.

4 Polit. lib. 3.  
cap. 2.

In urbe alia sunt ædificia publica, alia privata. Publica habentur ob causam vel religionis, vel commerciorum, vel defensionis, vel aquæ ductus, vel jucunditatis.

Religionis & liberalis eruditionis causa sunt templa, scholæ, bibliothecæ. Et hæc, maximè verò templa, in editioribus & celebrioribus civitatis locis, quæ splendorem aliquem & dignitatem habent exstruenda, eorumque ornamenta servanda sunt.

Commerciorum causa est forum, quod est publicum & amplum spatium ad commercia destinatum. Ejus tres species describit Schönbornerus. 5 Primo forum liberum in celebriori civitatis loco deambulationibus & colloquiis honestorum civium ac negotiatorum accommodatum. Deinde forum rerum venalium, quod à superiore remotius, & eo loci debet esse quo merces è mari aut fluvio, & terra facile comportari possint. Tandem forum Justitiæ vel Magistratus in quo curia, archivum, tribunal, disceptandis controversiis civium sunt condita.

5 Polit. lib. 7.  
cap. 14.

7 Instit. de  
rer. divis.

Pro defensione ædificia publica sunt muri, armamentaria, turres. Muri urbis sunt sancti, 7 inviolabiles & non habitabiles. 8



les. 8 Inde qui transcendit muros animo hostili capite puni-  
tur. 9 Turres fastigiata dignitatem urbibus conciliant. Sine  
turribus & muris non fuisse ausos habitare Thebanos testis est  
Homerus. 10

Quod attinet ad aquæductus, illorum sicut & fontium ma-  
gna cura esse debet. Necessitati enim, utilitati, & jucunditati  
inserviunt. Legibus Romanis nemini licet de aquæductu pu-  
blico aquam ad suum prædium derivare: & violatores poenâ  
publicationis illius prædii puniuntur. 11

Jucunditatis & delectationis causa sunt ea ædificia, quæ pu-  
blicorum conviviorum celebrationi destinantur. Nam pru-  
dentissimi legislatores, non tantum sodalitatibus, sed etiam  
perpetuis conviviis cives suos inter se devinxerunt. Et hujus-  
modi sunt ædes publicæ, in quibus nuptiæ celebrantur, cum  
ædes deficiunt ad choreas idoneæ. Item theatra, ludis pera-  
gendis destinata.

Porro ædificia privata ita in primis debent excitari, ut orna-  
tui & commodis civitatis non officiant: aliter extructa diru-  
enda sunt. 12 Ab ædibus publicis spatio quatuordecim pe-  
dum, 13 à mœnibus spatio decem pedum 14 debent esse  
remota.

In omnibus ædificiis ordo & ornatus spectandus est. Aristo-  
teles eam ædificiorum structuram ornatui & securitati civitatis  
inservire existimat, si in ingressu & extremitatibus urbis do-  
mus perturbato, in media verò urbe recto ordine collocen-  
tur. 15 Sordes Tartarorum, cæterorumque barbarorum im-  
munditiæ, ex politis civitatibus in ultimas Scarabæorum in-  
sulas perpetuo sunt relegandæ. Quantum elegantiae urbium  
faveant leges Romanorum, facile ex eo licet conjicere, quod  
etiam vetent tignum alienum ædibus junctum eximi, ne aspe-  
ctus urbis ruinis deformetur; jubeantque vetustate collapsa  
reparari, 16 ac denique áreas lapсарum per dominorum in-  
curiam ædium fisco addicant. 17 Hinc Vespasianus (Sueto-  
nio teste) vacuas Romæ areas occupavit, & possessoribus ædi-  
ficare cessantibus, aliis eas qui ædificarent, permisit. Atque  
hoc pacto mirifice crevit:

*Terrarum Dea gentiumque Roma*

*Cui par est nihil, cui nihil secundum. 18*

L1 3

Quam-

18 Mart. lib.  
12.

8 L. 3. Cod.  
ne quid in  
loco fac.

9 L. fin. de  
rer. divis.

10 Odyss. lib.  
λ.

11 L. Si quis  
2. Cod. de a-  
quæduct.

12 L. quicum-  
que locus  
Cod. de oper.  
pub.

13 L. Si cui  
9. Cod. de æ-  
dib. priv.

14 L. Mœnia  
11. Cod. eod.

15 Pol. 57.

16 L. 7. ff. de  
offic. præsid.  
17 L. ult.  
Cod. de jure  
reip.



Quamvis autem ornatus bene moratis civitatibus sit curandus, non licet tamen civibus ad æmulationem vel injuriam alterius ædificia excitare, quod faciunt ii, qui ædes suas tollunt, ut in ædes vicini prospicere possint, aut luminibus officiant. Sed de his plura Schönbornerus in suis Politicis. 19

19 Lib. 1.  
cap. 15.

*Finis Libri Secundi de Politica Hominum  
Societate.*

DE



# DE POLITICA HOMINUM SOCIETATE.

## LIBER TERTIUS DE REPUBLICA.

### CAPUT I.

#### *Quid sit Respublica?*

**Q**UOD doctissimi viri censent in omni disputatione fieri oportere, ut nimirum rei, quæ in disceptationem venit, vis ac natura ante omnia describatur, id nos quoque minimè permittentes, definitionem reipublicæ traditam à sapientissimis hominibus referemus. Est ergo respublica concilia cœtusque hominum jure sociati, 1 ex multis viciniis perfecti, 2 & ad bene beatæque vivendum constituti. Quæ finitio secernit rempublicam, tum à congregatione latronum, tum à domestica societate. Ex quo enim dicimus rempublicam esse cœtus hominum jure sociatos, & ad bene beatæque vivendum constitutos, procul ab ea summovimus latronum piratarumque cœtus, non ad bene, sed ad perditæ injustæque vivendum congregatos, cum quibus nulla fides aut juris communio debet intercedere. Et quamvis inter istiusmodi copias societas quædam intervenire videatur, ut cum ex pacto unusquisque diligentiam adhibet ad spolia in commune acquirenda, aut cum eadem acquisita ex æquo inter se distribuunt, nequit tamen hæc scelerata consensio sanctum & venerabile amicitiae nomen sibi assumere, eo quod societatis ac amicitiae fundamenta sita sint in certa quadam ratione, & naturæ consentanea, quæ in latrocinio non invenitur. Unde & spoliolum partitio non est legitima divisio, sed latrocinii consummatio; divisio enim juris quoddam inventum est, quod itidem apud latrones nullum est. Interea diver-

1 Cicer, in  
somm. Scipio.

2 Arist. Polit. 1, cap. 2.



diversum omnino statuendum est de justis ac legitimis hostibus, qui respublicas suis quibusdam institutis & jure nationum communi moderantur. Etenim adversus latrones tanquam rerum publicarum & civilis societatis everfores nulla fraus committitur, si pactum illis pro capite pretium non afferatur. Cum hostibus autem pacta & inita fœdera sanctissime sunt custodienda. Capti à prædonibus retinent integerrimam libertatem, condunt testamenta, omnesque actus legitimos exercent: quia jura belli, cum hominibus, qui omni juri bellum indixere communicari nec possunt, nec debent. At qui veniebant in hostium potestatem, erant exuti libertate, & ad omnes actus civiles inhabiles habebantur, ex juris gentium dispositione.

Quod autem insinuavi justos ac legitimos hostes esse debere, quibus fidem servare necesse est, id debet intelligi non de justitia causæ, propter quam justa bella dicuntur etiam in judicio conscientiarum; sed de justitia, per quam bellum dicitur justum in genere belli, quod tum contingit, quando princeps non recognoscens supra se alium superiorem, suscipit bellum adversus similem principem, aut aliam rempublicam, sive adsit, sive absit justa bellandi causa vel necessitas. At vero quando quis alicui potestati subjectus, bellum aliquod privata auctoritate instituit, illud non est bellum, sed latrocinium, & etiam in genere belli injustum, sive illud sit adversus proprium principem, sive adversus alienum.

Diximus præterea in hac eadem reipublicæ descriptione prædictos hominum cœtus ut rempublicam constituent non aliter quam ex multis viciniis perfectos esse debere, ut ostenderemus rempublicam, diversum quidpiam esse à domo & familia, quæ etiam est quædam societas, verum non ex viciniis ut respublica, sed ex certis personis constituta, ex domino videlicet & servo, marito & uxore, parentibus & filiis, sive omnibus simul junctis, sive tantum quibusdam. Et est res privata suoque nomine res familiaris ac domestica appellatur: eo autem spectat ut familia ac omnes domestici simul vivant, mutualque operas conferant ad usus vitæ necessarios. In ista societate qui primus est ac imperium in reliquos obtinet, paterfamilias vocatur; cujus gubernatio circa uxorem conjugalis, circa filios paterna, circa servos heriles, seu dominica disciplina dicitur.

Jam



Jam verò ex istiusmodi familiis, & multis domibus, pagi constituantur, at ex pluribus pagis civilis communio, quam rempublicam appellamus, coalescit.

## CAPUT II.

*De Rerumpublicarum Origine & Necessitate.*

**S**icut omnes res, ita & respublicæ, ortum suum referunt ad DEum, tanquam ad primam & causam causam. Imò si Tullio <sup>1</sup> credimus, nihil est illi principi DEo, <sup>1</sup> Lib. 7. de rep. qui omnem hunc mundum regit, quod quidem in terris fiat, acceptius, quam concilia cœtusque hominum jure sociati, quæ civitates appellantur, quarum gratia mundum hunc inferiorem, eaque omnia, quæ in illo cernuntur, condidit idem hominum amator DEus. Legimus enim in sacris codicibus, quod condito primo homine naturæ opifex DEus socialem vitam eum degere voluerit, cognoscens eum non sufficere sibi ipsi, positum extra societatem similium, in quorum mutua ope plurimum auxilii situm est. *Non est, inquit, bonum hominem esse solum, faciamus ei adjutorium simile sibi.* <sup>2</sup> Unde paulo post sacer scriptor subjungit: *Et edificavit Dominus DEus costam, quam tulerat de Adam in mulierem, & adduxit eam ad Adam.* Quibus tandem benedictionem suam impertiens universa potestati eorum subdidit. *Benedixitque illis, loquitur sacra scriptura.* <sup>3</sup> *DEus* <sup>3</sup> Genes. 1. & ait, *crescite & multiplicamini, replete terram, & subjicite eam, & dominamini piscibus maris, & volatilibus cœli, & universis animantibus quæ moventur super terram.* Quis hic non videt rei domesticæ seu familiæ institutionem? quam secundum Philosophum <sup>4</sup> <sup>4. 1. Polit. cap. 1.</sup> mas, fœmina, & servus constituunt, secundum vero Hesiodum, <sup>5</sup> <sup>5</sup> vir, mulier, & bos arator: bos siquidem (ut subjicit idem Philosophus <sup>6</sup>) pro servo pauperibus est. Atque ita, si <sup>6</sup> <sup>6</sup> familia est quædam parva civitas, & pusilla respublica, seu potius reipublicæ fundamentum; dubitandum non est, respublicas originem suam habere à DEo, qui illarum supremus est princeps, æternusque Monarcha, substituens in suum locum ad homines in terris gubernandos principes temporales, deos quosdam terrestres. Unde Apostolus: <sup>7</sup> <sup>7</sup> *Omnis anima, inquit, potestatibus sublimioribus subdita sit, non est enim potestas nisi à* <sup>7</sup> Ro. n. 13.



DEO, quæ autem sunt à DEO ordinata sunt: itaque qui resistit potestati, Dei ordinationi resistit, qui autem resistunt, ipsi sibi damnationem acquirunt. Nam principes non sunt timori boni operis, sed mali, vis autem non timere potestatem, bonum fac; & habebis laudem ex illa. Dei enim minister est tibi in bonum. Si autem malum feceris, time. Non enim sine causa gladium portat, Dei enim minister est, vindex in iram ei qui malum agit: ideo necessitate subditi estote, non solum propter iram, sed etiam propter conscientiam. Ideo enim & tributa præstatis, ministri enim DEI sunt, in hoc ipsum servientes. Ex quibus facile perspicere possumus, regentium ac parentium ordines (in quibus respublica consistit) à DEO esse constitutos.

8 In lib. de  
honor.

Porro de necessitate Reipublicæ nondum convenit inter scribentes. Quidam enim non nisi occasione malitiæ humanæ morumque corruptelæ necessarias esse respublicas concedunt. Et inter hos est Antonius Mirandula. 8 Si enim (secundum illum) probi essemus, non indigeremus utique politia legibus & magistratibus, essemus enim omnes amici conjunctissimi ob summam & naturæ & morum similitudinem, inter quos proinde nullus locus relinqueretur injustitiæ, ad cujus potissimum coercionem leges sunt latæ, & magistratus sunt instituti.

Pro eadem sententia facere videtur auctoritas Apostoli in hæc verba scribentis: *Scimus autem quia bona est lex, si quis ea legitime utatur, sciens hoc, quia lex justo non est posita, sed injustis & non subditis impiis & peccatoribus, sceleratis & contaminatis, parricidis & matricidis, homicidis, fornicariis, masculorum concubitoribus, plagiariis, mendacibus, perjuris, & si quid aliud sana doctrina adversatur.*

Ut ad Apostoli auctoritatem respondeam, necesse est prius meminisse plura eaque diversa in legibus reperiri, vimque illarum esse multiplicem. Sunt enim in primis regulæ actionum humanarum, formantes illas omni honestate & decencia: deinde præcipiunt aliquid aut prohibent, tandem præmia virtutibus assignant, & pœnas tonant in transgressores, ut saltem metu in officio contineantur. Igitur dum Apostolus negat justo legem esse positam, loquitur de lege, in quantum illa vim in se continet (ut loquimur in scholis) *coactivam*, pœnas videlicet improbis minando, & delicta puniendo. Otiosum enim est circa ju-  
stum



stum hominem istud legis officium, utpote qui sponte sectatur honestatem: At vero lex, prout habet vim directricem, ea parte etiam inter homines integros quod agat inveniet, eritque doctrix & ductrix ad omnem honestatem mentium, quæ virtutum rudes nascuntur. Ac Apostoli dictum istam continet explicationem.

Error autem Mirandulæ, cæterorumque cum eo sentientium facile deprehendi potest ex illo, quod licet innocentissimi essent omnium mortalium mores, adhuc imperantium & parentium gradus oporteret esse distinctos. Neque enim possent simul omnes imperare. Adde in optimis rebus publicis non tantum pœnas infligi maleficiis, sed etiam præmia ac honores virtutibus decerni. Ex quibus fit manifestum malitiam humanam maximam esse causam legum, & præsertim, (ut Jureconsulti loquuntur) pœnalem, judiciorumque in delicta animadvertentium: inde tamen non evincitur, pravi hominum mores totam esse rerum publicarum necessitatem. Ergo necessitas illa ad naturam est referenda, ex qua cum homo sit animal gregarium (appellamus id in illo civile) & alieno auxilio indigeat, quia sibi non sufficit, appetit similitudinem societatem, cujus ope juvetur. Hoc ipsum Aristoteles, cujus prope unius fuit scire omnia aut nonnisi paucissima ignorare, deducit ex sermone, quem non sine causa provida natura parens indidit hominibus. *Nihil, inquit ille, frustra natura facit, sermonem vero homo habet solus omnium animalium. Nam vox quidem molesti atque jucundi significatio est; quapropter aliis quoque existit animalibus. Hucusque enim natura processit in his, ut sensum habeant jucundi & molesti, & hoc inter se significare possint. At sermo ad hoc datus est nobis, ut ostendamus utilitatem & damnum, atque ita justum & injustum. Hoc enim præter cætera animalia hominibus proprium est, ut boni & mali, ac justii & injusti, & aliorum hujusmodi, sensum habeant soli, horumque societas facit domum & civitatem. Et certe secundum naturam prius est civitas quam domus, & quam singuli nostrum. Nam totum prius esse quam partem necessarium est. Perempto enim toto non erit pes, nec manus, nisi æquivocè.*

10 Lib 1. Fol.  
lit. cap. 7.

Hæc, inquit, ejusmodi quidem sunt, ut ostendant homines ex infinita conditione naturæ ad societatem vel aptitudinem habere, vel propensionem, non tamen demonstrant



necessitatem rerum publicarum à natura esse inductam.

11 Ethic. 8.  
cap. 1.

12 Civil.  
doctr. lin. lib.  
1. cap. 2.

Verum si appetitum hunc in hominibus à natura originem suam ducere agnoscimus, quid obstat, quod non etiam id, quod appetitu appetimus, à natura esse concedamus: illud autem est bonum beatitudo ac felicitas, quæ (si Aristoteli 11 credimus) sine amicis non consistunt. Eleganter sanè id, quod ad præsens negotium facit, tradit Ericius Puteanus. 12 Nonne magnum, ait, nonne bonum, dixero, lege mortales & jure contineri? Hæc civitas sive civilis societas est. Legem & jus tolle civitas non erit: optimum natura animal deterrimum licentia evadet. Erras si nuditatem objicis: mente & ingenio armatus est, & sic nascitur: tantò brutis impurior immaniorque, si in vitia inclinatur, quanto malitia ratione instructa validior. Veneret etiam aut ventre abripi & mergi facile est, cum virtutem voluptas pepulit, & sibi quisque relictus est. Quid attinet dicere? Civili societate opus, ut homo tandem homo sit, imo justitia opus, quæ virtus maximè civilis est. A justitia autem judicia sunt, felicitatis velut munimenta, quæ reges opponunt moribus, & cives legibus obnoxios reddunt.

### C A P U T III.

#### De Reipublicæ Divisione.

1 Arist. Polit.  
3. cap. 5.



Omen *Politix* angusta acceptione illi tantum potestati secundum scriptores convenit, in qua honores & magistratus suffragiis multitudinis conferuntur, æqualisque est omnium de virtutis gloriâ contentio. 1 Quod cum sit ad honestatem & publicam utilitatem, communi omnium rerum publicarum nomine, *Respublica* appellatur. Commune enim (de quo hic agimus) est, quod publicum est: ut respublica non aliud, quam communis omnium honestas & utilitas esse videatur. Si nihilominus non ita pressè vocabulum *reipublica* accipiat, erit commune etiam aliis politiis, quarum tres sunt species, nimirum *Monarchia*, quæ est unius regimen, *Aristocratia*, quæ est paucorum, *Democratia*, quæ est plebis seu popularis. His affines sunt: *Tyrannis Ochlocratia* & *Anarchia*. Partitionis istius ratio sumitur ex ipsis dominationum generibus. Cum enim civitatis administrandæ ratio sit id, quod summam in civita-



civitatibus auctoritatem obtinet, necesse autem est dominatum & auctoritatem obtinere vel unum, vel paucos, vel multos, facile res ipsa, sicut constituit, ita & ostendit diversitatem. Præterea isto modo respublicas inter se dividi, suadent similitudines, & cum illis exemplis petita à familiis, 2 eo quod patrum cum filiis societas regnum præ se ferre videatur, viri atque uxoris communio optimatum potestati respondeat, fratrum verò conjunctio in populari gubernatione cernatur.

2 Arist. E.  
thic. 8. cap.  
10.

Inquirunt hic sollicitè nonnulli politici, utrum tres an verò plures sint reipublicæ formæ? sed eorum rixæ vix integro volumine referri possunt. Qui melius sunt philosophati, tres tantum agnovere: illas etiam Herodotus libro tertio inter se comparavit; & omnino sunt præcipuæ. Reliquæ teste Plutarcho, 3 intentione aut remissione harum ortæ, vitia potius sunt & corruptelæ, quam formæ reipublicæ, quomodo in musico concentu modis seu tonis principibus, nimium aut non satis contentis, error incidit. In eadem sententia videtur esse etiam Polybius, qui licet videatur sex rerum publicarum formas asserere, revera tamen tres tantum veras nobiscum agnoscit, reliquas verò subjungit tanquam corruptelas, in quas legitimæ rerum publicarum constitutiones degenerant, propter naturæ humanæ volubilitatem, quæ nunquam in uno eodemque statu subsistit, quæve ex aliis senescentibus, quæ displicere incipiunt, alia nova regenerat, ut quod fuit atque aliquando displicuerit placere incipiat, & contra. Sex sunt, inquit ille, 4 politiarum genera, Monarchia quæ natura constat: neque tamen qualibet monarchia statim regnum dici debet, sed ea duntaxat, quæ subditorum consensu conceditur, & magis pro animi sententia regitur ac gubernatur, quam timore & violentia. Ex Monarchia regnum nascitur, ubi vero regnum in mala cognata, tyrannidem scilicet: mutatur, rursus ex horum destructione Aristocratia, id est, optimatum gubernatio provenit, quæ tamen natura quadam in Oligarchiam mutatur. Cum verò multitudo injustitiam eorum, qui præsumunt, irâ percita ulciscitur, nascitur Democratia, id est, populi dominatio. Rursum cogente plebis contumelia, & iniquitate temporis successu Ochlocratia insurgit, seditioque popularis, ut necesse sit redire ad Monarchiam. Et paulo post: Quemadmodum ferro rubigo, ligno vermiculi ac teredines adversantes perniciem adferunt, ut etiam si externa omnia nocumenta effugiant, ab istis tamen qua co-

3 De unius  
in Repub.  
dominat.

4 Polyb. in 5



gnata habent, absumantur. Eo pacto reipublica cuilibet pro natura ipsius quadam adnascitur & adhæret peculiaris malitia, utpote regno Monarchia. Aristocratia Oligarchia, Democratia bestialis Ochlocratia, seu seditio plebis ut fieri nequeat, quominus cuncta prædicta, dicto jam decursu temporum, dictoque jam modo, non mutantur. Hæc Polybius. Cujus rei vivam imaginem videre licet in republica Romanorum, ubi Regnum superbia unius cadit in manus consulium, à Consulibus in plebis contentionem, in Decemviros & Tribunos, à Tribunis & Consulibus in Dictatorem, à Dictatore in Triumviratum, ab eo in seditiones, ab his in populum, à populo in Augustum, & Monarcham.

De his tribus igitur prædictis rerum publicarum formis agendum nobis erit sequentibus capitibus, quæ ne cui longitudine sua nauseam commoveant, in paragraphos dividemus.

#### C A P U T I V.

##### De Democratia seu statu reipublicæ populari.

###### S. I.

*Referuntur rationes quæ gubernationem Democraticam commendant.*

**E**X dictis constat, Democraticam Politiam consistere in imperio populari, seu in populi principatu, qui omnium pulcherrimo nomine *Isonomia* appellatur, hoc est, juris æqualitas. Imo in hoc regimine præter juris paritatem videtur etiam esse omnis æqualitas atque libertas nulla tyrannide oppressa, omnia in commune referri, & consilia omnia proficisci à multitudine, quæ ideo cæteris creduntur esse certiora, quia multis plurima inesse facile persuademur. Unde tritum illud manavit proverbium, vocem populi vocem Dei esse, quæ etiam de causa, quicquid omnibus placuit, aut communi totius populi consensu statutum est, id tanquam à DEo ipso ordinatum, optimum atque sanctum esse præsumitur. Hanc etiam gubernandi rationem plurimi præferunt Optimatum regimini, illoque tutiorem esse affirmant, ex eò, quod minime sit seditioni obnoxia. Populus namque, aut nunquam, aut admodum rarò inter se dissi-



diffidet, propter omnimodam æqualitatem, quæ est mater ac nutrix omnis concordiæ. Optimates autem, & maximè, & sæpissimè. Insuper in populo pares sunt honorum gradus, nec quisquam vicino præstat, sed unusquisque & omnis multitudo alternis vicibus jam paret, jam imperat, sine ulla dominationis superbia. Et sicut natura alterum altero neque opibus neque honoribus superiorem fecit, pares enim omnes nascimur, ita popularis status hunc sibi propositum finem habet, ut omnia omnibus sint æqualia. 1 Est autem æquissimum, ut qui eandem naturam acceperunt, ex eadem gente sunt orti, iisdem educati moribus, iisdem legibus instituti, eundem corporum & animorum patriæ usum exhibent, omnium quoque ceterorum communionem habeant. 2 Est præterea respublica popularis custos libertatis vigilantissima, quam habet pro fine præcipuo, 3 & quâ nil melius aut præstantius vel conceptis expetitis votis potest: siquidem non tantum ratio hominibus, sed etiam natura feris jucundum libertatis sensum ingeneravit. Sic videmus bestias voluptuosas escas, elegantes caveas, exquisitas cicurantium blanditias, libertatis desiderio fugere. Unde Poëta:

*Cum bene sunt clausæ cavea Pandione nata*

*Nititur in sylvas quæque redire suas.*

*Assuetos tauri saltus, assueta leones*

*(Nec feritas illos impedit) antra petunt.*

In hac etiam populari societate reperiuntur vel maximè summi Imperatores, sapientissimi legumlatores, acutissimi Jurisconsulti, opifices ingeniosissimi, clarissimi oratores, ac summi philosophi, quia ingenua ut servitute deprimuntur, ita libertate se proferunt & ostentant. Denique popularem istum statum commendant plurima exempla nobilissimarum nationum, quæ illum reliquis rerumpublicarum formis prætulerunt. In Germania multæ civitates liberæ incolumitatem suam populari regimini in acceptis referunt. Respublica Helvetica maxime Montanæ populares sunt, & suffragia viritim ferunt. Atheniensis urbs omnium prudentissima habita popularis extitit, ac diu experta tyrannidis inviolata à barbaris, libera à seditionibus fuit. 4 Quin Cornelius Agrippa 5 constanter asserit, florentissimam rempublicam Venetorum, illud orbis

Bodin. lib.  
6. de Repub.  
cap. 4.

Dion. lib. 2.

Arist. 1.  
Rhet. cap. 8.

4 Xenoph. de  
rep. Atheni-  
ens.  
5 Lib. de In-  
cert. scient.

Chri-



6 Patricius.

Christiani delictum dicam an miraculum, hac forma esse conspicuam. Sed immerito. Melius alii. 6 Aristocraticam in ea institutionem advertunt, persimilem ei, quæ conspicitur in amplissimo Regno Poloniarum, ubi tamen pinguiora jura habent Reges, præ Principibus Venetorum, & nobilitas Polona, clementioribus regitur legibus. Atque istiusmodi sunt rationes, propter quas major est popularium hominum de populari isto regimine, quam de aliis politiis, opinio.

## §. II.

*Adducuntur Argumenta quæ impugnant Statum  
popularem.*

Statum Democraticum non posse recte consistere, vel ex seo potest intelligi, quod is penes totum populum summam gubernationis ponit, contra optimæ politiæ præcepta, quæ alteri defert imperandi prohibendique potestatem, alteri imponit necessitatem obsequendi: id quod naturæ rerum convenientissimum est, quæ alios aliis animi præstantia, tantò excellentiores, quanto brutis animantibus homo præstabilior est, non aliam ob causam, quam ut alios ad imperandum, alios ad obtemperandum idoneos efficeret, procreavit. Quare ex æquo utriusque imperii atque obsequii vices committere, est naturæ ordinem convellere, & stultorum viliumque hominum regimini præstantiores subicere.

Jam verò quòd in populari administratione populus dicitur publica, urbem scilicet theatra, ærarium, prædia, leges, honores, & istis similia, in commune quærere, ac iisdem frui, id non potest nisi pessimo publico fieri: nusquam enim majores esse rapinas, nusquam peculatus frequentiores testis est cum infinitis Xenophon 1 & Philosophus & Imperator clarissimus, qui sic de sua patria scribit: *Ego statum Atheniensem probare non possum, quod eam reipublicæ formam amplexantur, in qua improbi ac flagitiosi meliore sunt conditione, quam viri boni & innocentes.* Unde eleganter subnectit Bodinus. 2 Si tantus vir ita sentit de Atheniensi reipublica, omnium quæ extiterunt popularium laudatissima, vel ut Plutarchus scribit, minime omnium vituperanda, qualem sententiam de cæteris popularibus laturum fuisse putamus? Quod

1 in lib. de  
Rep. Athen.

2 Lib. 6 de  
Rep. cap. 4.



Quod si æquali aut nemo aut difficillime potest obtemperare, deteriorum imperia quis tandem æqua mentē sustinebit? Certe unusquisque natura duce nonnisi excellentiori subesse desiderat. Videre id possumus in apibus, ubi rex & indole animi & corporis maiestate præstat cæteris. *Insignis*, inquit Seneca, 3, *regi forma est, dissimilisque cæteris, tum magnitudine, tum nitore, cubile illi amplissimum est, medioque ac tutissimo loco.* Et alibi. 4 *Natura ait est potioribus deteriora submittere. Mutis quidem gregibus, aut maxima corpora præsent, aut vehementissima: non præcedit armenta degener taurus, sed qui magnitudine ac toris cæteros mares vincit: elephantorum gregem excelssimus ducit.* Senec. de Clemen. lib. 3. cap. 19. 4 Ad Lucill. Epistola. 90.

Id ipsum ex sacris quoque historiis perspicuum est. Samuel Propheta Domini idemque dux electi populi, cum iussu divino regem creavit, qui cæteros corporis dignitate superabat: Certe (verba sunt Samuelis ad populum Israel) *videtis quem elegit Dominus, quoniam non est similis illi in omni populo. Et clamavit omnis populus, & ait, vivat rex.* 5 Apud Isaiam Prophetam, 6 *populus Judaicus ad æqualitatem miseriæ redactus, eum vocat ad principatum, cui saltem vestis esset excellentior. Vestimentum, inquit, est tibi princeps, esto noster.* Sed quid nos homines commemoravimus, cum videamus ipsa ligna promiscua similitum imperia non tulisse. *Iverunt, inquit sacra Scriptura. 7 ligna, ut ungerent supra se regem, dixeruntque oliva, impera nobis: quæ respondit, nunquid possum deferere pinguedinem meam, quæ & diutuntur & homines, & venire ut inter ligna promovear? Dixeruntque ligna ad arborem ficum, veni & supra nos regnum accipe: quæ respondit eis, nunquid possum deferere dulcedinem meam fructusque suavissimos, & ire ut inter cætera ligna promovear? Locutaque sunt ligna ad vitem, veni & impera nobis, quæ respondit eis, nunquid possum deferere vinum meum, quod latificat Deum & homines, & in ligna cætera promoveri? Dixeruntque omnia ligna ad rhamnum: veni & impera supra nos, quæ respondit eis, si vere me vobis regem constituitis, venite & sub umbra mea requiescite.* Atque ista parabola usus est Joatham filius Jereboal minimus, ad viros Sichem, innuendo, homines, nisi minus illis sensus ac mentis, quam truncis & stipitibus inesset, illis imperia deferre debere, qui præ aliis sunt conspicui sapientia, per oleum designata, aut eminent laude bonitatis, quam dulcedo ficuum innuit, aut fortitudine



s Epist. 76.

s De Polit.  
cap. 55.103. Regum  
22.

pollent, quam vinum denotat, aut spem praesidii praeseferunt, similes Rhamno, quae spinis suis arcet aditum, nidofque volucrum in ramis suis nidificantium protegit, quae in vulgo quis inveniet, de quo Phalaris ad Hegesippum scribens, in haec verba loquitur. 8 *Per Iovem maximum, Hegesippe, ut sentimus, sic te alloquimur: populus omnis temerarius est, demens, desidiosus, promptissimus in quodcumque contigerit mutare sententiam, perfidus, incertus, velox, proditor, fraudulentus, & ut semel dicam inutilis ad iram, & ad laudem facilis: hinc est, ut qui in agenda republica populo placere amittitur, honestis pereat contumelias.* Haec ille. Cornelius porro Agrippa 9 populum vocat, errorum principem, pravarum consuetudinum magistrum, ingentemque malorum cumulum. Et merito, quia nec rationibus cedit, nec autoritatibus, ad persuasiones autem indocilis est & obstinatus, moribus semper inconstantissimus, novorum cupiditate praesentia fastidit, nec magistratuum disciplina, nec principum maiestate continetur. Saniora consilia non admittit, arripit deteriora. Patet id in vulgo Trojano, qui contra Capys consilium, & illorum, quorum fuerat melior sententia menti, equum incendiis patriae gravidum, intra moenia introduxerunt. Patet & in Aristidis proscriptoribus, apud quos fas & ratio valuit nihil, contra quam pro praemio poenas tulit vir & cognomine Iustus & vita iustissimus. Patet id sexcentis aliis exemplis, quae referre est Iliadem conscribere. Eant nunc Publicolae, & vocem populi vocem DEI esse contendant usitato magis quam vero adagio. Certe in vulgo non aliter est vox DEI, quam fuit in quadringentis illis impii regis Achab prophetis, qui uno ore victoriam illi falso prophetabant, & de quibus istud est Micheae veri bonique Prophetae Domini testimonium. *Vidi, inquit, 10 Dominum sedentem super solium suum, & omnem exercitum caeli assistentem ei a dextris & a sinistris, & ait Dominus: Quis decipiet Achab regem Israel, ut ascendat & cadat in Rhamor Galaad? Et dixit unus verba huiusmodi, & alius aliter. Egressus est autem Spiritus, & stetit coram Domino, & ait, ego decipiam illum. Cui locutus est Dominus, in quo? Et ille ait: Egrediar & ero Spiritus mendax in ore omnium prophetarum eius. Et dixit Dominus: Decipies & praevaleris, egredere & fac ita.*

Quan



Quantum attinet ad libertatem, quam populares isti tantopere in statu Democratico florere contendunt, profecto illa aut nulla est, aut non major eâ, quæ in aliis etiam rerum publicarum formis cernitur, imo fortasse inferior, & aliqua servitute infectior. Libertas est (dicit Jurisconsultus 11) naturalis facultas ejus, quod cuique facere libet, nisi quid vi aut jure prohibetur: ex quo cum palàm sit, leges aliquomodo negotium libertatis intrare, ratio dictorum facile apparet. Aut enim viget legum observantia, ac unicuique sua jura manent inviolata, & hoc pacto est quidem libertas, sed ejusdem est omnino stirpis cum Aristocratica atque Monarchica libertate, aut jacent leges, & dominatur impunitas, quæ est certissimum rerum publicarum exitium, & sic ne libertas quidem est, cujus bona pars in eo quoque consistit, ut suis quisque bonis, uxore, liberis, tranquille fruatur, nec sibi sub suis vis ulla inferatur, aut si illata fuerit vindicetur. At ubi magis regnat impunitas, quam in regimine populari, ubi summa lex est (loquitur ex observatione variarum historiarum Bodinus 12) ne civis quisquam, quantumcunque scelus sive in DEOS sive in homines admiserit, capite feriat. Quin etiam Romanis legibus severissimè cavebatur, ne verberibus civem cadere liceret: at ne ullis quidem magistratibus, nec ipsi senatui, Romani civis libertatem minuere ullo modo licebat. Itaque Verres, ut alios omittam, divinis & humanis legibus fœdissimè proculcatis repetundarum ac peculatus omniumque sordium & corruptelarum reus, judicioque publico damnatus, gravissimam pœnam reipublicæ pendere visus est, quod urbe excessit: cur ita? quia populares status libertatem non acerbitate suppliciorum infestam, sed lenitate legum munitam esse voluerunt. At Coriolani, Scipiones, Cicerones, Rutilii, Metelli rebus præclare gestis exilio damnati sunt. Ita quoque Hermodorus Epheso, Themistocles, Thucydides Athenarum urbe pulsi sunt. Miltiadem verò carceribus, Socratem veneno necarunt, ac tametsi Phocio non modo Atheniensium, sed etiam omnium suæ ætatis virorum clarissimus haberetur, & qui quadragies quinquies Atheniensis exercitus imperator creatus, vitam summa integritate ac innocentia transegiſſet, nihilominus calumniator quidam de fæce plebis ausus est ad populum, quem intelligebat Phocioni iratum, rogatio-

11 L. 4. ff. de statu hom.

12 Lib. 6. de rep. cap. 4.



gationem hujusmodi ferre: Vellent juberent Phocionem ac socios necari. Hanc vocem populus tanto plausu excepit, ut omnes assurgerent, ac manibus elatis cives fortissimos ac innocentissimos capitis damnarent: nec defuerunt, qui servis & collis redimiti cum servis ac foeminis in comitium profecti sint, ut sententiam capitalem ferrent. Qua re prospecta: Me quidem à vobis, inquit Phocio, damnari facile patior, sed cur isti? Ad quem populus: Quoniam inquit tibi sunt amici. Nec prius furor plebis insanientis conquievit, quam omnes sine iudicio, sine accusatione, sine ulla causa necarentur. 13

13 Plutarch.  
in Phocione.

Cæterum, quod dubitavi, utrum libertas popularis non deterioris sit conditionis cum Regia aut Aristocratica libertate composita, id merito me suspicari facit multitudo imperantium. Quis enim non videt, solutiorem esse conditionem eorum, qui paucioribus parent, duriores qui pluribus.

Eodem modo, quo de libertate, etiam de concordia popularium philosophandum est. Dicitur quidem communiter, pares cum paribus optimè convenire, sed nec minus frequens est & illud adagium: Figulus figulum odit. Et scinditur incertum studia in contraria vulgus. Ejus namque ingenium ad quidvis aliud potius quam ad concordiam aptum natum esse, qui re non deprehendit, consulat historias Græcorum pariter ac Romanorum. Perspectos sane populi mores habuit sapientissimus Spartanorum legislator Lycurgus, qui postulanti cuidam, ut in civitate pro Aristocratica constitueret popularem gubernationem: Tu fac, inquit, prius domi tuæ Democratiā instituas. Compendio docuit, eam reipublicæ speciem non esse utilem civitati, quam nemo vellet esse in sua familia. 14

14 Plutarch.  
in Lacon.

Nec consiliorum multitudine, quam jactant Patroni Democratiæ, illa aliis rebus publicis felicior est. Tullius nullum vulgo consilium, res ipsa valde exiguum aut parvum esse ostendit. Et ut demus, in quavis multitudine nonnullos etiam, qui recto polleant iudicio, reperiri, illud tamen iniquum est, quod apud populum sententiæ non ad pondus rationum, sed ad numerum calculorum examinentur, vimque sumant ex multitudine suffragantium, cum autem furiosorum ac imperitorum multitudo partibus infinitis superet numerum saniorum, consequens est, negotia publicæ utilitatis pessimis geri consiliis, & fortunæ arbitrio committi.

cdS



Sed rectè se habeant omnia prædicta, sciat sane ac valeat plebs libertatem conservare, fovere concordiam, patriæ incolumitati salutaribus consiliis prospicere: arcana nihilominus reipublicæ nequaquam possunt à tanta multitudine non prodivicinis, cum nihil sit æquè difficile, atque credita tacere. Declarat id fabula maximo ingenio composita de asininis Midæ auriculis, quas cum tonsor, qui solus erat conscius, reticere non posset, fossam ingressus proclamavit, *Aures asininas rex Midas habet*, deinde fossam terra adoperuit, ubi successu temporis crevere arundines, quæ agitata ventis vocem quam tonsor infoderat reddere consueverant. Atqui consilia reipublicæ, atque imperii arcana, exteris populis innotescere, quanta secum mala trahat, soli infantes non cogitant.

Exempla pro Democratico statu commemorata sunt quidem speciosa, sed potius alias reipublicæ formas, quam Democratiæ commendant. Acutè enim animadvertit doctissimus Bodinus, 15 in allatis exemplis, florem, & commemoratarum <sup>15 Lib. 6. de repub. cap. 4.</sup> civitatum beatitudinem non gubernationi populari, sed aliis causis esse adscribendam. Helvetii in gubernandi ratione sequuntur rationem regiminis Aristocratici: præterea ut libertatem popularem tueantur, facit, tum effera locorum natura, tum quod ferocissimi ac seditiosissimi foras erumpant ad peregrinorum principum servitia, reliqua tenuis plebs, desidesque opifices, & imperium non appetunt, & facile in obsequio magistratum continentur. De aliis popularibus imperiis idem omnino iudicium habendum est. Nam qui popularium civitatum veterem repetierit memoriam facile inveniet, illas aut cum hostibus, aut cum civibus sempiternum bellum gessisse, & quamdiu steterunt, non multitudinis imperio, sed consilio sapientissimi cujusdam civis, quasi regia quadam potestate gubernatas fuisse. Athenienses felicitatem suam non populo debent, sed senatui Areopagitarum, cujus imperio tenebantur: postea verò cum à senatu omnis potestas transiit ad populum, Periclis unius nutu omnia regebantur, & proinde merito illum Thucydides asserat civitatis imperium habuisse. Florentini perpetuis seditionum motibus agitabantur, nec prius quieverunt, quam Laurentius Medices imperium arripuisset. Romana urbs quòd aliquando legibus & armis floruerit, id Menenio Agrip-



pæ, Furio Camillo, Papirio Cursori, Fabio, Marco Catoni Censorio, Marco Scauro, Pompeio Magno, aliisque similibus Dynastis, non populo tribuendum est. Quibus omnibus servit illud elogium Scipioni à Livio datum: 16 Sub umbra (inquit) Scipionis urbs terrarum domina latet, nutus ejus, pro decretis patrum, pro populi jussis est. Floruit aliquandiu & Thebanorum populare imperium, sed tamdiu quamdiu Pelopidas, quamdiu Epaminondas floruerunt. Hæc ut equidem existimo satis demonstrant, non usquequaque statum plebeji imperii esse laudabilem, nec ita felicem, sicuti multi arbitrantur. Sanè divinæ literæ innuere videntur Dominum DEum in partem pœnarum permittere, ut populus delinquens non habeat bonum sapientemque principem, sed tumultuoso vilissimorum hominum dominio subjiçiat. Ecce, ait Propheta, 17 dominator Dominus exercituum, auferet à Jerusalem & à Iuda validum & fortem, omne robur panis, & omne robur aquæ, fortem & virum bellatorem, judicem & prophetam, & ariolum & senem: Principem super quinquaginta & honorabilem vultu, & consiliarium, & sapientem de architectis, & prudentem eloquii mystici, & dabo pueros principes eorum, & effæminati dominabuntur eis: Et irruet populus, vir ad virum, & unusquisque ad proximum suum tumultuabitur, puer contra senem, & ignobilis contra nobilem.

16 Lib. 30.

14 Isai. 30.

## C A P U T V.

## De Aristocratia seu paucorum Dominatione.

## §. I.

*Utilitates status Aristocratici referuntur.*

**I**N Aristocratia summa regiminis potestas est penes paucos. In ejus laudem multa profecto dici possunt, cujus ne nomen quidem non laudem spirat. Optimatum quippe potestas inde Aristocratia dicta est, quod in eo gubernationis genere, aut nonnisi optimis viris imperium deferatur, aut ita præsent, ut universa ad communem utilitatem referant. Eleganter Romanæ eloquentiæ princeps Cicero describit ingenium illorum, qui sunt ad clavum hujus politiæ constituti: 1 Quod neque nocentes

1 Cicero pro Sextio.

tes



tes sint, nec natura improbi, nec furiosi, nec malis domesticis impediti. Virtuti ut ipsi student, ita & alienæ præmia ac honores concedunt, hac ipsa omnia alia æstimant, morum disciplinam agunt, leges observant, iustitiam colunt. Deinde, nihil est magis salutare rebus magnis administrandis, quàm plurimum optimorumque in unum consentientium consultationes. Nam ex plurimis iisque optimis necesse est optima constare consilia. Nemo hercule solus sapit, solius Dei cuncta supercilio moventis est, ut unus omnia videat, & provideat. Præterea status Optimatum imperio subiectus, medium locum, qui virtutis sedes est, occupat, inter extrema vitiis infesta. Sicut enim distat à seditione tumultuque populari, ita ab imbecillitate consilii inopia, qua Monarchia laborat, subdita unius imperio, cui & virium & consilii est minus, quam Optimatibus, qui & facilius & felicius consociatis laboribus munia reipublicæ exequentur. Hac ut existimo ratione motus Plato, 2 triginta viros mediæ ætatis delegit, ad publica civitatis munia obeunda, remque publicam administrandam, quod nimirum in uno defectum, in multitudine turbas timuerit. Eundem numerum in senatu suo etiam Lacedæmonii habuere, quia inter pauciores facilius cum deliberatio instituitur, invenitur votorum concordia. Ille tamen tricenarius numerus non est adeo religiosus, ut augeri aut minui salvis auspiciis non possit. Poloniam olim duodecim Palatini, sicut & Saxones duodecim Comites gubernabant. 3 Thietmar si quadraginta octo primoribus paruerunt. 4 Circassii præfunt septem principes. 5 Numerum Platonicum exceßerunt Thebani, 6 Megareses, 7 Epidaurii, ex quibus centum octuaginta rempublicam rexerunt. 8 Massilienses, quorum senatus sexcentis constat civibus, 9 Norimbergenses, quorum consilium ex trecentis viris coalescit. Veneti tandem, qui plures ad magnum consilium admittunt. 10 Libertatem quoque sub procerum regimine degere securius, ostendi alibi, 11 illa ratione, quod neque illi omnes simul servitutem, nec unus ex illis tyrannidem inducere possit, quia unius machinationibus obstant consilia cæterorum, omnium autem molitioni, ipsa rei natura atque conditio adversatur. Quomodo enim multi conspirare possunt, ut reges simul fiant. Nam si regnandi libido eos invaderet, quisque sibi potius optaret regnum, quod utique juxta Poëtam, nescit ferre focium.

Et

2 6. De legib.

3 Crantzius.

4 Auctor. de

expedit.

Regn. Dan.

in Thietm.

5 Boter. part.

2. lib. 10.

6 Thucid.

lib. 3.

7 Idem lib. 4.

8 Plur. in A.

poph. Græc.

9 Strabo.

10 Janot. de

rep. Venet.

&amp; Contaren.

lib. 1.

11 polit.

quæst. Disp.

1. quæst. 2.

§. 1.



Et illud non parum statum Aristocraticum commendat, quod gubernacula rerum dignissimo cuique tribui oportere natura ipsa admonemur, dignitas autem jam ex virtute, jam ex nobilitate existit, utut sit, Aristocratia erit. Quod si dignitatem opibus metimur, cum opulentiorum ubique parcius sit numerus, & inopum multitudo fere infinita, etiam census statum paucorum constituet, quibus pari reipublicæ felicitate, atque illis, quos vitæ morumque integritas commendat, publica gubernacula committuntur. Sicut enim illi virtute, ita isti utilitate, moventur ad tutandam rempublicam, sine cujus salute non vident privatarum opum suarum salutem. Denique statum hunc laudatissimæ gentes & olim amplexæ fuerunt, & nunc amplectuntur. In imperio Romano pleræque civitates liberæ sub isto florent regimine. Hebræi, judices seu optimates primo delegerunt, teste Josepho & Sigonio, 12 quod confirmat pluribus Petrus Cunæus, 13 qui meminit concilii cujusdam magni Sanhedrin appellati, in quod erant adscripti septuaginta assessores, id concilium cum constitutum esset à Moyse, semper deinde sub judicibus regibusque & pontificibus usque ad extremam Judææ desolationem fuit, mansitque in ea urbe, quæ sanctuarii sedes atque reipublicæ arx esset. Unde postquam templum Hierosolymis fuit constructum, concilii magni sedes in ipso sanctuario fuit, ut de divinis humanisque rebus senatores septuaginta cognoscerent, non hercule de plebe hominum lecti, sed nobilissimi omnes, qui amplitudinem majorum ac prisca familiæ decora præ se ferebant. Eam sedem illis summus Moyse assignaverat. Convenire enim illos in locum jussit, quem elegisset Dominus, uti nomen suum illic adoraretur à populo. Ab his provocatio non erat, quicquid decidere cæteri magistratus judicesque in Palæstinæ oppidis, atque in ipsa urbe Hierosolyma, id omne ad horum jurisdictionem pertinuit. Qui auctoritate & honore præcellerent, inter eos duo fuere, quorum unus totius Synedrii caput erat, & à Talmudicis Princeps in omni loco dictus est: alter huic proximus, sed minor fuit, quem Patrem judicii appellavere. Cæteri inter se æquales fuerunt. Hæc citatus Cunæus ferè ad verbum.

Meminit præterea prædictus scriptor viginti trium virorum, qui de capite fortunisque Hebræorum judices sedebant.

Deni-

12 Joseph. lib.  
1. Antiq. Si-  
gon. de Hebr.  
repub.  
13 De repub.  
Hebr.



Denique Rabbi Maimonides refert, etiam collegium quoddam triumvirale apud eandem sacram gentem extitisse. Post Hebræos Lacedæmoniorum olim respublica, è Monarchia Aristocratia & Democratia erat constituta. Habuit enim Regem, qui Monarchiam, Senatum qui Aristocratiam, Ephoros qui Democratiam repræsentarunt. Huic persimilis est potentissima rerumpublicarum Polonia, ubi Rex, Senatores, & Legati, qui vices populi sustinent, in commune consultant: quanquam Legati non à toto populo, sed tantum ab equestri ordine ad comitia mittuntur. Plebs enim in hoc regno non habet vocem, sed tantum gemitum, parumque imò nihil abest à conditione mancipiorum antiquorum, nulloque ferè jure tuta est, & fortunæ ac vitæ pendent à favore dominorum, quod utrum rectè & Christianè (loquor de oppressione, quæ secundum Theologos clamat in cœlum) fiat, alibi fortassis videbimus.

Sed & in Gallia cum reges impotentes dominarentur, optimates imperium susceperunt, sacra, leges, judiciorum potestatem, tenuerunt, nobiles rem curarunt militarem, plebs occupata fuit in agris & opificiis. De Venetorum Aristocratia melius est silere, quam parum dicere.

## S. II.

*De Aristocratia incommodis.*

STATUS Aristocraticus quamvis multis partibus melior sit populari administratione, quam perinde ac pessimam censent fere omnes, & plerique illam inter prolapsas respublicas connumerant, sunt tamen plurima, quæ etiam illum infamant. Et in primis discordia & implacabilia odia, quæ inter imperantes facillime excitantur. Patet id exemplo Etheoclis & Polynicis, qui cum ejusdè patris ac matris essent filii, post fata parentis pactum inierunt, ut alternis annis regnarent. Ergo exacto primo anno, quo Etheocles ob ætatis prærogativam regnavit, nec postea fratri juxta pacta conventa cessit, bellum inter fratres exortum est, in quo ambo mutuis vulneribus conciderunt, quorum cadavera cum uno eidemque rogo fuissent imposita, flamma se divisisse traditur, tanquam odium illud, quod regnandi cupido inter vivos excitaverat, ne mors quidem sopire poterit.



erit. Castor etiam & Pollux, quanquam ex uno ovo, diversis tamen ( si Horatio credimus ) ducti fuerunt studiis. Sunt & alia hujusmodi plurima, ad quæ egregiè accinit Poëta:

*Nulla fides regni sociis, omnisque potestas  
Impatiens consortis erit: nec gentibus ullis  
Credite, nec longe fatorum exempla petantur,  
Fraterno primi maduerunt sanguine muri.* 1

1 Lucan. lib.

1.

Et Seneca:

*Nec regna socium ferre, nec tædæ sciunt.* 2

2 In Agamemnon.

3 5. Polit.

Ab his non multum diversa sentit & Philosophus: 3 *Nobilitas, inquit, generis & divitiarum principia & fontes sunt seditionum*: ex his autem ingentia oriri in commoda, & experientia docet, & testatur cum Julio Cæsare 4 Romanus orator Tullius. 5 *Nequè, ait, civitas in seditione potest esse beata, nec in discordia dominorum domus, quominus animus, à seipso dissidens, secumque discordans, gustare parrem ullam liquidæ voluptatis & liberæ potest: Atque pugnantibus contrariis studiis, consiliisque semper utens, nihil quiete videre, nihil tranquille potest.*

4 Lib. 7.

5 Lib. II. de finibus.

Erunt fortassis nonnulli, qui hanc ipsam procerum discordiam, quam nos hic improbamus, ad salutem reipublicæ referent. Etenim si concordēs secum vixerint, magnopere ( dicit Bodinus alibi à nobis relatus ) metuendum est, ne publica & privata liberè omni metu sublato depeculari eis liceat: cui malo, non alia præsentior medicina videtur esse, quam inter illos dissidia, quibus intercedentibus, mutuis accusationibus, suas ipsi sordes, expilationes, peculatus, ac furta palam detegent, sicque lupis sese invicem vorantibus, greges interim atque armenta in tuto manebunt. Exemplum hujus rei ostendunt primo in republica Romanorum, quæ tribunis sæpe dissentientibus stetit, concordibus momento ruitura: deinde in Catone, viro Romanorum omnium prudentissimo, qui sicut servorum in sua familia ita & magistratuum in sua civitate suspectam habens concordiam, occultè inter eos odia ferebat, 6 ut mutuis accusationibus, quasi vulneribus, improbi caderent, boni verò laudem adipiscerentur. Nec fieri posse existimabat, ut in magna servorum ac magistratuum concordia, alteri rempublicam, alteri privatam, aut impunitate proposita, aut certè accusationis metu securi, non deriperent. Itaque non dubitavit quinquagesies accu-

6 Plut. in Catone majore.

culare,



cusare, ipse vero quadragies accusatus est, vitæ tamen antea actæ, ac rerum laudabiliter à se gestarum conscientia fretus, omnium adversariorum facile calumnias elusit.

Sed & ipse Romanorum senatus ingentem vim pecuniæ Marco Bibulo obtulit, ut consulatum emeret, æmulusque Cæsaris factus, potentiæ ipsius resisteret, qui Luceium amicum, ad petitionem consulatus callide subornarat, quo facilius omnia nutu arbitrioque suo concordî & consentiente collega gereret.

7 Dissidiis etiam florentissimum Galliæ populum olim stetitisse  
 „ incolumem auctor est Cæsar. 8 In Gallia, inquit, non solum  
 „ in omnibus civitatibus, atque in omnibus pagis partibusque,  
 „ sed pene etiam in singulis domibus factiones sunt, earumque  
 „ factionum principes sunt, qui summam auctoritatem eorum  
 „ iudicio habere existimantur, quorum ad arbitrium, iudici-  
 „ umque, summa omnium rerum conciliorumque redeat, id-  
 „ que ejus rei causa antiquitus institutum videtur, ne quis ex  
 „ plebe contra potio-rem auxilii egeret. Suos enim quisque op-  
 „ primi & circumveniri non patitur, non aliter si faciat ullam.  
 „ inter suos habet auctoritatem. Hæc eadem ratio est in sum-  
 „ ma totius Galliæ namque omnes civitates in partes divisæ  
 „ sunt duas.

7 Sueton.

8 Lib. 6.

Comment.

Huc spectat, quod & Lycurgus legislator sapientissimus discordias inter duos Lacedæmoniorum reges ferebat, & legatos, inter quos male convenire scivit, simul jungebat, ne videlicet rempublicam mutua conspirationis concordia proderent. 9

9 Bodin. lib.

4 de Rep.

cap. 5.

Hæc & alia istius argumenti plurima congerunt ii, quibus nimis placet sua Aristocratia. Sed illa speciosa magis sunt, quam vera. Quis enim tam hospes est in civili prudentia, qui dubitet, rectores in rebus publicis bene prudenterq; moderatis, summè concordēs esse debere, ut communia universorum commoda felicius promoveant, & civium inter ipsos concordiam foveant ac tueantur. Cum enim omnium sapientium consensu respublica referat corporis humani imaginem, cujus forma salus & functiones non consistunt sine temperatissima humorum concordia, illaque admirabili membrorum inter se colligatione, facile est judicare rerum publicarum quoque vitam atque salutem sitam esse in concordia imperantium, in discordia, perniciem & interitum.



10 Lib. 4. de  
republ. cap. 5. Nec multum moveor auctoritate Bodini, scriptoris alioqui accuratissimi, qui contrarium sentire videtur, 10 asserens, ex repugnantibus maximeque inter se contrariis humoribus atque partibus totam hominis naturam esse coagmentatam. Non multum, inquam, moveor, quia (ut cum Philosophis loquar) qualitates etiam toto genere diversæ servant inter se pacem, si non nimium intendantur.

Exemplis commemoratis possumus probare discordias magistratuum, inferioris ordinis in statu Aristocratico, non autem ipsorum optimatum: imo & majorum magistratuum, sed in Monarchia, quia illæ facile sedari possunt auctoritate & imperio supremæ potestatis: At in optimatum & popularibus imperiis dissidia inter majorum gentium magistratus cum summo periculo sunt conjuncta, nisi fuerint publicæ potius quam propriæ utilitatis gratia exorta, cujusmodi commemorantur inter Scipionem Africanum, & Fabium Maximum, Lepidum, & Fulvium, Marcum Scaurum & Catulum, Themistoclem & Aristidem, quorum egregia de virtute contentio extitit reipublicæ salutaris: dissensiones verò inter summæ potentix dynastas privati commodi causâ excitatæ, quales fuerunt inter Cæsarem & Pompeium, Augustum, & Antonium, aliosque consimiles, arma in primis civilia movent, deinde conversionem aut eversionem rerum publicarum adducunt.

Alterum status Aristocratici incommodum est, quod subditi non possint facile jussis imperantium parere, præsertim si & ipsa mandata fuerint discrepantia. Sicut enim flantibus simul contrariis ventis.

*Nescit cui domino pareat unda maris; II*

11 Ovid. lib.  
1. Trist. E-  
leg. 2.

Ita pluribus simul diversæ imperantibus, nequit populus rectè atque unanimiter obtemperare, unde studia partium, & ex his arma civilia sequi necesse est. Et revera, si juxta divinam veritatem nemo potest duobus dominis servire, quomodo innumera- biles alicujus reipublicæ populi pluribus imperantibus obedi- ent? Vidi ego, dum adhuc essem adolescens, unum examen a- pum inquietissimum, cujus pars media, quasi classico dato, ex alveari erupit, & in arbore proxima castrametata est, parte altera in alveari remanente, penes regem, qui, (ita fit, quando novis apibus novæ sedes assignantur) in cavea intra alveare deti-



detinebatur, donec illis penetibus assuesceret: Mirabatur ap-  
 arius tantam animalculorum summam alioqui socialium discor-  
 diam, cujus non alia fuit causa, quam quod plures, qui impe-  
 rarent, fuissent. Reperti enim erant præter illum regem, qui ut  
 dixi in cavea manserat, alii duo reges, quorum ductu pars præ-  
 dicta secessionem fecerat, quibus tandem necatis, regi quem  
 deferuerat, summa fide ac constantia adhæsit.

Habet quoque hoc in se Aristocratia pestiferum malum;  
 quod etiam ii, qui olim fuerunt viri optimi, omniumque con-  
 sensu probati, potestatem tamen regendi adepti, sæpe insolentes  
 ac pessimi evadant, & tyranni efficiantur, ut non immerito  
 Marcus Agrippa coram Augusto dixerit, Aristocratiam pau-  
 corum tyrannorum statum sibi videri, ac præstabilius esse, non  
 plures uno tyrannos habere: non immerito, inquam, dixit, con-  
 sideratis triginta tyrannis Atheniensium, & Decemviris Roma-  
 norum.

Jam vero qui Aristocratiam ex eo cæteris regiminibus præ-  
 ferunt, quod illa medium Democratiam inter ac Monarchiam  
 locum teneat, loquuntur quidem cum vulgo, sed cum eodem  
 & falluntur, siquidem non quodvis medium virtuti sacratum  
 est, sed illud tantum, quod est extremis vitiorum interjectum.  
 Aristocratia non est ita media inter Monarchiam & popularem  
 statum posita, sicut virtutes inter vitia, sed sicut parvus nume-  
 rus inter minimum & maximum: at numeri, qui extremi sunt,  
 semper primas obtinent, & medio potiores habentur. Ex iis  
 namque, quæ expetimus, maximum eligimus, eorum verò quæ  
 averſamur, minimum facilius sustinemus, medio nec in bonis  
 nec in malis sumus contenti.

Sed nec illud pro hoc paucorum dominatu plurimum facit,  
 quod imperandi cura inter plures sit divisa, non inquam pluri-  
 mum facit. Nam

*Segnius expediunt commissa negotia plures.*

Fateor multa ejusmodi esse, quæ auxiliares manus non tantum  
 non respuunt, verum etiam exposcunt, sed sunt etiam non pau-  
 ca, quæ auxiliis impediuntur, ex quorum numero quin etiam  
 sit reipublicæ regimen, nemini ut equidem judico dubium esse  
 potest. Cum enim respublica juxta sapientissimos viros 12  
 similis sit cytharæ, aut cuiusvis alii musico instrumento, sicut una

12 Plut. de  
 Unius in rep.  
 domin.



eademque cythara, nequit simul pulsari à pluribus, quin cacophonia aures convivii offendantur: ita nec respublica tractari potest simul à pluribus, quin in multis suis partibus lædatur.

Denique nec consiliorum diversa omnino ratio est in Aristocratia, ab ea, quæ in Democratia cernitur, & quam nos paulo ante minùs rectam esse ostendimus: cum enim jus suffragii in utroque regimine sit penes plures, & in utroque sententiæ non ex pondere, sed ex numero æstimentur, utrobique ita meliora consilia à deterioribus superantur, sicut numerus bonorum vincitur ab improborum imperitorumque multitudine. Sunt & alia quibus hæc imperandi forma laborat vitia plurima. Sed illa prosequi & probare latiùs otium mihi non est.

## C A P U T V I.

### De Monarchia seu unius Imperio.

#### §. I.

#### *De Laudibus & Commodis Monarchici Imperii.*

<sup>1</sup> De Clement. lib. 1. cap. 19.

<sup>2</sup> Beroald de opt. Star. reip.

<sup>3</sup> Pontan. de obed. cap. 2.

<sup>4</sup> Georgic. 4.

**O**pinio Monarchiam collaudantium ipsius naturæ exemplis munita est. Natura, inquit Seneca, <sup>1</sup> commenta est regem: & recte. Nam in toto universo unus est Summus Monarcha DEus: unus sol diei præest: luna itidem est una noctis oculus: gemini soles si forent, metuendum esset, ne conflagrarent & perirent omnia. <sup>2</sup> Unum regnum natura in arce, mentem scilicet, rex regum collocavit: in membris cor movet omnia. <sup>3</sup> In reliquis animantibus, hæc quoque imago unius imperiiprehenditur. Inter quadrupedes leo dominatur, inter aves principatum aquila tenet, gruum volatus longiores, sine duce non suscipiuntur, habent & cervi unum quem sequuntur, rex unus in apibus, quo incolumi mens omnibus una est, <sup>4</sup> dux unus in gregibus, in armentis rector unus, quæ omnia clamant, in republica oportere unum esse regem tanquam caput, à quo nequaquam salva salute membra possunt dissentire.

Est autem regnum sive Monarchia omnium antiquissima & prima reipublicæ forma. Etenim, cum easdem in sedes ac familias homines confluerunt, ille, qui ætate antecelluit, naturali



turali quodam jure, imperandi auctoritatem potestatemque sibi vendicavit, habuitque potestatem, bonos remunerandi, malefactores autem puniendi, ac interficiendi, ut cum Theologis docent Politici, quos supra, ubi egi de patria potestate, retuli.

Ex quibus facile intelligi potest, cum natura ipsisque mundi incunabulis regni seu monarchiæ tyrocinia extitisse, & etiam his nostris sæculis, in remotis mundi plagis inter homines, qui nihil præter naturam noverunt, esse quandam monarchicam politiam. Ergo si optime sese habent, quæ naturæ congruunt, eò quòd illa optima & prudentissima artifex, non nisi optima & perfectissima quæque in suo genere efficiat, profectò ad magnam laudem Monarchiæ pertinet, esse tam præclaræ parentis sobolem.

Itaque non immerito princeps ingenii & doctrinæ Plato, Monarchiam dicit esse cæterarum rerumpublicarum matrem. Aristoteles origine primam, 6 & cum eo Justinus, dum ait: 7 *Principio rerum, gentium, nationumque omnium imperium penes reges erat*; quod etiam Sancto Augustino placuit, 8 teste ingeniosissimo Arniseo, in sua doctrina Politica, 9 qui multorum testimonia commemorat, ut ostenderet, frustra Bodinum 10 contra totam antiquitatem pugnare, dum negat Monarchiam primam fuisse rerumpublicarum, cum violenter sit instituta à Nimrodo. Quod quamvis verum sit, non potest tamen ostendi, ante Nimrodi imperium homines sub alia reipublicæ forma vixisse, cum potuerint sparsim singulæ familiæ sine republica tamdiu habitare; illo etiam sæculo, quod aureum perhibetur, regale fuisse imperium, idque penes sapientes, existimat Possidonius, 11 de quo elegantissime more suo Seneca. Hi, inquit, (intelliges reges) continebant manus, & infirmiores à validioribus tuebantur, suadebant dissuadebantque, & utilia, atque inutilia monstrabant. Horum prudentia, ne quid deesset suis, providebat, fortitudo arcebat pericula, beneficentia agebat ornabatque subjectos officium erat imperare, non regnum. Nemo quantum posset adversus eos experiebatur, per quos cœperat posse: Nec erat cujusque aut animus in injuriam, aut causa, cum bene imperanti bene pareretur, nihilque rex majus minari malè parentibus posset, quam ut abiret è regno. Homerus quoque Agamemnonem, penes quem regia,

53. De legibus.

6 1. Polit.

cap 2.

7 Lib. 1. in princip.

8 De Civit.

Dei cap. 6.

9 Cap. 9. De

Monarch.

10 2. Dere.

pub. cap. 14.

11 Senec. E.

pist. 90.



regia potestas fuit, vocavit pastorem populorum, innuens, ut gregibus pastorem, ita populis regem, & utilem esse, & necessarium. Habet ad extremum regia gubernatio laudem suam à maximis Principibus, Leone & Constantino, quorum ista verba extant in Ecloga Jur. ab ipsis compilata. 12 *Rex legitima est praefectura, commune subditis omnibus bonum, neque ex odio puniens, neque ex affectione benefaciens, sed veluti aequus certaminis iudex, sua cuique premia aequè praebens. Scopus regi est, bonorum quae extant, & iurium per probitatem custodia & tuitio, amissionum verò per vigilem diligentiam recuperatio, quaeque non extant, per sapientiam iustosque modos acquisitio. Finis Principis benefacere, unde & benefactor vocatur, adeo ut si quando beneficentiam neglexerit, Principis formam adulterare diceretur antiquis. Obligatus est Princeps custodire, primum quidem omnia in sacra scriptura conscripta, posthac & in sanctis septem synodis constituta, tandem & Romanas quae extant leges.*

Jam verò, si omnia quae divinitus sunt instituta, iusta, recta, atque sanctissima esse non dubitamus, quis dubitabit, imperium Monarchicum esse rem quandam sanctissimam? Quod rex regum genti sibi pra omnibus dilectae praecipit, eique conditiones praescripsit. Cum ingressus, inquit, fueris 13 *terram, quam Dominus Deus tuus dabit tibi, & possidens eam, habitaverisque in illa, & dixeris: Constituam super me regem, sicut habent omnes per circuitum nationes, eum constitues, quem Dominus Deus tuus elegerit de numero fratrum tuorum. Non poteris alterius gentis hominem regem facere, qui non sit frater tuus. Cumque fuerit constitutus, non multiplicabit sibi equos, nec reducet populum in Aegyptum, equitatus numero sublevatus, praesertim cum dominus praeceperit vobis, ut nequaquam amplius per eandem viam revertamini, non habebit uxores plurimas, quae alliciant animum ejus, neque argenti & auri immensa pondera. Postquam autem sederit in solio regni sui, describet sibi Deuteronomium legis hujus, in volumine accipiens exemplar à Sacerdotibus Levitica tribus, & habebit secum legetque illud omnibus diebus vitae suae, ut discat timere Dominum Deum suum, & custodire verba & caeremonias ejus, quae in lege praecepta sunt. Nec elevetur cor ejus in superbiam super fratres suos, neque declinet in partem dextram, vel sinistram, ut longo tempore regnet ipse, & filius ejus super Israel.*

Mirabitur fortassis aliquis, cur indigne tulerit Deus summam



nam rei à Samuele ad regem transferri, cum tamen illud & probaverat antea, & futurum pro indole dixerat sacri populi. Ad quod eruditè respondet Rabbi Maimonides teste Petro Cunæo, 14 quia videlicet regem concupiverunt, per ambiguas querelas, seditiosasque voces, nec uti legis præceptum peragerent, sed quod displicebat illis sanctissimus vates Samuel, ad quem vox illa numinis extat: *Non te illi abjecerunt, sed me, ne regnem super eos.* 15

14 Lib. 1. de  
repub. Hebr.  
cap. 14.

15 1. Regum.  
8.

Regredior ad Aristotelem, ex cuius scriptis Monarchiam, & antiquissimam & sanctissimam rem esse comperio. Sunt autem verba Philosophi istiusmodi. 16 *Quapropter primò sub regibus civitates erant, nunc verò etiam gentes, nam ex his qui suberant regno processerunt. Omnis autem domus regitur à seniore, quare & colonia inde propagata, propter consanguinitatem.* Et hoc est, quod inquit Homerus:

16 Polit. lib.  
1. cap. 1.

*Iura dant singuli natis & uxoribus.*

*Sparsim namque etiam sic antiquitus habitabant, & DEos ob hoc ipsum putant cuncti regem habere, quoniam & ipsi, partim nunc, partim antiquitus sub regibus degebant. Quemadmodum verò formas humanas Diis attribuant homines, sic etiam vitas.* Hæc Aristoteles.

Unde non ineptè possumus argumentari. Antiquitus nec Aristocratiam nec Democratiam cognitam fuisse, sed solum regale imperium: alioqui sicut unus rex supra cæteram Deorum turbam creditus fuerat, ita inter eosdem Deos, & Plebes, & Optimates crediti fuissent: aut certè si etiam potentum, aut populi imperia, veteres illi fuerunt perpeffi, quia nunquam pejus habuere quam sub illis, & nunquam melius quam sub regibus, id quòd optimum inter se experti fuerunt, Diis quoque attribuisent, sicut quia videbant inter universas animantium species humanas formas esse meliores, & nobiliores, ideo solas humanas Diis affinxerunt.

Sed vetera hæc recentiora sunt, & quotidiana, quòd nos ipsi in solis regibus ac Monarchis sanctitatem quandam præcipuam, & agnoscamus, & confiteamur, sacram illorum majestatem appellando.

Quod si commodorum præsertim publicorum maximam rationem habere debemus, non aliud regimen utilius præ Monarchia



narchia reperiemus. Nam cum consociatæ multitudinis maximum sit bonum, ut ejus unitas pace conservetur, quantò ad pacem efficacius fuerit, & ejus unitatem servandam imperium, tanto utilius erit, manifestum autem est, quòd unitatem magis efficere potest, quod est per se unum quam plures. 17

17 Thom. de  
princ. regim.  
cap. 2.

Certum est & illud, quod qui iisdem rebus præsumunt perpetuò, quamvis ingeniis minùs valeant, diuturno tamen exercitio ceteros superent: Et cum sibi omnia incumbere sciant, diligentius singula negotia perpendunt, & feliciùs conficiunt: secus verò est, tam ubi non perpetuis magistratibus funguntur, quam ubi in multos divisum est imperium. Nam qui ad breve tempus dominantur, priùs ad privatam vitam redeunt, quam publicorum negotiorum aliquam scientiam per rerum usum consequantur: quo in casu idem timendum est, quod & in morbis, in quibus fit crebra medentium mutatio. Multitudinis vero regentium ea fere conditio est, ut alii alios intueantur, interim multa negliguntur. Homines in hoc imperio constituti, non solùm publicis curis, sed etiam domesticis negotiis sunt occupati, unde major est privata cuique stimulatio, quam publica sollicitudo. Hinc antiquissimus & sapientissimus Poëtarum Homerus dixit: 18

18 .Iliade,

*Nec multos regnare bonum, rex unicuique esto,  
Unius imperium, cui Iuppiter aurea magnus  
Sceptra dedit, iussitque suis dare jura tuendis.*

Possẽm hic innumerabilia nobilissimarum nationum referre exempla, quæ sub regali imperio diu tranquillè ac beatè vixerunt. Sed quia passim obvia sunt, consulto abstineo.

## §. II.

### *De Monarchia Incommodis.*

**P**rimum quo Monarchia laborat incommodum est, mors Principis, quæ plerumque secum trahit reipublicæ mutationem, & nonnunquam etiam conversionem, quæ rebus publicis non possunt esse non periculosissimæ. Ubi enim est novus rex, ibi veteri proverbio etiam nova lex, novi magistratus, imò & novi hostes. Et quamvis Princeps ea sit ætate, animique constantia, ut mores antiquos quam maxime velit servari, pa-

cta



Et tamen ac fœdera, cum finitimis inita, morte principis expi-  
rant, novique motus cientur, qui optimatum atque populare  
regimen minimè infestant, maximè si perpetua fœdera inter-  
cesserint.

Alterum incommodum est Anarchia, quæ est quædam (ut  
ita dicam) reipublicæ viduitas orbitasque, fatum Principis con-  
sequens, quæ tunc periculosior esse solet, quando Monarchia  
non jure sanguinis, sed electionis acquiritur: imo nec jus suc-  
cessorium metu vacuum est, si plures liberi jus ad regnum æ-  
quale per omnia habuerint. Hoc enim eventu plurimæ factio-  
nes, inter subditos dissidia, inter fratres parricidia, inter partes  
civilia bella cooriuntur.

Tertium incommodum contingit, si hæres regni puer atque  
impubes fuerit, quod divina maledictione accidit. *Va tibi ter-  
ra.* (ait Spiritus Sanctus 1) *cujus rex puer est, & cujus principes* Eccles. 10.  
*manè comedunt.* Nec tutor testamentarius, legitimus, aut dati-  
vus, (ut Jureconsulti loquuntur) tanto malo sufficiens est re-  
medium. Nam & pupilli vitam parricidio, & rempublicam ty-  
rannidi esse obnoxiam, quis tot testantibus exemplis non videt?  
Certè si cui dubium est, illud vel sola Charilai mater tutrixque  
tollet, quæ filii cædem pacta est Lycurgo patruo, <sup>2</sup> ut imperi-  
um Lacedæmoniorum una cum vita filio eriperet. 2 Plutarch, in  
Lycurg,

Solent præterea unici principes, omnia pro sua libidine fa-  
cere, cives opprimere, subditos in servitutem redigere, bella  
propria superbia periculosissima denunciare, & rempublicam  
in summum discrimen adducere. Continet denique regalitas  
& hanc extremam reipublicæ pestem, quod facile licentia Prin-  
cipum in tyrannidem degeneret, ut multis ostendit testis tem-  
porum historia.

## CAPUT VII.

*De Rerumpublicarum inter se Comparatione.*

**V**idimus tres principes rerumpublicarum formas, & ea  
parte, quâ speciosæ sunt, & illa, quâ ad deformitatem  
declinant, secuti hac in parte Alexandrum Priamidem,  
judicem ab Jove supra trium Dearum formas constitutum, qui  
non ex sola facie sententiam tulit, sed ablatis tantisper earum



Lucian. in  
Dialog.

velaminibus, omniumque membrorum situ, figurâ, magnitudine, colore, succo, & symmetria, diligentissimo oculo (si Luciano i credimus) consideratis, palmam venustatis & pulchritudinis Deâ amorumque genetrici Veneri justissima sententia adjudicavit, justissimâ inquam sententiâ, quia quantum ad formæ decus attinet, nec ipse Momus, qui in omnibus diis quod carperet nunquam non inveniebat, in Venere quidquam reprehendere poterat, præter sandalia parum pedibus congrua.

Antequam autem sententiam pronuncio, exsertè dico, vitia commemorata non esse rerum publicarum stantium, floremque suum servantium, sed labantium atque ruentium, sicut nec morbus est corporis bonum habitudinem retinentis, aut mors hominis viventis. Quemadmodum tamen homo sanus adhuc & omnino integer, mortalis dicitur, ea potissimum ex causa, quod sit morti obnoxius, ita & respublicæ etiam dum vigent, iis vitiis prudenti hominum æstimatione infestari dicuntur, in quæ ipsæ de sua conditione pronæ sunt. Et meritò, quia ex sensu populari castrum, cujus custos ad colloquium cum hostibus venit, pro prodito judicatur, & ex vulgari Jurisconsultorum proverbio, cingendus pro cincto habetur.

2 Quæst. Polit.  
Disp. 1. in  
princ. p.

Illud etiam non est prætereundum, quod alibi quoque monui, 2 ut antequam de istis politiarum formis instituatur iudicium, fiat diligentissima collatio utilitatum & commodorum unius cum commodis & incommodis alterius, post quam comparisonem præstantior censenda est, non quæ ad minora vitia proclivis est, sed quæ tantas utilitates continet, ut illis vitia penitus ut ita dicam obruantur.

3 De Unius  
in rep. domi-  
nat.

Jam ergo, quæ trium prædictarum rerum publicarum melior sit potiorque, non facile dijudicari potest, cum quæque suos assertores habeat, & impugnatores. Nobilior pars fidem Platonis ac historiarum secuta, palmam detulit Monarchiæ, quam perfectissimo Musicæ instrumento comparans Plutarchus. 3 *Ea (inquit) sola potest perfectum illum, & orbium, sive rectum virtutis tonum, & contentionem sustinere, & utilitatem neque necessitatis, neque gratiæ causa inflectere. Reliqua id habent, quod ferre it, qui imperat sub imperio & potestate est, & qui gerit eas, ipse geritur ferturque quod non habet vim solidam, & stabilem, qualis*



qualis est in Monarchia, sed saepe cogitur *Æschyleum illud exclamare*, quo usus est *Demetrius Poliorcetes* amisso imperio:

*Tu me creasti, tu fers exitium mihi.*

Idem alio quoque loco. 4 De bonis, inquit, humanis duo hac, regnum & virtutem divinissima censemur atque appellamus.

Cum eo concordat *Joannes Casus*, 5 qui Monarchiam asserit omnium administrationum esse longe augustissimam beatam- que civitatis constitutionem.

Objici solent imperio regali, tum ea incommoda, quæ nos proximè retulimus, tum alia plura: Principem nimirum bonum imperioque idoneum non facile posse reperiri: Reges exactionibus intolerabilibus cives premere, & ad inopiam redigere, crudeles esse, boni publici negligentes, privati avaros. Ad quæ & hujuscemodi similia *Gregorius Tholosanus* 6 unica solutione respondet, quod scriptum à *Mario Maximo*, & dictum *Trajano* ab homunculo: Rempubicam prope meliorem & tutiorem esse, in qua princeps malus est, ea, in qua sunt amici principis mali, & ubi principes plures mali, siquidem unus malus potest à pluribus bonis corrigi; multi autem mali non possunt ab uno, quamvis bono, ulla ratione superari. 7 Hæc *Tholosanus*.

Nos quoque agnoscimus, his malis Monarchicum regimen esse obnoxium. Sed frustra quis queritur, cum ea sit rerum humanarum conditio, ut nihil sit ab omni parte beatum. Nec ideo Monarchiam cæteris politiis prætulimus, quod illa prorsus sit irreprehensibilis, sed quod illis comparata, minora vitia, & majora bona habere videatur. Philosophorum autem doctrina, inter bona majoris, inter mala minimi, præcipit electionem.

Democratia grata quidem est populo, propter humanissimum & levissimum nomen, videturque ex præscripto legum summam tueri æquitatem, sed periculo atque negotiis compertum est, minimè illi cum sua appellatione convenire. Contra, Monarchiæ nomen auditu difficile, penes unum tamen summam regiminis potestatem esse, conducibile omnium maxime est.

At difficile est, inquit, invenire unum Monarcham bonum, imperioque dignum. Hac machina plerique oppugnant Monarchiam.

4 In Erotico.

5 Lib. 4. cap.

2.

6 Syntag. Juris l. b. 47. cap. 15.

7 Lamprid. in Alex. Sec. ver.



narchiam. Sed certè non est putandum, aliquos Monarchia esse infestos, quod vellent optimos semper reipublicæ præfici, sed quia ipsi ambitiosi nimium, & magis sibi quam aliis deferri imperium desiderant. Experiuntur id quotidie illi, qui sub populari regimine degunt, videntque plurima viris indigna ab ambientibus magistratus committi, ut popularem auram aucupentur, ut probos astu, aut vi, à gubernaculis deturbent, utque ipsi imperent populi prætextu. Vidi (inquit Gregorius Tolanus proxime relatus) alicubi homunciones, civitatum magistratus municipales ambientes, & venales voces eligentium mercari, ut vel federent in populari administratione, cæteris optimis civibus infesti, vel ut prædam ex populo compilarent: vidi & eorum decurionatu ita reddi tumidos & inflatos, ut vix seipsos qui essent agnoscerent, quamvis scirent post annum abeundum esse magistratu. Quid bone DEus isti futuri essent, si perpetuam illis DEus donaret Democratiam? Certe tyrannis essent quibuscunque & lupis peiores. Ex vili enim plebis fece cum quis repente in honores erigitur, insupportabilis & omnino odiosus efficitur, utpote qui subita mutatione, velut ebrius honore, cuius indignus erat, quomodo in honore se temperare debeat, nescit: Ut facile inebriatur, qui sitim passus merum abunde bibit, cum sciat se iterum cariturum eodem. Cum tamen Princeps, & Monarcha perpetuus, omnibus numeris dignitate plenus rationem consideret, & dignitate satiatus, & assuetus ejus honoribus, nihil habeat antiquius in animo, si vel mica ei sit salis, quam fungi dignitate, certus quando, & quæ voluerit, subditis imperare se posse.

Atque hæc ostendunt, non solis regibus insitam esse superbiam, sed etiam cæterarum rerum publicarum magistratibus esse familiarem, tantoque intollerabiliorem, quanto illi regia excellentia sunt inferiores.

Sed ad id, quod est objectum, revertor, atque dico, facilius quempiam virum bonum unum, quam plures reperiri, ut si illum quis invenire difficile existimet, necesse est fateatur, plures inveniri longe difficilius esse.

Et quod de superbia dictum est, idem & de licentia dicendum est, nimirum quod felicibus & in summo humanarum opum



opum positis, quantò plus licet tanto minus libet. Voces illæ: *Sic volo, sic jubeo, stat proratione voluntas, Principis placitum lex est, Principi quod libet licet. Princeps lege solutus est*, voces, inquam, illæ, non sunt regum, sed tyrannorum. Aliter veri reges legitimique principes philosophantur. *Digna vox* (inquiunt Theodosius & Valentinianus imperatores <sup>8</sup>) *majestate regnantis, legibus alligatum se principem profiteri: Adeo de auctoritate juris nostra pendet auctoritas, & revera majus est imperio, submittere legibus principatum. Et oraculo presentis edicti, quod nobis licere non patimur, illis indicamus.* Divus quoque Alexander respondit: *nihil tam proprium esse imperii, quam legibus vivere.* Adde ingenium nobilissimorum mitissimum esse, ut ex Julio Cæsare, Augusto, Trajano, imò & Nerone ipso, quamdiu Princeps & non tyrannus fuit, licet perspicere: Contra popularis insolentiæ nullum esse modum aut finem. Unde non multum extra rem nostram sunt illa Nafonis <sup>9</sup> carmina

<sup>8</sup> Cod. de legib.

<sup>9</sup> Trist. lib. 1.  
Elegia 6.

*Quo quisque est major, magis est placabilis ira,  
Et faciles motus mens generosa capit.  
Corpora magnanimo satis est prostrasse leoni,  
Pugna suum finem cum jacet, hostis habet:  
At lupus & torpes instant morientibus ursi,  
Et quæcunque minor nobilitate fera est.*

Insigne licentiæ popularis specimen exhibuerunt Megarenses, qui postquam Theagenem Principem imperio deturbavissent, tanta licentia vivebant, ut teste Platone, locupletissimos quosque impune illis diripere licuerit. Pari licentia Helvetii quoque pulsa nobilitate, diutissime in fortunas opulentiorum grassati sunt. Quis igitur non elegerit, (siquidem aliter non licet) unius potius licentiæ objici, quam multorum insolentiam perpeti, unius inglaviem, quam plurium aviditatem satiare.

Itaque canones, tributa, indictiones, superindictiones, & alias istius generis pensiones, quæ ab uno principe subditis imperantur, graves quidem esse fatemur, sed longe graviores sunt exactiones, rapinæ, & peculatus, quos sub plurium regimine affatim reperiri, qui non videt, talpa sit oportet.

Cæterum si quando Monarchæ inclementius se adversus subditos gerunt, id non soli principum culpæ, sed nonnunquam etiam



etiam subditorum moribus adscribendum est, si Curtio credimus, juxta quem regum ducumque clementia, non in ipsorum modo, sed etiam in illorum, qui parent, ingeniis sita est.

Incommoda mutationum, quæ rebuspublicis cum novis principibus adveniunt, procul sunt à Monarchia, saltem illa, quæ successorio jure acquiritur, quamvis non ab altera, quæ videlicet civium suffragiis defertur. Sed illa leviora sunt, si consideremus Aristocratica aut Democratica hujus generis mala, ubi factiones & contentiones de imperio, deque summis honoribus, & frequentiores sunt, utpote annuæ, & nec multo minores, quam de summa rerum.

Jam verò, quod Monarchia proclivis sit ad tyrannidem, vitium id scriptores similiter in alias rerumpublicarum formas retorquent: Fatentur perniciosam esse tyrannidem unius, sed merito etiam dicunt, in Aristocratia tyrannorum multitudinem esse deteriorem, omnium autem deterrimam plebis impotentissimæ potestatem, quam Tullius tyrannidem maximam appellavit. Sed de hoc etiam sequenti capite.

## C A P U T V I I I.

### *De Tyrannide.*

**D**uplici ex causa caput de tyrannide hoc loco ponimus, tum quia paulo ante egimus de Monarchia, cui tyrannis adversatur, tum ut ostendamus, Monarchiam adhuc cæteris regiminibus esse potiore, quantumvis tyrannidi sit obnoxia.

Tria autem potissimum sunt nobis consideranda, primo, quid sit Tyrannis? Deinde, utrum liceat tyranno manus inferre? Tandem, si qui sunt ejusmodi tyranni, quos è medio tollere non licet, quo tandem remedio adversus eorum vim uti quis possit?

#### §. I.

#### *Quid sit Tyrannis.*

**N**omen Tyranni apud priscos in bonam partem accipiebatur, pro domino videlicet, rege, seu Monarcha, qui plenam



plenam obtinebat in subditos potestatem. Nam principio rerum omnium (ut supra diximus) quo societas hominum coalescere cœpit, ac reipublicæ forma quædam constitui, unius imperio ac dominatu omnia tenebantur, quem ad huiusmodi fastigium majestatis, non ambitio popularis, sed spectata inter bonos moderatio provehebat. Atque talis princeps ob suam egregiam fortitudinem Tyrannus vocabatur. Inde Maro 1

1 Eneid. 7.

*Pars mihi pacis erit, dextram tetigisse tyranni.*

Cum tempore tamen ille solum nomen tyranni retinuit, qui & vitia, id est, qui spretis gentium, ac naturæ legibus, subditorum bonis ac libertate ad libidinem abutebatur. Atque in ista appellatione Tyrannis nihil est aliud, quam dominatus unius ad proprium commodum.

Tyrannus etiam ille dicitur, qui focis ac civibus invitis, non cooptatus à Principe, non suffragio populi, non sorte, non hæreditario jure, non testamento, non justo legitimoque bello, non singulari quodam cœlestique oraculo creatus, in rempublicam invasit, teste accuratissimo rerum politicarum scriptore Bodino. 2

2 Lib. 2. de Repub.

Quæ sit inter Monarchiam ac Tyrannidem discordia, facundè explicat Joannes Casus. 3 Tyrannis, inquit, est pestis, Monarchiæ, quæ omnium administrationum est longe augustissima. Est enim Monarchia beata civitatis constitutio, est tyrannis ipsa civitatis lues atque miseria: est in Monarchia rex, aut consilio admissus, aut successione designatus, est verò in tyrannide truculentus leo: in Monarchia proponitur virtus, in tyrannide triumphat scelus: Leges in Monarchia aperte loquuntur, at in tyrannide oracula civitatis silent: in regno communi bono studetur, in tyrannide populus opprimitur.

3 In Sphær. lib. 4. cap. 2.

Ingenium tyrannorum veris coloribus expressit Poëta Claudianus: 4

4 Bello Gild.

*Instat terribilis vivis morientibus hæres,  
Virginibus raptor, thalamis obscænis adulter.  
Nulla quies: oritur præda cessante libidò,  
Divitibusque dies. Et non metuenda maritù.  
Quisquis vel locuples, pulchrâ vel conjuge notus,  
Crimine pulsatur falso: si crimina desunt.*



Effectus ty-  
rannidis.

*Accitus conviva perit, mors nulla refugit  
Artificem, varios succos spumasque requirit  
Serpentum virides, & adhuc ignota novercis  
Gramina, si quisquam vultu præsentia damnet  
Liberiusve gemat, dapibus crudelis in ipsis  
Emicat ad nutum stricto mucrone minister.  
Fixus quisque toro tacitâ formidine libat  
Carnifices epulas, incertaque pocula pallens  
Haurit, & intentos capiti circumspicit enses:  
Splendet Tartareo furialis mensa paratu  
Cæde madens, atrox gladio, suspecta veneno  
Ut vino calefacta Venus, tum sævior ardet  
Luxuries, mixtis redolent unguenta coronis.  
Crinitos inter famulos pubemque canoram  
Orbatas jubet ire nurus, nuperque peremptis  
Arridere viris. Phalarim tormenta que flammæ  
Profuit, & Siculi mugitus ferre iuvenci,  
Quam tales audire choros.*

Causa Tyran-  
nidis.

5 Job. 34.

Gravissimum profectò malum est generi mortalium tyran-  
nis, sed DEi est ordinatio, à quo longè abest omnis injustitia  
& iniquitas, & qui regnare facit hominem hypocritam propter  
peccata populi. 5

S. II.

*Utrum liceat Tyrannum occidere?*

**Q**Uandoquidem hæc pestifera vipera ( tyrannidem intelli-  
go, quod nascendo matri suæ, id est, reipublicæ exitium  
afferat ) tam exitiale vomit venenum, ut non attactu tantum,  
sed etiam afflatu illius civitates, respublicæ, & maxima imperia  
intereant, quæstio jam confurgit, an liceat tam per humana,  
quam per divina jura, tanti mali remedium morte tyranni quæ-  
rere? Videtur namque tyrannus persimilis esse scorpionis, cu-  
jus mortiferi ictus non alia medicina felicius curantur, quam  
si ipse Scorpio occisus atque contritus, plagæ quam intulit, fue-  
rit appositus.

Apud antiquos tyrannicidis tanquam patriæ liberatoribus  
maxima præmia fuerunt proposita, nobilitatis videlicet insi-  
gnia,



gnia, statua, corona, bona denique ipsius tyranni. Harmodio & Aristogitoni, 1 qui Athenas liberare tyrannide conati sunt, aræ effigies sunt posita. Apud Græcos lege concessum erat, ut tyrannicida præmio eoque maximo donaretur, ejusque imago in gymnasio poneretur. 2 Alceus Poëta aureo plectro donatus fuit, quia tyrannum insectabatur. Celebris est memoria Timoleontis Corinthii, quod occiderit Timophanem fratrem minorem, cum civitatem tyrannica libidine administraret. 3 Hercules, qui pene terrarum orbem emensus, monstra teterrima, id est, tyrannos incredibili virtute necavit, populosque innumerabiles ab immanium belluarum dominatu vindicavit, divinos honores consecutus est. Nam prisca vetustas de pulcherrimis omnibus factis non existimabat ullum esse illustrius, quam vitam, famam, ac fortunas tenuium & innocentium hominum ab injuria potentiorum defendere ac tueri, quando judiciorum aditus omnes sunt interclusi.

His exemplis multi in eum errorem induci fuerunt, ut existimaverint, passim ac omnibus jura atque arbitrium esse in vitam tyrannorum, contra quos Sancti Patres in concilio Oecumenico istum canonem constituerunt. 4 *Præcipua sollicitudine volens hæc sacrosancta Synodus, ad extirpationem errorum & hæresum, in diversis mundi partibus invalescentium, providere, sicut tenetur, & ad hoc collecta est, nuper accepit, quod nonnullæ assertiones erroneæ in fide, & bonis moribus, ac multipliciter scandalosa, totiusque reipublicæ statum & ordinem subvertentes dogmatizatae sunt, inter quas hæc assertio delata est: Quilibet tyrannus potest & debet licite & meritorie occidi per quemcunque vassallum suum, vel subditum, etiam per clancularias insidias, & subtiles blanditias vel adulationes, non obstante quocunque præstito juramento, seu confederatione factis cum eo, non expectata sententia vel mandato judicis cujuscunque. Adversus hunc errorem satagens hæc sancta Synodus insurgere, & eum funditus tollere, præhabita deliberatione matura, declarat, decernit, & desinit, hujusmodi doctrinam erroneam esse in fide & moribus, ipsamque tanquam hæreticam, scandalosam, & ad fraudes, deceptiones, mendacia, prodiones, perjuriam, vias dantem, reprobam, & condemnat.*

Qui canon certe & in se est sanctissimus, & principibus pariter, ac omni rerum publicarum speciei, summè salutaris, quibus

1 Vale. Max.  
lib. 2.

2 Quintil.  
lib. 7.

3 Gemistius  
& Pletho lib.  
1. de gest.  
Græc. post  
pugnam  
Mantinean.

4 Concil.  
Constantien-  
se Sess. 8. &  
15.



bus ex licentia occidendi sine discrimine tyrannos, certissimus imminet interitus. Nam plerique: optimi etiam principes, privati & iniustus malorum civium odiis, sub specie tyrannidis passim trucidarentur, unde in rebus publicis novi periculosique motus excitarentur.

Hoc tamen canone solummodo tuti sunt illi tyranni, penes quos sunt aut jura majestatis, aut legitima dominatio; item principes, & domini iusto gladio, aut jure aliquo imperium in subditos adepti. Horum enim, hisque consimilium personæ semper sanctæ debent esse subditis, ac civibus, sicut persona patroni & patris nunquam non sancta liberto subdito & filio videri debet.

Cæterum tyranni, quos nec voluntas populi, nec fors, nec hæreditas, non bellum legitimum, nec divinum responsum, ad imperium evehit, laudabiliter à quovis occiduntur juxta Bodinum. § Cui consentire videtur etiam sanctus Thomas. 6  
§ Lib. 2. de republi. cap. 5  
6 In 2. Sent. art. pen. cit. a Tholosano. Synt. Juris lib. 6. cap. 20.  
 Cujus rei ista potest reddi ratio, quod istiusmodi tyranni nec sunt domini, nec reges, nec principes, imo nec tyranni, nisi sermone abuti velimus, sed sunt publici latrones, rerum publicarum invasores, atque oppressores, contra quos proinde ipsa natura unicuique arma ministrat, cum docet vim vi esse repellendam.

Nec doctrina hæc pugnat cum prædicti concilii definitione. Nam concilium non dicit nullum tyrannum occidere licet, sed tantum istam propositionem damnat: *Quilibet tyrannus potest & debet licite & meritorie occidi, per quemcunque Vasallum suum, vel subditum, etiam per clancularias insidias, & subtiles blanditias, vel adulationes, non obstante quocunque præstito juramento seu confederatione factis cum eo.* Hanc, inquam, propositionem damnat, quæ docet sacramentum violare, fidemque frangere, & subditos armat contra legitimam potestatem, ut patet canonem diligenter consideranti.

### §. III.

#### *Quod est remedium contra Tyrannidem?*

**Q**uia tyrannum, cujus injuriæ, libidines, & crudelitates subditis sunt intolerabiles, non licet occidere, maxime si legitimum



gitimus fuerit princeps aut dominus, ideo remedia aliqua sunt adhibenda, de non tollendo, saltem molliendo malo.

Primo ergo Alvaroti est consilium, 1 ut hujus pestis medicinam quæramus, aut apud Imperatorem Romanorum, aut apud summum Pontificem. Idem suggerit Canon. *Duo & Capitulum Imperator* 96. *distinctione*, ut ille pro sua in omnes pietate ad defensionem injuria oppressorum utatur quam habet in omnes potestate, imperiumque illi adimat, qui ex eo omne fas præscripsit. Nec est inusitatum istud remedium. Nam Zacharias Summus Pontifex amovit ut inutilem regno Childericum anno Domini 751. & substituit Pipinum. Canon. *alius* 15. *quæstione* 6. 2. Et Stephanus Papa secundus privavit imperio Constantinum, & ejus filium Leonem, cum non subvenissent contra Astulphum regem Longobardorum, & transtulit in Carolum Magnum. 3.

1 Apud Tolo-  
los. lib. 6.  
cap. 20.

2 Paul. Emyl.  
lib. 2. de gest.  
Franc.

3 Cap. Venerabilem de elect.  
apud Gregor.

4 Lib. 1. ode  
4.

Alterum remedium est patientia. *Durum* (inquit Flacus: 4)

*Sed levius fit patientia, quidquid corrigere est nefas.*

Quia ut alter Poëta:

*Sæpe premente DEo, fert Deus alter opem.* 5

Ideo idem alibi. 6

*Cedimus? An subitum luctando accendimus ignem?*

*Cedamus, leve fit, quod bene fertur onus.*

*Vidi ego jactatas mota face crescere flammæ,*

*Et vidi nullo concutiente mori.*

5 Ovid. 1.  
Trist. E. eg. 2.  
6 I. Amorum

Diuturna, inquires, patientia vertitur in furorem, & omne onus tempore redditur gravius. Sed si Tragico credimus:

*Violenta nemo imperia continuit diu.* 7

7 Senec. in  
Troada.

Omnis enim nimia potentia saluberrima brevitate constringitur. Evolve annales Persarum, Græcorum, & Romanorum certissimè deprehendes, de omnibus tyrannorum imperiis illud Cornelii Taciti posse dici verissimè:

*Non Cinna, non Sulla longa dominatio, & Pompeji Crassique potentia cito in Casarem, Lepidi atque Antonii arma in Augustum cessere.* 8

8 Annal. lib.  
1. cap. 1.

Quid de paribus aut potentioribus loquor? Nemo non servus habet in tyrannos vitæ necisque arbitrium, & quicumque vitam suam contempsit, illorum est dominus. Vidit & ille ni-



mis brevem atque caducam malorum principum dominationem qui dixit :

*Quem dies vidit veniens superbum ,*

*Hunc dies vidit fugiens jacentem :*

*Sequitur superbos ultor à tergo DEUS. 9*

9 Senec. in  
Thyest.

Baltasar rex in meridie florem suum coram optimatibus suis explicavit, 10 nocte sicut fœnum aruit. *Vidi* (inquit regius vates) *impium superexaltatum, & elevatum sicut cedros Libani, & transivi, & ecce non erat, & quasiivi eum, & non est inventus locus ejus. 11*

11 Psalm. 37.

Quod si quando diutiùs quis regnavit, diutiùs certè & tormenta sustinuit. Nam secundum Senecam :

12 in Theba-  
id.

*Regna cum scelere omnibus exiliis sunt graviora. 12*

Unde etiam idem :

*Ne metue, inquit, pœnas & quidem solvet graves :*

13 Ibid.

*Regnabit ; hæc est pœna. 13*

Recte profectò regnum pœnam gravem judicat, quia in ipso est timor mortis pejor ipsa morte, isque non vanus aut puerilis. Unde Satyricus :

14 Juvenal.  
10.

*Ad generum Cereris sine cade & vulnere pauci*

*Descendunt reges, & sicca morte tyranni. 14*

Suspecta utcunque Poëtarum fides potuisset videri, nisi imperium esse pœnam usu edoctus Imperator Romanorum Saturnius, Princeps alioqui non pessimus, testaretur. *Nescitis, inquit, amici quid mali sit imperare, gladii & tela nostris cervicibus impendent, imminent hasta undique, undique spicula : ipsi custodes timentur, ipsi comites formidantur : non cibus pro voluptate, non iter pro auctoritate, non bella pro judicio, non arma pro studio. Adde, quod omnis ætas in imperio reprehenditur. Senex est quissiam, inhabilis videtur, sin minus, inest furor. Nam quod Imperatorem me capitis, in necessitatem mortis me trahitis. Sed habeo solatium mortis, 15*

15 Il. Vopisc.

Hæc atque hujus generis infinita clarè docent, tyrannos sibi quam aliis solere esse graviores, dominationesque illorum esse brevissimas, & quod consequens est, in illis tolerandis patientiam quoque non esse longam.

Tertium adversus tyrannidem remedium est probatissimum, Senatorum auctoritas, opes & splendor antiquarum familiarum,



rum, miles è patriæ nobilitate collectus, scholarum atque universitatum celebrium multitudo, viri docti, eruditi scriptores, Politici, Oratores, Poëtæ, denique summus erga patriam amor civium, summaque inter illos concordia.

Cum ergo ex his perspicuum sit, etiam huic malo, quod subinde Monarchica dominia infestat, non deesse suam medicinam, sequitur hac parte etiam Monarchiam non esse cæteris politiis deteriolem: aut si quis est, qui pessimum esse Monarchicum regimen ex eo existimat, quod ex ea facilis sit lapsus in tyrannidem, is & voluntatem atque arbitrii humani libertatem rem esse omnium pessimam asserat oportet, quia etiam illa in vitia propendet, & frequenter crimina atrocissima committit.

## CAPUT IX.

*Utrum reges nasci, an vero creari sit melius?*

**N**Ati an facti Monarchæ potior conditio sit, longa est altercatione quæsitum. Successionis aliis, aliis electionis placuit. Successionis principi congenitus ille honos est. Est namque princeps de principe natus, Electionis vero, natalium jure semoto, civium suffragiis designatur: natus majorum suorum regnandi seriem perpetuat, electus ipse sibi principium regni sui, ipse & finis: Qui nascitur in manu DEi est, qui eligitur, in hominum deliberatione.

Et quæstio quidem superficietenus inspecta ridicula posset videri, æque ac si quis quæreret, meliusne sit arte atque studio aliquid facere, an casu faciundum expectare? Revera tamen satis ardua est illius definitio, propter conflictum gravissimarum rationum, quæ pari robore pro electione atque successionem militant. Ergo, antequam pro hac aut illa pronuntiabo, argumenta seu rationes pro utraque in medium asseram.



## S. I.

*Rationes, quibus suadetur Principis Electio.*

Quantum consilium casui, tantum electionem nativitati principis plurimi præcellere existimant. Nam

1 Seneca in  
Thyest.

*Habere regnum casus est, virtus dare: 1*

habere videlicet jure sanguinis, non suffragii: dare autem, virtute imperium sibi quærere, & laudatissimis moribus judicia civium promereri. Est autem maximè rationi consonum, & rerum naturæ consentaneum, ut omnibus imperaturus ab omnibus eligatur. Electus enim diligentius & cautius imperabit. Nam cum pleræque res iisdem artibus atque mediis, quibus acquiruntur, etiam custodiantur, tum vel maximè regna atque imperia eadem omnino industriâ conservantur, qua & quæruntur, juxta illud:

*Non minor est virtus quàm quærere, parta tueri.*

Ergo judicio civium sceptrum quis adeptus, sollicitus erit, ut illud eodem judicio teneat, quod utique non contingit, sine magno virtutum studio, & perpetua erga cives gratitudine. Certissimum hujus rei argumentum habemus in Pertinace, optimo Romanorum imperatore, qui ad imperium voluntatibus optimorum civium erectus, & electoribus gratus extitit, & rempublicam ex voto omnium rexit. Gratitude, quam postea re ipsa demonstravit, his verbis in sua inauguratione firmissima fide populo pollicitus est, Me, inquit, magna ista atque egregia sicut honoris sensu obstupesciunt, ita metu quodam curaque sollicitant, siquidem arduum in primis est, magnis acceptis beneficiis paria referre. Nam in beneficiorum vicissitudine, si magnam gratiam referat, qui parvam debuerit, non tam facilis remunerandi expenditur, quàm in ipso argumentum grati animi commendatur. Sed cum prior quispiam eximia in te quædam contulerit, tum si illum parum amplè demerearis, non tam deesse quod reponas, quam ipse inops sensuum, ac planè ingratus, videre. Cerno igitur jam animo, quam mihi arduum sit propositum certamen, ne tanto à vobis accepto honore parum me fortasse dignum exhibeam. Quippe non in sella ipsa fastigium digni-



„ dignitatis, sed in operibus situm, quæ illam minimè dedeco-  
 „ rent. Nam quantum præterita odimus, tantum de futuris  
 „ bene speramus. Et ut tenax est injuriarum memoria ( quod  
 „ enim offendit nunquam obliteratur ) sic beneficia ipso exci-  
 „ dunt usu. Siquidem non tam delectat libertas quam servitus  
 „ offendit. Neque habendam quisquam gratiam putat, quod  
 „ rebus suis pro arbitrio utatur, quippe id sibi deberi jure autu-  
 „ mat. Qui vero suis exuitur bonis, nunquam sanè injuria-  
 „ rum obliviscitur. Neque quisquam lucro apponit, quod uti-  
 „ litatem in commune pariat. Quæ enim publicè profunt, pa-  
 „ rùm cuique curæ est. Sin quæ propria cujusque sunt, minus  
 „ ex sententia ceciderint, tum nemo secum satis benigne agi  
 „ putat. Ad hæc quicunque enormibus tyrannorum, atque  
 „ immensis largitionibus insuerunt, ii si frugalius paulo, aut  
 „ continentiùs ex pecuniæ inopia agere instituas, non tam id  
 „ moderatæ cuidam dispensationi prudentique attribuunt,  
 „ quàm avaritiam continuo sibi, & sordes exprobrant. Neque  
 „ autem cogitant neminem posse magna cuivis dilargiri, qui se  
 „ à vi, atque à rapinis absteineat. Qui autem rectè, ac pro cu-  
 „ jusque dignitate dispensat, non modo nihil cuiquam injustè  
 „ eripit, sed & cæteros frugi esse docet, & parcere parto. Hæc  
 „ igitur cum animis vestris reputantes adnitimini vos quoque  
 „ mecum patres, communemque hanc imperii administratio-  
 „ nem existimate. Quippe in republica optimatum non au-  
 „ tem sub tyrannide victuri, cum ipsi optimam habere spem,  
 „ tum reliquis etiam debetis polliceri. 2 Longior fui id refe-  
 „ renda ipsius oratione. Sed quia ingenium ex ipsa electi opti-  
 „ mique principis, faciliè cognosci potest, consulto id feci.

2 Herodian.  
 Hist. lib. 2.

Quam vero egregiè fuerit moderatus idem princeps impe-  
 rium, inde colligere licet, quòd ab omnibus habitus fuerit seri-  
 us & clemens princeps, parensque adeo magis quam Impera-  
 tor. Et meritò: etenim & militibus edixerat, ne cui ex populo  
 contumeliam facerent, neve quempiam viatorem pulsarent,  
 cuncta denique ad honesti cultum, modestiamque refere-  
 bat. Ipse cum ingrederetur, aut jus diceret, comem scilicet ac  
 mansuetam indolem ostendebat: & cum Marcum inprimis re-  
 ferre videretur, seniores quidem admonitu delectabat, reliquos  
 autem à crudeli contumeliosaque tyrannide, ad modestam vi-



tam tranquillamque vindictos, facile ad se amandum impulerat. Quæ cum fama latiùs evagaretur, nationes omnes atque exercitus subiectos Romanis, aut amicos, ad deferendos ei divinos honores incitavit. Quin Barbari quoque, si qui aut frenos depulerant, aut seditiones moliebantur, metu virtutis quam præstitisse eum superioribus bellis meminissent, justitiæque fide, cum neminem ab illo scirent ultro offendi, sed gratiam cuique pro meritis referri, vimque abesse & crudelitatem, sponte illi se dediderunt. Legationes præterea undique confluebant gratulatum Romano populo, quod Pertinacis imperio gubernarentur. Ita omnibus publicè privatimque gratum fuit, modestum mansuetumque principem populo Romano contigisse. Certe ubique ille mitem illam civilemque gubernandi rationem diligentissimè servabat, milites à rapinis injuriisque ad temperatum vitæ cultum revocavit, quicquid in Italia aut alibi gentium inculti soli, etiamque sub regibus vacaret, id totum occupantibus ac colentibus adjudicavit, decemque annorum immunitatem, ac perpetuam libertatem agricolis concessit. Imperatoris autem possessionibus nomen suum inscribi prohibuit, non esse illas dictitans imperantium proprias, sed communes Romanorum & publicas: vectigalia quoque omnia, quæ ad contrahendas pecunias tyranni excogitaverant, in fluviorum ripis, in urbium portibus, perque vias & itinera, penitus remisit, atque in antiquam libertatem revocavit. Delatores præterea urbe exegerat, & objubi invenirentur, puniri imperaverat, cavens, ne cui de vanis criminibus periculum conflaretur. Unde maxima tranquillitate beatissimoque rerum statu, senatus cæterique perfruebantur. Siquidem adeò se æquabilem, paremque cæteris præstabat, ut filium quoque jam adolescentem in aulam palatinam nunquam adduxerit, sed intra privatos parietes continuerit, sic ut ludum quoque literarium, atque gymnasia de more itaret, nihil privatis absimilis, erudireturque & omnia perinde ut quivis è medio agigaret, neque ullam aut tyrannicam, aut omnino imperatoriam pompam ostentaret. 3 Hæc vita, hi mores plerumque sunt regum atque principum, quos non fors nascendi, sed judicium eligentium summæ rerum præficit.

3 Idem ibidem.

Longe diversum ingenium natus princeps obtinet, qui nimium



mium tam de suo quam de suorum natorum imperio securus, negligit artes boni principis, civium studia non curat, subditos dura premit servitute, imo & tyrannide. Siquidem difficile est, in maxima licentia moderari sibi, quasque frenos imponere suis cupiditatibus. Possem innumerabiles in rem præsentem commemorare historias, sed ne longus sim, unus pro multis exemplum Commodi imperatoris itidem Romanorum attingam, qui Marco Imperatori patri suo in imperium successit, & cujus hæc fuit ad milites oratio. <sup>4</sup> *Nunc, ait, me post illum* (subaudi Marcum imperatorem) *vobis fortuna principem dedit, non quidem ascititium, quales ante me fuerunt, neque velut acquisito imperio gloriantem. quippe unus ego vobis natus educatusque in aula, privatisque intactum cunabulis, statim me, ut ex alvo prodieram, imperatoria purpura suscepit, simulque sol hominem me vidit, & principem. Hac cum animis vestris reputantes jure principem colite non datum vobis sed natum. Nam pater quidem jam in cælum eveltus, consors est, confessorque deorum, nobis autem, orbis terrarum gubernacula, rerumque humanarum cura incumbit. Quæ quos successus quantasque habitura sunt vires in vestra manu est.*

<sup>4</sup> Herodian.  
Hist. lib. 1.

Hic ergo jactator juris sui, imperiique hæreditate obtenti, non dico negligenter rempublicam administrabat, sed ita se insolenter impudenterque in summa potestate gessit, ut ejus scelera neminem latuerint, imo nec ipse illa latere volebat, sed quæ domi non sine infamia patrabantur, ea etiam in publicum ostentare haud verebatur, eoque vecordiæ, petulantiaque processerat, ut paternum primo cognomen repudiaret, ac pro Commodio Marci filio Herculem se Jovis filium, jussit appellari, depositoque usitato principum Romanorum cultu, leonis pellem substerneret, manuque clavam gestaret, simul purpureas sibi atque auro intextas vestes circumdaret, non sine omnium irrisione; quippe eodem schemate, & scæminarum luxum, & heroum virtutem repræsentabat. Talem se videlicet quotidie præstabat. Idemque mensium nomina demutavit, ac pro vetustis appellationibus, novas de suis cognominibus imposuit, quorum ad Herculem pleraque tanquam scilicet ad fortissimum referebantur. Quin statuas quoque sibi tota urbe poni jussit, inque iis unam pro curia, quæ arcum contenderet, ut etiam imagines ipsæ terrores atque minas præ se ferrent. 5

Rr 2

Deni-

<sup>5</sup> Idem ibi.  
dem.



Denique injustæ neci destinaverat ingentem illorum numerum, qui plurimum auctoritatis in senatu obtinebant. Siquidem senes universos, paternos amicos tollere è medio, ne censura illorum sua interpellarentur flagitia, bonaque ipsa divitum dilargiri partim militibus, partim gladiatoribus decreverat, ut alteri se defenderent, alteri oblectarent. Quæ crudelitas certò certius ad exitium fuisset deducta, nisi libellus necis candidatos continens, cito fortuna incidisset in manus Martiæ, concubinæ illius, & ab illa ad Lætum exercitibus præfectum & electum, cubiculi custodem, quorum etiam nomina erant inscripta, devenisset, qui veneno illi propinato, fatum à se in ipsum auctorem transfulerunt.

6 Hist lib. 1.  
in fin.

Fuerunt & alia ipsi turpissima flagitia, valde familiaria, quæ si referre vellem, longiori sermone opus esset. Compendium gestorum illius his verbis complexus est Herodianus. 6 *Totam vitæ rationem studiis sædissimis contaminavit.*

Atque hæc ideo studiosius recensui, ut electus princeps cum nato compositus clarius elucescat.

Jam verò ubi magis floret libertas populorum, quàm sub eo principe, quem non inviti patiuntur, & cui ipsi in se cives imperium dedere: modestè quidem & ex legibus regenti, perpetuum: potestate verò abutenti, pactaque non servanti, revocabile: ut in Romano germanico imperio fieri posse docuit publicè in Universitate Ingolstadiensi me audiente Dominus Erasmus Pascha Comes Palatinus Jurisque publici Professor, cuius piis manibus sit pax & lux sempiterna.

Taceo per electionem excitari vehementer studia virtutum in civibus, præsertim potentiâ & familiâ illustribus, ex quibus cum quilibet clavo imperii assidere possit, iis utique virtutibus studebit, quæ ad hoc fastigium solent extollere.

Hoc etiam electionem principis non leviter suadet, quòd sicut in gubernatione navis, non filius, si artis expers fuerit, succedit in parentis vices, sed qui optimè callet nauticarum rerum scientiam; ita administrandæ reipublicæ non hæres, & præsertim iners, debet se immiscere, sed illi, debet summa rerum deferri, cujus industria & humeri, tanto oneri sufficiunt: alioqui verandum est, ne vera fiat fabula Phaëtonis, qui currum paternum malè imperitèque regendo, & orbi incendium, & sibi exitium attulit. 7

Deni-

7 Ovid. Metam. lib. 2.



Denique in principibus idem omnino spectandum esse videtur, quod & in vestibus atque ornamentis. Quemadmodum enim aliqua prudens atque nobilis matrona, nubilem filiam habens, oculisque procorum illam ornare cupiens, non emit illi venales à propola vestes, in casum pro quocunque consutas, quia illæ quasi natæ, difficile omnibus membris adaptantur, sed potius accepta purpurâ, aut tela aurea, secundum habitum mensuramque corporis puellæ conficit pro illa vestimenta. Ita & respublica ut aptum regimini præficiat, non utique ad natum principem debet respicere, cujus fortassis vita atque mores, non sunt publico optimo commodi; sed talem eligere, cujus industria & vires pares visæ fuerint tantæ moli sustinendæ, & qui dedit plurima optimæ spei documenta.

## S. II.

*Adducuntur argumenta quæ suadent Principem natum.*

**B**Eatiorem esse rempublicam, in quâ summa rerum successorio jure, & extra sortem, uni masculino ætatis prærogativam habenti committitur, quàm ubi suffragiis populi princeps creatur. Et inprimis offerunt se antiquitate vetustissima regna, quæ à stirpe ducuntur, Assyriorum nimirum, Medorum, Persarum, Ægyptiorum, Asiaticorum, Parthorum, Armeniorum, Turcarum, Indorum, Africanorum, Tartarorum, Arabum, Moschovitarum, Anglorum, Scotorum, Celtarum, Francorum, Hispanorum, Perusinarum, Numidarum, Æthiopum. Quin etiam Græci quondam Athenienses, Lacedæmonii, Sicyonii, Corinthii, Thebani, Epirotæ, Macedones, atque adeo Hetrusci ac Latini veteres, quam plurimis sæculis, reges à stirpe regum habuerunt. <sup>1</sup> Solis ferè Sarmatis & Gothis ad electos imperia deferentibus: qui certè consensus, tot tantarumque nationum, filios ad regna paterna assumentium, vim utilissimæ, ac salutaris cujusdam legis continere videtur. Profecto maxima est utilitas summum evitare incommodum, quod habent imperia jus suffragiorum servantia, videlicet Anarchiam: tempore enim interregni respublica sine cujusquam dominatu existens, in eo discrimine ponitur, quo navis in mediis fluctibus gubernatore

<sup>1</sup> Thucidi.  
des.



destituta, ac momento peritura, si tempestate abripiatur: & ut evadat pericula, attamen ferocissimis ac audacissimis civibus, campus ad licentiam aperitur, qui in fortunas vitasque innocentium impunè grassantur: quod malum eo perniciosius est, quod diutius propter discordiam eligentium, respublica est sine principe: quod contigit (ut infinita exempla prætermittam) in imperio Germanorum, ubi amplius octodecem annis nullus erat imperator, post eadem videlicet Vilielmi Comitis Batavorum, quem imperatorem renunciaverant suis suffragiis creatores ipsi, qui deinde Alphonso decimo Castulonig regi imperium mandaverunt: hic tamen delatum honorem recusavit, ne vel subditorum arbitrio, vel principum invidiæ, vel sicariorum libidini pateret. 2

2 Bodin. lib.  
6. de repub.  
cap. 5.

Nec medicina huic malo potest idonea reperiri. Nam si quæ esset, esset creatio procuratoris, aut ad senatum regiminis devolutio. Sed eadem dissidia quæ in eligendo rege æque oriuntur, etiam in eligendo imperii procuratore. Et ut contingat concors ipsius creatio, quis fidejusserit pro ipso, quominus si possit perpetuo esse in imperio, nolit, cui præsidium militare, quo eum stipatum esse necesse est, tam difficile est nolenti eripere, sicut clavam Herculi.

Penes Senatum etiam gubernacula esse, æquè periculosum est, tum, ne Monarchia, in Aristocratiam convertatur, tum ne potentiores, per factiones, & bella civilia ambient imperia.

Sed fingamus salva esse omnia, summam eligentium concordiam, procurantium modestiam, Senatorum fidem, adhuc imperia sub electo domino sunt infelicia, & ruinæ obnoxia: qui enim sciunt non diuturnum esse suum dominium, nec illud ad filios suos perventurum, artibus variis publica & communia bona convertunt in privata, animis magistratuum promissionibus, & pecunia expugnatis: testis est hujus rei Robertus Imperator, qui tres urbes imperiales filio donavit, testes sunt & alii quos refert Bodinus rerum politicarum scriptor accuratissimus. 3 Sed illi illorumque similes, satis adhuc modeste se gerere in imperio videntur, qui particulis reipublicæ minutioribus sunt contenti: sunt alii præsertim liberis abundantes, qui vias omnes, natis, & seris suis nepotibus ad imperium muniunt.

3 Lib. 6. de  
rep. cap. 5.

Huc



Huc etiam spectat quod principes regna incertis successoribus relicturi, plerumque minus sunt solliciti, de eorum conservatione, & augmento, publica omnia negligunt, vias publicas, pontes, fora, theatra, arces, propugnacula, munitiones civitatum, muros, & hujus generis alia ad ruinam inclinata non reficiunt, thesauris coacervandis intenti, ut ad hæredes, ad quos non transmittunt jura majestatis, saltem divitias & potentiam transmittant.

Porro quod plerique censent principibus natis proprium esse vitium superbiæ, atque insolentiæ, id profecto perpetuum non est, & etiam, ut ex collatis exemplis patet, electis æquè ac natis usitatum, imo fortè magis est familiare. Nam qui populi suffragio creantur, insolito honore affecti, seipsos non capiunt, & supra modum rerum humanarum tument. atque si adhuc privatam vitam in obscuro loco habuerunt, ad imperium pro-  
vecti, fortunæ tradunt mores, & tyrannidem crudeliùs exercent, quam regali sanguine oriundi, ut sit verissimum quod dicitur.

*Asperius nihil est humili cum surgit in altum.*

Rhamnus arbor contemptissima spinisque acutis horrida, ad imperium à cæteris lignis vocata, imperat ut omnia etiam excellentissima ligna, se frangant, & sub umbram ipsius, fruticis humi serpentis se inclinent. Si (inquit) *me regem vobis constituistis, venite, & sub umbra mea requiescite, si autem non vultis, egrediatur ignis de rhamno & devoret Cedros Libani.* 4 Insolentia Commodi Imperatoris, superius commemorata, non fuit ex vitio nati-  
vitatibus, certe erat feliciter natus ex Marco imperatore Romanorum optimo, omnibusque carissimo, qui eum magna diligentia curaque indicavit, accitis undique viris, doctrina claris, maximaque proposita mercede, uti mores pro se quisque filii, ingeniumque excolerent. Nec inutilis fuit illa parentis circa institutionem filii sollicitudo, quippe optimis artibus & moribus dignum se ille folio paterno præstiterat, in quo ab initio egregia specimina optimi principis exhibuit, propter quæ omnes illum amabant, & quidem verissimis affectibus, donec mensarii adulatores, qui ventrè atque obscænis voluptatibus felicitatem metiebantur, urbis Romanæ delicias commemorando, adolescentis imperatoris animum voluptatum cupidinibus incende-  
rent,



5 Herodian.  
Hist. lib. 1.

6 Bell. Ju-  
gurth.

rent, & ab amore patriæ animum illius averterent, pessimorum civium insidiæ principi satis adhuc commodo structæ, 5 Quod quidem in Commodo non laudo, qui à recto cursu nequaquam aliorum vitio debuit auferri, sed interim nec electos principes simili labe carere ajo, Scio ego (inquit Marius 6) plerosque non iisdem artibus imperium petere, & postquam adepti sunt gerere: primo industrios, supplices, modicos esse, dein per ignaviam & superbiam atatem agere.

7 Proverb. 8.

8 In Paneg.  
Trajano di-  
cto.

Nec illud sempiternæ veritatis est, quod penè ab omnibus asseritur, virtutem in electo, fortunam in nato principe esse electricem. Gentilium fide, non tamen sapientiorum, fortuna rerum humanarum domina esse credebatur. Christiana religio cum omnia ad consilium supremi rerum omnium gubernatoris DEi referat, tum præcipuè rectorum supra populos constitutionem, juxta illud: *Per me reges regnant, & legum conditores iusta decernunt: Per me principes imperant & potentes decernunt justitiam.* 7 Imo gentiles multi cœlitus principes dari credebant, ut constat vel ex illis verbis Caji Plinii. *Si adhuc, inquit, dubium fuisset, forte casuque rectores terris an aliquo numine darentur, principem tamen nostrum liqueret divinitus constitutum.* 8

Cum itaque constet omnes principes regesque ad imperia à DEo evehi, dubium non est genitos principes magis quodam modo pleniusque regendi potestatem habere à DEo, quam per electionem creatos, illi enim sola DEi dispositione, hi etiam humana electione rerum potiuntur. Et quia eligentes sibi principem plus videntur confidere suæ indultriæ, quam divinæ providentiæ, (alioqui enim sinerent regnare eum, quem DEus forte nascendi præparat imperio) ideo, DEo contemptum suum castigante, fit ut in illum omnium conspirent voluntates, qui pœnasumat eorum diffidentia.

9 Plutarch in  
Mario.

Taceo sæpenumero fieri electionem non judicio, sed affectu, pecunia conducto; sæpe sordes & corruptelas intervenire. Profecto non unus est etiamnum Marius, qui modios argenti plenos in comitium diribitores ferre jussit, ut suffragia plebis lucro inhiantis coemeret. 9 Non unus Cneius Pompeius, qui idem fecisse traditur. Non unus Stratocles & Damocles, qui incunte magistratu, ad auream messem se proficisci publicè jactabant.

Deni.



Denique reipublicæ principem eligenti maxima impendit procella, à filiis regum repulsam ab imperio ferentibus, præsertim si opibus & virtute polleant. Manet enim alta mente repositum iudicium tale. Scribitque in marmore læsus. Alexander Macedo adolescentulus adhuc, votum Attali, alium nescio quem præter Alexandrum, ad regnum successorem desiderantis, ultus est insigniter, poculumque in eum coniecit. <sup>10</sup> Tarquinius culpâ suâ regno exciderat, & tamen nihil non egit, <sup>10</sup> Supplem. Q. Curt. lib. 1. ut illud repeteret: Vejentes ac Tarquinienfes duos duarum civitatum exercitus ad recuperandum regnum adversus Romanos eduxit, & in prælio Brutum, in patrium regnum successorem occidit. <sup>11</sup> Cui malo ut occurratur, potentissimi populi, & maxime Poloni, tametsi nulla vi regum creationem sibi eripi patiantur, filios tamen eorum, omnibus anteferri putant oportere, ut successionis beneficio, bellorum civilium, aut etiam externorum stirpes elidantur. <sup>11</sup> Tit. Liv. us lib. 2.

## S. III.

*Qualis Princeps debet eligi?*

**L**icet propter prædictas rationes successionem principum prætulerim illorum electioni; quia tamen etiam electio non levia habet commoda, propter quæ potentissimis nobilissimisque populis sanctissima est, & diligentissime debet observari: ideo quæ in illa considerare oporteat, paucis indicabo. Sunt autem ista præcipua, Sexus, Genus, Patria, ætas, scientia, mores, & corporis habitus.

Ergo in principe eligendo inprimis ratio sexus vel maxime est habenda, ut nimirum ad sceptrum vir promoveatur & nulla ratione fœmina, quæ ut plurimum vivit passione non ratione, & cujus consilium etiam adversus propria commoda plerumque laborat. Qua de causa Sancto Augustino <sup>1</sup> observante in tota sacra Scriptura non legitur quod fœmina unquam successerit in regno. Si quæ gentes sunt, quæ fœminas in imperium admiserunt, & ex lanceariis (ut ita dicam) fusaria regna fecerunt, æquè ignavæ sunt, & æquè effœminatæ, atque principe ad nihil aliud utentes, quam ut mollius corruant, uti de Asianis legimus. <sup>2</sup> Certe natura non in hoc finxit fœminam, ut <sup>2</sup> Arrian. Nicomed. lib. de Gest. Alex. imperet, sed ut pareat. Quam legem Deus etiam Optimus



Maximus sanctissimo suo decreto confirmavit, virorum potestati mulieres subjiciens. Quin etiam leges imperatoriae non tantum omnes foeminas ab imperio, sed etiam à quovis publico negotio removerunt, & ad solum colum fusumque damnarunt.

Alterum quod in candidatis ad principatum spectari debet, est genus, & splendor natalium. Raro enim ignobiles loco bonis reperiuntur moribus, & semper ferè

*Fortes creantur fortibus & bonis:*

*Est in juvenis, est in equis patrum*

*Virtus, nec imbellem feroces,*

*Progenerant aquila columbam.* 3

3 Horat. lib.  
1. ode 4.

Nobilitas Constantini, Constantii filii, imperatoris inprimis ejus laudibus celebratur. *Aprimo*, inquit orator, incipiam originis tuae numine, quod plerique adhuc fortasse nesciunt, sed qui te amant, plurimum sciunt. Ab illo enim divo Claudio manet in te avita cognatio, qui Romani imperii solutam & perditam disciplinam primus reformavit, immanesque Gothorum copias, Ponti faucibus, & Istri ore proruptas, terra marique delevit, utinam diuturnior recreator hominum, quam maturior deorum comes.

Et paulo post. Inter omnes participes majestatis tuae hoc habes Constantine praeipuum, quod imperator es, tantaque est nobilitas originis tuae, ut nihil tibi addiderit honoris imperium, nec possit fortuna numini tuo imputare, quod tuum est, omisso habitu & suffragatione: non fortuita hominum consensio, non repentinus aliquis favoris eventus te principem fecit, imperium nascendo meruisti. 4

4 Paneg.  
Const. Fil.  
dict.

5 Eccl. 10.

Sacræ etiam literæ ad felicitatem populorum referunt principum nobilitatem. *Beata* (inquit) terra, cujus rex nobilis est. 5 Et regis Chaldaeorum idolum ceteras corporis partes, ex ignobilioribus metallis, caput ex auro optimo habuit, non obscuro indicio, regnorum capita nobilissima esse debere. 6

6 Daniel. 2.

Tertiò consideranda est patria, ut nimirum, qui ad imperium aspirat, civis sit, & non peregrinus. Lycurgus & Solon privatos etiam homines non sunt passi in suis rebus publicis, 7 quanto minus ergo principes? Et videtur quidem id requirere stabilitas imperiorum, ut incolæ potius quam peregrini illa administrent. Aristoteles novem civitatum exempla recenset, quibus peregrinitas infortunium creavit. 8 Scytharum orator Alexandro supra Scythas imperium ambiendi dixit: *Alienigenam domi-*

7 Plutarch.  
in Lycurg.  
& Solone.

8 5. Polit.  
cap. 3.



*dominum pati nemo vult.* 9 Et Æmilius semper scribit, cives irasci, si sibi præficiantur alienigenæ, 10 quia juxta Patritium 11 cives semper putant se contemni, si ab alienigenis regantur, libentiusque obediunt suæ nationis & sanguinis hominibus, quàm extraneis. Decem anni nunc, aut circa sunt, ex quo fui in Hungaria ubi audiui nonnullos Hungaros Posonii murmurantes, indignèque ferentes, quòd in aliquibus locis Ferdinandus secundus Imperator gubernatores Germanicæ nationis posuerit supra cervices Hungaricas.

Et divina lege cautum erat sanctissimè, ne principem peregrinum sacer sibi populus ascisceret. Est autem & ratio hæc, quòd peregrinorum principum suspecta sit fides erga subditos alienigenas, ne scilicet illi populo, unde ortus est potius, quàm cui imperat, faveat, neve levissima re offensus rempublicam prodat suæ nationi, aut ad minimùm thesauros ex regno in patriam transportet. Et quamvis fuerint principes integerrimi, & erga populum cui præsumt fidissimi, nunquam tamen subditorum cogitationes possunt esse quietæ. Considerant enim homines in similibus negotiis, non quid debeat, aut velit, sed quid possit facere is, quem nemo præter DEum arguit de peccato. Hoc etiam peregrinos arcet ab imperio, quòd difficile sit populo, accommodare se principibus alienam linguam loquentibus. Non contemnenda profecto est etiam hæc pars. Nam in gravem afflictionem refertur in sacris, linguam quam quis non novit audire. 12 Sæpe enim, dum alia jubentur, alia intelliguntur, jubentis animus calefcit in iram, quasi despectus, & obedi-  
entis in odium, quasi depressus. Quarto, in electione principis debet videri, ut ætas tanto officio sit idonea, ejusmodi autem est media inter senectutem & juventutem. Senes enim sunt non diuturni, juvenes violenti & temerarii, senes brevis gaudii, juvenes diuturnæ expectationis, & difficillimæ emendationis. Si tamen alteruter necessario eligendus est, senex est præferendus. Dedit enim patrem patriæ esse impuberem: *Va terra, cujus rex puer est, & cujus principes mane comedunt.* 13 Ingenia a-

9 Curtius  
lib. 7.  
10 3. Dere-  
bus gest.  
Franc.  
11 De rep.  
titu. 2.

12 Psalm. 80.

13 Eccles. 10.



rum voluptatum magistros summis afficeret præmiis: deinde illorum, qui Alexandro successerant, ita enim contumeliosè violenterque dominati sunt, ut illius imperio grave dedecus conciliarint. Siquidem Ptolomæus, eo turpitudinis prolapsus est, ut contra Macedonum, atque adeo Græcorum omnium leges, etiam sororiis amoribus implicaretur. Antigonus autem quo Liberum patrem repræsenteret pro causâ & diademate Macedonico, hederam capiti circumdare, tyrsumque pro sceptro gestare solitus erat. Quid dicam de Nerone, qui ne à materna quidem cæde abstinuit, & se ridiculum populo spectaculum præbuit? Quid de Domitiano, qui nihil sibi ad extremam crudelitatem reliqui fecit? quid denique de Commodo, qui ut paulò ante dixi, totam vitæ rationem, studiis scædissimis contaminavit. 14

14 Herodian.  
Hist. lib. 1,  
in fine.

In laudibus Trajani optimi Romanorum imperatoris recensetur ætatis inflexa maturitas, nec sine quodam munere DEUM, festinatis senectutis insignibus, ad augendam majestatem ornata cæsaries. 15 Respublica Romana quam religiosa fuerit in ætate principis attendenda, licet conjicere ex Latino Pacato. 16

15 in Paneg.  
Trajano dicto  
16 in Paneg.  
Theod. dicto.

„ An vero, inquit, quicquam putamus in imperii tui declaratione præteritum; quum ductam esse rationem ipsorum, etiam videamus annorum. Cujus quidem rei, ita fuit cura majoribus, ut non solum in amplissimis magistratibus adipiscendis, sed in præturis quoque aut ædilitatibus capescendis, ætas spectata sit petitorum, nec quisquam tantum valuerit nobilitate, vel gratia, vel pecunia, qui annos comiti, ali lege præscriptos, festinatis honoribus occuparet. Nec injuria id quidem, nam & qui venturi sunt in virtutis adoptionem, illo tamen adolescentiæ lubrico, ut non cadant, titubant. Annon clarissimos nominis Romani viros (illos Catullos, Scipiones loquor) aliquantisper sibi luxuria vendicavit? quos etsi ad portum mutati in melius revexerint flatus, diu tamen vitiorum turbo jactavit, & naufragos atque fluctuantes, ab illis quibus merfabantur erroribus agrè ætas recepit. Bene igitur cuncta quadrarunt, & cæteris quæ innumera congruebant, anni quoque suum junxere suffragium, qui soli in homine perfecti, bono duarum potiuntur ætatum, virtute juvenum, & maturitate seniorum.

Quinta commendatio ad imperium est scientia, necesse enim est



est ut princeps suo capite sapiat, quo propriis modis populo consulat, ne alioqui regem in solio constituere credentes, simum in tribunali statuunt 17 & qui ad terrendum positus, ad ridendum excitet aliena mente recturus, & natantium more, non iturus sed ferendus. Itaque non immerito rex idemque vates sanctissimus David psallit ad Dominum: *Bonitatem & disciplinam & scientiam doce me.* 18 Idem filius ejus regum sapientissimus Salomon instantanter petit à Domino. *Et nunc Domine Deus tu regnare fecisti servum tuum pro David patre meo, ego autem sum puer parvulus, & ignorans egressum & introitum meum. Et servus tuus in medio est populi quem elegisti, populi infiniti, qui numerari & supputari non potest præ multitudinem. Dabis ergo servo tuo cor docile ut populum tuum judicare possit, & discernere inter bonum & malum, quis enim poterit judicare populum istum, populum tuum hunc multum?* Addit sacer textus. *Placuit ergo sermo coram Domino, quod Salomon postulasset hujuscemodi rem.*

1. c. Bern.  
ad Eugen.  
lib. 1.

18 Psal. 118.

Sapiens meliorem dicit esse sapientiam, quam vires, & virum prudentem, quam fortem, unde etiam omnes principes adhortatur ad sapientiam. *Audite ergo, inquit, reges & intelligite, & discite judices finium terra, præbete aures vos qui continetis multitudines & placetis vobis in turbis nationum.* Et paulo post. *Ad vos ergo reges sunt hi sermones mei, ut discatis sapientiam & non excidatis qui enim custodierint justitiam, juste judicabuntur, & qui didicerint justa invenient quid respondeant. Concupiscite ergo sermones meos, diligite illos & habebitis disciplinam.* Et denique adjicit. *Concupiscentia sapientia deducit ad regnum perpetuum. Si ergo deletamini sedibus & sceptris, o reges populi, diligite sapientiam, ut in perpetuum regnetis. diligite lumen sapientia qui præstis populis.* 19 19 Sapien. 6.

Sexto, necesse est, ut is qui sceptrum capit, laudatæ sit vitæ & mores habeat probatos, qui ex rebus gestis, & tota antea acta vita perspiciuntur. Est certissima conjectatio ex præteritis futurorum, ex gestis gerendorum. Qui autem aut quales esse debeant isti mores, fortassis aliquando peculiari de hoc opusculo differemus. Nunc breviter, in regibus atque principibus requiritur justitia, fides, temperantia, fortitudo, clementia, liberalitas, magnificentia, & constans amor erga sibi subditos.

Septimo, imperaturi etiam corporis forma debent cæteris præcellere. Laudata enim species prodit animi probitatem, &



20 Diaco. in  
Gonsta.

21. Lib. 6.

decor externus internæ pulchritudinis effusio est. Quare non soli milites aliquando Mitium elegerunt, quod esset in castris pulcherrimus, 20 sed etiam Curtio testante plurimis gentibus in maiestate corporis veneratio est, magnorumque operum non alios capaces putant, quàm quos eximia specie natura dignata est donare. 21 Aristotelis maximi auctoris scitum est: Si qui nascantur, tanto aliis corpore excellentiores, quanto simulachris hominum antecellunt deorum imagines, dignos videri reliquos, qui his serviant.

22 Paneg.

Romanis usitatissimum fuit observare vultus eorum, qui ad principatum assumebantur: quo nomine laudavit orator Maximianum. O divinum tuum, inquit, Maximiane iudicium, qui hunc tibi iure adeptionis nepotem, maiestatis ordine filium, etiam generum esse voluisti: divi inquam Constantii filium, in quem se prima illius juvenia transfudit, in cuius ore cœlestes illius vultus natura signavit, qui aspectum illius ad deorum concilia translatis, adhuc desiderantibus nobis sufficit pro duobus. Neque enim forma tantum in te patris, Constantine, sed etiam continentia, fortitudo, iustitia, prudentia, sese votis gentium præsentant. 22 Idem omnino facit & Theodosii imperatoris encomiastes Latinus Pacatus. O digna, inquit, imperatoris nobilitas, ejus principis esse filium, qui hunc Romani fastigii apicem, non solum fortitudinem atque sapientiâ, sed decore etiam corporis & dignitate potuerit æquare, velut tua hæc forma venerabilis, quàm fortunæ suæ par est, quàm longè latèque conspicua commendat imperium, ut plane in ambiguo sit, utrum te magis nostris mentibus an obtutibus vultus insinuet. Non frustra sane opinione sapientum, qui naturalium momenta causarum subtilius sciscitati, arcaneis cœlestibus nobiles curas intulerunt, angustissima quoque species plurimum creditur trahere de cœlo. Sive enim divinus ille animus, venturus in corpus, dignum prius metatur hospitium, sive quam venerit finxit habitaculum pro habitu suo, sive alium ex alio crescit, & cum se patria junxerunt, utraque maiora sunt. Parcā arcanum cœleste rimari, tibi istud soli pateat imperator cum Deo consorte secretum: illud dicam, quod intellexisse hominem, & dixisse fas est, talem esse debere, qui à gentibus adoratur, cui toto orbe terrarum privata vel publica vota redduntur. 23

23 Paneg.  
Theod. Aug.  
dicto.

Cele.



Celebris etiam est scriptoribus forma Commodi Imperatoris, cui præter ætatis florem suffragabatur congruens corporis modus, pulchra virilisque facies, tranquillæ faces oculis atque micantes, flava & crispa cæsaries, ut in sole ambulanti velut igne quodam rutilaret, sic ut euntem quidam scobe aurea putarent conspergi, quidam etiam pro argumento divinitatis acciperent, ac radios esse illos circa verticem genitivos opinarentur. 24

24 Herodian.  
Hist. lib. 1.

Nec gentilium tantum mos fuit, corporis majestatem in principibus magnificere, sed etiam pro Hebræis elegerat Dominus DEUS regem, qui altior fuit universo populo, à humero & fursum. Unde Propheta Samuel ad omnem populum ait: Certe videtis, quem elegit Dominus, quoniam non est similis illi, in omni populo. 25 Denique rex regum Christus, salutis nostræ assertor, speciosus est præ filiis hominum, cui dicitur: *Specie & pulchritudine tua intende, prospere procede & regna.*

25 1. Reg. 10.

## CAPUT X.

*De Rerumpublicarum Mutatione & Eversione.*

**C**ommune est rebuspub. cum omnibus rebus quæ habent ortum, habere interitum. Perpetua enim illa in omnibus rebus (ut loquitur Seneca) lex est, ut ad summum perducta rursus ad infimum, velocius quidem, quam ascenderunt, relabantur. Causæ autem everfionis variæ à scriptoribus afferuntur.

Primam causam dicunt esse Deum, qui ut est benignus rerumpub. conditor, ita & justus earundem everfor, ut id disertè sacra scriptura asserit, dum dicit: *Manus tua gentes disperdidit, & plantasti eos: afflixisti populos & expulisti eos.* 1 Et alibi. *Ipse mutat tempora & ætates: transfert regna atque constituit.* 2

1 Psalm. 44.

2 Dan. 2.

Secunda causa est magistratus injustitia, quando vel sceleribus & flagitiis contra leges datur impunitas, vel innocentia opprimitur. *Regnum,* ait Ecclesiasticus, *à gente in gentem transfertur propter injustitias, & injurias, & contumelias, & diversos dolos.* 3

3 Cap. 10.

Tertia causa est magistratuum discordia, in quam naturaliter proni sunt animi eorum, qui se cæteris plus posse confidunt, atque inde florentissima perdunt imperia.

Quar-



Quarta causa est ambitio, dominandi nimirum libido, & avaritia. Quinta intempestiva magistratus abdicatio: Sexta tyrannis: Septima idololatria: octava libido: nona luxur: decima superbia: undecima pauperum oppressio. Huc etiam spectant, factiones, defectiones, seditiones, proditioes, conjurationes, bella civilia: ut id infinita testantur exempla, quorum plenae sunt sacrae & profanae historiae.

## C A P U T X I.

*De Rerumpublicarum Conservatione.*

<sup>1</sup> Arist. 6.  
Pol. cap. 8.



Um contraria contrariorum sint teste Philosopho efficientia <sup>1</sup> dubitare potest nemo, causas, quae supra enumeratae sunt contrariae, salutem rerum conservare.

<sup>2</sup> Politi. 2.

Ac inter illas prima est pietas & religio, quae recte à Platone fundamentum reipub. constituitur, <sup>2</sup> & quae sublata, simul tollitur fides, & societas generis humani, & excellentissima virtus iustitia.

Altera causa conservans resp. est sapientia, neque enim magnificis murorum structuris, neque infinita civium multitudine, vel gubernatur vel continetur civitas, sed prudentia & moderatione rectorum. Et quamvis respublicae labantur, ac ruant, facile tamen per sapientiam emendari & ad rectum statum revocari possunt.

Tertia causa est legum observatio, nam tamdiu sunt incolomes respub., quamdiu & bonae leges. Qua de causa Sparta Timoris templum juxta tribunal Ephorum collocatum fuit: ut iis qui legibus non parerent, poenae metus injiceretur.


Quarta causa est iustitia, quinta concordia, sexta poenae delictorum, septima principum ac magistratuum vigilantia, octava mediocritas ac moderatio in divitiis, honoribus, victu, vestitu, aliisque rebus omnibus observata: nona, illustrium familiarum conservatio: decima aerarii cura: undecima factionis ac seditionis ducum tempestiva oppressio.

F I N I S.


*Omnia subsint censura sacrae Romanae Ecclesiae.*























179.6.1666.

Biblioteka Jagiellońska



stdr0002654



